


2



M

ibliotheca
majori Coll. Rom.
Societ. Jesu

3.4.25.

5 B



VIT A
IGNATII
LOIOLÆ,

Qui Religionem Clericorum
Societatis I E S V instituit;

A Petro Ribadeneira sacerdote Societatis eiusdem
pridem conscripta, & nunc denuò recognita
& locupletata.



ANTVERPIÆ,
Ex officina Christophori Plantini,
Architypographi Regij.

M. D. LXXXVII.

BIBLIOTECA NAZ.
ROMA.
VITTORIO EMANUELE.

SVMMA PRIVILEGII.

REGIS Privilegio cautum est, ne quis citra
Christophori Plantini voluntatem, Vitam Ignatij
Loiolar, qui Religionē Clericorum Societatis
I E S V instituit; à Petro Ribadeneira sacer-
dote Societatis eiusdem pridem cōscriptam,
& nunc denuò recognitam & locupletatam,
à die impressionis absolutæ ad quadriennium impri-
mat, aut alibi impressam in suas ditiones importet,
venalē inve habeat. Qui secus faxit, confiscationis li-
brorum & gravis multe pœna multabitur: ut latius
in Regio diplomate expressum est, dato Bruxellis,
26. Januarij. M. D. LXXXV I I.

Sign.

I. de Witte.

3

CANDIDO LECTORI
PETRVS RIBADENEIRA
Salutem in Christo.



IBELIVM hunc de vita Ignatij Loiolę Societatis nostrę parentis, ante annos quindecim, iussu patris nostri Francisci Borgię, Prępositi tunc Generalis, Latine conscripsi. In eo scribendo tria mihi potissimum seruanda proposui. Primum, ne quid dubij affirmarem pro certo, nequid incerti pro explorato. Alterum, ne copia rerum, quę in tam feraci argumento, multę, magnę, & varię se offerebant, lectorem onerarem: sed potius habito delectu, ex tot, tantisq. virtutum exēplis, quędam illustriora tantum exciperet, & vel ad permouendos animos ad pietatem, vel ad Societatis nostrę quasi cursum explicandum, aptiora. Tertium fuit, ne inani styli affectatione res propositas amplificarē, & hederam (quod aiunt) quasi vino minus vēdibili suspenderem. Hac in libelli huius confectiōe tunc secutus sum: assecutus ne sim, nescio. Ex hoc certē meo consilio factum est, vt nonnulla prętermitterem, quę incerta mihi, certa aliis videbātur: quędam etiam silentio pręterirē, quod similitudinē & cognationem quandam habere videbantur cū aliis, quę à me narrabantur in historia. Deniq. dum brevis esse laboro, & orationis copiam fugio, in obscuritatē fortasse incidi: & res quasdam dum verbis ornare nolo, breuiter perstrinxi, & attigi potius, quàm explicauī. Quocirca, cū P. N. Claudij Aquaiunę iussu, ac voluntate libellum hunc recognoscere, & typis rursus mandare:

vellem, multa mihi necessario addenda iudicaui. Primum noua quædam, quæ post libellum excusum, grauissimi viri, & Ignatio valde familiares, & ante Societatem conditam intimi necessarii, quali testes oculati de ipso Ignatio nobis retulerunt. Tum alia, quæ dubia antea mihi erant, & diligenti postea inquisitione inuestigata, certa esse comperi. Deinde etiam nonnulla dicta, factaque Ignatij adieci, quæ ad sanctissimæ vitæ pertinent disciplinam, & ad præstantem alios gubernandi prudentiam. Vt Societatis videlicet filij (quos potissimum meus hic labor spectat) in hoc veluti speculum intueantur: & optimi atque sapientissimi magistri, & parentis sui expressum habeant, quod imitentur, ante oculos positum omnium virtutum exemplum. Multa tamen reliqui & pressi, ne prolixus forte ac molestus essem. Atque hunc Latinum librum recudendi, augendi que laborem, eo libentius suscepi, quod hæc eadem Hispanicè etiam pridem scripsi, atque in vulgus emisi, & in nostrorum hominum manibus sunt; & (quæ Dei benignitas est) cum fructu, ut audio, voluptate que leguntur: ex quo Latinè etiam scribenda videbantur, & cum reliquis aliarum nationum Patribus communicanda, quæ ad omnes pertinent: quo eorum latius pateat utilitas. Sunt enim multa (ni fallor) in hoc libello, quæ non solum ad virtutem, sui que profectum nostros, sed etiam ad alios prudenter instituendos, magnopere iuuare possint. Nam profectò Ignatius noster, cum ceterarum omnium virtutum, tum verò spiritualis ac diuinæ prudentiæ laude maximè excelluit: ea que non magis in constitutionibus, regulis, decretis, responsis, quam in factis illius eminet. Præterea, cur hunc laborem subirem, illa etiam causa fuit, quod viderem præclaros nonnullos nostra tempestate scriptores, multa de Ignatio nostro, & Hispanicè, & Latinè memoriæ prodidisse, eruditè quidem
atque

atque eleganter, sed quæ ingenium autorum ac pietatem magis indicent, quàm incredibile nostrorum desiderium expleant, & incensam res omnes Ignatij audiendi sitim restinguant. Cuius ego viri historiam, quoniam à puero sanctissimæ ipsius vitæ spectator atque admirator fui, pleniorē ac maiori rerum fide scribere potero, illumque suis coloribus exprimere. Hæc te, candide lector, in hac nostra recognitione admonitum volui: tu pro tuo cādore boni consule, & vale in Christo.

CARISSIMIS IN CHRISTO FRATRIBVS

Societatis IESV Petrus
Ribadeneira S.



ITAM IGNATI I
Loiola, nostra Societatis auto-
ris, omniumq; nostrum paren-
tis optimi, scribere instituo.

Magna certè provincia, tantum excellen-
tium virtutum splendorem verbis nō obscu-
rare, & parem rebus scriptionem asferre:
Sed in hoc tamen onere ferendo, multa me
sanè consolantur. Primum, quòd illud ego
non mea sponte suscepi: sed illius voluntate
adductus, cuius apud me autoritas est, sicut
debet esse, grauissima. Nam R. P. Franciscus
Borgia, Societatis nostræ Præpositus Gene-
ralis, hoc mihi onus imposuit, cuius ego vo-
cem, Christi vocem putare, eiusq; nutus in-
tueri, summam religionem, atq. obseruantiam de-
beo. Deinde, quod ad Deum, qui mirabilis in
Sanctis suis est, & fons atque origo Sancti-
tatis

tatis omnis, ex hoc meo labore, laudis aliquid
 peruenturum confido. Ille est enim, qui reli-
 giosa omnia instituta stabilivit: & viam ar- Matt. 7.
 etiam, & portam angustam esse ad beatitu-
 dinem docuit: & ne labore, aut perueniendi
 difficultate deterriti, animos despöderemus,
 ipsemet, qui & ostium, & via est, dux etiam Ioan. 10
& 14.
 noster esse dignatus est: & suo exēplo, tum
 compendariam, & rectam, tum verò faci-
 lem viam, atque expeditam nobis efficere. Ille
 admirabili providentia, omnibus propemo-
 dum seculis, atq. etatibus, diuinos quosdam
 viros, quasi caelestes faces, in terras mittit: vt
 singulari Euangelicæ disciplinæ, & Christia-
 næ perfectionis ardore flagrantes, ignem il-
 lū, quē mittere ipse in terrā venit, exsuscitet: Luc. 12.
 & inflammatis vocibus, atque exemplis, ex-
 tingui non sinant. Ille Ignatium donauit no-
 bis. Quare de Ignatio quæ à nobis dicentur, à
 Deo profecta, in Deum omnia referantur:
 cuius tanta est erga omnes homines bonitas,
 vt eorum velit esse merita, quæ sunt ipsius
 dona. Quod Sancti ipsi agnoscunt, & te-
 stantur, cum ante illius thronum coronas

APOC. 4. *suas capitibus detractas, reuerenter depo-
nunt. Hunc accedit cum aliorum, quos per-
multos esse intelligo, tum verò omnium ve-
strum, fratres, incensum quoddam hec au-
diendi legendiq; studium: cui ego quidem
tam honesto presertim ac pio satisfacere pro
mea parte, vehementer cupio. Quis enim
cum extremis iis, calamitosissimisq; tempo-
ribus, hanc Societatem Dei Opt. Max. be-
neficio constitutam, & tam longè latèque
diffeminatam, atque breuissimo tempore,
toto propemodum terrarum orbe propaga-
tam intelligat, non iure eius ortum, initia,
progreffiones requirat? Atque hac quidem
ratio, fratres, cum ceteris nobis commu-
nis est: illa precipua, ut quem ducem se-
quimur, eius quoque virtutem imitemur.
Ut enim illustrium familiarum alumni, suos
quique duces sibi ante oculos ponunt, ut ad
eorum normam, vitam omnem suam, &
actiones dirigant: sic nos Ignatium, du-
cem nobis diuinitus datam, & sacra mili-
tie nostrae antesignanum, & principem pro-
ponere nobis debemus: & eminentem illius
om-*

omnium virtutum formam, moribus si minus exprimere, certè quoad possumus adumbrare. Erit etiam fortasse noster hic vobis non solum utilis, sed etiam non iniucundus labor. Nam qui alicuius vestigia persequi cupiunt, vitæ quoque illius explanatione delectantur: & cum voluptate audimus, quæ cum fructu imitamur. Quid illa, quæ extremoloco à me posita, non extrema apud me debet esse, grati videlicet animi pietas, & iucunda quadam eius viri recordatio, qui me in Christo genuit, aluit, educauit? cuius ego piis lacrymis ac precibus meam vitam & salutem acceptam ferre planè debeo? Quamobrem illius vitæ memoriam, iam prope senescentem, eo etiam ab obliuione hominum vindicare conabor: vt quoniam parem beneficij gratiam referre nequeo, referam certè, quantam maximam possum. Erit igitur meus hic scribendi labor, Deo, vt spero, non ingratus: Ignatio ipsi debitus: vobis, fratres, forsitan fructuosus: alienis minimè, vt opinor, molestus: mihi quidem, etsi

propter corporis imbecillitatem grauis, propter officium tamen pietatis iucundus: quem spero equidem hac tantarum rerum compensatione leuiorem futurum. Et quoniam historiae prima lex veritas est, hoc in primis profiteor, me nihil inexplorati scripturum: sed res mihi notas, certas, testatasq; literis proditurum. Ea enim in medium afferemus, quae nos ipsi aut in Ignatio vidimus, aut ex ipso aliquando audiimus. Siquidem tanta erga me Pater misericordiarum benignitate usus est, ut me puerum, ac vix quatuordecim annos natum, nullo meo merito (nondum Societate nostra à Paulo III. Pontif. Max. confirmata) ad cognitionem Ignatii, atque ad eam familiaritatem adduceret, ut ab eius latere non discederem; sed domi, foris, omnibus in rebus illi praesto essem; eiusque dicta, facta, vultum, motus obseruarem, magno certè cum animi fructu, magna cum admiratione. Quae quidem tanto in me quotidie magis augebatur, quanto & Ignatii virtus in singulos dies magis enitebat, & mihi
eius

eius splendorem, etate progrediente, perspicere magis licebat. Propter hanc igitur diuturnam consuetudinem & familiaritatem, non solum exteriora & aperta cum multis, verum etiam interiora & recondita quædam Ignatij cum paucis, ex ipso sæpe cognouimus. Deinde ea dicemus, quæ assidua multorum annorum flagitatione victus, & omnium ferè patrum contentione, ipsemet Pater, de vita à se antè acta, P. Ludouico Gonzali aperuit: idq; eo anno, qui eius mortem antecessit, meditato, magnòque consilio fecit: Nam ex quo nostra primùm Societas est instituta, & clarissimè omnium virtutum radij, quibus Deus animam serui sui Ignatij collustrauerat, erumpere, atque splendere cœperunt: magno desiderio omnes eius filij affecti sumus, ea cognoscendi, quæ ad vitam patris nostri morèsque pertinebant. Quibus videlicet cum rationibus Deus euocasset, quibus iniitiis, mediis, profectibus purgasset, illuminasset, perfecisset. Equum enim, & rationi consentaneum videbatur,

eos qui spiritualis huius aedificij lapides essent, scire atque omnino intelligere, quibus fundamentis hoc ipsum aedificium niteretur: & eius potissimum Patris vestigiis insistere, quem celestis doctrina magistrum, atque huius viae ducem à Deo accepissent. Neque verò fieri poterat, ut probè imitemur, quæ plenè nobis cognita non essent. Quamobrem, summa diligentia res omnes Ignatij inuestigauimus, & ex eo ipso, præterita vitæ rationes tantopere audire cupiimus, postulauimus, efflagitauimus: ipse verò continuis precibus, & ardenti nostrorum studio cessit tandem, & se vinci passus est. Neque enim quæ seruis suis Deus confert beneficia, ipsis solis confert, sed ad multorum etiam vtilitatem: & quanuis illi ipsi qui accipiunt, occultent sæpè quæ accipiunt, & silentij & humilitatis velo tegant: Deus tamen illos interdum mouet, & ad proferendum impellit. Ex quo cum beatus Franciscus sacra stigmata, quibus mirabiliter fuerat insignitus, occultare primum quidem vellet, postea tamen dubita-

7c cœpit, ea ne prodere Deo gratius futurum esset? quod cum in consultationem sanctus Pater adduxisset, & ex sociis suis quæsiuisset, num illustrationem quandam, quam à Deo acceperat, patefacere deberet, an dissimulare, ac silentio premere?

quidam ex sociis respondit, quod à D. Bonaventura iis verbis memoriae proditum est: Bonan.
in vita S.
Frâcisçi
c. 13.

Frater, non solum propter te, sed etiam propter alios, scias tibi ostendi aliquando sacramenta diuina: timendum propterea iure videtur, ne si quod pluribus profuturum accepisti, celaueris, pro talento abscondito reprehensibilis iudiceris. Hac igitur causa fuit, cur permulti sanctissimi viri ea promerent, & in hominum utilitatem proferrent, quæ occultè, in secreto cordis, atque intimis animi sensibus à Deo acceperant. Immo vero plurimi hac ipsa conscripserunt, & liquidas purissimâsque animi voluptates, spiritus suauitates, diuina planè, & quæ omnem sensum exuperant solatia, quibus benignissimus dominus eos excitabat, sustentabat, inebriabat, & in se (ut ita dicam)

dicam) transformabat, literis etiam consignarunt. Quæ omnia in tenebris certè iacerent, nisi illi ipsi in lucem protulissent: & nisi Deus, qui tam liberalis erga illos fuit, summa etiam in nos benignitate, sanctos suos permouisset, ut quæ in tenebris acceperant, in lumine dicerent, & quæ in
Mar. 10. aure audiissent, prædicarent super tecta. Quamobrem, hanc Ignatio etiam nostro mentem iniecit, autórque fuit, ut de se ipse ea narraret Ludouico Gonsaluo, quæ ille accuratè diligentérque ex Ignatij ore excepit, & totidem ferme verbis perscripsit. Eaque omnia, quemadmodum tunc quidem scripta sunt, apud me habeo. Postremò ea etiam narrabimus, quæ à R. P. Iacobo Layne, Societatis nostræ Præposito Generali, vel sermone, vel scripto accepimus: qui propter arctissimam coniunctionem, & summam cum Ignatio societatem, in perferendis pro Christo & eius Ecclesia immensis prope laboribus, ipsis illis primis initiis, cum esset tempore ex sociis serè primus ex decem, amore omnium carissimus
filius,

tius, multa vidit, multa notavit, eaque
quotidiano sermone, optanti mihi saepe
arravit. Ex iis igitur fontibus hæc nostra
manarunt. Quæ verò incertis autoribus,
ut non satis locupletibus dici poterant, ea
scribenda quidem putauimus. Est enim
persuasum nobis, cum in omni re mentiri
turpe esse, tum verò, in Sanctorum vita re-
uerenda, turpissimum. Nam neque Deus,
ad gloriam suam illustrandam, mendaciis
nostris indiget: neque primam & sum-
mam veritatem, falsis narrationibus &
commentitiis honorare velle, fas est. At-
que hoc etiam spe aggredior maiore ad-
scribendum, quia non de antiquissimi ali-
cuius viri sanctitate mihi agendum est, in
quo veritati quicquam affingere liceat, ne-
mine propter vetustatem iam refellente: sed
hæc iis cognoscenda proferimus, quorum
permulti coniunctissimè cum eo ipso, de quo
loquimur, familiarissimèque vixerunt: ut
summum virum iis, qui illum non viderunt,
eorum quibus ille notissimus fuit, viuorum,
& presentium testimonio commendemus.

De

De instituto autem nostro, & omni scribendiratione, paucus accipite. Ego cùm initio proposuissem, Ignatij tantummodo vitam conscribere, & præclara illius exempla hominum memoria commendare, postea tamen animo plus etiam aliquanto suscepi. Nam quod viderem, ab optimis viris nostrique amantiſſimis desiderari, & Societatis nostra ortus, atque progressus cognitionem requiri, illud etiam attingere decreni, breuitérque explicare, Societatem quam longè Ignatius, latèque propagauerit, nonnullaque complecti eorum, qua in vniuersa Societate, dum ille viueret, scriptione digna mihi visa sunt. Quæ quidem, quoniam illo vel duce gesta, vel defensore propulsata, vel moderatore constituta sunt, implicata mihi cum eius vita, connexaque ita videbantur, vt seiungi commodè, secerarique non possent. Neque mihi tamen hoc propositum est, omnia vt persequar; sed vt pauca quadam deligam, quæ vel illustriora sunt, vel Societatis quasi cursum declarant: & quæ, nisi nunc recenti memoria, literis

teris consignata sint, obliuione forsitan ob-
ruantur. De eorum Patrum vita, qui pri-
mi Ignatij filij, ac socij fuerunt, & viuo
Ignatio, mortui sunt; de nonnullis præ-
terea, qui pro Christi fide amplificanda,
sanguinem profuderunt, singulatim men-
tionem faciemus: de illis, quia nos genue-
runt in Christo: de his, quia mortem na-
turæ debitam, pro Christo potissimum red-
diderunt. De iis, qui adhuc viuunt parcè
loquemur, de mortuis paulò plenius. Ante
mortem, ait Sapiens, ne laudaueris homi-
nem quenquam: quasi dicat, lauda post vi-
tam, magnifica post consummationem. Re-
liquum est, fratres, vt Deum precemur, no-
stris vt cæptis adspiret, & hos libros quin-
que quasi minuta quinque, piè à nobis ad
Ecclesiæ Sanctæ adificationem, in eius ga-
Zophylacium oblata, benignè ad gloriam
suam, atque ad hominum salutem, vtili-
tatemq; suscipiat. Vos verò, fratres, pro fra-
terna & mutua charitate nostra, rebe-
menter obsecro, vt à Deo impetretis, vt mi-
hi tribuat summum hoc beneficium, vt Ignatij

*ij morum sanctitatē aliqua saltem ex parte
 possim imitari. Cuius quidem, si in se depri-
 mendo, constantia; in castigando, seueritas;
 in periculis, fortitudo; in turbulentis rebus,
 tranquillitas; in latis, moderatio; in omni-
 bus pax & gaudium in Spiritu sancto: si
 denique lectissimus virtutum eius omnium
 comitatus assiduè nobis ante oculos versa-
 bitur, rectissimam habebimus regulam atq.
 certissimam, ad quam non solum mores no-
 stros, vitamque conformare, sed etiam ve-
 rum germanumque nostræ vocationis spi-
 ritum examinare possimus: cuius solida
 effigies, & expressa, in illius vita planè
 conspicitur.*

VITÆ

VITÆ IGNATII

L O I O L Æ

LIBER PRIMVS.

ORTVS IGNATII, ET VITA,
antequam à seculi vanitate conuerteretur.

CAPVT PRIMVM.



GNATIVS Loiola Societatis
 IESV auctor, atque institutor,
 nobili loco natus est, in ea Hi-
 spaniæ atque Cantabriæ parte,
 quæ Guipuzcoa, vel Prouincia
 vulgo dicitur, anno humanæ salutis, 1491. In-
 nocentio VI. Pont. Max. Federico II. I.
 Casare Augusto: Ferdinãdo, atque Isabella,
 Catholicis Hispaniarum Regibus. Patrem
 habuit Beltranum Loiolæ Dominum, Loio-
 læ familiæ per antiquæ atque illustris caput.
 Matrem verò Marinam Sonem æquè nobi-
 lem formidatam, quæ filias quinque genuit, fi-
 lios octo: ex quibus Ignatium postremum feli-
 ci partu erixa est. Qui puerili ætate trãfacta,
 in curiã Ferdinandi Regis à parentibus mis-
 sus est. Adolescentiam autem ingressus, & bel-
 lica gloria, & fratrum æmulatione cõmotus,
 in eo multum operæ ponebat, vt rei militaris
 laude esset illustris. Anno igitur Dñi 1527.
 cùm Pompeiopolitana arcem Galli oppu-

B 2

gnarent

gnarent vehementius, (est autem Pompeiopolis ciuitas regni Nauarræ caput) ipsique duces, re desperata, deditiōem cogitarent, eius potissimum opera factum est, vt res differretur, & acius resisteretur ab Hispanis. Sed cum omnes ad oppugnationē machinas Galli admouissent, & tormentis continenter mœnia verberarent, ænea pila bombardæ in eam muri partem, qua Ignatius propugnabat, impacta, crus eius dextrum penitus confregit, atque comminuit: sinistrum verò lapis de muro vi globi labefactato excussus, graui-ter vulnerauit. Ignatio prostrato, reliqui omnes, qui illius virtute nitebantur, spe defensionis abiecta, deditiōem Gallis fecerunt, à quibus captus Ignatius, & in castra deductus, humaniter acceptus est, atque à medicis diligenter curatus. Post aliquot dies liberaliter etiam ad suos dimissus, lecticariorum humeris in patriam reuectus est. Ibi cum vulnus, dextri præsertim cruris, in diēs ingrauesceret, accersiti sunt denuò medici, & chirurgi, qui tibiam rursus esse disiungendam censerunt: vt quæ ossa, siue aliorum medicorum incuria, minus aptè coagmentata, siue itin-eris agitatione luxata fuerant, suis locis restituta, coalescerent. Quam excarnificationem ita pertulit, vt neq. ingemisceret, neq. vultū mutaret, neque vllum infirmioris animi signum ederet: quod & antea, & postea semper in reliquis corporis cruciamentis, quæ passus est, fortiter præstitit. Inualefcebat interim mor-
bus

bus quotidie magis, eoq. iam processerat, vt
ab extremo vitæ periculo non multum abes-
se videretur. Itaque admonitus, peccatorum
suorum confessionem fecit, sacramentorum-
que armis se præmuniuit pridie illius diei, qui
beatissimis Apostolis Petro & Paulo sacer est.

Cum igitur res iam ad summum vitæ discrimen adducta esset, mortemq. imminere iudicarent medici, si ad mediam vsq. noctem, nihil melius eueniret: ea ipsa hora vis morbi remitti apertè cœpit: quod non absq. diuinæ prouidentiae consilio, diuo Petro deprecatore, factum credimus, quem præcipua quadam Ignatius religione semper coluerat, quemque adesse, sanitatemque adferre, sibi videre visus est. Depulso mortis periculo, ossa solidari iam cœperant, & arctius constringi: duo tamen supererant incommoda; alterum efficiebat os sub genu relictum, quod extra prominebat foedius, alterum tibiae contractæ breuitas, quæ & rectè illū incedere, & pedibus firmiter consistere prohibebat. Quibus incommodis vt mederetur, cum elegantiae esset habitusq. corporis studiosissimus, atque institutum militaris vitæ cursum prosequi statuisset; ex medicis primū quæsiuit, possène os illud quod deformiter eminebat excidi? Possè quidem affirmarunt, sed grauissimo tamē dolore, & omnium quos in curatione tolerasset, maximo. Verū ille nihilominus, vt suæ voluntati satisfaceret, & (quod me audiēte narrauit) vt habiles atq. elegantes virbanas ocreas

gestare posset, secari os iussit: neque à proposito abduci potuit, ligarique se omnino veruit, eâ temq. constantis animi firmitate cruciatum illû pertulit, qua superiores vicerat. Atq. hoc remedio deformitas ossis sublata est. Tibiæ contractio aliquantulum curata est, cùm aliis medicamentis, tû machinis quibusdam, quibus magno multorum dierû dolore, continenter eius breuitas protendebatur, neq. tamen vsque adeò produci potuit, quin altera breuior aliquanto relinqueretur.

QVA RATIONE A SAECVLI
vanitate ad Deum conversus sit.

CAPVT II.

INterea cùm in lecto iacere cogeretur, effect-
que in prophanis libris legendis multum
temporis collocare solitus, aliquem eiusmodi
librum sibi ad manum dari iussit, vt eius le-
ctione tempus falleret. Negantibus familia-
ribus domi eiusmodi esse libros, duos Hispa-
nica lingua scriptos accepit, ne prorsus ocio-
sus esset, quorum alter Christi Saluatoris no-
stri, alter Sanctorum vitas continebat. Atque
horum quidem librorû lectione, sensim eius
animus immutari, & imitandi quæ legebat,
studio quodâ affici videbatur. Sed quoniam
anteactæ vitæ consuetudo corroborata erat,
inanium rursus cogitationum concursu ob-
ruebantur, ne coalescerent illa tum primum
excepta pietatis semina. Aderat tamen militi
suo diuina misericordia, & consopitam vir-
tutem

ntem exsuscitabat interdum, ludicrisque, & fallacibus cogitationibus, veras, solidasq. cogitationes ex recentilectione rursus obiciebat. Quibus commotus eius animus ad Christi, & Sanctorum imitationem tam vehementer accendebatur, vt nullis difficultatibus (quæ multæ occurrebant) ab eo proposito deterreteretur. In hac contrariarum cogitationum vicissitudine, distrahebatur in varias sententias, & ancipiti deliberandi cura, huc atque illuc impellebatur: cum mundus apud se retinere Ignatium conaretur, Christus verò ad se illum vocaret, & traheret. Erat tamē illud in hac cogitationū varietate discrimen, quòd fluxæ illæ & vanæ principia habebant læta, exitus amaros. Nam præsentēs cum aderant, suauiter quidem sensibus blandiebantur, sed recedentes, quasi aculeo quodam infixo, mentem aridam, & sibi met displicentē relinquebāt. At verò illę cogitationes de Deo, de Hierosolymitana profectioe, de vitæ asperitate sectanda, de virtutis dignitate complectenda, non solum dum aderant, iocunditatis plenissimæ erant, verum etiam abeuntes, præclara relinquebant suæ lucis & suauitatis impressa vestigia. In quod discrimē à se multis quidem diebus præteritum, & incognitum, quodam die diuinitus illustratus, animum intendere cœpit, & tum demum intelligere, quantū inter utraq; cogitationes interesset. Quā comparationem cogitationum cum cogitationibus, & spiritus cum spiritu contentionē, primam

nam omnium ratiocinationem fuisse perhibebat earum, quas plurimas postea de diuinis rebus Ignatius habuit. Ex qua, usu deinceps vberiore spiritualium rerum aucta, omnium, quas in exercitiis tradidit de spiritu diuersitate, præceptionum riuuli profluxerunt. Etenim animaduertit primum duos esse spiritus, Dei & mundi, non solum diuersos, sed penitus etiam inter sese pugnantes; tum diligenter obseruauit vtriusq. spiritus proprietates. Qua ex obseruatione, diuino munere, & lux consecuta in ratione est ad eiusmodi spiritus discernendos ac diiudicandos: & vis quædam in voluntate excellens ad ea, quæ mundus suggerit, constanter repudianda, ea verò appetenda, & suscipienda, quæ Dei spiritus proponit, ac suadet. Quæ principia in omnem postea vitam diligentissimè seruauit. In hunc igitur modum ab oculis depulsa caligine, cum processus aliquos iam effecisset, & assidua piorum librorum lectione diuturnaq. cōsideratione diuinarum rerum, quas animo cōceperat, se aduersus omnes diaboli impetus obfirmasset; cœpit seridè & grauiter mutandæ vitæ cogitationem suscipere, in mentem reuocare peccatorum suorum maculas, ac secum expendere, quibus illas suppliciis deleret. Quod cū pia cogitatione versaret, & sancta illa, æmulandi Christum, & sanctos viros desideria animo recurrerent, ad omnes difficultates perumpendas, satis ea se cogitatione munitum esse existimabat: in Deo omnia potero, dat
velle,

elle, dabit & perficere. [Cum igitur vitam
 non mutare deliberatum ipsi iam esset, atque
 constitutum, de nocte (ut solebat) surrexit è
 cubili ad orationem aliquando, anxia illa, atq.
 incipiti deliberandi cura liberatus, ut sese per-
 petuum Deo atq. suauissimum sacrificiũ of-
 ferret. Dum autem ante imaginem immacu-
 tæ virginis Mariæ in genua procumbit, &
 eruentes atque humili fiducia mixtas preces
 benignissimo atque dulcissimo filio per pu-
 illissimam matrem offert, seque ipondet vani-
 atis castris contemptis, in eius potestate so-
 re, eius signa fortiter atque perseveranter se-
 cuturum, sub illo Imperatore omnino me-
 riturum: ecce tibi, terræ motu de repente fa-
 cto domus tota contremiscit, fragor ingens
 exauditur, cubiculũ ubi Ignatius erat à fun-
 damentis cõcutitur. Itaque, quemadmodum
 locus, in quo Apostoli orabant, diuinitus cõ-
 tremuit; & carcer, ubi Paulus & Silas vincti *Act. 16.*
 de nocte in oratione vigilabant, terræ motu
 concussus est, eoq̃ue signo declarauit Domi-
 nus, & seruatorũ suorũ virtutẽ, & orationis effi-
 cacitatẽ: sic nunc Ignatio orante, & cubiculo
 contremiscente, voluit fortasse idem Domi-
 nus ostendere Ignatij preces sibi gratas, & ad
 impetrandum efficaces. Vel certè, quod in aliis
 historiis Sanctorum legimus, Dæmon iam vi-
 ctus ab Ignatio, atque superatus aufugit, &
 tremens ac fremens, non obscura diritatis
 atque indignationis suæ dedit signa. Hæc ge-
 sta sunt.] Certi tamẽ ab Ignatio nihil aliud

constitutum est, nisi ut Hierosolymā, vbi con-
ualuisset, proficisceretur, seque prius flagellis,
ieiuniis, & id genus asperitarius generosa
quadam indignatione conficeret. Atque his
desideriis tam incensis cogitationes illę sordi-
dæ & inanes paulatim refrigescerbāt. Sed hæc
illius desideria excitata iam & confirmata,
multo quàm antea inflammavit ardentius
præclara quædam atque admirabilis visio.
Nam vigilanti nocte quadam Ignatio, claris-
sima beatissimæ virginis Mariæ, vnà cū san-
cto puero Iesu species obiecta est: qua aliquā-
diu permanente, mirificè recreatus est, & di-
uina quadam voluptate perfusus. Vnde tan-
tum cum præteritæ vitæ tædium cepit, ma-
ximeque earum rerum, quæ cum obscœna
delectatione coniunctæ sunt, ut omnium im-
pudicarum rerū imagines, ex animo eius ef-
fluere omnino viderentur. Et sanè verā fuisse
visionem, ac fructuosam, res ipsa comproba-
uit, cum ab ea hora ad extremum vsque spiri-
tum, castitatis integritatem diuino beneficio
conseruauerit. Hæc meditantem, & res maxi-
mas animo molientem, frater eius, reliquiq.
domestici, sui factum esse dissimilē, non ma-
gno negotio deprehenderūt. Quamuis enim
animi sui sensum nulli deregetet, vultus ta-
men satis, illo tacente, loquebatur: Cū præ-
sertim accederet iugis precario, frequensque
lectio, non iam sermones ludicri cum fami-
liaribus, sed de diuinis rebus, pietatis, grauita-
tisque plena colloquia, multa & diligens scri-
ptio.

Scribebat enim pulcherrima quæque, ac
mè insignia Christi, beatę Virginis, alio-
. Sanctorū, tū verba, tū facta, & in librū
litum, atque elegantem, memoriæ cau-
uam optimis litterarum notis referebat:
idē aureis litteris Christi, puniceis beatę
inis, variis coloribus reliquorū Sancto-
exempla. Sed quanquā ex hisce occu-
onibus magnam ipse voluptatem caperet,
amen erat maxima, quam ex fixo cæli,
arumque omnium percipiebat aspectu,
d quidem & sæpè, & diu faciebat, quod se
ementer accendi ad Deo seuiendum, cæ-
um orbium contēplatione sentiret: quod
eo solū tempore, sed in omni postea vi-
eruauit. Audiuius enim sæpè illum, ex-
na etiam senectute, cū in cælum quā
er circumspectus erat, oculos sustulisset,
que aliquantisper fixos habuisset, obortis
e lætitia lachrymis, dicentem: Heu quam
det terra, cū cælum aspicio. Hoc eo-
m tempore in piis exercitationibus, quas
rimus, versanti, & animum ad maiora pa-
nti, illa etiam cogitatio subiit, quidnam
ierosolymis rediens, potissimū facturū
et. Exquirebat enim optimum vitæ sta-
m, in quo totum se, omnibus rebus post-
bitis, collocaret: & summa parsimonia, at-
ue austeritate victus maceraret.

Ex

EX PATRIA IN MONTEM

Serratum proficiscitur.

CAPVT III.

Gen. 11.

SAnitate utcumque recuperata, specie quidem Ducis Najaræ inuisendi (quo cū magna erat Loioleæ familiæ, vetusque coniunctio) sed reuera ut egrederetur de domo, & cognatione sua, profectionē parat Ignatius. Quem Martinus Gatsia frater natu maximus & familiæ caput, rem odoratus, seuocatum in interius cubiculum rogat, & obtestatur, ne se suosque omnes perditum eat, etiam atque etiam cogitet, quam directum ad gloriam iter sit ingressus, quas res gesserit, qua spe & animi & ingenij sit. Omnia, inquit, in te magna sunt: ingenium, iudicium, animus, nobilitas, gratia principum, ciuium beneuolentia, rei militaris vsus, prudētia: ad hæc florens ac firma ætas, magna expectatio omnium: siccine tot spes, tam solidas, tam florētes euertes? omnium expectationem falles? familiam nostram rot ornamentis, quæ tibi ceptam viam insistenti sunt proposita, spoliabis? etsi ego ætate, tu tamen auctoritate maior es. Vide, quæso, ne quid in te admittas, quod nō solum speratum nobis, nostræque familiæ decus adi nat, sed etiam ignominia notas inurat. Ad hæc Ignatius breuiter se sui maiorūque suorum esse memorem, daturum operam, ne ab illis degenerasse, aut familiæ suæ splendorem obscurasse videatur. Quibus verbis non tam placuit animum fratris, quam illum ab se

excussit, atque itineri se dedit. In hoc igitur
ere, quod ad beatæ Virginis ædē, in Mon-
serrato fecit, duobus ab se famulis dimis-
s, singulis se noctibus verberibus grauiter
iciebat: quod quidē ab eo die, qui initium
osectionis fuit, semper in itinere seruauit.
ut vt intelligamus, quibus Deus quasi gradi-
us in milite suo rerum diuinarum cognitio-
nem, animique virtutem auxerit, hoc ille
tempore, minimē sanē inuestigabat, quid ca-
ritas, quid humilitas, quid patientia, quid sui
contemptio, quæ cuiusque virtutis vis, & na-
tura esset, quibus finibus temperantiæ mo-
dum circumscriberet, quid ratio, quid spirita-
lis prudentia postularet: sed id cōplexus, quod
optimum tunc videbatur, & præsentī statui
maximē congruebat, totus in eo erat, vt res
maximas, & maximē arduas, quæ positæ sunt
in corporis afflictatione, perficeret: idque hac
ratione ductus decernebat, quod ad hanc nor-
mam sancti viri (quos sibi ad imitandum pro-
posuerat) se conformassent. Nam iam tum ita
Deus regebat Ignatium, vt id semper spe-
ctaret, id quæreretur, quod ad maximam Dei
gloriam fore iudicaret, idque antiquissimum
semper habuit. Illa tamen accessio iam facta
erat, vt in iis corporis acerbitatibus conse-
ctandis, non tam peccatorum suorum, quam
Deo placendi rationem duceret. Itaque, dere-
stabatur ille quideni præteritæ vitæ crimina,
in iis tamē pœnis, quas ad illa diluēda sponte
subibat, tam erat accensus, & Deo gratifican-
di

di studio quodam inflammatum, ut illas cum susciperet, non tam peccata, quam Dei honorem atque gloriam sibi poneret ante oculos.

Pergentem cœpto itinere Ignatium, & recta Montem Serratum versus progredientem, Sarracenus quidam, siue Maurus affectus est. (Erant per id tēpus in Hispania Tarraconensi adhuc aliqui ex antiquis eius gentis reliquiis.) Cum vnà irent, incidit (ut sit) illis sermo de virginitate beatę Virginis Marię, quam cum in conceptu filij concederet Maurus, à partu negaret, ad eamq. rem naturales rationes aliquot adferret, neque ad veritatem flecti posset ab Ignatio, celeriter præcessit, solumq. Ignatium reliquit, hærentem diu, multumq. dubitantem, vtrum ab se pietas Christi: na exigeret, ut Maurum consequeretur, & pugione confoderet, quod de beatissima & immaculata Virgine coram se ignominiosè locutus fuisset. Homo quippe militaris, & fallaci veri honoris imitatione olim delusus, dedecori sibi esse ducebat, si quid à religionis Christiana inimico, se audiente, de inuiolata sacrosanctę Virginis integritate impunè detraheretur. Quę quidem cogitatio in speciem pia, diu, multumq. rudem tunc Christi militem torfit, in eamq. deliberatio: em tandē induxit, ut vbi ad biuium (vnde è via publica ad oppidum vicinum Maurus declinat) constitisset, habenas mulę, qua vehabatur, permitteret, & si ad locum, vbi Maurus erat, diuerteret, quæsitum illum,

atque inuentum interficeret, sin rectâ
 eret, omitteret. Atque ita diuina prouî-
 ia factum est, vt iumentum lata, faciliq̃.
 ætermiſſâ, ſuū iter ſequeretur. Vt om-
 ntelligant, quibus initîis, quibusq̃ pro-
 ibus, Deus militem ſuū ad extrema per-
 ret. Nam vt ait D. Auguſtinus, animæ
 itis capaces ac fertiles præmittunt ſæpè
 , quibus hoc ipſum indicent, cui virtuti
 potiſſimū accōmodatæ, ſi fuerint præ-
 is excultæ. Vnde & Moyſes interficiens
 yptium, adhuc incultus, vitioſa quidem,
 magnæ fertilitatis ſigna fundebat.

*Lib. 21.
 cont. Faſt.
 c. 70.*

Exod. 2.

Cū igitur non longè à Monte Serrato
 ſet, in pagum quēdam peruenit, vbi cum
 tum emit, quem Hieroſolymam profici-
 s geſtare decreuerat, talarem videlicet, ex
 bina tela aſpera & aculeata, in modum
 tunicam, pro militari balteo, funem, cal-
 ex ſparto contextos, baculum peregrî-
 tis inſigne, & ad aquæ uſum cucurbitu-
 . Quoniam verò carnis ſuæ imbecillita-
 extimeſcens, ſibi ipſe diffidebat (quam-
 & diuino viſo erectior, & Deo placendi-
 io multò iam eſſet cōfirmatior) ipſes ſuas
 catiſſimæ Virginis patrocinio deſigens,
 itatis voto in hoc itinere ſeſe obſtrinxit,
 que perpetuam Chriſto, & caſtiſſimæ at-
 puriſſimæ eius Matri, feruens ſpiritu
 ſecrauit: cuius beneficio eā proſus inte-
 n (vt paulò antè dictum eſt) ſemper obui-
 , tantum & deuotionis ardor, & piū ip-
 Virginis patrocinium apud Deū valet.

IN SERRATO MONTE VESTITUM MUTAT.

CAPVT IIII.

VT venit in Serratum Montem (is locus Dei genitrici dicatus itinere vnus diei Barcinone distat, estque peregre regio Benedictinæ familiæ cœnobio & religionis causa eò confluentium concursu maximè celebris) ibi optimo confessario totius vitæ suæ crimina per triduum ex scripto confessus est, illiq. homini omnium primo animi sui propositum aperuit; iumentum reliquit, gladium, pugionemque, quibus mundo meruerat, ante aram beatissimæ matris Dei appendi iussit. Pridie verò eius diei, qui hominibus, verbo Dei incarnato, salutis initium attulit, anni 1522. noctis tenebris reclusus, quàm occultissimè potuit, ad mendicum quendam, pannosumque hominem adit: suas vestes sibi detractas illi dono dat: ipse verò optato illo suo vestimento induitur, & ad sacram diuinæ matris aram consistit. Cum autem in prophanis libris legisset ritum, quo noui milites olim inaugurabantur, vt eius ritus imaginem quandam spiritaliter in se repræsentaret, nouis contra diabolum armis accinctus, parrim stans, parim in genua procumbens, totam noctem illam coram sacratissimæ Dei genitricis imagine, in somnem duxit, se illi commendans, sua flagitia deflens, meliora animo concipiēs, ac ne à quopiam agnosci posset, mane ante lucem

em (non quidem recto itinere, quod Bar-
onem ducit, sed deflexo) in oppidum Mi-
ressam, quæ hodie Manresa dicitur, & à
onte Serrato nouem passuum millibus di-
t, festinus diuertit, vili tegumêto ex tela (vt
ximus) rectus, baculo armatus, fune præ-
ctus, nudo capite, & pede altero. Nam al-
erum, quod ex recenti vulnere infirmū ha-
eret adhuc, & crus fasciis conuolutum, sin-
gulis noctibus intumesceret, calceo aduersus
cæli, soli q. iniuriam muniendum sibi existi-
mauit. Vix à Monte Serrato tria passuū mil-
lia processerat, cū illū inusitato gaudio ex-
pletum, & noui habitus lætitia gesticulante ho-
mo quidam curriculo consecutus, percontari
cœpit, dedissetne dono vestes suas egeno cui-
dam, quem hoc ipsum affirmantem, Prætor in
vincula coniecisset, furto ab eo sublatas arbi-
tratus? His auditis, Ignatius vultum, vocem-
q. mutauit, & lachrymas etiam profudit, il-
lud apud se etiam atq. etiam cogitans, ne po-
tuisse quidem se sine damno alterius & iniu-
ria benefacere. Ex quo periculo, vt immeren-
tem hominem eriperet, vestes se dedisse con-
fessus est: neq. tamen quisnam, vnde, cujas
esset, interrogatus, aliud respondit: cū hæc ad
miseri hominis liberationē nihil pertinerent.

DE VITA AB EO MAN-
resa instituta. CAP. V.

MAnresam vbi peruenit, in Xenodochio
mendicorum hominum pedem primò
fixit, ibi sese ad strenuè secum, & cum diabo-
C lo

io decertandum comparauit: nihilq. prius habuit, quàm vt genus suum, præteritaq. vite rationem occultaret, & omnibus ignotus delitesceret. Vestitus is erat, quem suprà diximus: sed quòd in capillo curando, comendoq. & reliquo corpore exornàdo curiosior in sæculo fuerat, vt nimium cultum diligèti neglectu compensaret, cæsariem, quam pro illius sæculi more elegantem habebat, solutam, & impexam reliquit: caput diu noctuq. semper nudum habuit: ungues, & barbam excrescere per incuriam fuit: ter se præterea diebus singulis acriter verberabat, septem horas in oratione, fixis humi genibus, ponebat: idq. magno studio & ardenti. Missæ sacrificio, Vesperarumq. & Completorij precationibus intererat, ex eaque re magnam capiebat animo voluptatem. Cogebat quotidie stipem, aqua & pane vitam tolerabat, carnibus, vinoq. semper abstinens, omnibus diebus, præterquàm Dominico, ieiunans, humi cubitans, noctis maximam partem vigilans, singulis diebus Dominicis peccata sua confessione eluens, & sacræ Synaxis præsidio sese confirmans: tam impensè corpus suum in seruitutem redigens, vt quicquid oblectationem vllam corpori posset adferre, studiosè refugeret. Quocirca cùm esset maximis viribus, & corporis firmitate præstans, breui vigor omnis eius emarcuit, & hac vitæ acerbitate non modicè debilitatus est. His rebus fiebat, vt hominum animos in se cōuerteret, & alli-

afficeret, qui plurimi cum ad eum venirent, in illiusque se familiaritatem insinuare cuperent, multò etiam magis eius sermonibus inflammabantur. Nam etsi rerum adhuc erat spiritualium rudis, & parum in virtutum exercitatione versatus: iis tamen erat facibus divini amoris incensus, ut facillè, quod intus continebat, se foras efferret. Itaque eius ardens de divinis rebus sermo, ac vehemens ad virtutem cohortatio, cum sanctæ vitæ exemplo coniuncta, animos hominum & Deo conciliare, & sibi ipsi benevolentia devincire, atque etiam admiratione suspendere, spiritu sancto iuvante, facillè poterat. Cum eò præsertim accederet per vulgata iam eius nobilitatis opinio, quæ rumoribus aucta, supra veritatem etiam (ut mos est) multorum sermone celebrabatur. Permanerat enim rumore nuntio, quod in Serrato Monte remotis arboribus, Ignatius fecerat, & quamvis ipse lucernam sub modio absconderet, Dominus tamen eam super candelabrum ponebat, ut luceret omnibus. Matt. 5

SCRIPVLIS ANGITVR, ET

probatur à Deo. CAP. VI.

IN hanc palæstram noster miles ingressus, quatuor iam menses pugnando traxerat, calliditatem dæmonis, quicum pugnam inierat, cogitationesq. prorsus ignorans. Tenebat enim eundem tenorem vitæ & in æquabili conscientia tranquillitate persistabat. Non-

dum tentationum aculeos exeruerat Satanas, nondum terrores, minasq. suastyroni Christi intentauerat: nondum depulsis tenebris, rursus consolationis lumen redierat, nondum denique commutationes rerum, & spiritualis hominis afflictæ & læti, iacentis, & exultantis vicissitudines, conuersionesq. perspexerat: cum illum die quodam, situ squaloreq. cōfectum, & in Xenodochio versantem aggressus est: Et quid tu in his sordibus, inquit, in hoc pedōre iaces? quid vilibus vestibis, & obsoletis sordidatus incedis? & quid cum abiectis hominibus sedens, generis tui nobilitatē obscuras? Sed Ignatius confestim se mendicis socium propiorē adiunxit, & familiarius etiam versari inter eos cœpit, atque hoc eius factō diabolus repulsus est. Alio item die, cum fessus valde esset, illam etiam cogitationem permolestam passus est: Quā (inquit) fieri potest, ut duram hanc, & feram agrestium hominum vitam, septuaginta annos, ad quos victurus es, perferas? cui ille: Nunquid tu mihi vnus horæ spacium certum præstabis? vitæ enim momenta non in tua, sed in Domini sunt potestate. & 70. anni laborum ac pœnitentiæ, quid sunt cum æternitate collati? Atque his duobus tantum telis apertè intētatis, per vniuersam vitam appetitus eius animus est, ut à cœpto viuendi cursu pedem referret. Quod cum eius omnis vita laborum, periculorum, molestiarum, vexationum plenissima fuerit, (ut ex iis quæ fecit, passusq. est, faciliè apparet)

ret) perspicuum est diuinæ erga Ignatiū benignitatis argumentum, quā illum dominus præuenit in benedictionibus dulcedinis. Illud tamen noui, ab hac tentatione, eius animo accidit, quod magnas interdum permutationes, contrariosque quasi spirituum impulsus sentire cœpit. Nam oranti aliquando illi, & in piis exercitationibus religiosè versanti, exarescebat repentè nonnunquam animus, & in eas angustias incidebat, vt se explicare vix posset: sibi que displiceret, & diuini spiritus suauitatem minimè sentiret. Rursus tanta, tam copiosa diuinæ consolationis vis affluebat, vt in eius luce, præcedentis inæstieticæ caligo ne appareret quidē. Quod ille discrimen, varietatēq. attendens, admirabundus, & rei nouitate perculsus, Quid hoc, inquit, rei? quam nos viam ingredimur? quod militiæ genus arripimus? Sed interim ita scrupulorū stimulis pungi, & peccatorum suorum conscientia torqueri cœpit, vt lacrymās dies cum noctibus iungeret, semper anxius, semperque sollicitus. Etsi enim quā accuratissimè omnia præteritæ vitæ crimina fuerat confessus: illa tamen semper cura extimulabatur, num hoc confessus sum? num illud bene explicavi? num satis apertè quæ ad rem pertinebant adieci? num aliquid vel affinxi, vel omisi? quibus quidē aculeis adeò vexabatur, vt nusquā acquiesceret, nullis orationibus, vigiliis, ieiuniis, flagellis denique leuaretur: sed mœrore prostratus, & quadam acerbissimi doloris car-

*Isa. 38.**Rom. 7.**Rom. 7.**Psal. 143.**Psal. 17.**Psal. 118.*

nificina examinatus, & confectus iaceret. Ad
sacratissimam Eucharistiam de more, quasi ad
sacram anchorā cōfugiebat: sed cū ori iam
admoueretur panis viuificus, scrupulorū vi,
& subito quasi ventorum concursu abreptus,
surgebat, & lacrymis se gemitibusq; penitē
dabat, & ad Dominum clamabat, Domine
vim patior, responde pro me: & Infelix ego
homo, quis me liberabit de corpore mortis
huius? Occurebat quidem vnum illi reme
dium, idq. præsentiissimum, si spiritualis pater,
cui consciēciam suam, & internos animi mo
tus omnino aperiebat, tranquillo se, pacatoq.
animo esse iuberet, & Domini nostri Iesu
Christi nomine mandaret, ne exactæ vitæ
peccata amplius confiteretur. Sed tamen, ne
à se profecta medicina sanitatem non face
ret, sed dolorem augeret, spiritali hoc patri
dicere non audebat. Cū igitur aliquandū
hanc mentis vexationem pertulisset, quodam
die tam grauitē, dolentēq. ab iis scrupulo
rum tormentis est habitus, vt omni solatio
destitutus, se totum orationi traderet, & fidei
feruore succensus, clara magnaq. etiam voce
clamaret: Infelix ego homo, quis me liberabit
de corpore mortis huius? Domine vim pa
tior, respōde pro me. Succurre Domine, sub
ueni Domine: Emitte manum tuam de alto
Domine, misericordia mea, refugiū meum,
liberator meus: Protector meus in te spero,
quia nullam ab hominibus, nullam à creata
vlla natura pacem aut requiem inuenio. At
tende,

tende, & fac: illumina faciem tuam super ser-
 num tuum: ostende mihi viam, in qua ambu-
 lem, quia Deus meus es tu. Quod si vel catu-
 lum præceptorẽ mihi, & perturbatæ mentis
 pacificatorem dederis, ego verò non recuso:
 libenter illum ducem, illum vitæ magistrum
 te auctore sequar. Inter hæc rursus vehemen-
 tissima hominem cogitatio inuadebat, vt ex
 cellula, vbi erat (nam ex hospitali pauperum
 domo in Dominicorum cœnobium emigra-
 rat) sese præcipitem daret. Sed ille: Non fa-
 ciam, non te offendam Domine: quia tu es
 Deus meus, fortitudo mea: quare me repuli-
 sti, & quare tristis incedo, dū affligit me ini-
 micus, dum dicitur mihi quotidie, vbi est
 Deus tuus? In has voces erumpenti, & præ do-
 lore gementi venit in mentem cuiusdam san-
 cti viri, qui, vt nescio quid à Deo impetraret,
 tamdiu cibo abstinuit, donec illud conseque-
 retur. Ad cuius imitationem, statuit nō prius
 cibum vllum, aut potum capere (nisi fortè
 mors illi immineret) quàm opratam mentis
 tranquillitatem inueniret. Quocirca septem
 integros dies ita ieiunus fuit, nihil vt omnino
 gustaret, cum tamen interea, vel de quotidiana
 precatione (cui septenas flexis genibus ho-
 ras vacabat) vel de verberationibus, quas ter-
 nas in dies singulos vsurpabat, vel de aliis vsi-
 tatis institutis ipsius officiis, nihil iccirco re-
 mitteret. Et cum se vitibus adhuc integris,
 minimeque debilitatum videret, & progredi
 longius vellet, prohibitus à Confessario est, ac

Psal. 42.

vehementer deterritus, iussusque cibum capere, cum die Dominico suo more illi peccata sua, & quid etiam fecisset, indicasset. Paruit confessario negati absolutionem se daturum, ni cibumsumeret, & hortanti ut peccata sua, de Dei benignitate cōfessus ab illo sibi remissa piē crederet, ne repugnare Deo velle videretur, eoq; se die, & proximo liberum sensit: tertio verò post die oppugnatus iterum est, sed oppugnationis is finis fuit, ut disiectis tenebris, quas rebus clariis diabolus obducere conabatur, & reddita diuina luce, quasi apertis oculis, è somno excitatus, magna animi claritate constantiaq; antea vitæ memoriam obliuione obruere, & obducta peccatorum vulnera amplius in confessione non refricare decerneret: tantamq; mentis tranquillitatem, & spirituum discretionem, atque scrupulosarum mentium curandarum gratiam à Deo est consecutus, ut nemo ferè hac ægritudine affectus, sanitatem ab Ignatio non inueniret. Neque enim sibi solum probabatur, sed nobis etiam erudiebatur Ignatius. Probat enim Deus cum omnes milites suos, tum eos maximè, qui reliquorum duces futuri sunt, humiles, & probatos consolatur, ut possint & ipsi consolari eos, qui in omni pressura sunt.

2. Cor. 2.

ROSA

POST TENTATIONES IL-
lustratur. CAP. VII.

Cum igitur Dei misericordia ex tentatio-
num angustiis emerisset, & tamen iccir-
co de summa animi contentione ad virtutum
omnium veram in se imaginem exprimen-
dam nihil omnino remitteret: placuit remu-
neratori bonorum omnium Deo, seruū suum
diuinis consolationibus mulcere, & mentem
illius cælestium mysteriorum cognitionibus
illustrare, vt secundum multitudinem dolo-
rum, quos in corde suo pertulerat, consolatio-
nes Domini lætificarent animam eius. Ergo
quamuis iam inde à principio tractaret Deus
Ignatiū (vt ipse dicere solitus est) præcepto-
ris more tenerum pueri animum informan-
tis: post prima tamen tentationum rudimen-
ta plenius illum erudiuit. Ex quo cum magna
erga tres sanctissimæ Trinitatis personas de-
uotione teneretur, singulisq. suas preces, sta-
tasque quotidie persolueret, die quadam in
scalarum gradibus templi Dominicanorum
consistens, & horarias B. Virgini preces reci-
tans, cœpit ita in Deum intellectu ferri, quasi
sanctissimam Trinitatem specie quadam vi-
sibili id significante exterius, quod interius
percipiebat, cerneret, ea diuinæ consolationis
magnitudine & copia, vt sibi à suspiriis, fletu-
que etiam inter ipsas publicas supplicatio-
nes, quas deinde prosequutus est, ad pran-
dium vsque temperare nequiuert, aut verò à
prandio aliud omnino vel cogitare, vel loqui,

Psal. 93.

quàm de sanctissima Trinitate, tanta, tamq̃
varia rationum, similitudinum, atque exem-
plorum copia, vt admirationi omnibus au-
dientibus esset. Quæ res ita in eius mente
hoc ineffabile mysterium inscripsit, ac veluti
impressit, vt illo ipso tempore, homo legendi
scribendiq̃. tantum sciens, de eo librum scri-
bere sit aggressus, & ad totam vitam inscul-
ptæ illius veritatis vestigia extarent. Semper
enim cum ad sanctissimam Trinitatem ora-
tionem funderet, (quod frequenter, & diu fa-
ciebat) eximiam diuinæ consolationis suavi-
tatem percipiebat, & aliquando quidem sin-
gularem quandam in Deum Patrem totius
diuinitatis fontem, & reliquarum personarum
originem, atq. principium, deuotionem sen-
sit: deinceps etiã in Filium: postremò in Spi-
ritum sanctum, singillatim se singulis perso-
nis commendans & tradens, & simul ex om-
nibus, quasi ex vno atque eodem gratiarum
omnium plenissimo fonte, virtutes omnes
abundanter hauriens.

Alio item tempore, magna cum spiritus ala-
critate modus eius menti obiectus est, quo
mundum Deus condidit: quem longo post in-
teruallo, cum hæc eadem ipsemet pater nar-
raret, se non satis affirmabar explicare posse.

In templo etiam eiusdem monasterij, cum
rei diuinæ venerabundus interesset, & cor-
pus Domini adorandum populo proponere-
tur, mentis oculis quodam die clarè vidit au-
gusto illo, atque tremendo Sacramento Do-

ium Iesum Christum, verum Deum, atq.
omnem verissimè contineri.

Sæpissimè orationi intentus, & diu quidè
Christi Redemptoris nostri humanitatē in-
teriore animi vidit obtutu, & aliquando bea-
tissimam etiam Virginem Mariam: neque id
Marefæ tantum, sed post etiam Hierosoly-
mis, & non longè ab vrbe Patauio, & aliàs sæ-
pè. Quibus quidem visis, ita in fide ac spiri-
tu confirmatus, & celesti lumine completus
est, vt sæpè hæc secum reputans, illud etiam
statueret, si aut sacram litterarum monu-
mentis consignata mysteria fidei non essent,
aut certè si sacra scriptura (quod fieri non po-
tuit) intercidisset, sibi tamen ita esse certa, pe-
nituræque infixa, vt ex illis tantum, quæ vide-
rat, non dubitaret, & rectè ea intelligere, &
aliis tradere, & pro illorum defensione etiam
mortem oppetere.

Egressus die quodā Márefæ ad templum,
quod ab oppido mille passibus abest, diuina-
rum rerum contemplatione suspensus, paulu-
lùm consedit in via, quam fluuius præterla-
bitur, faciemq. conuertit ad flumen: ibi men-
tis ei oculi aperti, atque illuminati sunt, non
ita quidem, vt speciem aliquam, aut in sensus
cadentem imaginem videret, sed vt permul-
ta, tum quæ ad fidei mysteria pertinent, tum
quæ ad scientiarum cognitionem, optimè in-
telligeret; tanta, tamq. clara luce, vt ab eo res
ipsæ nouo quodam lumine cernerentur.

[Porro hæc mentis illustratio, vsque adeo
copio-

copiosa fuit, atq. excellens, vt ipsemet Ignatius negaret, reliquas omnes illuminationes atque diuina adiumenta, quæ per totam vitam ad annum 62. ætatis suæ à Deo accepisset, in vnum conueruata, cum hac vna posse conferri: seq. quid quid illiâs, vel studio, vel labore, vel supernaturali lumine didicisset, minus esse, quam quantum tunc quidē accepit.] Quæ res, cum fixum hominem, hærentemq. diu tenuisset, ad crucem quæ iuxta erat, genu flexo procubuit, vt Deo Opt. Max. pro hoc tâto beneficio gratias ageret. Antè verò quàm huiusmodi visis illuminaretur, cum in hospitali domo adhuc ageret, & aliàs frequenter, sese illi clara luce pulchra quædam species obiecerat, quam nō satis discernere poterat, aut quid esset, ex quo esset, ex quôve cōstaret, internoscere: nisi quòd serpentis nonnullâ formâ præ se ferre videbatur, multis quasi oculis resplendens, cuius præsentis quantum aspectu recreari videbatur, tantundem ex discessu doloris, ac mœstitiæ sentiebat. Hoc igitur visum sæpissimè ipsi ante oculos versatum, nunquam tamen cognitum, illi se ad crucem istam iacenti, rursus obiecit: sed diuino iam lumine plenus, & ante crucē procumbēs, facile perspexit, rem illam nō ea esse pulchritudine, atq. splendore, quo se illi antea offerebat, aperteq. cognouit illum esse dæmonem. Ex quo, longo etiam post tempore sæpius illi apparuit, non in via tantummodò, sed Lutetiæ etiam Parisiorum, & Romæ, non iam luce

corus-

us, sed aspectu deformis, & abiectus,
iculo, quem gestare manu solitus erat,
illum ab se abigeret.

ro Manresæ cum adhuc versaretur, iis,
iximus, occupationibus tam ardentem
s, accidit ut die quodam sabbathi, sub
Completorij, à sensibus sic destituere-
t à pijs quibusdam viris & mulieribus
us, pro mortuo haberetur; & nisi cordis
palpitationem quidam deprehendisse
pulture proculdubio madauissent. Mā-
em in hac ecstasi sine abstractione à
us, ad alterum usque diem sabbathi se-
s hebdomadæ: quo die hora Comple-
tasi è somno excitatus, multis, qui eū
abant, presentibus, oculos aperuit, sa-
mum I E S V nomen ingeminans. At-
us quidem rei qui testes fuerūt, iidem
tores sunt, nam ipse Ignatius hoc tam
e Domini beneficiū mirificè occulta-
quod ego quidē sciā) aperuit nemini.
edibilia cuiuspiam fortasse hæc videbū-
supra ordinem rationis atq. cūsum,
otissimum viro, qui tyro & rudis om-
iles Christi adhuc erat, qui vix nomen
e, vix militari sacramento se obstrinxer-
ab hostium castris ad Christi Domini
igna transfugerat. Sed ut hæc magna
o, præclara, admirabilia Dei dona esse
sio apud omnes sapientes est: ita in-
ta videri non debent, nisi hi fortè qui
iritus sancti, & inæstimabiles beni-
gnita-

gnitatis diuinæ thesauros, ne per somnium quidem audiuerūt. Qui neque lumen cæli viderunt vnquam, neque diuinarum illustrationum participes facti sunt, qui nullam vnquam voluptatem liquidam & solidam animorū esse putant: sed omnes voluptates corporis sensu definiunt, easq. vndequaue conquirunt & capiunt, & nouas semper veteribus addunt, turpissimas illas quidem, & honestati contrarias, & homine ipso indignas. Qui hac quidem in re audiendi non sunt. Animalis homo (inquit Apostolus) non percipit ea quæ Dei sunt, neq. enim potest: cæcus enim de coloribus non iudicat. Alij sunt tamen viri eruditi, & in monimētis Sanctorum versati, qui sciunt huiusmodi illustrationes Dei, extraordinarias quidem esse, sed concedi tamen solitas nonnunquam, iis qui eximio & præcipuo quodam iure à Deo eliguntur & tractantur. In quibus magna in primis cautio adhibenda est, ne fallamur. Aliqui enim sunt qui falsa persuasionem decepti, existimāt Dei esse dona, quæ satanæ transfigurātis se in Angelum lucis præstigiæ sunt. Alij quorum animus est mobilis, & facilis leuitate, vel occulta superbia cordis, vel attrabili, vel capitis imbecillitate obscuratus, putant se ea videre atque audire, quæ reuera neque audiunt, neque vident. Quæ quamuis ita sint, tamen negare nō possumus, in Dei Ecclesia veras esse atque diuinas reuelationes, quibus amicos suos & familiares, aliquando Deus benignè suauiterque per-

mulcet. Quòd si in illorum servorum numero, cum quibus Deus se ita communicat, seniori manu tanta bona largitur, Ignauis fuit, nemini sanè mirum videri debet. In quamquam tyro, multum tamen ià tunc te processerat, & erat ab ipsomet Deo, vt innumerabilium filiorum pater, & huius militiæ antesignanus & princeps, vt exercitum duceret, acies instrueret, magna cum humani generis hoste strenuè terque conferret. Quod absq; dubio prælium est, maiusque Dei donum, quàm re abditarum intelligentias accipere. Certè enim si attentè consideremus, quis fuerit titulus, & quid effecerit, facile intelligemus, illum neque viribus naturæ, neque profundæ industriæ artibus rem tantam aggredi potuisse, sed cælesti quodam auxiliari Dei dono indiguissè, vt quod videbatur opus efficeret. Nā quī fieri potest, vt hominis militaris, illiteratus, vanitatis vile manum, delectum haberet, milites conscribere societatem cogeret, Religionem hanc intraret, & breuissimo tempore per vniuersarum terrarum orbem propagaret, ac summa prudentia regeret, & aduersariorum impetum propulset, tantosque fructus ad Dei gloriam, suis ex laboribus colligeret, nisi Deus illum ornasset spiritu, prudentia inderet, virtute armasset? Quam Idæam, vt exemplar habuit propositum, ex quo Societatis exemplum duceret? Quo in libro

libro legit illius regulas, constitutiones, documenta? Vnde speciem formamque Societatis accepit? quæ quidem ut in iis quæ religionem continent, una eademque cum reliquis religionibus est, ita ab illis disiuncta atque distincta in multis, quæ nostris temporibus congruentia, & præsentī Ecclesiæ statui sunt necessaria. Accepit nimirum ab eo, qui hæc solus dare potuit, qui ex lapidibus suscitavit filios Abrahæ, vocatque ea quæ non sunt, tanquam ea quæ sunt. Qui ad subiiciendam & prosterndam sæculi huius vanitatē, duodecim piscatores elegit, ut patefacta Evangelij luce, tenebræ errorum, vitiorumque omnium, ab animis hominum depulsæ, penitus evanescerent. Hac enim ratione, se rerum omnium Dominum verissimè ostendit, & ut rebus omnibus vim suam largitur atque naturam, ita nomen cuique atque pretium imponit, ut tanti quæque res sit, quanti eam Deus æstimat. Neque enim Deus, principibus huius sæculi est similis, qui ministros quidem eligunt, sed bonos ministros efficere non possunt. Ipse verò eligit ministros novi testamenti, & sua electione idoneos facit, & ad omnia quæ vult, habiles atque instructos. Quapropter cum effectus diuinæ virtutis, & tam multas admirabiles videamus in Ignatio, earumque apertæ, expositæ, oculisque omnium ita subiectæ sint, ut negari non possint (nisi ab eo qui neget solem meridie lucere) & maiora Ignatio dare cogamur: demus etiam illi hæc quæ minora sunt, intelli-

inligamusq. omnes illos perfectæ vitæ radio, ex hac diuinarum illustrationum luce, & quæ ex copiosissimo cælestis gratiæ fonte, cotinuulos profluxisse. Quas quidem illustrationes partim narrauimus, partim deinceps narraturi sumus.

DE EXERCITIORVM

spiritualium libro. CAP. VIII.

HOc eodem tempore, Exercitiorum spiritualium librum (quem appellant) ex accurata eorum, quæ sibi contigerant, obseruatione cōscripsit. Quorum exercitiorum vsus, quantum adiuuanti Christianæ Reip. in omnem partem attulerit, satis constat. Nam vt pauca ex multis de illorum vsu, atq. vtilitate dicamus, primò illis ipsis Societatis nostræ institutionem acceptam ferre debemus. Omnes enim fermè primos illos patres, quos instituendæ Societatis adiutores, & socios habuit Ignatius, per exercitia ad perfectionis studium, mundi quæ despicientiâ excitauit. Qui postea consecuti sunt, & in Societatem iâ stabilitam ingressi, viri vel doctrina, vel ingenio, vel nobilitate, vel aliis naturæ fortunæq. ornamentis insignes, maxima ex parte, exercitiis huiusmodi, ad hoc vitæ genus compleendum, adducti sunt. Neque verò tantum hoc beneficium Religionis nostræ solummodo proprium est: sed etiam commune cū cæteris. Meditandi enim huiusmodi ratio, Cæcilia multa referat: multos religiosos viros

labantes, in suscepto vitæ consilio confirmati: solutos, vagosq. vinculis disciplinæ seuerioris adstrinxit. Non tamen Religionû spatiis eorum fructus circumscribitur: omne enim hominum genus, statum, officium, ætatem, vitæque rationem comprehendunt. Nam & viri tum Ecclesiæ, tum sæculi principes & infimi homines; docti, indocti; mariti, cœlibes; iuvenes ætate, ac senes; Deo iam dicati, & omnino liberi; in hanc exercitiorum meditationem ingressi, multum vel in perditæ vitæ emendatione, vel in bonæ incremento progressionis fecerunt. Et quod dignum magis admiratione est, multi viri eruditione florentes, & sapientiæ omnium cōsensione principes, post tot doctrinæ suæ laudes, docendo ac disceptando partes, discipuli Ignatiij facti sunt: & ab ea quæ inflat scientia, ad salutarē sapiētiā cœlestemq. traducti. Nam quod in hac spiritali proprię cognitionis schola discimus, non solum ad excolendū intellectū pertinet, sed ad inflammandam etiam voluntatem: itaque non tam cognitione, quàm actione perficitur: ac finem habet, non ipsam scientiam, sed operationem. Ex quo, hæc cognitio non subiles, & argutos, atq. acres disputatores efficit; sed fortes, efficaces, atque ardentes effectores: eosque vehementer permoet, atq. ad benè beateq. viuendum impellit. Hæc enim cœlestis est sapientia, quæ ædificat, vngit, inflamat: illa alia sæpenumero inflat, exsiccatur, hominem ventosum reddit, atq. inanem.

Sed

Sed cum eorum utilitas quàm latissimè pateat, tum in iis solet elucere potissimum, qui de vitæ genere deligendo consultant, idq. cōstituere ex diuina voluntate cupiūt; ne (quod plærisque contingit) certo aliquo cursu viuendi implicentur, priusquàm quid rectissimum sibiq. maximè conducibile sit, iudicare potuerint. Neq. enim omnia omnibus conueniunt: neq. idem vitæ genus in omnes quadrat, sed alia aliis congruunt, atq. apta sunt magis. Quid autem cuiq. magis expediat, ille solus nouit, qui nos immeritos in gloriâ suam creauit, & sanguine suo, immortali & sempiterna beatitudine dignos effecit. Quãobrem vitæ genus cuique sincerè, consideratè, attenteque eligendū est, magnisq. & assiduis precibus Dominus est inuocandus, vt auctore illo ac duce, illud genus viuendi quisq. eligat, quod optimum sit cuique atq. aptissimum. Nunc autem secus sit. Plæriq. enim mortales, vel libidine quadam obcæcati, vel utilitatis specie decepti, vel parentum, amicorumve exemplo inducti, vel aliis denique rationibus minus idoneis impulsū, ætate imbecilla, cum neque vis animi, neq. consilium adhuc viget, præcipitanter ac temerè sese proiiciunt, genereque vitæ eo implicantur, cuius statim eos fera capit pœnitentia: erroris enim sui pœnas, per totam vitam, incredibilibus quidem sed inuriis lachrymis pendūt. Et meritò quidē. Nam cum reliqua negotia diligentissimè inquirent, discutiant, & in vtramque partem di-

spiciant, & conferant: summum sui ipsorum negotium, quod in vitæ genere eligendo positum, & negotiorum omnium est maximum, supinè atq. oscitanter tractant, imprudenter-que, & vt fors aut libido tulit, cursum quendā viuendi arripiunt, quem neq. tenere iucundè, neq. deferere honestè possunt. Quod cer-terè non eueniret, si in genere vitæ eligendo, Dei voluntatem ante oculos propositam haberent, finem suum vltimum spectarent, eoq. consilia dirigerent, vnde omnis certa, rectaq. pendet deliberatio. Deniq. si rerum naturam non peruerterent, sed sequerentur potius, si- ne, vt sine vrentes, mediis, tanquam iis que ad finem referuntur. Ad quod quidē Dei in pri- mis gratia nobis opus est, quam oratione, me- ditatione, solitudine etiam, & à reliquis ne- gotiis vacatione facilius consequemur. Ani- mus enim liber, & ab alienis curis vacuus, vacabit sibi liberius, dabitque operam vt si- quid insidet affectus, quod syncerum de re- bus iudicium possit corrumpere, id totum re- scindat, & amputet, præstetq. se dignū Deo, quo præeunte & prælucente mēti nostræ, ni- hil erit non rectum, vtile nobis atque saluta- re. Sine Deo autē omnia nostra consilia, cæ- ca, præpostera, & peruersa sint, necesse est. Quæ cum ita sint, non tamen ideo defue- runt aduersarij, qui hanc rem tū ratione, tum perpetua experientia comprobata eleuare conati sint. Sed in nihilum eorū conatus reci- derunt, simul atque Apostolica sedes, post di- ligen-

ligentem inuestigationem exercitiis seriò examinatis, aduersariis sese opposuit, & sua auctoritate eorum vsum non modò permisit, verùm etiam collaudauit, ac suasit. Quod ex literis Apostolicis Pauli tertij Põrificis Maximi cõstat, quas anno 1548. scribi iussit, quibus communitus Exercitiorum liber, postea typis excusus, in lucem editus est.

IN GRAVEM MORBVM INCIDIT. CAP. IX.

CVM in ea vitæ ratione, quam supra diximus, versaretur, accedebat illi sæpissimè, vbi se noctu quieti dederat, vt illustrationes permagnæ, & spiritales consolationes mirificæ quædam eius animo immitterentur. Quæ cum de exiguo, & somno destinato tempore multum eriperent, & noctes hominem cogerent ferè insomnes traducere, diligentius id animaduertens, dubitare apud se cœpit, quæ ex fonte caderent. Rebus omnibus prudenter discussis, statuit tandè reiectis illis, satius omnino esse, constitutũ tempus somno tribuere. Ex magnis tamen laboribus, & perpetua animi contentione in morbum grauem incidit. Aegrotanti suppeditabat omnia perliberaliter Manresæ magistratus, & matronæ honestissimæ officiosè ministrabant. Vsq. adeò verò vis morbi inualuit, vt mors instare ipsi videretur. Paranti se ad mortẽ ea cogitatio subiit, se iustum esse; cui cum summa vi repugnare conaretur, peccata præteritæ vitæ in memoriam vsque reuocans, & nihil tamen profice-

ret, cruciabatur miris modis, sic ut vim morbi intimis visceribus grassantem, leuem prae ea molestia duceret, quam ex conatu ad resistendum adhibito sentiebat. Cum meliusculè paulò habuisset, & ab extremo illo vitae periculo nonnihil recessisse videretur, vociferari palàm coepit, & nonnullos, qui officij gratia eò venerant, compellare, cōtestarique, ut cum se rursus in extremis laborantem cernerent, magnis vocibus clamarēt: O miser peccator, ô infelix, etiam atque etiam cogita, quibus te sceleribus obstrinxeris, quibus vitijis Dei in te iram prouocaueris. Vbi aliquantulum cōualuit, statim ad consuetas poenitentias, & eandem vitae asperitatem rediit, in morbumque de integro incidit, quod & tertio fecit, cū indefessò studio, & obfirmato animo se ipsum pervincere, & labores viribus maiores repetere, perferreque adniteretur. Sed tamen experientia doctus, & stomachi grauissimo eoque frequenti dolore exagitatus, & rigidi cæli hiemali asperitate commotus, piorum hominum consiliis obtemperare coactus est, & ex panno admodum crasso, coloris cælij exiguas duas vestes, & quasi semipileum eiusdè panni, ad se contegendum, accipere.

NAVIGAT HIEROSOLY-
mam. CAP. X.

ANnum vnum plus minus Manresē trāsegit, in ea quam diximus vitae asperitate. quo elapso tempus interim appetebat, quo pro-

professionem Hierosolymitanā aggredi statuerat. Ergo Barcinonem versus Manresa discessit, & quidem solus; sic enim peregrinari decreuerat. Quamuis enim essent, qui se illi ultro comites offerrent, quiq; illum horarentur, ac vrgerent vehementius, vt aliquem vel Latine, vel Italicè scientem, quasi viæ duccem, ac sermonis interpretē, sibi adscisceret: nullum tamen admisit, ea maximè ratione adductus, quòd spes omnes suas in Deo positas habere cuperet. Quòd si viæ sociū secum haberet, verebatur ne præstans illa in Deum fiducia, in socium deriuata, minueretur. Neq; verò sociorum auxilium excludebat tantum, sed etiam sollicitam viatici omnis curam: ne quid esse videretur, quod spem suam infringeret, & animum ad cælestia properantem in suo cursu redderet tardiorē. Erat Barcinone myoparo, erat & nauis oneraria in Italiam parata; voluit igitur in myoparonē conscendere, quia breuiorem fore traiectionem sperabat: sed quo minus id faceret, hæc causa fuit: Primaria quædam atq; honestissima matrona Isabella Rossella, in templo quodā eruditum virum de superiore loco ad populū verba facientem, attente aliquādo audiebat. Quæ oculos in reliquam concionem fortè intendens, Ignatium in ipsis altaris gradibus cum pueris confidentem aspexit: eumq; rei nouitate, & hominis aspectu commota attentius cœpit intueri. Vidit enim (sicut ipsamet Romæ mihi narrauit) caput Ignatij circumquaque

fulgere, & clarissimos quasi radios emittere, sequē interius admoneri, ac veluti stimulis quibusdam vrgeri vehementius hominem vt accerferet, atque alloqueretur. Dissimulauit tunc quidem Isabella, pro loco & tēpore, sed concione expedita, simul atq. domum rediit, viro suo æquē atq. ipsa nobili, sed cæco, rem quæ sibi in templo euenisset totam narrauit, rogauitque maritum, vt hominem è vestigio conquiri iuberet, & ad se adduci. Adductus Ignatius apud illos pransus est: remota mensa, de Deo, de virtutibus, de beata vita sermonem instituit; omnesq. qui adstabant mirabiliter ad pietatem inflammauit. Ex Ignatio tunc rescitum est, ipsum commodam in Italiam nauigandi tempestatē præstolari. Quò etiam Episcopus, sanguine cum nobilissimo illo viro coniunctus, nauigabat. Itaq. sanctitatis Ignatij admiratione apti, ipsum rogāt, cum Episcopo vt nauem conscendat, myoparonem relinquat, in quē libellos etiā coniecerat. Quod ita factum est. Porro, in ipso Barcinonis conspectu, myoparo naufragio periit, fluctibusq. haustus est. A nauis autem nauarcho, ea lege admissus est, si panis nautici, quantum sibi ad victum ea in nauigatione opus esset, in nauim inferret: aliter admitti posse negabat. Cœpit igitur de pane illo querendo Ignatius agere: sed cū hoc eius proposito repugnare videretur, simul grauiter angi cœpit, & secum: Hæccine est illa tā stabilis, tam secura fiducia, nihil à Deo tibi de-

futu-

futurum? numquid ille panem nō poterit dare, & parare mensam peregrino suo? Ex quibus spinosis cogitationibus cū exire ipse per se non posset, ad confessarium, vt in eiusmodi solebat rebus, causas deferret in vtrāq. partem dubitandi: quanto, quā incenso perfectionis ardeat desiderio, exponit, idq. pro viribus, quod Deo gratissimum sit, amplectēdi: illi deinde rem totam permittit, eiusq. iudicium secutus, panes in nauim imposuit. Sed cum pauculi oboli ex iis, quos ostiatum emēdicarat, ipsi nauim ascensuro superessent, illos in publico iuxta nauium stationem reliquit, ne quid amplius viatici, quā quod necessarium omnino videbatur, secum ferret. Tantum in eo inerat perfectionis studiū, & tam incensus paupertatis amor. Hoc tempore inanis gloriæ aculeis plurimū eximulabatur, sic vt neque patriam neque genus suum regere auderet, multo verò minus, quò iter suum dirigeret, ne fortè bona hominū de se opinione intumesceret. Sed redeo ad nauigationem in Italiam, qua nauigatione, magna fœdaq. tempestate iactatus, quinque dierum spatio Barcinone Caietam applicuit. Grauis ille, & pestilens annus Italiæ fuit. Sæuebat enim multis locis pestilētia: quapropter summa cautio adhibebatur à custodibus oppidorū, ne quis aduena admitteretur. Ex quo Romanam proficiscens, multa in itinere passus est graua & permolesta. Nam oppidorum ingressu sæpe arcebatur, & ita erat fame, macie-

que debilitatus, ut subsisteret aliquando, & longius progredi præ corporis imbecillitate non posset. Romam tamen ad diem Dominicum Palmarum anni 1523. venit: sacra urbis loca pie obiit: benedictionemque summi Pontificis Adriani sexti reuerenter accepit. Cum autem plurimi illum à profectionis Hierosolymitanæ consilio deterrerent; fierique posse negarent, ut absque pecunia eò perueniret, neque tamen infractum eius animum, & in Deo defixum, longa periculorum enumeratione à sententia dimouere potuissent, sex septemve aureis coronatis octauo post Dominicæ resurrectionis die abeuntem donauerunt, quos Ignatius, eorum quæ audierat metu victus, accepit, ut nautis soluendo esset. Sed paulò post, cum à diffidentia, & humano timore id profectum agnosceret, & conscientia morderetur, non quasi culpa esset pecuniam accipere, sed quasi desiderio id suo repugnaret, & de proposito, perfectissimam paupertatem omnibus in rebus sequendi, remittere aliquid videretur, se incusans & damnans, & de proicienda pecunia secum ipse cogitans, decreuit tandem in obuios pauperes & mendicos, illam conferre, quod quidè cumulatè perfecit. In hoc itinere, quod Roma Venetias habuit, multa aspera & acerba pertulit. Propter grassantis enim pestis merum, vel in porticibus excubare, vel pernoctare sub dio cogebatur. Et viatores exanguem illum, ac luridum intuiti, summamque ma-

cie

cie confectum, se in fugam aliquando dabāt. Alij verò, qui se in vīa illi socios adiunxerant, lentius prae virium tenuitate ambulante sub noctem deseruerunt. Sed qui dixit, Non te *Heb. 1* deferam, neque derelinquam, ille desertū inuisit Ignatium, abiectum suscepit, & complexus est. Namq. obtulit se illi nocte, postquam relictus est, proxima, Christus in latissimo quodam campo, à Fossa Clodia pergenti Pataurum: plurimumq. aspectu suo recreauit eius animum: & ad grauiora perferēda roborauit, & ita eius iter direxit, vt Patauinae urbis custodię ingredientem egredientēve illum nihil omnino remorarentur, aut interpellarent, & aditum Venetias perfacilem haberet. Publicis quippe exploratorib⁹ omnia executientibus, intactus ipse solus prætermisus est: cū tamen desertores illi socij laboris multum subierint, vt liberum in eam urbem ingressum inuenirent. Legatum Caroli V. Imperatoris, ac Hispaniarum Regis conuenire numquam voluit. De pecunia, qua Hierosolymam nauigaret, minimè laborabat, certissima spe nixus, Deum expeditam sibi nauigationem daturum, vt sanctorum locorum conspectu aliquando frueretur. Atque cū multa contra adferrent, & peregrinorum bona pars, recenti miserabiliq. Rhodi expugnatione exterrita, retrocessisset, eius tamen sensibus infirmum erat, etiam si vna tantum nauicula eò cursum dirigeret, se illo anno Hierosolymam peruenturum. Venetijs dum morare-

raretur, veteri suo instituto stipem cogebar: in platea Divi Marci noctes agebat. Sed ex Senatorio ordine quidā noctu domi suæ cum esset, excitari se repente huiusmodi vocibus sensit: Tu ne, inquit, ut mollioribus vestitus domi tuæ sis, servus meus seminudus in porticu iaceat? tu in lecto pretioso molliter dormias, ille dura cubet humo? quibus stimulis concitatus Senator, surgit confestim, foras proruit, per incerta vagatur, humi cubatē offendit Ignatium, domum ea nocte perducit, & liberaliter tractat. Deinde ne in honore haberetur, ab eo Ignatius discessit, & ad hominem Hispanum, eius rogatu, diuertit. Ducem Venetiarum Andreā Gritum Hispanicè allocutus, facile impetrauit, ut in Prætoria naui, qua eius insulæ Præfectus trans mittebat, in Cyprum usq. gratuito transportaretur. Prætoria porro naus idoneam nauigandi tempestatem expectabat, cum altera, qua peregrini vehebantur, è portu prius soluisset. Operientem nauim, & conscendere parantē, gravissima subito febris illum corripuit: & cum dies aliquot afflisset, tandem discessit: sed illud incommodè cecidit, ut soluendi tempus in eum diem incurreret, quo pharmacum à medico præscriptum sumpserat, qui eo quidem die citra magnum vitæ discrimen Ignatium nauim posse ascendere negabat. Sed ille sapientioris, diuiniq. medici consilio ductus, eo ipso die, hausto conscendit. Atq. ita accidit, ut cum multum maris iactatione euomisset, magnā

magnam is dies principio morbi leuationem, deinde etiam sanitatem integram adferret. Cum autem quorūdam flagitia grauius ferret, & magna spiritus & orationis libertate acrius insectaretur: neque ab alijs vectoribus aliquod ei exitium timentibus, reprimi vllō modo posset: consilium ceperunt nauarē, ut illum in insula quadam deserta, & vasta exponerent. Sed cum nauis ad destinatum locum penē esset appulsa, subito vehementique vento repulsi, perpetrare meditatū facinus nequiuerunt. Itaque breui Cyprum attigit: nactusq. peregrinorū nauim, in eam transcendit: nihilo plus viatici secum inferens, quā in priorem intulerat, verissimam nimirum spem in Deum: qui sēpē Ignatio toto navigationis tempore sese ostendit, illumq. incredibili consolatione permulsi, ac sustentauit, & in portum à se toties tam vehementer optatum tandem inuexit.

HIEROSOLYMIS LOCAS AN-

Et aperluſtrat. CAP. XI.

DEcimaquarta die mensis Iulij, anni Domini 1523. (sicut in cōmentariolo quodā eius, ipsius manu scripto, inuenio) Venetiis soluit. Quod huius mēsis reliquum erat, & totū mensem Augusti in nauigatione consumpsit. Itaq. pridie Kal. Septemb. Ioppem nauis appulsa est. Quarto verō die Septembris sub meridiem in sanctā ciuitatē ingressus est. Nam vex hac tam diligenti dierum obserua-

seruatione, & curiosa annotatione temporis
 facile coniici potest, quanta Ignatij iam tum
 esset in Deum pietas, quanta in consiliis fa-
 ctisq̃ omnibus meditatio. Hierosolymā igitur
 cum primū venit, admirabilem in ipso
 sanctæ ciuitatis aspectu consolationem per-
 cepit, quam constantem, quandiu in ea vrbe
 fuit, perpetuamq̃. semper habuit. Delibera-
 tum erat Ignatio Hierosolymis remanere, &
 sacris locis, qui ex impressis Christi Domini
 nostri vestigiis, miram redolent pietatem, re-
 ligiosè colendis visendisq̃. reliquum vitæ tra-
 ducere, proximorūq̃. salutis pro sua virili de-
 seruire. Cuius propositi alteram de mansione
 parre (nam alteram de salute animarum cu-
 randa, nulli hominū aperiebat) Diui Frācis-
 ci Hierosolymitani Cœnobij præfecto indica-
 uit, & in eā rem cōmendatitias litteras, quas
 adferebat, reddidit: ac ne ipsis inopia fortè la-
 borantibus, oneri esset, nihil se aliud velle di-
 xit, quàm vt suorum peccatorū confessionem
 audirent. A quo bene sperare iussus est, re ta-
 men in aduentum Ministri prouincialis reie-
 cta. Qui cum paulò post rediisset, hortatus
 est Ignatium, in Italiam vt reuerteretur, ne
 pio quidem, sed præcipiti consilio deceptus,
 in ea mortis vel seruitutis pericula incideret,
 in quæ permulti alij, simili pietatis specie ad-
 ducti, incurrissent. Sed cum Ignatij animus
 periculorum magnitudine ab incepto deter-
 reri haud posset, seq̃. (nisi conscientia fortè,
 aut religione aliqua impediretur) in senten-

tia permanfurū omnino præſefferet, Prouincialis miniſter ab Apoſtolica ſede poteſtatem ſe habere dixit, amandandi aut retinēdi, quos amandandos aut retinendos exiſtimaret: ſacris præterea interdicens eis, qui ſibi nō obtemperarent. Diſcederet proinde bono ac libenti animo, quandoquidem facilè poterat in animum inducere, Dei hanc eſſe volūtatē, quam ipſe loci, rerumq. naturæ gnarus, amicè, fraterneq. declarabat, ne tradira ſibi poteſtate contra voluntatem ſuam vti cogere-
rur. Quibus verbis fidem habuit, conſiliumq. Dei, aliò ipſum vocantis, ſecutus, ſe dicto audientem fore dixit. Cū de reditu cogitaret, magno reuiſendi montem Oliueti deſiderio incenſus (in cuius lapide quodam Chriſti Saluatoris noſtri aſcendentis in cælum, pedum veſtigia cernuntur impreſſa) clanculum ſe à ſociis ſubduxit, ſolusq. nullo duce, nullo comite, nullo Turca cuſtode (quæ res periculoſiſſima eſt) in montem aduolauit. Et cū ei aliud nihil ſuppeteret, gladiolū ſcriptorium, vt admitteretur, cuſtodi pro mercede dedit: atq. eximia lætitia perſuſus, in Bethphage properauit: ſed ſtatim in Oliueti montem recurrit, vt qua in parte pedis dextri veſtigium, qua ſiniſtri eſſet, diligentius animaduerneret, forſicesq. ex theca denactas, vt ruruſus admitteretur, cuſtodi dedit. Sed redeuntē gaudioque maximè exultantem Chriſtianus quidam à Franciſcanis ad eū perquirendū miſſus, Ignatium inuaſit, multa minitans, ac truci vultu fren-

frendens, quòd se in tantum discrimen obiecisset, brachioq̃ apprehenso ad Cœnobium vsq. pertraxit. Ipse verò facilè duci se passus est, magnūq̃. in eo itinere, atq. singularem à Domino consolationē accepit, cū ita correptus brachio, & impulsus, Christū, semper supra se astantem, atque incedentem, & in Cœnobiū vsq. sibi veluti præeuntē aspiceret.

REVERTITVR IN HISPANIAM. CAP. XII.

POSTEAQUAM intellexit, diuinam non esse voluntatem, vt Hierosolymis remaneret, ad reditū se accinxit, quo in reditu nonnulla illi memoratu digna acciderunt. Erat hiems maxima, rigidum, ac niuosum cælum, neque ille vestimenti plus habebat, quàm femoralia ex crassa quadam tela ad genua vsq. demissa, & thoracem ex nigra tela multis à tergo locis incisum, perexiguam vestē, eamq̃. attritā & vilem. In insula Cypro tres naues reperit, quarum prima Turcarum erat, altera locupletis potentisq̃. hominis Veneti ingens ac valida, & aduersus maris, vētorumq̃. impetūs satis, vt videbatur, armata atq. instructa: in quā, vt Ignatium admitteret, cū peregrinū rogarent nauarchum¹, hominemq̃. collaudarent. Si sanctus est, inquit ille, nauī nō indiget, super vndas feratur. Itaq. in tertiam conscēdit, parua, & iuncturis malè coagmentatā. Eodē die, secundo vento tres simul è portu soluerunt: sed exorta grauissima tempestate, nauis

vis ea, quæ Turcas vehibat, vnà cum vecto-
ribus periit. Veneta scopulo illisa, naufragium,
salus hominibus, fecit. Exigua illa & mini-
mè stabilis, in qua Ignatius erat, ægre qui-
dem, sed tamen porrum quendam Apuliæ te-
nuit. Inde Venetias salua peruenit, duobus, &
eò amplius mensibus in ea nauigatione con-
sumptis. In ea vrbe nō nihil recreatur. Quin-
decim sexdecimve nummos argēteos hospi-
tis cuiusdam sui liberalitate, & ad fouendum
stomachum frigoris vi debilitatum, pāni ali-
quantulum accipit: inde Hispaniam versus
discedit. Ferrariæ dum orat in templo, ab il-
lo (vt fit) etiam mendicus quidam eleēmosy-
nam petiit: Ignatius benignè dat: eius qui
acceperat admonitu, reliqui egeni qui pro tē-
pli foribus astabant, certatim ad Ignatiū con-
fluunt: quibus ille quotquot habuit nummos,
ad vnum elargitur: atq. è templo exiēs (men-
dicis omnibus magnis illū vocibus sanctum
inclamantibus) mendicare ipse è vestigio in-
cipit panē, quo eo ipso die vesceretur. Ferra-
ria Genuam profectus est: sed cum bello atro-
ci inter Hispaniarum Galliarumque Reges.
Gallia Cisalpina omnis arderet, admonitus
est, vt de via defleceret, ne à militibus exce-
ptus pœnas acerbissimas daret, quas multi an-
teà dederant. Ipse verò qui Dominum habe-
bat ducem, firma in eum fiducia septus, ire
pertexit. Aliquātulum progressus, in militum
Hispanorum potestatem venit. Qui explora-
torem ex habitu & specie rati, primo quidem

verbis hominem mulcent : deinde diligenter excuriunt, omnesq. partes corporis petulantius etiam perscrutantur. Cum eorum nihil, quæ suspicabantur, inuenissent, veste spoliatum ad Præfectum adducunt. Atq. ante id tempus quidem, ut rusticanus & agrestis haberetur, omnes quos alloquebatur viros etiã principes inurbanè erat solitus, & contra cœmunem aliorum morem compellare. Sed dũ ducitur ad Præfectũ, noua quadam formidine correptus, dubitare cœpit, nũ expediret suam illam consuetudinem intermittere, & alium loquendi urbaniorẽ modum, & communi vsui propiorem vsurpare, ac Ducem illũ alloqui, quàm alios solebat, honorificentius; ne ille fortè contemptum se putans, acerba in ipsum supplicia constitueret. Hanc tamen cogitationem ab humano metu profectã intelligẽs, ita repulit, ut eam ipsam ob causã, nullũ placẽ honorem Duci habere decerneret: quod & fecit. Nanq. ex illo Dux, cujas sit, quærirẽ ille verò tacet: vnde veniat? silet: nomen sciscitatur: nihil respondet: deniq. ad interrogationes varias multiplicesq. fixis in terrã oculis, animo in cælũ, tacitus perseuerat, ad vnã illam, Est ne explorator? tantũ inquit, Non sum: ne iustã iniuriæ causam dedisse videretur. Tunc Dux ira percitus, milites grauissimis verbis corripere, stultitiam accusare, quod insanum hominem ad se adduxissent, & simul præcipere, ut eum amoueant, & abire permittant. Hic milites Ducis incitatione irritati, pugnis

gnis hominem & calcibustundunt, variisque contumeliis indignum in modum afficiunt. Narrabat ipse et postea mirabilem quandam se id temporis consolationem accepisse, cum eius ignominia veniret in mentem, qua Christus Redemptor noster ab Herode, & ab eius militibus affectus est. Post hanc derisionem, & per ora hominum translationem, non defuit militi suo Deus. Nam Hispanus quidam communi humanitate ductus, ieiunum adhuc satigarumque. Ignatium, ac pessime acceptum refecit. Qui postmodum iter suum prosequens, à Gallis speculatoribus exturri excubias agentibus, captus iterum est, ad Ducemque perductus: à quo perhumaniter acceptus, ac dimissus est: Genuaque pervenit: & inde opera Roderici Porcundi, hominis Cantabii, Hispanicarum triumvirum præfecti, sibi quondam in Catholici regis Ferdinandi curia noti, in navim ascendit; & Barcinonem, non absque periculo, renavigavit.

STVDIA LITTERARVM

aggreditur. CAP. XIII.

IN Hispaniam eo consilio rediit, ut operam istudis litterarum daret, ad eamque rem Barcinonem, commodam sedem sibi & proximè opportunam delegerat. Nam sacri Hierosolymæ locis exclusus, sese in omnes partes versare cepit, & quid ageret, possimum quaerere, quod Deo esset quam gratissimum. Cum omnia secum diligenter reputasset, denique statuit, quo proximis eius opera videretur, ad spiri-

tus diuini vnctionē, litterarū quoq. cognitio-
nē adiungere. Quamobrē cū fœmina quadā
primaria, & de ipso optimē merita, & cū lu-
dimagistro quodam, nomine Ardebalo, viro
probo, & ad omnē pietatem propēso, suū hoc
consilium cōmunicauit, quo vtriq. probato,
altera sumptus, operā suā alter, & industriā est
pollicitus. Cœpit igitur anno nostræ salu-
tis 1524. grandis iam natu (annū enim age-
bat 33.) studia non ætati, sed spiritui suo con-
uenientia exercere, primāq. Grāmatices ru-
dimenta deuorare. Sed cū neq. exiliū, spi-
nosarūmq. rerū subtilitas, neq. inusitati stu-
dij labor vlla eius animum molestia afficeret:
perturbabat tamen illustrationum, quas inter
ea ipsa studia percipiebat, tum magnitudo,
tum crebritas. Nā cū nominum, & verbo-
rū memoriæ mandare inflexiones vellet, tan-
to splendore animus illustrabatur ad res di-
uinas intelligēdas, vt noui ediscere nihil pos-
set: & si quid antea esset memoriæ traditum,
id totum facilē efflueret. Neque omni studio,
animiq. contentione poterat aut arcere ap-
propinquantes, aut ingressas huiusmodi co-
gitationes abigere. Cuius rei nouitate per-
cussus, Quid hoc, inquit, rei? cū oramus, cū
confitemur, & supersubstantialem panem ac-
cipimus, cū vigilamus, cū nos verberibus
cædimus, cū spiritalia omnia ac diuina mu-
nera obimus, neq. tam frequentes, neque tam
magnæ, neque tam vehementes se nobis illu-
strationes offerunt: cū puerilia agimus, & de
Deo

Deo propter Deum non cogitamus, tum speciosa nostræ menti imagines, & cælestes illustrationes occurrunt. Agnosco, agnosco importunissimi hostis calliditatem: agnosco veteratoris dolos, & astutiã. Cuius conatibus vt occurreret, & consiliũ diaboli se à studiis malitiosè aucantis eluderet, præceptorẽ suum, in templum, cui sanctę Marię à mari cognomen est, vt veniat, rogat. Illi dæmonis tentamẽta narrat: suã in duos proximos annos assiduitatẽ pollicetur, se à lectionibus non abfuturum (panis modo sibi & aqua ad victum suppetat) fidẽ suam obstringit. Et simul sese ad pedes abiicit, ab eo etiã atq. etiã petit, vt se pro puero habeat, verberib⁹ grauius accipiat, sicubi minus attentũ, aut diligentem effe deprehenderit: Atq. hac tã vehementi eius animi contentione, diaboli fraus repulsa est, & pax tum illi diuinitus reddita. In hac studiorum palæstra versanti, pij quidã, ac docti viri consiliũ dederũt, vt Erasmi Roterodami, qui eo tempore bonus Latinitatis auctor habebatur, libellum de milite Christiano legeret, vt sermonis scilicet elegantiam cũ pietate coniungeret. Cuius consilij Confessarius etiã ad reliquos auctor accessit. Quod cùm Ignatius simpliciter fecisset, obseruauit illius libelli lectione refrigescere in se spiritũ Dei, & deuotionis sensim ardorem restringui. Quare animaduersa, librũ de manibus omnino abiicit, & ita est auersatus, vt nec ipse amplius legerit illius auctoris libros, & passim in Societate

nostra legi vetuerit. Thomæ de Kempis de imitatione Christi libello plurimū cum utebatur, illiusq. lectionē valde semper probauit. atque ita illius libri spiritum & doctrinam hausit, tā auidē arripuit, tā perfectē in se expressit, vt (vt multorum iudicio) Ignatii vita solida quædam, eminens, ac viua esset imago, eorum præceptorū omniū, quæ aureo illo libello continētur. Barcinonem postquā reuertit, valentiori stomacho fuit, quàm Manresæ fuerat: quocirca aciores pœnitentias, propter stomachi imbecillitatē, ac itineris difficultates intermissas, repetere statuit: cœpiq. calceorū soleas perforare, & paulatim magis magisq. discindere; sic, vt ineunre hieme dissolutis iam ac fractis soleis, plantis omnino nudis, pedibus supernè tantūm tectis, ad vitandā ostentationem, incederet. Barcinone duos annos operā Ardebalo diligenter dedit; tantūmq. in Latinæ linguæ cognitione profecerat, vt præceptor aptus iam ad grauiora studia videretur. Cuius iudicio cū alij nonnulli eruditi viri assentirētur, illūq. omnes ad philosophiæ studiū capeffendū hortatētur: ipse tamē, qui ad reliquas disciplinas optimā iacere Latinitatis fundamētā cupiebat, non prius illorū consilio paruit, quàm Doctor quidam, præstansq. Theologus, cognito quantū in literis profecisset, ceterorū sententiā probauit, & vt cōmodius philosophiæ studiis vacaret, ad Cōplutensem Academiā vt proficisceretur, suasisit. quod & fecit anno Domini 1526.

COMPLUTI IN CARCEREM

conicitur & absoluitur.

CAP. XIII.

Complutum ingredienti Martinus Olanus puer occurrit, eleēmosynāq. primus omnium est impartitus, is qui lōgo post tempore, ætate iam confirmata, excellenti doctrina, magnāq. auctoritate præstans, Societatem nostram est ingressus. In eo oppido ad hospitalē pauperum domum diuertit, ostiatim ex more panem in victū mendicat. Id dum aliquando facit, à sacerdote quodā irridetur: ab aliis etiam ociosis hominibus præteriēs contumeliis afficitur. Sed noui Altozanæ nosodochij moderator id grauiter ferēs, Ignatium ad se vocatū, in nosodochium suum perduxit. Ibi cōmodiore loco habitus, animum cū ad logices, ac philosophiæ studiū contulit, tū verō ad pietatē religiosē colendam, & proximorum salutē studiosē procurandam. Nā & egenos, fameq. pressos, cōquilitis vndiq. eleēmosynis alere, & exercitationibus spiritalibus ad pietatē informare multos, & Christianæ doctrinæ rudimenta populo rudi explicare aggressus est tanto tamq. insigni fructu, vt vniuersa illa ciuitas cōmota post eius ingressum videretur. Quam rem humani generis hostis non ferens, conceptum in ipsum odium decreuit effundere. Erant id tēporis Ignatio socij tres, qui hominis vita permoti, sese illi eius vitæ sectatores adiunxerant, eodē panno vestiri, quibus quidam Gallus adolescēns comes

acceſſerat. Quos propterea à panni ſimilitudine, enſayalados, vulgo Hiſpanico vocabulo appellabant. Itaq. tum horū Societate, tū hominū ad audiendum Ignatiū concurſu, tum verò conſecuta eximia vtilitate excitati multi, multa, vt ſit, pro ſua quiſq. opinione loquebantur, variaque, & ſupra veritatē etiā aucta in vtramq. partē ſpargebantur in vulgus. Rem ad Inquiſitores fidei Toletū rumor pertulit, rei nouitate cōmoti, vt naſcētī malo (ſi quod eſſet) occurrant, Complutum veniunt: quid doceat, quid agat Ignatius, quemadmodū viuatur, diligentiffimè inquirunt. Cū autē omnia ex ordine, tum illius verba, tum facta rectæ fidei, pietatiq. conſentanea reperiffent, ne appellato quidē illo, rem integram Archiepiſcopi Vicario, qui tum Ioannes Figueroa erat, relinquunt, ipſi Toletum reuertuntur. Interiectis aliquot diebus, Vicarius Ignatio, ſociisq. ad ſe vocatis dixit, inquitū eſſe diligenter in eorum vitam atq. mores, totamq. inquisitionem, & cauſam accuratè eſſe perſcriptam: nullum tamen errorē in doctrina, nullum in vitæ ratione vitiū inueniri. Quocirca poſſe illos pro ſuo arbitrio agere, citraq. impedimentū vllum in proximorum ſalutem incumbere. Illud tamen ſibi hand placere, quōd vno omnes veſtitu, cū religioſi non eſſent, vterentur; ſatius fore, idq. ſe velle, atque etiam præcipere, vt ſocij duo nigris veſtibus, duo alij ruſſis induerentur, Gallus adoleſcēs ſuum habitū retineret. Ignatius, facturos ſe
quæ

quæ iubebantur, respondit: quod & fecerunt. Post paucos item dies Vicarius Ignatiū nudis pedibus vetat incedere: ipse vero calceamenta induit, vt erat in huiusmodi rebus, cum præciperentur, facile obsequens. Aliquot menses effluerant, cum denuò in eius vitam inquitur: sed post magnam inquisitionem, tum etiam intactus relinquitur. Neque tamen ideo quieto esse illi in posterum licuit. Etenim in eorū numero, qui multum in pietate Ignatij consiliis profecerant, duæ fœminæ erant viduæ, mater & filia, nobiles & honestæ, filia etiam ætate florens, & forma. Quæ pio quidem, sed non secundum scientiam desiderio permotæ, primū quidē Ignatio improbante, postea verò etiam nesciente, solæ suis pedibus, & in speciem mendicæ, longam peregrinationē religionis causâ susceperant. Quæ res Ignatio magnam immeritò conflavit inuidiā. Nam ad eū iam extra Xenodochium habitantem, ac nihil tale suspicantem apparitor Vicarij venit; facile sequentem, in carcerem ducit. Aestiuum tēpus tunc erat, carcereq̃ liberiori utebatur, quocirca frequentes ad eum auditores confluebant, quibus Christianas ipse institutiones enucleabat, spiritualesq̃ exercitationes nihilo quam antea remissius tradebat. Illustribus nonnullis viris atq̃ fœminis (in iis Teresæ de Cardenas, genere & pietate præstanti, & Leonoræ Mascarenæ, Philippi Hispaniarum Principis postea moderatrici) suæ ad illum liberandū studia

dia profitentibus remisit, neq. illorū auctoritatem interponi, neq. vllum omnino patronum aut aduocatū adesse sibi apud iudicem passus est. Nam cū nullius sibi conscius esset culpæ, defensionem necessariam non putabat, & simul optabat multa pro Christo subire incōmoda, & ab ecclesiasticis magistratibus dirigi, quibus obediētem semper se, ac facilem præbuit. Vnus ex sociis Segouię id temporis erat, nondū planē ex graui morbo confirmatus. Qui cum in vincula coniectum Ignarium accepisset, properē Complutū venit: in eundem se carcerē vtrō includit: Ignatij monitu Vicario se sistit: illius iussu in carcerem reducitur. Sed paulò post Ignatij cura eximitur, de imbecilla illius valetudine magis, quàm de sua incolumitate solliciti. Septimum decimum iam diem in carcere Ignatius agebat, cū nihil ipse vel sciret, vel coniectura assequi posset, quam ob rem esset in custodiam à iudicibus traditus. Tunc Figueroa in carcerem ad eū venit, multa de homine sciscitatur, inter alia, eāne, quas dixi, matrem, ac filiam nosset? annuit Ignatius. Tum Vicarius. Ecquid illis profectionis auctor, aut conscius: antequam abirent, fuisti? Nihil certē minus: immò hoc tibi affirmo, percurstationes eiusmodi in vniuersum illis dissuasisse me, ne filia ea ætate ac forma in cuiusquam petulantiam incurreret. Posse illas intra domesticos parietes, non minus pietati vacare, quàm foris, & quidem tutius, ac liberius. Cui iudex atridēs:

Atqui

Atqui isthæc ipsa, inquit, est causa, cur comprehensus sis. Duo & quadraginta dies abierant ab eo die, quo in carcerem primum missus est: cum reuersis iam mulieribus, & interrogatis, publicus Vicarij scriba Ignatiū conuenit: iudicis sententiam legit. Ea sententia tria continebantur. Primum, Ignatiū, sociosque prorsus integros, atq; innocentes videri. Alterum, vt idem habitus illis, qui reliquis scholasticis, idēq; vestitus esset. Postremum, vt quoniā essent in sacris litteris rudes (quod consulto ipsemet non obscure præseferbat Ignatius) ne ad populū de sacrosanctis Christianæ religionis arcanis, ad quattuor proximos annos, loquantur, quibus quidem cognitionem rerum maiorem sibi parauissent. Ea sententia audita, respondit iudici de ea parte, quæ ad vestitum pertinebat, Ignatius: Cū nos iussistis vestes nostras inducere, non grauati obtemperauimus: quia facile erat eidē panno aliū colorē inducere: nunc verò, cū pretiosum habitū, & minimè egenis conuenientē imperatis, obedire nō possumus: neq; enim id præstare in nostra est potestate. Itaq; iudex vestes illis, pileos, cæteraq; scholasticorū more emi à se iussit. Sed Ignatius post sententiā non nihil hæsitauit, quòd cursum suum impediri, adiutumq; sibi ad salutem proximorum intercludi cerneret. Itaq; statuit ad Toletanum Archiepiscopum Alfonsum Fonsecam, Pintia commorantem, se conferre; eiusque iudicio stare: ad quem cum in modum, quem diximus,

mus, indutus cum sociis discessit. Illum benignè exceptum Archiepiscopus fouit, & sua sponte ad Salmanticensem Academiam propensum viatico iuuit, suâq. & suorū operam atq. omne genus officij humanissimè detulit.

SALMANTICAE RVRSVS
comprehenditur, & liberatur.

CAP. XV.

SAlmanticae cœpit (vt consueuerat) populi Animos ad Christi imitationem acuere. Ex more sæpius confitebatur pio cuidam, & religioso ex Dominicana familia viro, qui in doctissimo illo Diui Stephani conuentu cōmorabatur. Haud ita multo pòst quàm Salmanticam venit, Confessarius Ignatio significat, sui Cœnobij fratres, magno ipsum alloquendi audiendiq. desiderio teneri. Cū se præsto esse respondisset, ad prandium in diē Dominicum inuitat, simulque vt sese præmuniret, præmonet, velle illos multa de ipso sciscitari, multa cognoscere. Ad cōdictum diē Ignatius cum socio venit; pransi, in sacellum ipsi, Cōfessarius, fratres præterea duo conueniūt, quorum alter Cœnobium pro Priore gubernabat. Is blandè Ignatium intuitus, ac beneuolè: Gaudeo, inquit, cum tam multa de tua virtute ac moribus passim prædicari audio, teq. eum esse, qui non tibi solū, sed aliorum etiam saluti seruias, & Apostolicū in morem circumiens, populos doceas. Neq. hoc præcipuum mihi, sed commune etiā cum reliquis nostris

nostris gaudium est. Quod quo solidius gaudeamus, cupimus his de rebus sigillatim aliqua ex te sanè audire, in primisq. in quo studij genere euigilaueris, quibus in litteris versatus sis. Cùm simpliciter candideq. id quod erat, Ignatius respondisset; Quid est ergo, inquit, quod tam tenui doctrina præditi, ac primis vix litteris imbuti, concionamini? Nos verò, Ignatius inquit, non concionamur, sed interdum cū res fert, de diuinis rebus familiariter loquimur. Et ille, De quibusnā, inquit, diuinis rebus? hoc enim est, quod maxime scire auemus. Tunc Ignatius: Nos aliquādo, Pater, de virtutis dignitate, ac turpitudine vitiorum loquimur: eos, qui nos audiūt, ad virtutes hortamur, à vitiis abducim⁹. Vos, Prioris Vicarius inquit, indocti estis, vt vos ipsi profitemini, de virtutibus tamen, & vitiis sermonem habetis, atqui de his quidem verba rectè facere nemo sanè potest, nisi aut doctrina labore parata, aut diuinit⁹ infusa: id vobis doctrina nō præstat, Spiritus ergo sanctus. Atq. hoc est de Spiritu sancto, quod scire cupimus. Hic aliquantisper Ignatius hæsit, nouo illo genere argumentandi cōmorus. Post aliquantulum verò silētium, cū se collegisset, Sit, inquit, satis, nihil enim est opus, vt ultra progrediamur. Cū verbo de Spiritu sancto Vicarius premeret, & vehementer ad respondendum, Ignatium vrgeret, elicere ab ipso illud tantū potuit: Ego, pater, nihil quidem amplius dicam, nisi id fortè iubeant, qui superio-

superiores sint, & mecum agere suo iure possint. Cū tot mundum, Vicarius inquit, errores infestent, tot notę pestes quotidie existant; quæ doceas explicare non vis? atqui facillè efficiemus, omnia ut dicas. Hic, inquit, manerote. Remanent Ignatius & socius in Sacello. Illi festinanter abeunt. Omnes Cœnobij fores occludi iubent, in cubiculum homines adducunt: tres ipsos dies eos retinent in Cœnobio: qui quidem dies Ignatio fuere lætissimi. Cum monachis cibū vnā capiebāt: ubi Ignatius erat, eò multi ex ipsis ad illū audiendum ventitabant: cubiculum ferè semper erat auditoribus refertum, quibus ipse audacter, palāq. de diuinis rebus ex more loquebatur, multisq. suum institutum, ac docendi rationem probabat. Quocirca dissensio quodammodo inter illos facta est, cū alij probarent, alij verò improbarēt eius doctrinam. Interea religiosi patres, temporū calamitatibus admoniti, & Ignatij de diuinis rebus loquendi vi ac libertate, hominum ad eum concursu, rumore deniq. ipso (qui aliquid veritati semper affingit) commoti, ne quid fortè mali subesset, rē deferunt ad Episcopi Vicarium. Vicarij apparitor post triduum in Cœnobium venit: Ignarium, sociumq. comprehendit: in carcerē contrudit, non quidem in inferiorem cum facinorosis hominibus, sed in superiorem quandam à comuni habitatione seiunctum, male materiatur, peruerstum, repletum sordibus, sœtore tetrum, atque eadē cathena duodecim,

decim tredecimve palmorū longitudine, altero utrumq. pede colligat, atq. ita constringit, ut alter alteri semper adesse cogeretur. In hunc modum noctem illam peruigiles, orantesq. traducunt. Postridie, ubi rescitum est eos in custodia esse, lectorum stragula, cibos, reliqua vitæ necessaria abundè suppeditarunt pij viri, quorum magnus numerus, audiendi causa, ad Ignatiū concurrebat. Ille verò morem suum illum retinebat, virtutes ornandi, accusandi vitia, excitandi omnes ad humanarum rerum despicientiam, Baccalaureus quidā Frias, Episcopi Vicarius, ad eos in carcerem venit: utrumq. separatim interrogat: illi Ignatius scripta sua, hoc est, Exercitationum spiritualium librum ad examinandū tradit: duos (præter eū qui secum erat) socios sibi esse monet: locum, ubi sint, indicat. Socij illi, Vicarij iussu, in inferiorē carcerem detruduntur, ubi reliquæ custodiæ asseruabantur, quo ab Ignatio, parietibus disuncti essent. In hac item iactatione, & oblata sibi tempestate, nullum innocentiae suæ defensores adhibuit. Præterierant aliquot iam dies, cum ad iudices quattuor, viros eruditos, & graues, Ignatius adducitur. In iis tres Doctores fuerunt, Isidorus, Parauigna, Frias; quartus, is qui est à me nominatus Baccalaureus Frias, quē pro Episcopo fuisse iam diximus. Hi omnes traditum Exercitationum librum legerant, & curiosius etiam expendebant. Productum ad se Ignatium multa rogant, multa non modò de

de libro illo, sed de abstrusis, reconditisque Theologiæ quæstionibus, de inexplicabilibus sanctissimæ Trinitatis, incarnationis, atque Eucharistiæ mysteriis, & id genus alia percontantur. Ad quæ Ignatius (se ineruditum modestè præfatus) tam doctè graviterq. respondit, ut magis admirationi esset, quàm reprehensioni locus. Deinde Episcopi Vicarius quæstionem ex iure canonico enodandam Ignatio proposuit: quâ ille (cû se prius ignorare Doctorum de ea re sententiâ dixisset) ita dissolvit, ut scopum ipsum attingeret. Deniq. iussus est, primum Decalogi præceptû, ut populis solebat, exponere. Ille verò tam multa, tam exquisita in eâ rem disseruit, ut omnē illi ultra interrogandi cupiditatem abiicerent. Vnū erat, quod indices nō satis probare videbantur: quod initio ferè Exercitationum spiritualium positum, eam doctrinam continet, qua docemur, cogitationem, quæ peccatū veniale sit, ab ea cogitatione, quæ sit mortifera, verè scernere. Id vitio propterea vertebant Ignatio, non quod falsum esset, sed quod cū minus esset doctrina ex cultus, ea constitueret, quæ discerni absque magna doctrina non possunt. Ad quod Ignatius tantum, Vera ne sint an falsa, quæ scripsi, vestri iudicij est (ego enim meū non interpono) si vera sunt, probate; si falsa, reijcite. Illi tamen nullo modo improbare ausi sunt. Multi, ut suprâ diximus, ad Ignatiū, visendi audiendiq. gratia, conveniebant; ex quorū numero Franciscus Mēdorijs

(is qui Burgenſis Epiſcopus, & S. R. E. Cardinalis poſtea exceſſit è vitâ) vicem illius dolens, ab eo familiariter aliquâdo quæſiuit, dolenter ne ferret carcerem illû, ac vincula? cui Ignatius: An tantû malum tibi videtur carcer eſſe? at verò nō tam multæ Salmanticæ compedes ſunt, nō tot catenæ, quin ego plures pro Chriſto cupiam. Atque etiâ ſacrata quædam ſœminę, ſanctitatis Ignatij opinione cōmōtæ, & priuatis eius colloquiis ad pietatem aliquando incenſæ, ad ipſum in carcere incluſum epiſtolam ſcripſerunt; in qua & eius iniurias dolebant, & eos qui Ignatium in periculum illud diſcrimenq. coniecerant, grauiſſime accuſabāt: ad quas Ignatius reſcripſit, oppido ſe mirari, illas quibus crucis Chriſti myſterium notum ac pertractatû eſſe oportebat, immenſos gloriæ theſauros in cruce incluſos penitus ignorare: ſe quidē gaudio exultare, & maiora & grauiora propter Dominum ſuum patiendi, perferendiq. cupiditate vehementer ardere. Idq. grauiſſimis verbis, atq. ardentibus ſcripſit, prout ut illas & puderet ſui, & Ignatiû imitandi patiendiq. propter Chriſtû inflammatû quoddam deſiderium inceſſeret. Dum in cuſtodia Ignatij, ſocij tenerentur, accidit vt reliqui vinclj, præterquam illi, aperto carcere fuga omnes euaderent. Itaque ſocij poſtero die manè, ſoli patentibus foribus reperi ſunt. Idq. tum apud iudices, tum apud populum multum admirationis habuit: quocirca è carcere miſſi ſunt, & in aſiam

domum traducti. Secundo & vicesimo die, ex quo capti fuerant, accersiti sunt à iudicibus, vt sententiã, quæ in eos ferebatur, audirent. Huius sententiæ summa erat, vitam atq. doctrinã Ignatij, sociorumq. integrã, nullaq. omnino labe aspersã videri: liberum illis esse, pro sua consuetudine, populũ docere, deq. omnibus rebus diuinis colloqui: illud vnum cauerent, ne quid mortale peccatum, quid veniale esset, definirent, nisi quatuor adhuc annos in litterarũ studio posuissent. Quam sententiã tandem seruaturũ se dixit Ignatius, quamdiũ in illorũ iurisdictione, ac potestate esset. Neg. enim esse æquum, vt nullo vitio in vita deprehenso, nullo errore in doctrina, ianuam sibi ad animarum vtilitatem obstruerent, ac loquendi liberẽ facultatẽ eriperent: se sui iuris esse, suęque vitæ rationibus consulturum.

IN PARISIENSEM ACADEMIAM studiorum causa contendit.

CAP. XVI.

EX quo primũ Ignatius animum ad studia contulit, magna deliberatione sollicitari cœpit, utrũne, decurso studiorũ curriculo, Religionẽ aliquam ingredi, an liber atq. expeditus ad salutẽ animarũ vagari, aliosq. sibi eiusdem propositi socios deberet adiungere. Quæ sanẽ consultatio valde eius animũ sollicitũ habuit. Quòd si religio complectẽda esset, ea demũ sequenda videbatur, quæ labe factata esset, ac planẽ dissoluta, in qua videri-

cet multa pati, multa ab hominibus seueriorē disciplinam recusantibus, perferre cogere-
tur. Sed in hac deliberatione multò in eā par-
tē eius animas erat propēsiō, vt socios coge-
ret, quo liberius, pleniusq. omnes suas curas
cōmodis proximorū cōsecraret. Quæ senten-
tia, quia melior, vicit. Itaq. hunc animum etiam
tunc habuit, cū ferrea illa cāthēna deuinctus
eragret, qua simul atq. expeditus fuit, Salmā-
ticāq. tantū impedimentum obici suis con-
siliis vidit, aliò sibi emigrandū existimauit.
Quod & fecit, multis optimis atq. clarissimis
viris repugnantibus, molesteq. eius discessum
ferentibus. Re igitur cū sociis cōmunicata, &
cōposita, solus a seellum libris onustū agens, in
viā se Barcinonē versus dedit, vt Lutetiam
Parisiōrū studiorū gratia sese conferret. Bar-
cinonē vbi peruenit, omnes eius necessarij ac
familiares, cognito eius animo, vehementer
profectionem illi Parisiensem dissuaserunt.
Erat summa hiems, bellum inter Hispanos
Gallosq. ingens & seuū, iter infestū ac pericu-
losum, multa crudelitatis exēpla, eaq. recēs,
ac hostiliter à militibus in viatores expropta,
proferebātur. Hæc omnia tamen constantem
Iguatij animū, ac diuino concitatū impulsu,
retardare non potuerunt. Quapropter viæ se-
cōmisit, Deoq. duce ita pedibus iter illud cō-
fecit, vt mense Februario ineunte, anni mil-
lesimi quingentesimi vigesimi octauī, Lute-
tiam Parisiorum sanus incolumisque per-
ueniret.

VITÆ IGNATII

L O I O L Æ,

LIBER SECVNDVS.

STVDIORVM ILLIVS

. labor & fructus.

CAPVT PRIMVM.



INGRESSVS Lutetiã Ignatius, cogitationes suas eò potissimũ contulit, vt rationem aliquam inueniret, quò eorũ, quæ ad vitã necessaria sunt, cura liberatus, in studiis ingenuarũ artium sedulo versaretur. Quæ res secus longè accidit: magnam enim in illa studiorũ tractatione molestiam & difficultatem sustinuit. Principio, quandam pecuniæ summã, dono sibi ex Hispania missam, accepit, eamque contubernali cuidam suo seruandam tradidit: in vsus ille suos commodumq. conuertit: soluedo postea non fuit; itaq. Ignatio periit. qui in eas angustias adductus est, vt in hospitalẽ diui Iacobi domum diuertere, & ostiatim quærere victũ quotidie cogeretur. Quod tamen si v sitatum ipsi erat, & per se iucundũ: multũ tamen impeditenti studiorũ progressibus adferebat. Iam illud permolestũ, quod à gymnasio,

ubi discebat, tā procul aberat. Nā cū
 mitiones à præceptoribus hieme antelun-
 aberentur, in noctē producerentur ve-
 næ, ipse cū sole domo exire (vt xenodo-
 ges seruariet) cū sole redire coge-
 batur. igitur inchoata studia minimè sibi ex-
 tia procederent, magnoq. labore ex-
 fructum caperet, eam tandē rationem
 itauit, vt herū sibi aliquē quæreret, eru-
 in primis virum, cui ipse deseruiret, vt
 à domesticis ministeriis daretur tempo-
 torum in litterarum meditatione con-
 et. Quem si inuenisset, statuerat illum
 i loco habere, in cōdiscipulis verò Apo-
 ipsos cernere, & Christum ipsum sibi,
 ssimumq. discipulorū illius cœtum, pia
 tione repræsentare. Quæ eius cælestis
 pictura quædā & cōformatio in cōmu-
 æ consuetudine, & religiosa fratrum inter
 municatioue, magnopere à patre nostro
 ndabatur, vtpotè quæ ad retinendam in-
 iores obseruantiam, fraternā erga pares
 atē, valeret plurimū. Herū, magna dili-
 a multorum conquistum, inuenire non
 t. Quare vbi hæc non successit, aliā viam
 odiorē iniuit. Re Domino in oratione
 nter commendata, consiliū religiosi cu-
 m viri sequutus, in Belgas annis singu-
 cōstituit, vt ab Hispanis mercatoribus,
 nibus copiosis, qui in illa prouincia ne-
 bantur, aliquid pecuniæ in sumptus cor-
 ret, & paucorū dierū iactura, studiorum

omnium perturbationē redimeret. Hac via, tantum quotannis mercatorū liberalitate pecuniā referebat, quantum ad vitam sufficeret frugaliter sustentandam. Primo & altero anno in Belgicam Galliam profectus est, tertio etiam in Angliam excurrit. Post triennium verò, eundi ac redeundi cura liberatus est. Nam mercatores ipsi suapte sponte, pecuniam mittebant Ignatio in annos singulos, quæ ad eam addita, quæ ex Hispania subministrabatur, neq. tenuis omninò erat, neq. vsq. adeò angusta, vt ad illum parçè modicèq. viuentem, atq. ad alterū etiam socium alendū non sufficeret. Atq. hunc in modum Ignatius vitam tolerabat. Sed non inopiæ solū incommodis illius affecta studia sunt, alia etiam extiterunt impedimenta. Nam diabolus, qui sibi ab Ignatio timebat vehemēter, incitatum illius in litterarū studia cursum auertere moliebatur. Quamobrē Philosophiæ curriculum ingredienti, eadē illi impedimenta ex cogitationum spiritualium importuna copia intulit, quæ Barcinone obiecerat in rudimentis Grammatices versanti. Sed fallaces illas imagines facilè depulit, & callidi hostis impetū, eadem ratione qua superiorem illum, refutauit ac fregit. Morbis etiā sub studiorū finem, grauissimè est conflictatus. Nam etsi initio aliquanto melius illi à stomacho fuit; postea tamen voluntaria corporis vexatio, & pœnæ (quas aliqua ex parte vel remissas auxit, vel interdū etiā intermissas Lutetiæ reuocauit)

studio-

Studiorū labor, animi grauis ac perpetua contentio, cælū ipsum Parisiense ipsi insalubre & aduersum, ita Ignatium afflixerunt, vt quò perditæ valetudini parceret, studiorum cursum interrumpere cogeretur. Atq. his tamen tot incommodis oppressus, tantum in literis profecit, vt fructus minimè pœnitendus videretur. In Hispania, quorundam consilio inductus, & animas citius iuuandi desiderio quodam incitatus, minùs explicatas studiorum suorum rationes habuit. Nā & Logicæ, Philosophiæ, Theologiæq. studia vnotempore complexus est: quæ praproperea festinatio magnam illi moram intulit. Quapropter vt tarditate cursum corrigeret, Lutetiæ primū in Montis Acuti gymnasio, se bonis Latinitatis præceptoribus reformandum tradidit, in quoq. studio biennium ferè consumpsit: deinde satis iam Latina lingua promptus, Philosophiæ cursum, anno 1529. est ingressus: quem feliciter sanè confecit. Quare lauream magistralem est adeptus, cū leuere de eius scientia periculum esset factum, lapideo (vt vulgo vocant) examine, quod omnium in illa academia, solet esse grauissimū. Id, magistro suo auctore, non ad futilem ostentationem Ignatius, sed ad eruditionis testimonium fieri permisit: cū animo versaret multa obinopiā doctrinæ Compluti & Salmanticæ ad proximorum salutē sibi obiecta fuisse impedimenta. Spatio Philosophiæ emēso, reliquum tempus, ad annum trigessimū quintum exun-

tem, sacrae Theologiae tribuit, parq. suscepto labori fructus, Dei benignitate, respondit. Illud sanè, quoniam res admonet, silentio non prateribo. Ex his tot tantisq. difficultatibus, quibus Ignatii studia implicata fuere, eam curam natam esse, quam de nobis prouidus pater suscipiebat. Pressus est magna ipse inopia: at verò cupiebat, diligenterq. curabat, ut dum in studiis litterarum versarentur, ita nostris ad usus vitae necessarios esset prouisum, ut absq. ulla victus quære sollicitudine viueret. Aiebat enim, in summa mendicitate, sapientiae studium haud facile posse consistere, atq. animi cultum anxia illa cura alendi corporis impediri. Ex quo his nostram Societatem institutis temperauit, ut Collegiis nostris communiter habere ea bona liceret, quae paupertati nullo detrimento, scientiae comparandae magno essent adiumento. Vexatus est ille caelestium rerum haud opportunis imaginibus. Ne verò istiusmodi rebus ab exercitiis auocarètur litterariis, voluit studiorum tempore, & meditationes, & ipsas proximè iuuandi occupationes nostris esse moderatas. Debilitarunt eum morbi, & idcirco filiorum suorum valetudini diligentissime, dum vixit, per se consuluit, & ut idem semper fieret, essentq. scholasticorum nostrorum conatus ex intermissione diuturni, in constitutionibus prouidit. Perturbatè initio disciplinas multas vno tempore cõplexus est. Quod ne nobis eueniret, sapienter cauit, ut nostrorum studia nihil haberent aut preposterum, aut

muti-

nihilum & concilium: sed rectè omnia, atque
 ordine fieri: in eo enim, in quo passus est ip-
 se & tentatus, didicit eis, qui tentantur, auxi-
 lari. Itaque hac ipsa de re loquens Ignatius,
 percipere se dicebat aliquē ex studiosorū nu-
 mero nancisci, qui tot tantisq̃ difficultatibus,
 cōmodisq̃ constrictus, atq. ipse, fuisset, tāta
 attentione, parē annorum numerū in stu-
 diis litterarū posuisset. Et meritò quidē id di-
 cebat, ipse enim studuit magna in primis
 upertate pressus, eaq̃ue volūtaria, atq. spon-
 tanea omninò, & nullo modo ab obedientia
 pfecta, tum multis morbis diuturnisq̃ con-
 stitutus: deinde neq. honores neque dignitates
 cētans, neq. vllum omninò præmium hu-
 mū, quod attrahere homines solet, atque ad
 res perferendos animare. Nulla prætereā
 uptatis, quam ex studiis caperet, inuitatus
 cebra, quæ magoum inuitamentū morta-
 lus est laborum. Imò verò & suapte natu-
 ra & propter ætatem iam maturam, & ad di-
 sciplinas addiscendas minùs idoneā, & pro-
 pter degustatam spiritus suauitatem, à studiis
 rarum abhorrebat. Habuit denique toto
 iorum tēpore occupationes multas, per-
 tiones permolestas, magnas atq. innume-
 les curas, quæ studiorū illius cursum vel
 edirent, vel retardarent. Et tamen tot re-
 aduersis, tantis implicatus molestiis, duo-
 m annos litteris nauauit operam, assiduè
 strenuè, seipsum frangens, diuinæ volun-
 tatis per omnia obsequens, suamq̃ subiiciens.

Atque ut id faceret cōtentis, omnia quę impedimento ipsi esse poterant, studiosę summouebar. Quęcirca Lutetię inter Ignatium Philosophię cursum ingressum, Fabrum quę conuenerat, ut ipso studendi tēpore de rebus spiritualibus ne loquerentur; propterea quod in eiusmodi rerum colloquiū si fortē incidissent, ita Ignati⁹ diuini amoris quasi efflu quodam atq. impetu abripiebatur, ut cetera oblitus, lōgius sermōcinādo proueheretur, tempusq. consumeret, atq. id totum de studendi ratione atq. utilitate detraheretur. Eadem de causa, ab exercitationibus spiritualibus tradendis aliis quę piis occupationibus, hoc ipso Philosophici studij tēpore abstinuit, ne alienis distractus negotiis, remissior in studendi proposito, atq. segnior esset. Quo tempore cū magna tranquillitate vteretur, nemine ipsum tunc persequente, quidā ip sius familiaris ad Ignatiū: nōne (inquit) vides, quanta rerū vicissitudo, quanta voluntatum cōmutatio facta sit? qui te paulō antea deprimebāt, extinctumq. cupiebant, ij nunc extollunt, & laudibus in cælū ferunt: quid hoc rei est? Ad quem Ignatius. Ex istis (ait) vinculis sine me expediam, expecta dū cursum Philosophię conficiam, & tunc causam huius tranquillitatis intelliges. Me enim tacente, tacent; quiescente, quiescunt: vbi me cōmoueo, inuidiæ cōtinuō tempestas exoritur, eiusq. quasi fluctibus exagitor. Euenit quod euenturum prädixit, & decurso Philosophię spacio, vbi sese ad homi-

nes iuandos transtulit, & contentius agere cœpit, odij & inuidiæ aculei qui excussi videbâtur, denuò in ipsum emissi sunt, sicut paulò pòst explicabo. Quæ dicta sint, vt robur Ignatij, & animi in studiis contentio magis cluceat.

EX CHARITATIS OFFICIIS

in inuidiam vocatur. CAP. II.

STUDIORUM tempore, nō studiis solūm dabat operam, sed etiā cōmouendis vitæ exemplo scholasticorum animis, & cōsilio monitisq. ad Christum adducendis. Nam & antequā ad Philosophiæ studiū aggredieretur, nōnullos honestos iuvenes, ingenio & doctrina præstantes, ita inflāmauit, vt continuò rebus omnibus se abdicarent. In ipso autem Philosophiæ cursu, ab hac (vt diximus) iuuādi alios occupatione, quasi minus propria & studiis apta ferè abstinebat. Cursu verò peracto, optimos quosque, & ad cultū cælestis doctrinæ appositissimos adolescentes, ita ad hanc perfectionis disciplinam incitauit, vt in eius ex Lutetia discessu, plurimi eius familiares, rebus omnibus nuntium remitterent, & in sacra Religionis portum sese cōserrent. Nempe vsque eò diuini amoris ardore incēsus erat Ignatij animus, vt quocunque accederet, quo ipse ardebat igne, hominum mētes facile accenderet. Sen per tamen virtutis illius comes erat inuidia. Ex quo magnæ Lutetiæ tempestates in illum sunt concitatae. Nam cū Ignatij opera, Hispani quidam eam morū vitæq. muta-

mutationē feciſſent, vt omnia bona ſua pauperibus largirentur, ſtipem ipſi oſtiatim rogarent, & ſuis domibus relictis, in diui Iacobi hoſpitali domo diuerſarentur: eius rei fama ſenſim ſpargi primū cœpta eſt: deinde hominū ſermonibus ita percerebuit, vt omnem academiam Pariſienſem peruaderet, & variis in vtramq. partē opinionibus oppleret. Hiſpani quidē certē nonnulli, homines nobiles, & cū hiſce Ignatij iam tum diſcipulis amiſcitiā neceſſitudineq. coniuncti, hoc factum illorum moleſtiſſimē tulerūt. Quamobrem ad eos celeriter veniunt; homines, domū ſuam vt redeant, hortantur; contendunt precibus, urgent minis, omnia miſcent; perſuadere tamen nō poſſunt. Tū verò ira perciti, armati multi, homines vi abſtrahūt; in eā oppidi partem, in qua Academia eſt, pertrahunt; id tandem extorquent, ſuis vt ſtudiis finē imponant, animo ſuo deinceps obſequantur. Cū autem eiufmodi conſiliorum auctor Ignatius haberetur, in ſumma offenſione apud multos erat. In iis Petrus Ortizius, eruditionis laude florens, rei nouitate fortaſſe permotus eſt, vt eius doctri-
nam, de qua tam multa in vtramq. partē iactari audiebat, examinandā, interiusq. etiam perſpiciendā curaret. Itaq. accusatus eſt apud fidei Inquiſitorē Ignarius. Quod ſimulatque ille intellexit, nulla mora interpoſita, vtrō ipſi iudici ſe ſiſtit. Is rū erat eruditus quidā grauisq. Doctōr, Matthæus Ori, ex Dominicana familia Theologus. Huic Ignatius, quid au-
dierit,

dierit, narrat; se, siue verum id sit, siue quid ipse aliud velit, præsto esse, vt sui rationē reddat. Iudex tranquillo animo hominē esse iubet; eius quidem nomen ad se delatum, nihil tamen sibi videri curtimeat. Aliàs item, cum studiis iam confectis, iter illi instaret in Hispaniam necessarium, renuntiatum est Ignatio, inquisitum criminose in eius vitam esse, rem ad fidei Inquisitorem delatam. Quod ille audiens, nihil sibi cunctandum ratus, iudicem ipsum conuenit: illud etiam atque etiam orat, causam vt cognoscat, proq. veritate sententiam ferat. Se quidem nō esse iam solum, sed habere socios, de quorum fama, atq. estimatione laboret: non esse integrū sibi, rem tantam negligere, & proficiscētem in Hispaniam, falsos inanesq. rumores de sese dissipatos relinquere. Negat iudex crimen vllum in accusatione esse, quod Ignatio sit eximendum; vana quædā, atq. inania, hominum vel errore vel improbitate iactata, contineri ait, quæ quod falsa ipsemet intelligeret, se ne Ignatium quidem appellasse: cupere tamē se Exercitationum spiritalium eius librū legere. Quem cum legisset, ita probauit, vt eius describēdi peteret sibi fieri potestati. De causa tamen iudicanda, cum aut procrastinare Ignatio, aut dissimulare videretur, ne veritas mendacij tenebris demerita iaceret, publicum scribam ad iudicem adducit: testes vocari iubet: postulat suæ innocentiae testimonium.

Quod iudex veritati dedit: in tabulas scriba
reiu-

retulit: Ignatius scriptū accepit, vt contra falsi criminis infamiam, si quādo opus esset, hac videlicet testificatione vteretur. Autores habeo ex nostra Societate idoneos atq. graues, qui Ignatij factum quoddā referunt, ad rem qua de agimus maximè pertinens; quod quidem ego, tametsi in alia libelli huius editione præterij, propterea quòd Ignatius ipse in narratione de vita sua illud prætermisit, tamen scribendū nunc putauī. Est enim Ignatij moribus consonum, eiusq. animi fortitudini atq. prudentiæ valde consentaneū. Narrant igitur ij patres, eo ipso tēpore, quo Ignatius nudis pedibus, ieiunus, tanto charitatis ardore incensus, Rhotomagum profectus est, vt eū hominem, qui pecunia ipsūm fraudauerat, iacentem in lecto erigeret, atq. afflictum recrearet (quemadmodū lib. 5. dica n) apud fidei quæsitore tunc accusatum, falsosque rumores per totam Academiā Parisiensem dissipatos, multumq. de illius bona estimatione apud imperitos fuisse detractum. Alij enim ipsum ex conscientia fugisse affirmabant; alij vanam illam hominis sanctitatis speciem atq. ostentationem et apisse tandem, & in nihilum recidisse, nimiaq. omnia atque extrema tum suspiciosa esse, tum periculosa: alij alia pro suo quisq. sensu atq. affectu loquebantur. Ea amicus quidam ad Ignatium scripsit, & ipsum de omnibus quæ vulgo iactabantur, peramanter certiore fecit. Accepit amici litteras Ignatius Rhotomagi, in platea

*Lib. 5.
cap. 1.*

ea fortè consistens, atq. è vestigio, publicæ scribæ coram testibus accito, litteras quas bellario acceperat ostendit, docetq. hominibus simul atq. eas legisset, neq. in hospitium reversum, neq. cum vilo mortalium locutum, in viam dare, & Luteriam Parisiorum reliquit statuisset. Atq. huiusce rei testimonium petiit, quo ipso, & testibus prosequens, Rhotomago egressus est. Luteriam ingressus, nihil prius habuit, quàm rectè ad finem inquisitorè pergere: illi fideliter simpliciter exponit. quid Rhotomagi amicorū litterarum cognovisset, quid ad falsam illam depelam suspicionem fecisset; sequæ (ait) in eius potestate fore.

VIRGARVM PERICVLO
liberatur. CAP. III.

Et suorum discipulorū numero Ignatius multis persuasit, vt familiaritates votum potius illecebra, quàm coniunctione bonorum atq. virtutis conciliatas dirimere diebus festis, pietati sedulò ac religioni essent, & Confessionis atq. Eucharistiæ facerent, ritè susciperent. Quapropter accitè, vt à constitutis literarum scholis, interper illos dies abessent. Quod Ignatij preceptor molestè ferens, & discipulos dilacerari, aliter quàm par erat interpreta-ignatiū monuit, sua vt curaret, aliena re-eretur, discipulos suos in nullam fraudem ceret, nisi sibi fraudi esse, ac viam suā ex-
periri

periri veller. Ignatius verò, ne tertio quidem admonitus, à proposito desistit. Magister igitur, cum Iacobo Goueano (qui gymnasio præsidebat) re cōmunicata, minas illius nomine iactare cœpit, ac verberum terrorem intentare: sed nihil minis Ignati⁹ cōmotus est. Quare Goueano moderatori magister, vnū Ignatium esse dicit, qui inani nescio qua simulatione sanctitatis, optimū illius gymnasij statum ac disciplinā peruerrat: se non semel atque iterum cōmonuisse hominē, minas precibus miscuisse; vsq. adeò tamē aduersus omnia obduruisse, vt neq. illius, neque suam auctoritatem veritus, tantillū de pertinaci sententia decederet. His dictis, irritatū iam tum Goueanū propter Hispanum quendā Amatorem nomine, qui suo gymnasio relicto, nudus nudum Christum fuerat auctore Ignatio secutus, & sua sponte satis incensum, ardētius etiam Ignatij magister inflammauit, vt de illo, quasi de communis ocij perturbatore, pœnas sumere decerneret. Iubet igitur, vbi primū Ignatius venerit, obserari gymnasij fores, signum dari, hominē corripī, virgas expediri. Quæ res cū emanasset, & ad amicorum Ignatij aures esset perlata, admonitus ab illis est, sibi vt cauere. Ipse verò expletus gaudio, præclarā occasionē de se triumphandi, prætermittent tā non putauit. In illud ipsum gymnasium, vbi cruciatus sibi, atque ignominia parabatur, pedes cōuertit. Hic caro Ignatij metu exalbescere, trepidare, de-

reclat-

rectare imperiū. Sed ille, Ita ne aduersus stimulū calces? Ego te, inquit, a sine, literas docebo: & simul properè gymnasium ingreditur. Occluduntur ianuæ, ad verberandum signum datur, virgis præceptores armantur, in cœnationem discipuli omnes conueniunt. Tum verò duæ res inter se quidem cōtrariæ, eodē tamen spectantes, agitare Ignatij animum cœperunt, & varias in partes distrahere. Nam Dei charitas, summum pro Christo patiendi ferendiq. ignominiam desiderium, in eam partem illum impellebat, vt sese verberibus, & paratæ infamię vtrò obliiceret. Ex altera porrò parte, proximorum amor urgebat, & inclinatum iam animum suo pondere la reuocabant. Quid illis fier, qui nunc primum Dei viam sunt ingressi? Quàm multi ab instituta vita desciscant? illorūne ego iacturam in meo lucro ponam? Quàm turpe præterea est, atq. nomine Christiano indignum, Christianum hominem in Christianorū cōuentu virgis cædi, quòd Christum sequatur? quod alios ad Christum adducat? Haud ita: sed Dei amor Dei amorem vincat, quo victus le, vincat, atq. exardescat magis: mea utilitas patrum utilitati cedat: desiderio nunc quidem aduersa patiendi, & voluntate, re, vbi sine detrimento alicuius fiat, Deo seruiamus. Hæc secum; & simul ad Goueanum moderatorem in cubiculo adhuc commorantē, adit: a ceteris consilium exponit: sibi quidem, nihil accidere in vita posse iucūdius, quàm verbera

vera pro Christo experiri, qui carcerē etiam
& vincula expertus esset: se tamē pusillorum
imbecillitati timere; illorum, nō sui rationem
ducere. Quid multa? prehensā manu Gouea-
nus, ad cœnationem Ignatium adducit, hic
repentē se, omnibus inspectantibus, illi ad pe-
des abiicit: lachrymis veniam petit: se nimis
credulum, illum virum sanctum clamat, qui
non intentati cruciatus terrore, sed Dei tan-
tū honore tangatur. Hoc factō, & improbi
perculsi atq. afflicti, & probi erecti, & ad vir-
tutem ardentius inflammati sunt: & Ignatij
verborum vis, & animi robur magis enituit,
& omnes didicerunt, quā opportunē libe-
ret Dominus sperantes in se. Quanta autem
ex intētato hoc supplicio emolumenta in Dei
Ecclesiam redundarint, alio loco huius histo-
riæ dicam.

*Lib. 1.
c. 16.*

QVOS SOCIOS SIBI
asciuerit. CAP. IIII.

CVM primū ad studia literarum ani-
mum adiecit, eō semper inclinavit Ignat-
ius, ut aliquos commilitones, consiliorumq.
suorum socios sibi aggregaret. Ex quo iā in-
de ab eo tempore, quo in Hispania tam variē
est graviterq. exagitatus, comites illos habuit,
qui se in illius societatem dederant. Quæ ta-
men recens cōglutinata, Ignatij disunctio-
ne, & ab Hispania discessu facilē diuisa est.
Nā cū Ignatius Lutetiæ tot angustiis pre-
meretur, eos de rerum suarum statu certiores
fecit,

fecit, ex quo facillè intelligerēt, quàm exigua spes Lutetię ipsos alendi ostēderetur. Quamobrem alius aliò dilapsi sunt. Cùm igitur ad Philosophiæ studia Luteriæ animū Ignatius appulit, Petrus Faber, Franciscusque Xauier, in collegio diuæ Barbaræ, non modò studiorum, verum etiā eiusdem cubiculi socij erant, cursumq. Philosophiæ iam ferè peregerant. In idem contubernium, vitæq. societate admissus Ignatius est, qui iuuenes illos indole ac doctrina excellentes, deuincire paulatim sibi officiis cœpit. Fabrum in primis sibi maxime obstrinxit, cuius opera in auditis lectionibus reperendis multum utebatur. Ex quo factus est eius in Aristotelica atque naturali doctrina discipul⁹: in spiritali ac diuina, magister: breuiq. hominem ita vitæ admiratione permouit, vt sua studia cum Ignatij studiis, voluntatem cum voluntate coniungeret. Neq. tamen subito in illo demerendo, vim omnem suam Ignatius profudit: sed paulatim, pedetentimq. progressus est. Namq. illum docuit, primum conscientiam suam quotidie examinare: tum, totius vitæ crimina, generali confessione eluere: deinde, octauo quoque die, sacratissimam Eucharistiam percipere. Denique cū quattuor iam annos in hac viuendi ratione consumpsisset, eiusq. rei maturitas esse videretur, magno Deo seruiēdi desiderio flagrantem Fabrum, exercitationibus spiritalibus perpoliuit. Qui tantū ex illis fructus cœpit, vt tum demū se respirasse, atq. ex

magna antea vitae iactatione, conquiescere diceret. Ante exercitationes enim illas, ipsemet Faber scribit, nullam sibi securitatem fuisse. Quibus adductus, ad Ignatiū sese totum contulit. Franciscus Xavier etsi consuetudine familiaris, animo tamen in principio alienior fuit: sed ipse tandem vim spiritus loquentis in Ignatio sustinere minimè potuit. Iacobus Laines adolescens, confecto Philosophiæ cursu, Lutetiam ex Complutensi Academia, cum Alfonso Salmerone, item adolescente, venerat; tū studendi, tū etiam Ignatii inquirēdi videndiq. causa. Quem vitae integritate ac parsimonia plurimum iam tum Compluti, hominū sermone celebrari audierat: in eūq. ipsum primū omnium Lutetiæ incidit, estq. illi haud multo post familiaritate adiunctus; & eodem tempore, quo Petrus Faber, vnā etiam cum Salmerone, exercitationibus spiritualibus eruditus. Atque in hunc modum additi etiam Ignatio sunt Simon Rodericus, & Nicolaus Bobadilla. Qui omnes numero septem, confecto Philosophiæ cursu, laurea q. magistrali insigniti, anno, 1534. die Assumptioni beatæ Mariæ Virginis sacro, ad ædē beatæ Mariæ, quæ Mons Martyrum vulgo dicitur, & ab vrbe Lutetia non procul abest, vnā omnes conuenerūt. Ibi ritē, confessione facta, atq. sacra synaxi percepta, voto se obstrinxerunt rebus omnibus (excepto viatico) ad condictam diem renuntiandi, procurandæ proximorum salutis, Hieroso-

rosolymanam nauigandi; idq. præstituto tempore, atq. ea conditione, vt si intra præscriptum anni tempus eò nauigare, aut in sacris locis postea viuere non liceret, Romam reuerteretur: Romano, summoq. Pontifici sese ad pedes abiicerent, vt ad suum arbitriũ, ipsi in salutem animarum vreretur. Atq. hoc votum duobus sequentibus annis, eadem ipsa die, ceremonia, & loco confirmarunt. Sed tum quidem tres alij, Claudius Iaius, Ioannes Codurius, Paschasius Broetus, eiusdem propositi socij, ad septem iam primos accesserant. Ex quibus quidem rebus à nostris Patribus tunc gestis, quartum votum solenne, quod professi nostri edunt, de obedientia P. Max. in missionibus præstanda, & renouatio item votorum simplicium, quæ à nostris ante professionem vsurpatur, ortum habuerunt. Interea, ne collectus spiritus paulatim dilaberetur, illos sic Ignatius instruxerat & communierat, vt eorum studia, neq. conciderent, neq. languescerent, oratione in primis, meditationeq. rerum diuinarum, crebra peccatorũ confessione, atq. sacratissimi Domini nostri Iesu Christi corporis sumptione, tractatione ipsa literarum, quæ quoniam sacræ erant, & in Deum iã tum referebantur, magnũ pietati etiam adiuumentum adferebant: ardenti se Deo consecrandi desiderio, paupertatis voto iam edito, & in annos singulos renouato, frequenti ac penè quotidiano congressu, cõcordissimæ vitæ consuetudine, rerumq. omniũ, atque animorum

communicatione. Solebant etiam, veteri sanctorum more, alij apud alios cenitare, & spiritalibus colloquiis sese ad sæculi contēptum, rerumq. diuinarum studium incitare. Quibus rebus factum est, vt toto illo tēpore, quo Luteriæ, vt instituta studia absoluerēt, remanserunt, non modò nulla de illorum ardenti voluntate decessio, verumetiam magna in dies accessio fieret.

LUTETIA IN HISPANIAM,

inde in Italiam discedit.

CAP. V.

INterim Ignatius grauissimis stomachi doloribus conficiebatur: quare cū rebus omnibus tentatis, nullum morbo remedium inueniret, medicorum consilio, sociorumq. cohortatione, in Hispaniā est redire coactus, atque experiri, num loci mutatio, natiuique soli salubritas, vel sanitatē posset, vel morbi certē leuationem aliquam adferre. Quod Ignatius cō libentius fecit, quod ex sociis nonnulli ea negocia habebant in Hispania, quæ si ipse expediuisset, magna illos cura ac molestia liberasset. Itaq. anno 1535. Ignatius sociique res ira inter se componunt, vt ipse in patriam reuertatur, ex morbo confirmatus, sociorum negocia diligenter agat; Venetias tum proficiscatur: socij verò, vsq. ad diem octauū ante Kalendas Februarias. 1537. Lutetiæ in studio literarum sint, eoq. ipso die Venetias versus decedant, vt sese cum Ignatio coniungant.

Ignatius

Ignatius igitur, iumento propter summam illius imbecillitatem à sociis coëmpto, iter in Hispaniam ingreditur: in patriamq. firmior paulò, quàm Lutetia discefferat, venit; vbi obuiam illi sacerdotes omnes processerunt. Vt verò ad fratrem suum diuerteret, adduci nulla ratione potuit, sed in publica hospitalique domo diuersatus est, stipemq. colligere ostiatim cœpit (multū fratre repugnāte) & Christianæ fidei rudimenta pueros docere. A cuius quidem explicatione, frater natu maior ut Ignatium auerteret, futurā auditorū paucitatem obtēdit. Sed Ignatius vel vnū modò puerum sibi instar omnium fore dixit: nihilque vel voluntatem fratris, vel prudentiā veritus, eam ipsam institutionem fidei tradere aggressus est, ad quā deinde frater etiam ipse ventitabat, magnaq. hominum copia cōfluebat. Ad conciones verò, quas singulis diebus Dominicis, feriisq. nōnullis, magno audientium fructu ad populum habebat, tantus ex longinquis illius prouinciæ locis fiebat concursus, ut præ multitudine, ipse in agris concionari, & auditores arbores complere cogerentur. In prima autem concione, quam Azpetiæ habuit, magna totius nobilitatis ac populi multitudine audiēte, dixisse fertur Ignatius, quiddā quod hīc subiiciam, tū vt quanto studio, & suæ mortificationi atq. contemptui, & alienæ famæ, atq. existimationi consuleret; tum verò vt intelligamus, quantū inter Dei vias & sæculi intersit, & quàm diuer-

Lib. 1.
c. 4.

sum atq. omninò contrarium iter sequantur illi, qui Deo Duce atq. authore viuunt, ab aliis qui carni & sanguini seruiūt, & per omne genus flagitij volutantur. Quod videre etiā est in beatissimi Patris Augustini Confessionum libro, in quo amarissimè de flet adolescentiæ suæ errata; & pro magno atq. grauissimo scelere enumerat, quod puer fecit; huic exemplo simile quod Ignatius de se narrauit, suntque sanctorum historiæ similibus exemplis passim refertæ. Dixit itaq. Ignatius in concione, se quidem in patriā rediisse, cū alias ob causas, tum verò potissimū, vt quos populos deprauatis moribus olim grauiter adolescēs offenderat, aliqua melioris vitæ cōmutatione, si posset ædificaret, & præteritæ vitæ maculas lacrymis tergeret, culpasq. contractas, bene factis palàm expiaret, quo pœnitentiæ suæ iidem testes essent, qui solutæ atq. profligatæ vitæ antea fuissent. Præcipuè verò se diu multumq. in magno dolore atq. mœrore fuisse aiebat, & acerbissimis conscientiæ stimulis exagitarum, quòd adolescens vnà cū aliis adolescentibus in hortū cuiusdam ciuis simul intrasset, & fructuum aliquantulam copiā furtim abstulisset, magno domini damno. Qui quòd furti autorem nesciret, falsa suspitione deceptus, hominem quendam in custodiam tradi curasset, ac pecuniæ certa summa multari: itaq. nulla sua culpa, nullo merito, & fama & bonis illum miserum spoliatū fuisse. Ego, inquit, sum reus, ille innocēs est: ego deliqui,

liqui, ego erravi, ille pœnas haud debitas luit; hominemq. ipsum, qui in cōcione fortè aderat, proprio nomine appellans, etiā atq. etiam rogat, sibi vti ignoscat. Se quidē publicè voluisse bonæ illius existimationi (vt par erat) satisfacere: & vt iacturam bonorum, quā sua causa fecerat, etiam resarciret, & quantū posset compensaret, habere se dixit possessiones duas, quas illi dono omnibus audiētibus dedit. Quibus quidem operibus, & vitæ exemplo, prudentiāq. tantum apud illos homines profecit, vt errores multos corrigeret; vitia, quæ in sacerdotum etiam mores irrepserant, & longa iam consuetudine honestatis nomen obsederant, emendare non destitit: multa que constituit, quæ ad hominum mores conformandos, pietatemq. augendam pertinerent. In his seueræ leges fuerunt eius opera latæ à magistratibus, de alea, de concubinato sacerdotum. Nam cū patrio more Virgines, quoad viro traderentur, capite aperto essent, pessimo exemplo multæ, cū apud clericos turpiter viuerent; perinde caput obnubebant, ac si legitimo eis matrimonio iūctæ fuissent: quibus fidem, quasi maritis, præstabāt. Quod nefarium institutū, ac sacrilegum, funditus tollendum curauit: & vt egenis, mendicisq. hominibus sumptus ad vitam tolerandam suppeditaretur, prouidit: atq. etiam vt ter in die, mane, meridie, vespere, populus ad orandum, campanæ pulsu admoneretur, Deoq. maxime pro illis supplicaretur, qui mortifero ali-

quo peccato obstricti tenerentur. Quibus rebus, aliisq. id genus cōstitutis, releuatus morbo, quo in patria etiam impeditus est, ad negocia sociorum gerenda decessit. Sed cū pedibus, & absq. vlla prorsus pecunia ire vellet, alia Ignatio cum fratre contentio renouatur. Ille enim, qui sibi esse ignominia duxerat, fratrem suum ad pauperes potius, quàm ad se diuertisse, abiectum despectumq. summa sui contemptione, medicato etiam in oculis suis vixisse, vt huic dedecori mederetur, & obscurati honoris (vt minus prudentibus rerū æstimatoribus videri poterat) damnū refarciret; illud vehementissimè pugnabat, vt eques, ac bene nummatus, comitatusque discederet. Quem vt leniret Ignatius, quo minus se proficiscentem frater reliquiq. necessarij prosequerentur, haud multum laborauit. Cū digressi comites essent, finesq. illius prouinciæ ipse excessisset, equum reliquit, pedibus, pecuniaq. vacuus, Pompeiopolim primū veniit: tum Almazanum, Seguntum, Toletum peragrauit, vt negocia sibi data ab sociis ageret. Quibus cum illorū parentibus ita transactis, vt ne obolum quidē ab illis, vtrō etiam pecuniam liberaliter offerentibus, acciperet: deniq. Valentiam venit. Ibi amicis contradicentibus atq. dissuadentibus, nauigationem (quod Aenobarbus, nobilis Turcarum archipyrata, valida classe Tyrrhenum mare tum fortè obsidere diceretur) nihil periculi magnitudine commotus, nauim conscendit. Ea
nauis

nauigatio grauis fuit ac periculosa: malo enim nauis disiecto, multisq. armamentis vi tempestatis vel amissis vel labefactatis, spei nihil esse ad salutē videbatur: ex quo ad mortem se omnes parant. Ex quibus Ignatius se diligenter excutiens, animumq. suum per- tentans atq. explorās, timere nullo modo poterat. Pungebatur tamen acri doloris morfu, quod nō satis diuinis donis hactenus respon- disset: quod tot beneficiis tam plena manu à Deo in se collatis, minus strenuè gnauiterq. vsus esset, vel in suam, vel in proximorū utili- tatē. Perfunctus eo periculo, placatisq. flucti- bus, Genuam venit; inde Bononiam, maxi- mo grauissimoq. vitæ discrimine. Cum enim solus per alpiū radices iter faceret, à via aber- rauit, in easq. angustias aliquando incidit, vt edito præruptoq. loco, amne depresso, rapi- disimoq. subterlabente, neq. progredi, neq. regredi posset, cum, quacunq. se verteret, mi- randæ altitudinis præcipitium, atq. horribilis imminētis casus formido vbiq. occurreret. Sed bene longum viæ spatium manibus, pe- dibusq. reptans confecit, & Dei misericordia tandem euasit. In ipso Bononiæ vrbis ingres- su, ex ponticulo ligneo in fossam cecidit, ex qua cum cœno oblitus, sordibusq. fœdatus emerisset, risum spectantibus mouit: atq. ita urbem ingressus, totamq. obambulans, eleē- mosynam petens, qui teruntijū aut panis fru- stulum sibi daret, inuenit neminem. Quod in tam opulenta, tamq. celebri ac benigna ciui-
tate

tate permirum est: sed probat suos interdum Dominus. Illic tamen morbum contraxit, quem paulò pòst depulit, seq. eo quo venerat modo, Venetias contulit. Ibi venturos socios, vt inter ipsos conuenerat, opperitur.

VENETIIS ACCVSATUR,

& innocens declaratur.

CAP. VI.

NEque tamen hoc tempore ociosus Ignatius fuit: nam solita vigilantia & charitate in salutem proximorum incumberebat. Quapropter nonnullos ad Christi Domini nostri sequenda cōsilia permouit. In hoc numero ponuntur fratres Germani duo, Iacobus, Stephanusque Guia, homines honesti, ætateq. prouecti; qui Hierosolymis redeuntes, in Ignatiū, cuius familiares Cōpluri fuerant, Venetiis inciderūt, & sanctissimè in Societate postea mortui sunt. In his etiā numeratur quidam Hozius Hispanus, vir eruditus ac probus, qui multū quidem Ignatij virtute atq. doctrina capiebatur; haud tamē audebat totum se illi penitusq. cōmittere, quòd multa de eo audiuiisset, vel malitiosè ab improbis conficta, vel imprudenter ab imperitis credita. Sed hæsitantem hominem Ignatius deniq. perpulit, vt ad exercitationes spirituales faciendas, se inclinaret, dubitanter quiddē primò ac rimidè, postea verò vltiò etiam ac fidenter. Nam cum initio, ne quid sibi ab Ignatio veneni instillaretur, multos secum libros,

broſ, in cubiculo comportauiffet, ad quorum
normam, dictorū illius veritatem exigeret; &
ſi quid erroris eſſet infuſum, hac veluti præ-
ſenti medicina ſanaret: poſtea tamen ſocie-
tatem cum illo, animumque coniunxit, & ad
reliquos ſocios adnumeratus eſt. Venetiis etiā
cum Ioanne Petro Caraffa, qui poſtea Pau-
lus II. Pontifex Maximus appellatus eſt,
conſuetudinē habuit. Qui Epiſcopatu Thea-
tino relictō, ad Caietanum Vicentinū, Boni-
facium Pedemontanum, & Paulum Roma-
num, homines nobiles ac pios ſe ſocium ad-
iunxerat. A quibus originē eorum hominum
ordo traxit, qui Theatini vulgo dicti ſunt:
quod Theatinus (vt diximus) Epiſcopus, il-
lius vitæ inſtitutum complexus eſſet, à qui-
bus, vulgi errore falſa Theatinorum in nos eſt
appellatio, cognomenque transfuſum. Nam
cū ordo vterque, noſter & illorum, clerico-
rum Regularium ſint, eodemq. ferme tem-
pore nati, neq. habitu valde diſſimiles, popu-
lus rudis externa ſpecie deceptus; alienū no-
men noſtris impoſuit, Romæ primū; vnde
in alias deinde vrbes influxit, & in remotas
etiā prouincias penetrauit. Aliquos etiā
nobiles Venetos, patritioſque viros exercita-
tionibus ſpiritualibus excoluit, & multū conſi-
lio ad virtutem perſequēdam iuuit. Sed qui-
dam vel maleuolentia ſuffuſi, vel falſa per-
ſuaſione decepti, ſparſerunt, fugitiuum illum
eſſe, in Hiſpania non ſemel vinctum in cu-
ſtodia fuiſſe; igni tradita combuſtaque ipſius
ſtatua,

statua, profugisse: ne Parisiis quidem licuisse homini vivere: ex qua etiam vrbe fugiens, suę saluti cōsuluisset. Demum eò processum est, vt res in iudicium sit adducta: diligenterque in eius vitam atq. mores inquisitum. Et quoniam mēdacio res tota nitebatur, facile concidit. Nam Ignatius non iam suę, verūm sociorum famę prospiciens, ne indefensa veritas opprimeretur, à Hieronymo Verallo, qui apud Venetos legati summi Pōtificis munere fungebatur, vt rem totam diligenter peruestigatam & cognitam sua sententia declararet, omni studio contendit, atq. impetrauit. Sententię autem, qua Ignatij integritas à legato per iudicem suum ordinarium patefacta est, apud nos extat exemplar.

SOCII LVTEſIA IN ITA-

liam ad Ignatium veniunt.

CAP. VII.

DV M Ignatius Venetiis socios præstolatur, graue bellum in Gallia subito exarsit. Namq. Carolus v. Romanorū Imperator, magno exercitu, per Insubrū fines Galliā inuasit. Quamobrē nostri, qui profectio-
ni suę eum diem, qui dies Conuersioni diui Pauli est consecratus, anni 1537. constituerant: bellico tumultu eū præuenire sunt coacti, & decima quinta die mensis Nouembris 1536. Lutetia excedere. Iter autem in hunc ferè modum instituerunt. Omnes scriptorū suorum quisq. sarcinula onusti, vestitu vili ab-

iecto-

iectoq. pedibus iter faciebant. Qui Sacerdotes erant (erant autē tres, Petrus Faber, Claudius Iaius, Paschasius Broetus) rem diuinam quotidie faciebant: sex reliqui aduersus graues longæ molestæq. viæ difficultates, panis cælestis virtute sese communiebant. Ingredientibus diuersorium, egredientibusq. orationis prima erat cura. In ipsa via orationi meditatio, meditationi sermo de diuinis rebus succedebat: cibus frugalis, sobriusque. In rebus decernendis, plurium sententiis stabatur, idq. summa concordia. Quotidianas pluuias per Galliam pertulerunt, hiemalem asperitatem per Germaniam. Læti tamen, atque alacres insuetum durumq. laborem obibant: & Deo duce, multis (quæ in tam longis itineribus aduenis præsertim, ignotis, atq. egenis hominibus vsu ferè venire solet) maximisque periculis liberati sunt. Porro, eo ipso die, quo Lutetia exierunt, nonnulli habitum, incessum, numerum nostrorum Patrum admirantes, de rustico quodam, qui prætereuntes illos curiosius fortè intuebatur, familiariter quæsierunt, qui nam illi homines essent? & ille, nescio quo afflatu, Gallicè; Aliquā, inquit, provinciam reformaturi discedunt. Venetias ad octauum diem Ianuarij, anni 1537. peruenerunt, vbi cum Ignatio ipsos (vt inter se conuenerat) expectante, & cum alio Sacerdote, quem ad Ignatium sese adiunxisse iam diximus, peralacriter se coniunxerunt. Et quoniam Romam eundi, benedictionem. que ad
pro-

professionem Hierosolymitanam à Pontifice Maximo petendi, nondum tempus maturum videbatur: interea rebus omnibus intermissis, quinq. ex illis xenodochium Divorum Ioannis & Pauli, in xenodochium quod vocant Incurabiliū, totidem, ad pauperū agrotantium curam, concedunt. Vbi dum singulari charitate ac diligentia, vilissima quæque munera obeunt, dum afflictos recreant, quibuscunq. possunt rebus, magnam probitatis ac religionis existimationem adepti sunt. Sed cum reliquorum omnium, tum verò magistri Francisci Xavier incensa charitas, & plena sui, perfectæq. victoria maximè tum quidem enituit; qui nō contentus ea sedulo præstare, quæ sordidissima erant, vt horrorē, quem sentiebat, perfectius vinceret, saniosa etiā vlcera interdū lungebat. Tale illius principium, nec progressus dissimilis, aut finis fuit. Ab illis tum Patribus, probationum Societatis fundamenta iaciebantur. Ad mediam Quadragesimam Romam proficiscuntur: Ignatius tamen Venetiis de industria remansit. Professionis autē is modus erat. Terni simul ibāt, Sacerdos vnus, Laici duo, Galli, Hispanique semper mixti. Sacerdotes Missam faciebant quotidie, alij communicabant. Ieiunabant (quod Quadragesimæ tempus esset) diebus singulis: idq. tantū in cibum sumebant, quod ex eleēmosyna suppeditabatur; quæ vsq. adeo tenuis erat, vt non rarò panis tantum cibus, aqua illis potus esset. Quapropter multis magnisq.

gnisque laboribus ac molestiis perfuncti in hoc itinere Patres nostri sunt: acciditq. vt die quodam Dominico, cū frustulum tantum panis mane sumpsisset, nudis pedibus, maximis, & perpetuis imbris, octo. & viginti passuum millia conficerent, tanta aquarum inundantium copia, vt interdum etiam tantum pectore extarent. Pergebant tamen alacres, summaq. lætitia animi gestientes, Dauidis Psalmos cantillabāt. Atq. etiam magister Ioannes Codurius, qui pedes habebat scabie aspersos, eo ipso die sanatus est. Multa Patres eo itinere diuinæ erga se providentiæ argumenta senserunt; & tam solidis atque eximiis voluptatibus à Deo affecti sunt, vt laborum magnitudinem exæquarent, vel etiam vincerent. Romæ tū erat doctor Petrus Orrizius, à Carolo Cæsare in urbem missus, vt Catharinæ Angliæ Reginæ, Imperatoris amitæ, aduersus Henricum VI. qui, illa legitima viuente vxore, aliam duxerat, apud summum Pontificem, matrimonij violati causam ageret. Hic contra opinionem illorum, diuino auctus impulsu, Patres urbē ingressos, summa beneuolentia complexus est, ad summumq. Pontificem adduxit. Nostorum aspectu plurimum Pontifex exhilaratus est, voluitq. vt ea ipsa die, qua ad se primū adierant, coram se de proposita questione Theologica disputarēt. Præterea ad sexaginta nummos aureos, in viaticum illorum contulit: suamq. benedictionem, ac Hierosolymam abundi facultatem

tem benignissimè est impertitus. Illis etiam, qui sacris initiati non erant, nomine & titulo paupertatis voluntariæ, & sufficientis literaturæ, liberaliter facta est, sacros ordines suscipiendi potestas. Alij etiam, Hispani præsertim, pro sua quisq. facultate, pecuniâ in sumptus itineris suppeditarunt. Itaq. summa coacta est decē supra ducentos ducatorū: quæ pecunia sine vecturæ periculo, Venetiis à mercatorib' est curata. Neq. enim nostri, quousq. in navim ascenderent, quicquam illius attingere voluerunt: sed mendici omnino & vacui, quoq. modo venerant, Venetias ad sua illa xenodochia reuersi sunt. Paulò pòst ad pedes Hieronymi Veralli, Rossanensis tum Archiepiscopi, Sedis Apostolicæ apud Venetos Legatī, postea verò etiā S. R. E. Cardinalis, paupertatis, castitatisq. votis piè susceptis, sacris sunt initiati, sacerdotijq. dignitatē ipso die diui Ioānis Baptistæ, Ignatius, & reliqui sex, ab Episcopo Arbeni sunt consecuti. Quo quidē die in ipsa consecratione, permagnam, atque adeò singularem tum Episcopus, tū ipsi animi senserunt iucunditatem.

IN VENETA DITIONE

passim operantur. CAP. VIII.

DVM se Patres ad nauigationem parant, nauigandi spes omnis sublata est. Nam cū eo ipso tempore, Veneti contra Turcarum tyrannum, cum summo Pontifice & Carolo Cæsa & co. conspirassent, strato classibus mari, Hiero-

Hierosolymitana peregrinorū nauigatio cō-
quieuerat. Quod quidem multis antè annis
nunquam acciderat: neq. ex illo tempore vs-
que ad annum Domini 1570. postea accidit.
Deus enim qui omnia sapientissimè modera-
tur ac regit, aliquid maius, atque amplius
quàm quod nostri Patres moliebantur, ipsis
neque cogitantibus, neque scientibus, cogita-
bat. Quocirca admirabili planè, ac diuina
prouidentia, institutum Hierosolymam no-
strorum cursum interrupit, alioque deflexit.
Ergo nostri, postquā nauigandi eo anno nihil
spei ostendi vident, ad præstandā voti religio-
nē, & fidē suam liberandam, integrū annum
nihilominus expectare constituunt: sed vt li-
beriore animo, & ab aliis occupationibus va-
cuo, ad sacra Missæ peragenda se cōpararent,
aliò sibi secedendum existimarunt. *Quam-*
obrem Ignatius, Faber, Laines Vicetiā: Fran-
ciscus Xauier, & Salmeron in Montē Cele-
sium: Ioannes Codurius, & Hozius (quē no-
stris iam adnumeratū diximus) Taruisium:
Claudius Iaius, & Simon Bassanum: Pascha-
fius, & Bobadilla Veronam concedunt. In di-
trione Venetorum omnes versantur, neq. ex il-
lorum finibus vsquā excedūt. Ignatius igitur,
fociique extra oppidū Vicetiam, ædiculā hu-
milem ac ruinosam reperiunt, foribus reuul-
sis, fenestris sublati, ventis circumflantibus
peruiam. In hac, domicilium suum collocāt;
palearum aliquantula copia comportata, hu-
mmum ad cubandum sternūt. Bis quotidie op-
pidum,

pidum, ad victum quæritandum, ingrediuntur, quem tenuissimū referebāt: vix enim panis, quantum ad vitam tolerandam satis esset, habebant; cui si olei, aut butyri paululū accessisset (quod tamē rarissimum erat) id verò in deliciis numerabant. Ex tribus, vnus domi remanebat, ad panē durum mucidumq. aqua macerandum, ac percoquendū. Is ferē Ignatius erat, qui ex oculis, propter maximā profuentium lacrymarum vim, grauissimē tum laborabat. Quod ab eleēmosyna procuranda dabatur temporis, id totum orationi, meditationiq. diuinarum rerum tribuebatur. In hac vitæ ratione quadraginta dies posuerunt: quibus exactis, Ioannes Codurius ad illos Viceciam venit: cōmunitum consilio, ad concionandum aggredi statuunt. Eodem igitur die, eademq. hora in quatuor diuersis vrbis pla-
teis, clara primū magnaq. voce clamare incipiunt: homines pileis manu ostensis ac circumactis conuocant, & ad concionē audiendam inuitant. Congregata tum populi multitudine, verba faciunt, de vitiorum scēditate, de virtutis pulchritudine, de mundi contemptu, de diuini in nos amoris magnitudine, de reliquis rebus, quæ ad peccati seruitutem declinandam, ad bonam beatamq. vitam persequendam conducunt. Sermo illorum indifertus quidem erat, atque impolitus: & quod Italici sermonis rudes tum essent, ex plurimarum linguarum commixtione conflatus; at pius, & cruditus, & quasi
mal-

malleus conterens petras. Quare ex incon- *Hier. 25.*
ditis quidem verbis magna tamen morum
emendatio est consequuta.

AEGER IGNATIVS, AD-
uentu suo Simonem curat ægrotum.

CAP. IX.

DV M in his operibus versatur Ignatius,
atque omnibus animi corporisq. viribus
in Dei gloriam, suiq. ludibriū incumbit, Vi-
cetiæ, fractus laboribus, in febrim incidit. Pa-
ter item Laines morbo tentatus est: eodemq.
ipso tempore Simon etiam Rodericus Bassa-
ni (quod oppidū à Vicetia itinere ferè vnus
diei abest) grauitè affectus erat. Cū autem
Simonis morbus ingrauesceret, lethalisque
videretur, ea de re nuncium Ignatius accepit:
atq. è vestigio, & quidē eo ipso tempore fe-
bre laborans (Laine ægrotante in pauperum
xenodochio relicto) pedibus se itineri, vna cū
Petro Fabro Bassanum versus dedit, eo ardo-
re animi, ea pedum celeritate, vt Faber ante-
cedentem Ignatium, & longo interuallo præ-
euntem assequi vix posset. Cū aliquantu-
lum processissent, è via palulum Ignatius de-
flectit: preces Deo pro Simonis salute fundit:
certior à Deo fit de futura hominis sanitate.
Ex oratione porrò surgens, Fabro dicit: Non
est, Petre, quòd nunc quidem de Simonis in-
columitate tam anxie laboremus: neq. enim
hic morbus, qui illum grauitè vexat, etiam
extinguet. Ad Simonem cū venisset, in

lecto iacentem, ægritudinisque vi penè consumptum, hominem amplexus: Nihil est, inquit, Simon, quod timeas, sanabere: atque ita conualuit. Et hoc quidem Ignatij factum Petrus Faber illius itineris comes, vbi Vicetiam rediit, Patri Laini, Laines mihi ita narrauit, quemadmodum à me expositum est. Pater autem Simon quamdiu vixit, & agnouit & prædicauit hoc beneficium.

Bassani erat Antonius quidam, natione Italus, qui in edito colle extra oppidum, vbi templum quoddam Sancti Viri est, & iucundissimus amœnam vallem fluminis Meduaci irrigantis prospectus, solitariam vitam colebat. Erat autem Antonius vir senex & grandæus, priscæ seueritatis, illiteratus quidem, sed candidus, & insigni sanctitatis opinione, qui moribus, & etiam ipso aspectu magnum illum Antonium nobis, aut Hilarionem aliquem referebat. Noui ego ipse postea hominem. Hic Antonius, cum Ignatium nihil eximium præferentem haud magnifaceret, imò verò in corde suo imperfectum duceret: orationi aliquando impensè deditus, ipsum per speciem, Domino demonstrante, virum excelsum atq. admirabilem esse cognouit, & ad multorum salutem de cælo demissum: cœpitque illum pudere sui, seq. ac suum iudicium grauitè reprehendere, sicut ipsmet postea fassus est. Antonij igitur vitæ admiratione capius, quidam ex patribus decem, Bassani cum esset, & vnà Ignatius, fluctuare cœpit, & ad dubi-

dubitare, foret ne Deo gratus, ac sibi vtilius, incœptum vitæ cursum persequi, an ad Antonium sese transferre, & contemplationi vacantem, cœlestem vitam, & ab strepitu hominum curisq. vacuam traducere. Quarum cogitationum aculeis, cum diutius pungeretur, domo egressus aliquando, ad Antonium ire constituit: vt cum illo videlicet consilia communicaret. Progredienti, vir quidam terrifico aspectu, vultu minaci armatus occurrit, districto gladio in via consistens. Hominis aspectu perculsus Pater resistit primùm; deinde vt se collegit, ire perrexit, sed ille minitabundus & ferox impetum facit, & vt erat gladio vagina educto ipsum insequitur. In pedes se noster quantum potuit coniecit, & pauens fuga suæ saluti cœpit consulere. Fugientem illum armatus homo aliquândiu persequutus est, videntibus incolis, & mirantibus nostrum fugientem ac trepidantem: insequentem alterum non videntibus. Tandem rei nouitate anxius, metu exanimatus, diuturno cursu & fatigatione anhelans, domum, vbi Ignatius erat, festinus irrumpit. Ad quem statim Ignatius, Ita ne N. inquit vacillas? *Mōdica fidei, quare dubitasti?* Quæ diuinæ voluntatis significatio omnem dubitationē Patri sustulit, & obfusam animo caliginem dispulit. Hoc ipse qui vidit, qui passus est, sibi euenisse narrauit.

Post leues illos nostrorum Patrum excursus, Vicetiam omnes ad Ignatium conuenerunt: quæ ciuitas magnopere illius, sociorumq. vita & doctrina fuerat permota. Quocirca, in qua ciuitate tres pane tantum & aqua vitam initio vix tolerabant, & à vicinis pagis victum mendicare cogebantur; ea demum undecim in vnum congregatis, omnia necessaria abunde suppeditauit. Fecerant noui sacerdotes primum sacrum, præter vnum Ignatium. In hoc conuentu, vbi Hierosolymam nauigandi spem extrahi longius videtur, illustres aliquot ac celebres Italiæ Academies, & studiorum hominum maxime refertas, obire constituunt; si quem forte Deus ex tot ingeniosis adolescentibus, quibus illæ abundant, excitare, & ad idem vitæ institutum dignaretur adducere. Hieme igitur ineunte, prouincias ita sortiti sunt, vt Ignatius, Faber, ac Laines primarij socij, Romam ipsam adeant: Salmeron, & Paschasius Senas: Franciscus Xauier, & Bobadilla Bononiam proficiscantur: Claudio Iaio, ac Simoni Ferraria; Patauium Ioanni Codurio, & Hozio obtigit. Qua in prouincia, præter eam curam, quæ cuiq. maxima & propria erat, animum suum perpurgandi, atq. ex illo, non solum amputandi cupiditatum ramos, sed etiam radicum fibras euellendi: connitebantur quantum poterant,

Ut proximorum etiam salutem, cum sua salute coniungeret, & omnibus illos modis, ad diuinarum rerum studium accenderent. Administrandi porro prouinciam, hæc ratio erat. Alternis hebdomadis, utriq. socio in alterum potestas erat: ostiatim victum emendicabāt: in publicis plateis concionabantur. Ante concionem, qui parebat, scamnū ex officina aliqua commodatum, pro suggestu, concionaturi socij pedibus subiiciebat: voce, pileoque ad verbum Dei audiendum, populum euocabat. In concione, nihil petebatur: nihil post à circumfusa multitudine accipiebatur, ne vltro quidem oblatum. Si quem nacti essent celestis doctrinæ cupidiorē, eum verò libentissimè priuatim informabāt, & ut res datur, etiam perpoliebant. Multorum confessiones audiebant: pueris, rudibusq. hominibus tradebant Christianæ fidei institutiones: ægrotis, afflictisq. pauperibus in xenodochiis decumbentibus (ubi per maiores occupationes licebat) sedulò ministrabant. Denique nihil prætermittebant, quod ad augendam Christi gloriā faceret, & bene de hominibus merendū. Quibus rebus Christi bonus odor ubiq. fuerunt, multiq. singularem ex illorum consuetudine fructum perceperunt. Atque ex tenui illo, exiguoq. principio, Societatis nostræ & nomē innotuit, & fama percrebuit, & fructus propagatus per Italiam, atq. amplificatus est. Illud non omittam: Patauij nostri in carcerem ab Episcopi Vicario coniecti sunt,

POST leues illos nostrorum Patrum excursus, Vicetiam omnes ad Ignatium conuenerunt: quæ ciuitas magnopere illius, sociorumq. vita & doctrina fuerat permota. Quo circa, in qua ciuitate tres pane tantum & aqua vitam initio vix tolerabant, & à vicinis pagis victum mendicare cogeantur; ea demum vndecim in vnum congregatis, omnia necessaria abunde suppeditauit. Fecerant noui sacerdotes primum sacrum, præter vnū Ignatium. In hoc conuentu, vbi Hierosolymam navigandi spem extrahi longius videtur, illustres aliquot ac celebres Italiæ Academies, & studiorum hominum maxime refertas, obire constituunt; si quem forte Deus ex tot ingeniosis adolescentibus, quibus illæ abundant, excitare, & ad idem vitæ institutum dignaretur adducere. Hieme igitur ineunte, prouincias ita sortiti sunt, vt Ignatius, Faber, ac Laines primarij socij, Romam ipsam adeant: Salmeron, & Paschasius Senas: Franciscus Xauier, & Bobadilla Bononiam proficiscantur: Claudio Iaio, ac Simoni Ferraria; Patauium Ioanni Codurio, & Hozio obtrigit. Qua in prouincia, præter eam curam, quæ cuiq. maxima & propria erat, animum suum perpurgandi, atq. ex illo, non solum ampurandi cupiditatum ramos, sed etiam radicum fibras euellendi: connitebantur quantum poterant,

ut proximorum etiam salutem, cum sua salute coniungeret, & omnibus illos modis, ad diuinarum rerum studium accenderent. Administrandi porro prouinciam, hæc ratio erat. Alternis hebdomadis, utriq. socio in alterum potestas erat: ostiatim victum emendicabāt: in publicis plateis concionabantur. Ante concionem, qui parebat, scamnū ex officina aliqua commodatum, pro suggestu, concionaturi socij pedibus subiiciebat: voce, pileoque ad verbum Dei audiendum, populum euocabat. In concione, nihil petebatur: nihil post à circumfusa multitudine accipiebatur, ne vltro quidem oblatum. Si quem nacti essent cælestis doctrinæ cupidiores, eum verò libentissimè priuatim informabāt, & ut res dabatur, etiam perpoliebant. Multorum confessiones audiebant: pueris, rudibusq. hominibus tradebant Christianæ fidei institutiones: ægrotis, afflictisq. pauperibus in xenodochiis decumbentibus (vbi per maiores occupationes licebat) sedulò ministrabant. Denique nihil prætermittebant, quod ad augendam Christi gloriā faceret, & bene de hominibus merendū. Quibus rebus Christi bonus odor ubiq. fuerunt, multiq. singularem ex illorum consuetudine fructum perceperunt. Atque ex tenui illo, exiguoq. principio, Societatis nostræ & nomē innotuit, & fama percrebuit, & fructus propagatus per Italiam, atq. amplificatus est. Illud non omittam: Patauij nostri in carcerem ab Episcopi Vicario coniecti sunt,

catenisque constricti. In quo quidem carcere, noctem vnam tam lætè, hilareq. traduxerūt, vt Hozius erumpentem, prægestientis animi lætitia, risum tenere vix posset. Postridie verò re perspecta melius, & cognita, ab eodem iudice liberati sunt, & deinceps semper filiorum loco habiti. Et hæc quidem socij reliqui. Iam ad ea, quæ in sua profectioe, & prouinciæ administratione Ignatius fecit, transeamus.

IGNATIO DOMINVS IESVS

apparet: & unde Societatis nomen

inditum sit. CAP. XI.

SAcerdotio igitur iam decoratus, integrum anni spacium ad se præparandū, animumque magis colligendum, sumpsit, vt augustissimum Iesu Christi Domini nostri corpus, viuam veramq. pro peccatis nostris hostiam, purius Deo Patri, primū offerret in odorem suauitatis. Quo tempore, toto pectore in diuinarum rerum cōmendationem incumbēbat, & beatissimā Virginem, Deiq. matrem, diu noctuq. obsecrabat, vt ipsum apud filium suum in gratia poneret: & quæ cæli esset ianua, & singularis Dei, hominumq. conciliatrix, ipsa sibi aditum ad filium aperiret, vt à filio agnitus, filium ipse agnosceret, & inueniret. Itaq. toto hoc tempore, mirabiles illustrationes habuit, Venetiis, Vicetiæ, aliis in vrbibus, in via: vt restitutus sibi in eū statum videretur, quē Manresæ habuisset, vbi supra
mo-

modum (vt diximus) illustratus est. Etenim
Lutetiæ studiorum tempore, neq. tã insignes,
neq. tã multas de diuinis rebus notiones ac-
cepit. Porro in toto itinere, quod ad prouin-
ciam suam obeundam, vnà cum Fabro, Lai-
neq. Romam versus instituerat, singulariter
à Deo & illuminabatur, & confirmabatur,
quotidieque sociis sacra facientibus corpo-
re Dominico reficiebatur, mirificasque, &
planè caelestes animi voluptates percipiebat.
Accidit autē, cum ad urbē appropinquarent,
vt in templum desertum, & solum ingressus,
oraret ardentius. Ibi mutatū prorsus cor eius
est; oculique mentis clarissima luce collustrati
ita sunt, vt perspicuè videret, quomodo Deus
pater, Deo Filio crucē gestanti Ignatium so-
ciosq. peramanter commendabat, in eiusque
dexteram inuictam, & patrocinium tradebat.
Quos cū benignissimus Iesus in se recepisset:
blando, placidoq. vultu, vt erat cū Cruce, ad
Ignatiū cōuersus, *Ego (inquit) vobis Romæ pro-
pitius ero.* Qua quidē admirabili, diuināq. vi-
sione, mirū in modū recreatus Ignati⁹ & cō-
firmatus est: Fabroq. post orationē, & Laini,
Quid nobis, inquit, Romæ futurū sit, planè
ignoro: in crucē ne Deus nos, an in rota magi
velit: hoc tamē mihi cōpertum est atq. explo-
ratum, quicumque nos exitus maneat, Iesum
Christum nobis fore pròpitium. Remque to-
tam, quam viderat, sociis patefecit, vt & ani-
mum illis, & stimulos adderet. Quo etiā fa-
ctum est, vt cū postea de Societate instituen-
da,

da, inter Ignatium sociosq. constaret: nomen
 tamen quaereretur, quo insignita & notata à
 Christi Vicario confirmaretur, Ignatius à re-
 liquis sociis impetrauerit, vt sibi integrum ef-
 fet, ad arbitrium suum, Societati quod veller,
 nomen imponere. Quod omnibus probanti-
 bus & libentissimis fecit. Et tum præclaro il-
 lo viso, tū aliis diuinis illustrationibus mul-
 tis magnisq.; ita Dominus Iesus eius in mē-
 te sacratissimum suum nomen impressit, pe-
 nitusque infixit, vt eius ex nomine Societati
 nomen imponeret: tā clara ac firma luce col-
 lustratus, & vsq. eò pro certo habēs id Deum
 velle, vt ab hac mente se dimoueri numquam
 posse diceret. Quodq. volētibus sociis, ac con-
 sentientibus fecit, id repugnantibus ac dissen-
 tientibus omnino fecisset, propter diuini lu-
 minis claritatem. Itaq. Societatem Iesu ap-
 pellari voluit: vt qui huc vocati fuerint, nō se
 in Ignatij ordinem aliquem adscriptos, sed in
 Societatē filij Dei Iesu Christi Domini no-
 stri vocatos agnoscant: sub illo summo Im-
 peratore mereant: eius signa sequantur: cru-
 cem suam cupidè tollant: & in auctore fidei,
 & consummatorem Iesum aspiciant, qui pro-
 posito sibi gaudio, sustinuit crucem, cōfusio-
 ne contempta. Et ne defatigentur a himis de-
 ficientes, certū illis atq. periuasum sit, ducem
 suum sibi præsto esse: illum non Ignatio so-
 lum, & sociis, vt videmus hactenus fuisse, sed
 sibi quoq. futurum semper propitiū sperent,
 si quidem se veros Societatis filios exhibeāt,
 & Pa-

u. Cor. 1.

Mat. 12.

& Patrum suorum imitatores. Quæ de admirabili hoc viso, & suauissima atq. amabili promissione hætenus dixi, qua Christus Redemptor noster pollicitus est Ignatio, se illi Romæ fore propitiū, Pater Iacobus Lainez, cum esset Societatis nostræ Præpositus Generalis, & Romæ in conuentu quodam omnium nostrum (cui ego quoq. interfui) verba faceret, in hunc ipsum modū narrauit, quo à me perscripta sunt. Et ipse Ignatius dum viueret, de hac ipsa cælesti illustratione quædam interrogatus, Quærite (inquit) ex Iacobo Lainez; cui cum gesta res est, verè rem totam fideliterq. narraui. Porro in Commētariolo quodam & diario (in quod dum constitutiones scriberet, affectus in oratione suos, & spiritales quasi gustus Ignatius manu sua quotidie referebat) scriptum reperi, Talē (inquit) hodie affectum sensi, qualem cum æternus Pater me filio suo commendauit. Atq. hæc quidem de clarissima atque diuina illustratione sigillatim explicare volui, & veluti digito fontes, vnde hausta sunt, ostendere, propterea quòd eximia sit, & ad spe erigendos filios Ignatij, atque roborandos maximè accommodata. Possem equidē in similibus beneficiis, quæ Deus in Ignatium contulit, vt eum erudiret, & cælestium rerum splendore illustraret, quæ mea hæc historia complectitur, hoc idem præstare, & quos auctores habeam, nominatim referre; sed ne longior sim, facere prætermitto.

VRBEM INGREDITVR:

*in Casinate monte animam socij celum**intransem videt. CAP. XII.*

Romam ingressus, omnia collustrare animo attentè cœpit, omnia circumspicere: in primisq. ad omnes diaboli impetus sustinendos sese comparare. Prospexit enim, magnam sibi suisque impendêre tempestatem. Quapropter sociis aliquândo, Clausos omnes, inquit, aditus video: magna quædam periculosi temporis procella nobis parata est; sed Iesu nitimur; ille nobis propiti⁹ erit. Paulò pòst, explorata sociorum Ignarij doctrina, iussi à summo Pontifice sunt publicè sacras literas profiteri; In Sapientiæ igitur gymnasio Faber reconditos multiplicesq. scripturæ sacræ sensus enucleabat: Laines eius Theologiæ quæstiones explicabat, quæ via ac ratione plus vitur: vterq. eruditè & grauitè suo munere fungebatur. Ignatij commouendi homines, & ad cælestia rapiendi cura erat. Quocircà D. Ortizium (cuius suprà mentionem fecimus) virum grauissimum eruditissimumque magno consilio aggressus est. Quem à se olim alienum postea minus abhorrentem, ita sibi deuinxit, & cōsuetudine obligauit, vt homo id ætatis, maximaq. existimatione, negocium publicum gerens, erudiri se ab Ignatio cuperet, exercitationumq. spiritaliū doctrinam, iis rebus omnibus antiquiorem duceret: quibus se omnino expoliendum dedere, ad Ignatij arbitrium constituit. Sed vt liberior

rior esset, magis quæ ab interpellatoribus vacuus, Roma in Montem Casinatem, locum in primis diui Benedicti vita & sepultura nobilitatum, & ipsa loci religione ac solitudine ad diuinam contemplationem maximè appositum, aliquantisper secedendum sibi existimauit. Ibi per quadraginta dies ab Ignatio eruditus est: eosque progressus fecit in cælesti doctrina, veraque cognitione sui, ut notam quandam Theologiam, & sibi hætenus inauditam, se profiteretur didicisse: eamque longè anteferre ei eruditioni, quam summo tot annorum studio sibi peperisset. Permultum quippe dicebat interesse, commētari, ut alios doceas, & meditari, ut ipse facias: quod illud mentem illuminet, hoc etiam voluntatem inflammet. Quapropter magnum ab Ignatio beneficium se accepisse semper iudicauit, & præ se etiam tulit: & ut gratiam referret, summus postea Societatis & amicus, & defensor fuit. Dum in Monte Casinate Ignatius est, Hozius (cui Patauium vnà cum Ioanne Codurio prouinciam obrigisse diximus) excessit è vita, consummatusque in breui, expleuit tempora multa. Qui cum viuus, nigellus esset, ac deformis, tantum decoris eius mortui ori, splendorisque additum est, ut animū Codurii sariare illius non posset aspectu, nulum intuendi illū finem faceret; magna animi lætitia, lacrymarumque abundantia. Huius mortem multò antè Ignatij animus diuinabat, qui etiam in Monte Casinate, vbi

Sap. 4.

Diuus

D. Greg. Diuus Benedictus vidit Germani Capuanū
1. li. Dial. Episcopi animam in sphaera ignea ab Angelis
cap. 33. in cælum ferri, ipse & animam illius clarissima luce circumfusam, in cælumque penetrantem vidit, & animam Hozij esse cognouit. Deinde etiam cum rei sacrae daret operam, & in generali cōfessione (quæ ante Missam præmittitur) ad illa verba peruenisset (& omnibus sanctis) magnum sanctorum numerum fulgentem gloria, ante oculos positum vidit, inter quos & Hozius aderat, splendidiore quam reliqui, habitu, gloriaque multo illustriore. non quod sanctior ille cæteris, aut beator esset: sed quod Deus gloriam hominis, per insigniorem hanc formam, compertam Ignatio (ut ipsemet referebat) testatamque esse voluisset. Qua ex re, tanta animi lætitia completus eius animus est, ut per multos dies suauissimum ex recordatione fletum reprimere non posset.

ROMAE SIMVL OMNES DE

Societate constituenda deliberant.

CAP. XIII.

Commotis populis, apud quos vixerant, & ciuitatibus ad pietatem incitatis, ad mediam Quadragesimam anno 1538. Romam Patres omnes ad Ignatium conueniunt: in domum, vineamque Quirini Garzonij, pij viri, quæ non procul à sanctissimæ Trinitatis Minimorum Cœnobio sita est, diuertunt: ibi magna cgestate, pane in diem quesito,

sito, viuunt: concionari deinde incipiunt: Ignatius Hispanicè in templo beatæ Mariæ Montis Serrati dicato, Faber in diuī Laurentij in Damasco, Laines in Saluatoris ad Laurū, Salmeron in diuæ Lucię, Claudius in diuī Ludouici, Simon in diuī Angeli ad forū Piscarium, Bobadilla in diuī Celsi. His concionibus effectum est, vt populus longo intervallo ad Confessionis atq. Eucharistię Sacramenta piè frequentanda moueretur. Ex quo prisca illa, & sanctissima sæpius peccata confitendi & communicandi cōsuetudo, tot iam sæculis intermissa, tum primū in vrbe reuocari cœpta est. Præterea, Hierosolymitanæ profectionis spe deiecti, pecunię eam summam, quam in viaticum acceperant, ei, à quo acceperant, integram restituunt. Et cū discessus, summi Pontificis iussu, varias in partes nōnullis instaret, de Societate etiā cōeunda inter se, vitaq. in posterū cōstituenda, deliberant: decernuntq. imprimis omniū consensu, in orationes, meditationes, ac Sacrificia, solito feruentius incumbere & gratiā ab illo recta & sancta statuendi efflagitare, qui nulli denegat spiritū bonū petēti, sed dat omnib⁹ affluēter, nulli impropērās. Interdiu proximorū saluti, impigrè nauabāt operam, noctu orationi & cōsultationi vacabant. Prima igitur consultationis nocte, quæsitū est, num cū n digressi à se inuicem essent, & in varias distantesq. regiones à summo Pōrifice missi, ita inter se deuincti, & mutua caritate col-

Iacob. 1.

I

latí,

ligati, in vno corpore esse deberēt, vt alij aliorum curam gererent, & nulla quantalibet corporum seiunctio, neq. mutuae curae, neq. sollicitudinis, nedum amoris seiunctionem efficeret? Communi omnium consensu decretum est, agnoscendum esse Dei beneficium, qui homines ex tam diuersis prouinciis, moribus, ingeniis, conditionibus in vnum corpus, summanq. animorum consensionē conspirare voluisset: neq. eius coniunctionē mirabiliter consentientem, disiungendam esse: aut vnitatem discindendam, cuius virtus robustior semper est ad capiēda ardua, & persequenda, & ad aduersa omnia sustinēda & propulsanda. Secūdo loco propositum est, an paupertatis & castitatis perpetuae voris, coram sedis Apostolicae legato, à se Veneriis iam tum nuncupatis, expediret tertium obedientiae perpetuae addere; & aliquem eligere, qui totius Societatis caput esset, & parens? In hoc nodo expediendo, diu multumq. laboratum est. Deniq. nonnulla sunt illis excogitata, & suscepta ad faciliorem propositae difficultatis explicationem. Primum fuit, vt nihil de summa orandi Dominum, precandi que contentione remitterent: sed in hoc vnū toto pectore incumberent, vt gaudium & pacem in Spiritu sancto inuenirēt in obedientia, & quantum in se esset, voluntatem haberent ad parendum, quā ad imperandū propensiores. Alterum, ne inter se hac de re colloquerentur, ne quis consilio fortasse cuiusquam,

quam, aut persuasione, in alterutram partem pendêret. Tertium, vt cogitatione se quisque ab hac congregatione seuocaret, & quasi alienum omninò hominem duceret, vt affectibus, qui incorruptè de rebus iudicare non sinunt, sepositis, sincera omnis deliberatio esset. Ad extremũ multis rationibus, quas enumerare longum esset, maximeque vt pro suo modulo similes essent capiti Christo, qui, ne obedientiam perderet, perdidit vitam, factus *Phil. 2.* obediens vsq. ad mortem, mortem autẽ crucis, & eam virtutem retinerent, quæ præcipua in statu Religionis, ac maxima est: sequerenturq. omninò Spiritus sancti afflatũ, ad perfectionem ipsos, & omnibus numeris absolutam sui victoriam excitantem: omnes vna mente, vno ore decreuerunt retinendam in primis in Societate obediẽtiã esse: & aliquem eligendum, qui vniuersæ Societati præpositus esset, cui omnes iudicia, voluntatesque suas submitterent. Hac eadem ratione alia multa sunt per tres menses summo studio à Patribus constituta, & maxima animorum consensione definita, cuiusmodi sunt quæ sequuntur: Quicunq. profitebuntur, votum expressum obedientiæ nuncupent, quo sese ad quascunque provincias fidelium infideliumve mittantur, paratos summo Pontifici offerant. De missione autem nihil vel per se, vel per alium, cum eodẽ Pontifice agant. Pueros rudimenta fidei Christianæ doceant. Qui in Societatem adscribi voluerint, exercitationibus spi-

ritalibus, peregrinatione, xenodochiis probetur. Præpositus Generalis perpetuus esto. In consiliis, ac deliberationibus, maior sententiarum pars esto superior: & alia id genus nonnulla. Ex quibus exitit formula instituti Societatis ea, quam postea sibi propositam summus Pontifex comprobavit.

MAGNA ROMÆ IN NOSTROS
tempestas exoritur, & sedatur.

CAP. XIII.

DV M à Patribus hæc geruntur, grauis illa, & multo antè ab Ignatio prouisa tempestas exorta est. Nam cum frater quidam, Augustinus Pedemontanus, ex Augustiniana familia in vrbe cõcionaretur, & Lutheranae doctrinae venenum occultè populo infunderet, agnitus à nostris Patribus, publicis concionibus refutatus est. Cuius amici quidam Hispani (quos nominare non est necesse) opibus atq. autoritate confisi, pro Augustiniano vicissim, accusationem aduersus Ignatium sociosque suscipiunt, ministro ad eam rē adhibito, Michaële quodam Hispano, in quem Lutetiae multa Ignatii, magnaq. merita extiterāt. Ergo iniquissimos rumores, cū de reliquis sociis, tum verò de Ignatio maximè dissipāt: in Hispania illum, Lutetiae Parisiorum, deniq. Veneriis damnatum hæreseos fuisse: facinorosum & perditum omnino hominem esse, qui diuina, & humana omnia iura peruerat: in exercitationes præterea spirituales, & in socios

cios ipsos crimina multa coniiciunt. Atq. iis fluctibus animosè fortiterq. Ignatius restitit, & iudicio rem persequutus est, ac veritatē illustrandam patefaciendamq. curauit. Cū enim ipsum Societatis iugulum peti animaduerteteret, & id agi à cōmunis omnium salutis hoste, vt appropinquantem iam, & prope maturum Religionis nostræ partum aut præfocaret, aut infamia aliqua pollueret, omni cōtentione contra eius conatum sibi enitēdum putauit. Itaq. reiectis dolis, Michaël ille à iudice damnatus, in exiliumq. missus est: alij verò accusatores, autoritate principes, primum multum de accusatione remittere, tum etiam trepidare, postremò accusationem in laudem vertere; idq. coram Cardinale Neapolitano, summi Pontificis tū Legato, & coram vrbis Gubernatore. Qui satis illorū confessione factum esse veritati iudicantes, controuersia silentio dirimivoluerūt. Quod quidem sociis, amicisq. probantibus, solus Ignatius minus probauit; ne quid ex oppressa veritate dedecoris aliquādo in Societatē erumperet. Nempe refrigerato iudicio, rei q. gestæ memoria senescēte, cū de accusatione constaret, de absolutione taceretur, facile suspicatos homines datum hoc gratiæ, atq. hominum studiis, pro Ignatio sociisq. certantium, vt veritas lateret in tenebris, & silentio tegeretur. Quæ causa fuit, vt nullius autoritate neq. potentia permotus, ne sociorum quidem voluntate, aut amicorum consilio, ne mi-

nimum quidem de sua sententia dimoueri se Ignatius pateretur: sed in eo haberet, & maximè insisteret, vt in iudiciū res adducta, iudicum sententia omninò declararetur. Vir sibi ipsi inglorius, Christo autem, fratribusque honoratissimus. Qui quādiu de se tantū agebatur, nullius patrocinio vti ad sui defensionem voluit: vbi Dei gloriam, aliorumq. salutē in fraudem adduci vidit, omnes & mentis & corporis nervos intendit, vt depulsa caligine, lumen se veritatis ostenderet. Quocircā, cū iudices, à sententia ferenda, alienos animaduerneret, ad ipsum Pontificem Maximum Ignatius Tusculum aditrē ordine Latino sermone exponit: quoties in vinculis, quoties in custodia fuerit, & quibus de causis candidè, integreque aperit: quantum diuinis rebus impedimentum iniiceretur, ostendit, si ea res silentio sopita contempraque iaceret: rationes, quibus adductus rei exitū cupiat, breuiter enumerat. Quas cū Pontifex probasset, iudici mandat, vt rem maturer, & pro veritate sententiam pronunciet: quod & fecit. In hoc autē iudicio illud diuinitus cecidit, quod qui in Hispania, Lutetiæ, Veneriis vitæ Ignatii iudices fuerant, ij vno eodemq. tempore ex iis ipsis locis, alius alia de causa in urbem conuenerant, & producti testes, omnes præclarum illius virtutis atque innocentiae testimonium dederunt. Venerat enim ex Hispania Ioannes Figueroa, is qui Compluti Vicarius generalis Archiepiscopi Tolc-

Toletani, Ignatium in carcerem coniecerat, & eius integritate cognita, liberârat: qui ad amplissimum dignitatis gradum postea euectus, Regij consilij Præses in Hispania anno 1565. mortuus est. Venerat ex Gallia D. Matthæus Ori, ex Dominicana, vt diximus, familia Theologus, apud quem fidei Inquisitorẽ Ignatius Lutetiæ accusatus est. Venerat D. Gaspar de Doctis, cuius iudicio fuerat Venetiis absolutus Ignarius, & aduersus calumniatores defensus, cū is ea in vrbe Hieronymi Veralli Legati summi Pontificis Iudex ordinarius esset: ij fuerūt virtutis Ignacij testes. Exemplum autem sententiæ, qua Ignarius sociiq. sunt absoluti, quoniam alias ante id tempus latas cōplectitur, ad verbum addendum existimauimus.

B. CONVERSIVVS, ELECTVS
*Britouoriensis, Vicecamerarius Alme vrbis,
 eiusque districtus Generalis Gubernator.*



Niuerſis, & ſingulis, ad quos præſentes noſtræ literę peruenerint, ſalutem in Domino.

C V M Reipub. Chriſtianæ multum interſit, vt eos, qui in agro dominico, vitæ exemplo, & doctrina plurimos ædificent in ſalutem: & item illos, qui è conuerſo potius ſuperſeminare videntur zizania, publicè notos eſſe: & nonnulli rumores ſparſi eſſent, & delationes ad nos factæ de

dogmatibus, & conuersatione vite, & spiritibus exercitiis, quæ aliis conferunt, venerabilium virorum, Dominorū Ignatij de Loiola, & sociorum, videlicet Petri Fabri, Claudij Iaij, Paschasij Broet, Didaci Laines, Francisci Xavier, Alfonsi Salmeronis, Simonis Roderici, Ioannis Codurij, & Nicolai de Bobadilla Magistrorum Parisiensium, Presbyterorum sæcularium, Pāpilonensis, Gebennensis, Segunrinensis, Toletanensis, Viscensis, Ebredunensis, & Palentinensis, respectiue diœcesis. Quæ quidem eorū dogmata, & exercitia, à quibusdam dicebantur erronea, superstitiosa, & à Christiana doctrina nō nihil abhorrētia. Nos, pro officij nostri debito, ac speciali etiā mādato Sāctissimi Dñi Nostri Papæ, circa hæc diligēter animaduertētes, quæ visa sunt ad pleniorē causæ cognitionē opportuna, inquisiuius, si fortē de quibus prædicti culpabātur, vera esse deprehenderemus. Quocirca examinatis primū quibusdā oblocutoribus contra ipsos; & consideratis partim publicis testimoniis, partim sentētiis de Hispania, Parisiis, Venetiis, Vicetia, Bononia, Fertaria, & Senis, quæ in prædictorum venerabilium virorum D. Ignatij, & sociorum fauorē, aduersus eorum criminatores prolatae fuerūt, & ad hæc examinatis iudicialiter nonnullis testibus, & moribus, & doctrina, & dignitate omni exceptione maioribus: tādē omnē murmuratiōē, & oblocutionem, & rumores cōtra eos sparsos, nulla veritate subnixos fuisse,

cōperimus. Quamobrē nostrarum esse partium iudicauimus, pronunciare, & declarare, sicut pronunciamus, & declaramus, prædictum Dominum Ignatiū, & socios, ex prædictis delationibus & susurris, non solū nullam infamiæ notam, siue de iure, siue de facto incurrisse; verū potius, maiorem vitæ atque doctrinæ sanæ claritatē retulisse, cū certē videremus, aduersarios vana, & penitus à veritate aliena obieciisse: & contrā, optimos viros, optimū pro illis exhibuisse testimoniū. Hanc igitur sententiā & pronuntiationem nostram, vt publicum eis testimonium sit contra omnes aduersarios veritatis, & in serenationem omnium, quicunq. sinistram illam de eis suspicionem, prætextu talium delatorū & criminatorum conceperint, faciendam duximus: monentes insuper, & exhortantes in Domino, ac rogantes vniuersos & singulos fideles, vt dictos venerabiles viros, Dominum Ignatium & socios habeāt & teneant pro talibus, quos nos esse comperimus, & Catholicis, omni prorsus suspicione cessante. Ita tamē, quatenus in eodem vitæ & doctrinæ tenore, Deo adiuuante (quod speramus) permanferint. DATVM Romæ, in ædibus nostris, die decimo octauo millesimi quingentesimi trigesimi octauī.

B. Gubernator, qui suprā.

Rutilius Furius, Secretarius.

I 5

Porro

Porro Augustinus ille Pedemōranus, qui huius omnis accusationis fons & origo fuit, posita larua, apertè publiceq. Lutheranus postea factus est. Accusatorum autē is fuit exitus, vt nostris tacentibus, & pro ipsis orantibus, illorum se & vita proderet, & doctrina: quæ vsque adeò tetra fuit, ac detestabilis, vt alterius statua Romæ exusta sit, cum se ipse fuga ab incendio eripuisset: alter perpetuo carceri propter hæresim addictus, qui tamen sub vitæ suæ resipuit, & suam vitam, erroresq. damnans, Romæ ita mortuus est, vt extremum hominis spiritum quidam ex nostris patribus exciperet.

IGNATIVS SOCIIQUE PARTIM IN VRBE, PARTIM FORIS, ECCLESIE NAVANT OPERAM. CAP. XV.

Falsæ accusationis procellam, magna tranquillitas est consecuta: & quæ à diabolo ad obscurandam veritatem fuerant comparata, ea (vt omnibus in rebus, quæ quidem diuino patrocinio nituntur, fieri solet) ad illam magis illustrandam valuerunt. Quamobrē summi viri multi, à Pontifice Maximo nonnullos ex nostris petunt, alios aliò: eos Pontifex libenter concedit. Missi igitur sunt, magister Paschasius Senas, vt virginum sacratarum quoddam cœnobiū reformaret: quod & præstitit; & vitæ integritate, māsuetudine, & insigni Christianæ simplicitatis candore, multorum in Deum excitauit studia. Brixia magister

gister Claudius Iaius, qui morum suauitate, omniq. genere virtutis, illius ciuitatis animos sibi obligauit, Christoq. coniunxit. Cum Ennio Philonardo Verulano, Cardinali Sancti Angeli, Parmam, Placentiamq. magister Petrus Faber, & magister Iacobus Laines, qui in iis vrbibus, permagnos ex suis laboribus fructus collegerunt, & non paucos tū viros, tum egregiæ indolis adolescentes ad Societatem adiunxerunt. In Calabriā verò profectus est magister Nicolaus Bobadilla, vbi populos quosdam rudes atq. agrestes, plurimū ad pietatem excoluit. Neq. verò ij, qui Romæ remanserant, otiosi fuerunt: nam cum frumenti caritas in vrbe tanta esset, vt multi aut fame interirent, aut viribus consumpti, in plateis passim iacerent: patres, vt huic malo, quoad eius fieri posset, mederentur, pecuniā vndiq. corrogare, panē cōquirere, herbas in pulmentum concidere, mendicorum hominum quantam maximā poterant turbā cogere, domum perducere, pedes abluere, inedia confectos cibo reficere, vlcerosos curare, rudes docere, nullum deniq. officium pratermittere, quod tum ad corporis, tum ad animi curationem pertineret. acciditq. aliquando, vt tota domus ita cōpleretur, vt conquisitos, & mediis ex plateis abreptos egenos homines vix caperet, cū trecenti, quadringentive, in strato humi fœno iacerent. Quæ res, magna populum admiratione affecit, & ad simile studium, aliorum pietatē excitauit. Multi enim

viridatissimi, & in his nonnulli Cardinales, hoc exemplo permoti, strenuè operam nauarunt, ne annonæ inopia pauperes opprimerentur. Itaq. tria millia egenorum hominum variis in locis alebant. Ad nostros præterea nonnulli, iiq. præclari tum adolēcentes, tum viri, adiuncti sunt.

MAGISTER FRANCISCVS XAVIER, & Magister Simon in Indiam destinantur. CAP. XVI.

Lib. 2.
Cap. 3.

LVeticiæ Parisiorum Doctorem quendam Theologum, Iacobum Goucanū nomine, fuisse diximus, eum qui collegij diuæ Barbaræ moderator, iniusta indignatione cōmotus, virgarum supplicium in Ignatium primo constituit; veritate deinde, hominisq. innocentia placatus, paratū supplicium in honorem ac reuerētiam vertit. Is erat vir pius, & grauis, & cum Ignatio, beneuolentia ex errore illo parta, coniunctissimus. Qui magno Dei gloriæ desiderio affectus, & Ignatij sociorumq. æquè incensam voluntatem, & sensus in hominum salutē consentientes exploratos habens: scripsit ad Ignatium, magnum ostium in Orientis India apertum esse; latissimum ipsi sociisq. patere campū, si qui fortē regiones illas petere vellent. Cupere se scire, quid sentiat; quo animo ipse, quo socij sint. Ad hæc Ignatius, se suosq. in Pontificis Maximi potestate esse: illius se imperium, illius nutum intueri: quōvis terrarū à Christi Vicario

cario mittantur, nō detrectaturos imperium. Hac responsione ab Ignatio Goueanus accepta, Ioannem III. Lusitaniæ Regem suum, tota de re certiores facit. Rex nō tam imperij propagandi, quā Christiani nominis amplificandi, & Indorum salutis percipidus, Petro Mazcharenæ, suo apud summum Pontificem Oratori mandat, de hac re vti cū Ignatio agat: illius ad Goueanum, Goueani ad se epistolas mittit: à summo Pontifice, si non plures, sex minimū impetret: deniq. det operam, vt, quo rem conficiat, neq. labori, neque sumptui parcat. Functus est Orator officio suo diligenter: Ignatium alloquitur: Regis literas ostendit. Porro ab Ignatio illud accipit, se suosq. haud sui iuris esse: summi esse Pontificis imperare; suū, sociorumq. parere: duos quidem impetrare, non fore, vt sibi videbatur, laboriosum; plures autē perdifficile. Cū autem Regis legatus instaret, & vehemētius Ignatium vrgeret, vt ex decem sociis, sex vt minimum, ex Regis voluntate eam prouinciam acciperent, Ignatius, sereno placidoq. vultu, iis ferē verbis respondit: Si ex decem, ad vnā prouinciam sex auferas, quid, Iesu bone, reliquo terrarū orbi relinques? In summa, rogatus Pontifex, iubet vt ex Patribus duo, ad arbitrium Ignatij, proficiantur in Indiam: electiq. sunt ad hanc prouinciā magister Simon Rodericus, & magister Nicolaus Bobadilla. Simon quartana tum febris laborabat, nauiq. in Lusitaniam vectus est. Ex
Cala-

Calabria Nicolaus in urbē accersitus est, qui egestate, assiduisque laboribus confectus, excurrere prætereà grauius laborans, eo ipso tempore venit, quò Petrus Orator discessum in Lusitaniam parabat. Qui cū neque professionis tempus disferre, neque sine altero ex nostris comite, omnino abire vellet; & magister Bobadilla morbo impeditus, cōsequi Legatum non posset: felici sorte magister Franciscus Xavier in eius locum hac ratione suffectus est. Iacebat Ignatius ægrotus, & Francisco ad se vocato, Non te, inquit, Francisce, clam est, duobus ex nobis proficiscendū, summi Pontificis iussu, in Indiam esse: Bobadillæ autem huic muneri destinato, in præsentī per morbum ire non licere, neq. Oratori, propter festinationem expectare. Tuū hoc, Frācisce, munus; tua hæc provincia est. Tum ille per alacriter, Ecce ego præstō sum. Itaq. postridie cum Oratore discessit: cū ad salutandos amicos, complectendos fratres, vilem tunicā refarciendam, paucularum horarū tempus habuisset. Atq. eo animo, eoq. vultu discessit, ut iam tum Dei providentiā sapientissimè suauissimeq. omnia disponentis, & Franciscum ad tam gloriosos labores vocantis, cōiicere facile posses. Atq. eo tēpore Ignatius, Societate nondum constituta, tamen si parentis tenebat locum, ut qui filios illos in Christo genuerat: non tamen præpositus erat ut Dei nomine iubere posset. Ex quo virtus obediētiae & charitatis ardor in Francisco magis enituit. Illud addam,

addam, quod de Patre Magistro Iacobo Laine aliquoties audiui. Multo antea, dū iter per Italiam peregrinantes facerent Iacobus & Franciscus, fiebat non rarò, vt Franciscus ex somno expergesfactus, Iacobum excitaret, & diceret, Quàm sum, Deus bone defatigatus! Scis quid mihi, frater, in quiete acciderit? Somniabam, me Indum, Aethiopémve humeris sustulisse, & aliquandiu gestasse, sed vique adeò grauē, vt suo me pondere penè opprimeret: itaq. fessus valde sum. Huic affine est, quod à magistro Hieronymo Domeneco accepi, qui magnam cum Francisco Bononię consuetudinem habuit. Is affirmabat, Franciscum, iam ab eo tempore, de rebus Indicis, deq. illarum gentium ad fidem conuersione, libentissimè loqui solitum esse: quasi hanc sibi provinciam, aliquando obuenturam, animus prælagiret, eiusq. rei incensam præ se tulisse cupiditatem.

SOCIETAS A PAVLO III.

Pontifice Maximo confirmatur.

CAP. XVII.

SED quoniam suos, & sociorū labores atq. consilia pro salute proximorum suscepta, ita demum & Deo grata, & proximis vtilia fore sperabat Ignatius, si ea summus Pontifex sua autoritate atque iudicio cōprobasset: Paulo III. Pont. Max. per Gasparū Contarenum Cardinalem, propositum suum & sociorum significauit: Se suosq. ipsius Pontificis,

tificis, successorūq. obedientiæ se penitus totosq. deuouisse: labores omnes suos proximorum saluti, curasq. consecrassse. Optare se, ac summis votis expetere, vt quibus ipsi à Deo agrum Domini colendi desideriis accensi essent, ea vnà cum ipsorū vita ne exstinguerentur, sed in aliorum exemplum adolescerent, si quos fortè Deus sui imitatores excitare dignaretur. Quorum quidē Religio, Clericorum Regulariū esset; institutū verò, vt summo Pontifici ad nutū præsto forent, & omnino ad eam normam vitā suam dirigerēt, quæ multo antè meditata, & à se esset constituta. Quod quidem Pontifex tertio Septēbris Tybure libenter audiuit, atq. laudauit anno millesimo quingētesimo trigesimo nono. Postea verò Ignatio eiusmodi instituti cōfirmationē scriptam postulante, negotiū à Pontifice Maximo tribus Cardinalibus datū est. Qui, ne res conficeretur, magnoperè pugnabant: præcipuè verò Bartholomæus Guidiccionus, Card. vir pius quidem atq. eruditus; sed qui tantam Religionū multitudinē, quanta nunc quidē in Dei Ecclesia cernitur, minus probaret: Conciliorū Lateranēsis ac Lugdunensis decretis fortasse permotus, quibus nimirū nouarū religionū multiplicatio prohibetur: aut certè propter quarundā lapsam fluxamq. disciplinā, quam in pristinū statum reuocandā cēsebat potius, quàm nouas Religiones instituendas: atq. de ea re librū dicitur scripsisse. Quapropter cum id sentiret, acriter nostris resti-

*Cōc. Lat.
c. 13. quod
est in c. fi.
de reli. do.
& Lugd.
& habetur
in c. 1.
de reli. do.
mi. in 6.*

restitit, & Societatis confirmationi vnus omnium acerrimè repugnauit, aliiq̃ue nonnulli conatus cum illo suos coniunxerunt: vt quores exagitata esset vehementius, & magis lentè probata, eo testatior, atq̃. illustrior Dei voluntas existeret, per Vicarium suum, hoc institutum confirmantis. Namque victa omnis inuidia est, & intercessio omnis sublata, Ignatij continuis ad Deum lachrymis precibusq̃ue: qui etiã aliquot Missarum millia per se & suos Deo offerre constituit, ad felicem tantæ rei exitū impetrandū. Ex quo cū reliquorum Cardinalium, tū verò Guidiccioni cor ita immutatum est, vt adiutor ex aduersario repentè existeret; & ille nouatum Religionum tam acer paulò ante insectator, Societatis fine percepto, summopere eius institutum laudaret. Sic enim animo commotus est, vt aliquādo etiam diceret: Nouas religiones non probō: hanc tamen non probare non audeo. Sic enim interius afficior, eos motus animi diuinitus sentio, vt quò me humana ratio non ducit, eò voluntas inclinēt; & affectu quodammodò inuitus complectar, quæ argumentis antea repudiabam. Ergo ille ipse Societatis institutum Pontifici commendauit. Pontifex cū formula quadam comprehensum perlegisset, vehementer probauit, & pontificio afflatu Spiritum Dei hīc esse dixit, seque non tennes fructus sperare, neque exiguas, ex tam exiguo tenuiq̃. principio, vtilitates in Dei Ecclesiā peruenturas. Con-

firmata est igitur Societas anno 1540. v. Kalend. Octobris: definitè tamen & cautè: iis enim tunc finibus Professorum nostrorū numerus circumscriptus est, vt sexaginta nō excederet. Quod diuinitus etiā factum esse credimus, vt media primis, extrema mediis congruerent. Nā hæc Societas nondum nata, in auctore suo Ignatio, primū probata est in Hispania, deinde iam edita in lucem, in Italia Galliaque grauiter oppugnata, ante hanc summi Pontificis confirmationē. Qui vt pederentim progrediretur, & ipsa sua cōfirmatione Societatē etiā magis probaret, certum numerū adiecit. Ex quo hæc eius confirmatio, ad annū 1543. probatio quædā fuit: quo quidem anno, vbi Domino cooperāte, & sermonem nostrorū yrrute sua cōfirmante, successus is fuit, qui sperabatur; ab eodē Pontifice numeri illa definitio sublata est. Deinde verò ab anno 1543. ad annum 1550. vegetior facta est, ac robustior, & à Iulio 3. aliisq. Pontificibus confirmata, & multis magnisque priuilegiis aucta, & vehementius stabilita, vt suo loco dicam.

DEI IN SOCIETATE INSTI-
tuenda consilium exquiritur.

CAP. XVIII.

ET quoniam huc peruentum est, & de institutione Societatis atq. confirmatione egimus, non erit (vt arbitror) abs re, si quod Dei fuerit, in hac ipsa Societatis cōfirmatione
con-

consiliū pro modulo nostro inuestigem⁹. Ille enim Ignatium Ecclesiæ suæ labanti, singulari quadam prouidentia, auxilio misit: vt & se, & filios suos murū pro domo Dei insultantium hostiū furori obiceret. Atq. vt hoc Dei Opt. Max. propositum magis eluceat, necessariū est, quo in statu Ecclesia sancta fuerit, quo tēpore Ignatius vixit, diligenter consideremus. Ex hoc enim melius intelligemus, quanta fuerit huius auxilij necessitas: ex necessitate etiā Dei consilium magis apparebit. Qui quidē quasi Pater quidā familiās vigilantissimus, nunquā non operarios cōducit in vineā suam; sed tūc maximè, cū illa magis inculta videtur, atque deserta. Et tanquam Rex Regū, & Dñs dominantiū omniū potentissimus atq. sapientissimus, regnū Ecclesiæ suæ amplissimū munire non cessat: & sacras religiones in eo, veluti munitissima quædā propugnacula collocare, atq. fortissimorum militū præsidiiis cingere: & armis, cōmeatu, rebusq. ad defensionē necessariis instruere: ne vitiorum, hæresum, atq. errorū monstra hostiliter irrumpant: bellumq. virtuti atque veritati impunè indicant: & de sanctissima religione nostra triumphare videantur. Nihil temerè facit Deus, nihil fortuito. Nā si folium arboris absq. illius nutu non cadit; si omnes capillos capitis nostri habet numeratos; & sua ipsius prouidentia attingit à fine vsq. ad finem fortiter, & disponit omnia suauiter; quanto magis in Religionū & sacrerū Ordinum in-

Mat. 10.

Mat. 10.

Sap. 8.

stitutionibus (quæ longè nobiliora nimirum atq. excellentiora ipsius opera sunt) hâc suam admirabilē prouidentiā Deus prodere, atque illustrius debet proferre ? Et vt certius aliquid colligere, & minus dubiis cōiecturis Dei consiliū assequi possimus ; ponamus ante oculos finem, cuius gratia Societas est instituta ; qui quidem is est, quem præsens Catholicæ Ecclesiæ tempus requirebat. Est igitur Societas Iesu, vt in confirmationis Apostolicæ literis continetur, ad defensionē ac propagationem fidei potissimum instituta. Fides ab hæreticis defenditur, apud Ethnicos propagatur. Videamus ergo, quid opus nostris temporibus fuit, vel fidem Catholicam ab hæreticorum oppugnatione defendere, vel eam inter Gentes amplificare : ex iis enim duobus capitibus, diuinæ prouidentiae consiliū fortasse licebit cōiicere. Nam hoc ipso tēpore, quo Ignatius lucem hanc hausit, innumerabiles, easq. atrocissimas calamitates Dei Ecclesia ab infidelibus, atq. ab hæreticis perpeffa est, vehementerq. debilitata, atq. diminuta. Et tamen (quæ Dei in sponsam suam benignitas est) ad reparandas has tantas ruitas, & damna refarcienda, quæ patitur in Europa, nouū Dominus mundum, atq. hætenus incognitum mirabiliter patefecit, in quo se latius funderet lumen fidei, & innumeras atq. latissimas prouincias peragraret. Mitto nunc quas strages ediderit, quas Christianorum prouincias, Ottomanicū Imperiū ab anno fermè 1300. quo

quo cœpit, vsq. ad annum Domini 1491. quo Ignatius in lucem editus est, occupauerit, quas nationes subegerit, quæ regna subiugauerit; in quibus scilicet, vel extincta, vel certè maiorem in modum afflicta & labefactata est Christi religio, & spurca tetraq. Mahometis secta inducta. Ex quo primū certè Ignatius lucis huius vsuram accepit, religionis nostræ lumen magna ex parte obscuratum est in inferiori Pannonia, occiso eius Rege Ludouico: in Dalmatia item, & Illyrico. Amisimus Rhodum, fidei propugnaculum, atq. hostium terrorem, Chion Insulam, Cypri regnū, Coronem, Methonem, Neapolim, Maluasiā, Neupactum, Guletam, Tripolim, Bugiam, aliaq. plurima loca munitissima, à Christianis olim expugnata, vt in illis Christi fides effloresceret. Quid dicam de hærese ôñ, atque errorū portentis, quæ nostro infelici sæculo extiterunt? Quot prouincias euerterūt? quot regna afflixaerunt? quot Catholicorū Respublicas deuastarunt? quas calamitates non importarūt? quibus malis vniuersam Ecclesiam non affecerunt? vexarunt? perdidderunt? Anno humanæ salutis 1483. natus est in Saxonia, superioris Germaniæ Prouincia, humani generis perniciēs, ac certissima pestis Martinus Lutherus. Anno verò 1517. in condonationes peccatorum, ac remissiones à Romano Pontifice concessas, impiè debacchari cœpit. Furiis autem illum agitantibus, anno 1521. palàm Catholicæ Ecclesiæ, per summū scelus

*Iouius &
Richerius
de rebus
Turcicis.*

*Ceclaus,
Surius,
Fontanus,
& alij.*

bellum indixit. Quo ipso anno Deus in Pompeiopolitana arce Ignatium vulnerauit, vt sanaret, & ex vanitatis vili mancipio Ducem fortem efficeret : & Luthero tanquam acrem Ecclesiæ suæ propugnatorem opponeret. Hoc diuinæ bonitatis proprium est. Hæc est certissima ratio diuini consilij. Nunquā Ecclesiam suam deserit Deus; sed vbi maximè oppugnatur, fortissimos excitat defensores. Sic Simoni Mago Simonem Petrum Apostolorum Principem, Ario Athanasium, Nestorio Cyrillum, Iouiniano, Vigilatio, Eluidio Hieronymum, Mani & Pelagio Augustinū, aliis Hæresiarchis, atq. fidei hostibus, alios clarissimos defensores opponit. Ex quo prudēter est ab Ecclesiasticæ historiæ scriptoribus animaduersum, quo die Pelagius in Anglia natus est, vt tenebras errorum mundo offunderet: eodem ipso die, Ecclesiæ lumen Augustinum in Africa emicuisse, vt impij ac nefarij hominis caliginem depelleret, & vniuersam Ecclesiam luce sua collustraret. Quo tēpore Albigenses, aliiq. perversæ doctrinæ magistri, importunius Ecclesiæ pacem turbabant, & succrescentes spinæ vitiorum semen à cælesti fatore sparsum malignè suffocabant, duo illa mundi lumina atq. ornamenta, Dominicus & Franciscus quasi de cælo lapsi sunt, vt per se, & per filios suos hæreticorum frænaret impetum, errorum radices euellerent, vitia tollerent, mores componerent, deniq. vniuersum terrarū orbē admirabili vitæ atq. doctrina

Vassila.

*Ferdinandus à Castillo li. 1.
Cronic.*

na illuminarent, atq. ad Dei amorem accenderent. Quemadmodū à sanctissimis illis Patribus factum fuisse legimus, & ab optimis eorum filiis, quotidie fieri videmus. Religionēs eæ quæ militares vocantur, iis tēporibus constitutæ sunt, quibus sancta Ecclesia armis infidelium mirum in modum diuexata, atq. oppressa, virtute etiam Christianorum militum erat defendenda & vindicanda in libertatem. Quod item de reliquis est sacris Religionibus intelligendum, & de ea potissimum, qua de agimus Iesu Societate. Nā cum Martinus Lutherus Monachus, vnā cum suæ religionis habitu pudorem etiam ac Dei timorē exuisset, & sacrilegas atq. incestas nuptias cum virgine Deo sacrata impudētissimè celebrasset, signum in Ecclesiam Catholicā sustulit, bellum Christi Vicario indixit, milites conscripsit, deniq. omnes gentes diris clamoribus & horrendis blasphemis ad arma concitauit. Sequenti Lutherū è vestigio sunt homines prophani, perditī, seipsos amantes, superbi, elati, & rerum nouarum cupidi. In iis, magno numero Poëtæ leues, Oratores garruli, Grāmatici fuerūt arrogantes: qui versibus, cantilenis, rythmis, comœdiis, declamationibus, & magistrum suum Lutherum miris laudibus extulerunt; & in traditiones, ceremonias, dignitates Ecclesiasticas atrocissimè inuecti sunt. Magnus deinde grex sese Luthero adiunxit Sacerdotum Monachorumque: qui quòd infirmis oculis clarissimā Re-

*Cocleus,
Surius, E
tanus.*

bellum indixit. Quo ipso anno Deus in Pompeiopolitana arce Ignatium vulnerauit, vt sanaret, & ex vanitatis vili mancipio Ducem fortem efficeret: & Luthero tanquam acrem Ecclesiæ suæ propugnatorem opponeret. Hoc diuinæ bonitatis proprium est. Hæc est certissima ratio diuini consilij. Nunquā Ecclesiam suam deserit Deus; sed vbi maximè oppugnatur, fortissimos excitat defensores. Sic Simoni Mago Simonem Petrum Apostolorum Principem, Ario Athanasium, Nestorio Cyrillum, Iouiniano, Vigilatio, Eluidio Hieronymum, Mani & Pelagio Augustinū, aliis Hæresiarchis, atq. fidei hostibus, alios clarissimos defensores opponit. Ex quo prudēter est ab Ecclesiasticæ historiæ scriptoribus animaduersum, quo die Pelagius in Anglia natus est, vt tenebras errorum mundo offunderet: eodem ipso die, Ecclesiæ lumen Augustinum in Africa emicuisse, vt impij ac nefarij hominis caliginem depelleret, & vniuersam Ecclesiam lucē suā collustraret. Quo tēpore Albigenses, aliiq. peruersæ doctrinæ magistri, importunius Ecclesiæ pacem turbabant, & succrescentes spinæ vitiorum semen à cælesti satore sparsum malignè suffocabant, duo illa mundi lumina atq. ornamenta, Dominicus & Franciscus quasi de cælo lapsi sunt, vt per se, & per filios suos hæreticorum frænaret impetum, errorum radices euellerent, vitia tollerent, mores componerent, deniq. vniuersum terrarū orbē admirabili vitā atq. doctrina

Vassila.

Ferdinandus à Castillo li. 1. Cronic.

na illuminarent, atq. ad Dei amorem accenderent. Quemadmodū à sanctissimis illis Patribus factum fuisse legimus, & ab optimis eorum filiis, quotidie fieri videmus. Religionēs eæ quæ militares vocantur, iis tēporibus constitutæ sunt, quibus sancta Ecclesia armis infidelium mirum in modum diuexata, atq. oppressa, virtute etiam Christianorum militum erat defendenda & vindicanda in libertatem. Quod item de reliquis est sacris Religionibus intelligendum, & de ea potissimum, qua de agimus Iesu Societate. Nā cū Martinus Lutherus Monachus, vnā cū suæ religionis habitu pudorem etiam ac Dei timorē exuisset, & sacrilegas atq. incestas nuptias cum virgine Deo sacrata impudētissimē celebrasset, signum in Ecclesiam Catholicā sustulit, bellum Christi Vicario indixit, milites conscripsit, deniq. omnes gentes diris clamoribus & horrendis blasphemis ad arma concitauit. Sequenti Lutherū ē vestigio sunt homines prophani, perditī, seipso amantes, superbi, elati, & rerum nouarum cupidi. In iis, magno numero Poëtæ leues, Oratores garruli, Grāmatici fuerūt arrogantes: qui versibus, cantilenis, rythmis, comœdiis, declamationibus, & magistrum suum Lutherum miris laudibus extulerunt; & in traditiones, ceremonias, dignitates Ecclesiasticas atrocissimē inuecti sunt. Magnus deinde grex sese Lutherō adiunxit Sacerdotum Monachorumque: qui quod infirmis oculis clarissimā Re-

*Cecilius,
Surnus, F.
tanius.*

ligionum, in quibus viuebant, lucē ferre non possent, vt licentius libidini fræna laxarent, & in turpissimarum voluptatum cœno volutarentur, ipsarum religionum claustra reliquerunt. Et ne dubitari posset, quid eos ad tãtã insaniam impelleret, quasi clibanus igne succensus æstuarunt; & tanquam equi admissarij ad voluptatem incitati, ad Lutheri orationem adhinnierunt; vxores duxerunt; mulierculas deceptas, & virgines etiam Deo dicatas per summum scelus constuprarunt: & quidem tam impudenter, tam scelestè, vt in nuptiis cuiusdam illorum, Missam etiã composuerint (si sacratissimæ rei nomen, in tam immanem quadrare potest insaniam) execrationibus & blasphemiiis refertissimã, in qua incestos & fœdifragos, atq. impuros sacerdotes collaudant, sanctos vocant, à Deo illuminatos prædicant, quod excusso continentiae iugo, vxorum adhærerēt amplexibus; & cæteros vt idem faciant, adhortantur. Nēpe hæretici, cum vita, factisq. sunt detestabiles, tum verò ipsa peccandi licentia incredibili atque impudicitia longè etiam detestabiliores. Isti itaq. nefarij atq. perditissimi Apostatæ, cœperunt libertatem prædicare, vt homines peccati seruos efficerent: annuntiare voce Christum crucifixũ, te autem vera Antichristum; deniq. persuadere fidelibus, vt pœnitentiam, crucem, veram Christi imitationem abiicerent, & per omne flagitij ac turpitudinis genus agerentur præcipites. Erat hoc ipso tem-

*In nuptiis
Carolstadij
Fonsanus
lib. 8.*

pore iis vitiis contaminatus, iis morbis confectus mundus, ac tam incurabilibus faucibus vulneribus, ut multi hanc doctrinam facile admitterent, & venenum haurirent suauiter, & tãquam medicamentũ salutare aliis etiam propinarent. Fuerint in iis è fẽce Reipub. sutores, cerdones, tinẽtores, lanij, homines facinorosi, & vulgo infames, & publicè damnati, & ignominia notis iniusti, qui noui huius Euãgelij, noui magistri atq. concionatores extiterunt. Quos enim alios huiusmodi doctrina haberet doctores? Imò verò eò progressa est quarundam muliercularũ garrularum atque impudentium audacia, ut absterfa illa, quæ illis innata & propria est feminarum verecundia, & neglecto Apostoli Pauli præcepto, *1. Tim. 2.* mulierem domi suæ in silẽtio discere iubentis, & in Ecclesia loqui prohibentis, in suggestum ascenderent, verbum Dei explicarent, *Fontanus lib. 5.* in concione de sacra Scriptura differerẽt, doctissimos Theologos ad certamen prouocarent, assertiones aniles, & theses, seu potiùs deliramenta quædam publicè defendenda proponerent: ut verum sit illud D. Hieronymi: Quod medicorum est promittũ medici, tractant fabrilia fabri: sola scripturarũ ars est, quam sibi passim omnes vendicant, scribimus indocti doctiq. poemata passim. Hanc garrula anus, hanc delirus senex, hanc sophista verbosus, hanc vniuersi præsumunt, lacerant, docent, antequam discant. Alij adducti supercilio, grãdia verba trutinãtes, inter mu-

lierculas de sacris literis philosophantur : alij discunt , proh pudor , à feminis , quod viros doceant ; & ne parum hoc sit , quadam facilitate verborum , imò audacia edisserunt aliis , quod ipsi non intelligunt . Hæc ille . Cœpit contagione serpere hoc venenum , & diffundere se quotidie latius Babylonicum hoc incendium , ac vires acquirere magnorum quorundam principum studiis : qui quidem , vel propter ambitionem atq. improbam cupiditatem , & ex bonis Ecclesiasticis magnū quem sperabant quæstum ; vel ad alendas atq. sustentandas quas cū aliis gerebant inimicitias ; vel aliis turbidioribus animi motibus obcæcati , perditorum concionatorum insanias sua potentia , atq. beneuolentia auxerunt : iisq. colore ac prætextu quodam religionis , ad suas ipsorum libidines facilius consequendas , per summum scelus abusi sunt . Et quoniā Deus mala nostra grauitè punire decreuerat : aliis malis maioribus , & magis perniciosis nos inuolui permisit , & omnium penè maximo , quod hæresis . Itaq. & cruenta extiterunt hoc ipso tempore inter Christianos Principes bella , quæ hæresum atq. errorum sunt faces , & altum dormientibus pastoribus , & mutis canibus , rapaces lupi tantam stragem (quantam proh dolor videmus) in Christi ouile ediderunt . consequutaq. sunt innumerabiles atq. grauissimæ calamitates ex nouo hoc Evangelio , quæ vniuersam Christianam rempub. acerbissimè afflixerunt , atq. deformarunt . ex
qui-

quibus nonnullas referam: omnes enim per-
 censere, esset infinitum. Principio, omnes pe-
 nē errores, atq. pestilētes hærēses, quæ ab ipso
 nascentis Ecclesiæ exordio, hætenus extite-
 runt, iamdiu sepultas ab inferis reuocarunt:
 vix enim ex omnium præteritorum sæculo-
 rum memoria, vlla fuit vel opinio tam absur-
 da, vel blasphemia tā impia, vel doctrina tam
 perniciosa, vel dogma tam insanum, quod in-
 felicissimo nostro tempore non reuixerit, &
 à Lutherō eiusq. discipulis ab orco excitatū
 non sit. In sanctissimam Trinitatē, in Chri-
 sti Domini nostri diuinitatē, in Spiritus san-
 cti personam, in beatissimam Matrem, atque
 immaculatam virginem Mariam, in purissi-
 mas angelorum mētes; in sanctos, in animas
 quæ purgatorij igne expiantur, impuro ore
 perbacchati sunt; in ipso deniq. inferno, quod
 mentirentur ac blasphemarent, inuenerunt.
 Nullū est in Dei Ecclesia sacramētum, quod
 non peruertant: nulla sacra ceremonia, quam
 non irrideāt: nulla Apostolica traditio, quam
 non conuellant: nulla diuinæ scripturæ pars,
 quam vel non excludant, vel ineptis ac perni-
 ciosis translationibus, annotationibus, inter-
 pretationibus, non deprauent & coriūpant.
 Quid dicam de sacrosanctis Conciliis, Spiri-
 tu sancto autore atq. inspiratore celebratis?
 Quid de sanctissimorum Pontificum decre-
 tis, publicē à Lutherō igne cōsumptis? Quid
 de doctissimorum atq. beatissimorum Patrum
 monumentis, qui cælestis vitæ exemplo, atque
 admi-

*Deiis lege
 Nicolai
 Sæderum
 lib. 7. de
 visibili
 monar-
 chia, &
 Surrum
 in historia
 anni 1561.
 & Linda-
 nū in ex-
 hartatio-
 ne ad Flo-
 landos
 c. 12.*

admirabili doctrina vniuersam Dei Ecclesiā illuminarunt, & ad Christi Seruatoris nostri imitationem inflammarunt: quæ tanquā antidota & medicamenta salutaria, & corū venenatis erroribus omninō cōtraria, impostores isti mutilant, lacerant, deprauant. Mitto quæ dicunt & faciunt, contra summam Romani Pontificis, Christi in terris Vicarij, ac Petri successoris potestatem. Nam veluti latrones ac teterrimi parricidæ, leges ac magistratus odio prosequuntur: sic omnes semper hæretici Romanum Pontificem iudicem pauent, ac perhorrescūt. In summa, nihil est tam sanctum, quod non prophanēt: nihil tam firmum, quod nō labefactare conentur: nihil tam certum, tã fixum, tam omnium sæculorum, nationum, Patrum cōsensione in Ecclesia Catholica receptum atq. stabilitum, quod in dubium non vocent, quod non infirmant, quod non conuellant. Et quoniam veritas vna semper est, falsitates multæ sunt, & sibi aduersantes atq. contrariæ: tot ex Luthe-ro quasi ex Lernæa Hydria capita extiterūt, tot sectæ atque hæreses prodierūt, vt eas enumerare omnes, sit perdifficile. Nam vel ex vna Anabaptistarū secta, 12. aliæ sectæ emerferūt, tam inter se pugnantes, vt quibus in vrbibus illæ aliæque similes pestes grassantur, vix domum inuenias, vbi quod maritus credit, credat vxor, & quod pater familiās amplectitur, filius ac famulus sequantur, & quidem tanta inconstantia, vt in ea solū sint constantissimi,

*Federicus
Staphylus
& San-
derus l. 7.
de visibili
Mon. eas
enumera-
rant.*

mi, Euripo omniq. vento mutabiliores. Gerūt prætereā inter se grauissimas inimicitias, & plus quā Vatiniāno odio se inuicem prosequūtur: in eo tantū cōueniūt, vt Catholicis omnibus bellū inferāt; vt Christi Ecclesiā iūctis viribus pertinaciter oppugnēt, & tanquā Samsonis vulpes, segetes Catholicorū incendāt. Neq. verò satis iis fuit, perniciosos errores excitauisse, & plusquā Cimmerias offudisse tenebras mortalibus, eorūq. animas pestilenti doctrina perdidisse, sed in corpora etiā grassati immaniter sunt, & infinitis penè Catholicis vitā hanc mortālē violenter eripuerunt. quòd æternam auferre nō potuissent. Sanctissimi Episcopi, Monachi religiosissimi, Sacerdotes sacrosancti, Virgines honestissimæ, atq. etiam Deo dicatæ, pueri innocentes, senes ætate & canitie venerādi ab iis mactati sunt: & quidem tam atrociter, tam truculenter ac dirè, vt noua atq. exquisita tormēta excogitarent, & omniū tyrannorum, de quibus fortissimi atq. beatissimi Martyres olim triumpharunt, sæuitiā etiam atq. immanitatē vincerent. Legat qui volet nostrorū temporum historias, quas innumerabilibus reperiet refertas inauditæ crudelitatis exemplis. Quot virgines castissimæ, quibus ab hæreticis vis est illata, quòd fidem Catholicam nollent eiurare, mammillis deinde intra arcarū vel torculorū seras compressis, miserrima lentaq. morte perierunt! quot sacrarū familiarū viri & Sacerdotes hæreticorū truculentam barbariè experti sunt!

Iudic. 15

a Hæc omnia

ex Sum-

mæ historia,

maximè

an. 1562.

et 1566.

ex Fōta-

no, ex Clau-

dio de Sæ-

ctis, l. de

direption-

ibus tē-

plorū: ex

Sædero. l.

7. de visi-

bili Mo-

narchia:

ex Natali

Comite. l.

18. histo-

ria: ex

Antonio

Possenino,

Epistola

ad Regem

Polonia.

alij viui in terrâ defossi, alij de turribus præcipientes deiecti, alij excoriati, alij elixi, aut viui assi, alij cranio clauis trāsfixi, alij in os iniecto puluere tormentario, atq. incenso combusti, atq. in minutissima frusta discerpti? Quoties ex Catholicorum adhuc spirantiū ventribus discissis, atq. inter ipsa gementium piorū viscera iniecto hordeo, equis ipsis insolens pabulum horrescentibus, cibis est propositus? Quoties mulierum prægnantium & viuientium vteri secti? eorumq. ob oculos palpitantes fœtus extracti, saxis illisi, aut in ignem iniecti, aut verubus alligati, lento igne tosti sunt? Quis credat vsque adeò hæreticos furiis agitari, omnisq. sensus, atq. humanitatis expertes, vt Sacerdotibus, Deiq. inuiolatis ministris, nares atque aures præciderint, eisq. suorum equorum fræna ornarint? & quasi in publica gestarint lætitia, magna pompa, feritate, triumpho? Quis religiosissimis atq. sanctissimis senibus pudenda membra amputasse, coxisse, in os ingessisse, māducare eos incredibili impuritate atq. violentia coëgisse? Hæc tamen & alia iis peiora, à Calvinistis in Gallia nostra ætate perpetrata sunt. Quod si hæc perditorum hominum feritas atq. insania in homines tantū sæuieret, nostro tantū sanguine suam insatiabilē rabiem exsaturaret; grauius quidem, sed minus tamen esset dolendū. Sed proh nefas, Deo, Diuis, sacris omnibus bellum infert, cælum terræ miscet, & gigantum more pugnat cum Deo. Templâ in Diuorum

hono-

honorem Deo dicata prophana fecerunt: calices, vasa, vestes sacras, baptismi aquam, sacræ vunctionis oleum, sanctorum virorū ossa polluerunt, violarūt, dissiparunt. Quis possit narratione complecti, aut enumerando percensere templa incensa, & solo æquata? monasteria virorum & feminarum direpta atq. eversa? sacrarum rerum omnium instrumēta proculcata, atq. per summam ignominiam irrita? beatissimorum virorum atq. in cælo cū Deo iam regnantium reliquias disiectas & cōculcatas? Quo furore ac rabie, SS. Episcoporum corpora Irenæi, Hilarij, Martini, Aniani, Th. Cantuariensis, Bonaventuræ, & aliorum exusserunt; in cineres redegerunt? in flumen præcipitarunt? Diuorum imagines demoliti sunt; cruces etiam, & Christi in cruce pendentis simulachrum flammis tradiderūt? Sed quod omnem impietatem infinitis partibus superat, & vel dæmon ipse cogitare perhorresceret, illud est, quod augustissimam atq. diuinam hostiam, in qua verissimum Domini nostri Iesu Christi corpus continetur (ô imensa bonitas, ô clementia, & patientia Dei infinita) sæpenumero indignissimè tractarūt? Quis est tam stupidus, qui hîc nō excitetur? tam à ratione atque humanitate alienus, qui hæc non sentiat? Quis qui vel scintillam habet fidei, cuius ad hæc mens, non stupeat? lingua hæreat? sensus non deficiat? Neque verò existimare debemus idcirco Deū hæc pati, & ad grauissimas iniurias suas dissimulare & cō-

niue-

niuere, quòd in scelestissimos atque flagitiosissimos homines animaduerrere non possit. Non est hic, non est defectus potètiæ, sed bonitatis excessus: non habet Deus manus ad vindictam inualidas, sed ad ignoscendum faciles: probat fidem nostram, dat infinitæ clementiæ suæ certa argumenta, expectat vt corrigat, præstolatur peccatores, vt sanet, vt vel pœnitentia emendentur, vel pertinacia & obstinati animi peruicacia tardius quidem, sed grauius pûniantur. Solet enim Deus tarditatem, supplicij grauitate compensare. Hic enim quem tam impiè ac nefariè ab hæreticis nostri temporis accipi atq. tractari videmus, ille idem est Dominus, qui Ozam percussit & occidit, quòd incautè ac minus reuerenter Arcam testamèti terigisset, quæ tamen figura tantū erat diuini huius Sacramenti. Ille est, qui quinquaginta Bethsamitarum milia interfecit, quòd eandem Arcam curiosius aspexissent. Ille est, qui omnibus sæculis atque ætatibus, & nostris etiam temporibus, clarissimis miraculis, in omnibus penè orbis terrarum prouinciis atq. regionibus verissimam corporis sui præsentiam, & diuinitatis tremendam maiestatem sæpenumero testatus est. Ille est, qui Iudæos, qui minus pios Christianos iustissimis grauissimisque pœnis non semel affecit, quòd se indignè atq. irreuerenter in sacrosancto Eucharistiæ Sacramento tractassent. Et quod in illos præstitit, præstare utiq. posset in hæreticos, qui Iudæos perfidia, & tepidos

pidos Christianos impietate vincunt. Sed tamen dissimulat Deus & patiēter agit, propter eas quas diximus causas, & propter alias nobis occultas, immensæ verò illius sapientiæ notissimas. Et quanquam iis quæ retulimus reliqua minora sunt, quid dicam tamen de furis, latrociniis, prædationibus, rapinis, incendiis, cladibus, quibus per summā iniuriam atque tyrannidem Sathanæ ministri, infinitam hominum multitudinem diuexarunt? Quid loquat de coniurationibus, rebellionibus, tumultibus, dissensionibus, perturbationibus, ciuiū discordiis, quæ simul atq. hæresum pestis exorta est, pacatissimas Prouincias, & florentissima Regna peruagatæ sunt? In Germania, Luthero autore atq. impulsore, rustici contra dominos suos arma ceperunt; tantaq. *Surius in* est contentione pugnatum, vt rusticorū cen- *historia* tū millia occisione sint occisa; tātæ strages fa- *an. 1525* ctæ, vt in sola Prouincia Fræconia supra 200. castella, & religiosorum hominum monasteria funditus sint euersa. Heluetiorum Cātones (quos vocant) Catholici, pro auita religione, parua manu cum Cantonibus hæreticis, collatis signis dimicarunt, eosq. & numero & *Surius* militum virtute fretos, tribus præliis fude- *an. 1531.* runt, ac profligarunt, & Zuinglium eorū magistrum atque erroris Ducem concremarunt. Magna pars statuū Imperij à Carolo v. Imperatore defecit, delectū habuit, milites conscripsit, exercitum innumerabilem conflauit, vt illum opprimeret, & de vniuersa Germa-

nia deturbaret : sed vera religio, cuius causa agebatur, Deo Duce atq. autore, gloriosam de potentissimis hostibus victoriam reportauit. Quid residui est in omni calamitate, quod florens quondam Franciæ regnum perpersum non sit? quàm diuturna & cruenta bella sæpè gesta? quantum sanguinis est effusum? quoties inter Catholicos & hæreticos, & quanta contentione est decertatum, victoria semper ad veram religionem inclinâte? Quoties homines perditissimi ac nefarij in Reges Franciæ Franciscum I. Carolum I. Henricum I. I. conspirarunt? vt patriæ parentes trucidarent, nobilissimū atq. potentissimū regnum vastarent, Catholicam Religionē dele- rent? Quod nisi Deus piorum atq. integerri- morum hominum (qui in Gallia adhuc sunt innumerabiles) vota, preces, lachrymas respi- ciens, impiorum hostium consilia retexisset, conatus repressisset, impetus retardasset, actū esset de regno illo Christianissimo: in quo tā- ta fuit, & tam aperta atque nefaria Hugono- torum rebellatio, vt sint qui ad sempiternam eorum ignominiam literis p̄fodiderint, eos Ludouicum Borbonium Condæum Regem coronasse, monetamq. auream illum impres- sisse, in qua hæc erat inscriptio: Ludouicus I. 3. Dei gratia Francorum Rex, primus Christia- nus. Quæ inscriptio arrogantissima est, & in omnes Christianissimos Frâciæ Reges iniu- riosa Neq. iis contenti, vt nihil ad summam improbitatem deesset, oratores etiam suos Bi- zantium

*Natalis
Comes
lib. 18.
historiæ.*

*Natalis
Comes
lib. 19.*

zantium miserunt ad Turcarum Imperatorem, ut terribilissimum illum Christiani nominis hostem ad mouenda arma in Galliã, Hispaniam, Germaniam sollicitarent, & auxilia sua pollicerentur, & spem rei bene gerendæ ostenderent, intestinis discordiis, atq. tumultibus, illis in regnis, ipsorum opera excitatis: ut hac ratione potentissimorum regnorum statum perturbarent, & Catholicam religionem, si possent, extinguerent. Sed ea est concordatorum hominũ de istiusmodi mōstris existimatio, ut vel ipse Turca eorum legationem audire contempserit, quod diceret Hugonotos tam esse abiectos atq. despiciatos, ut indignum sit, supremum orbis terræ Imperatorem, cum eis vlla vel amicitia iungi, vel scedere, qui in Deum impij, in Regem suum rebelles, perfidiosi in reliquos sint, deniq. communis pacis, atq. tranquillitatis perturbatores. In Catholicam etiam atq. probatissimam feminam Mariam Angliæ Reginam conspirarunt: & in Ducem præterea Allobrogum Philbertũ, quod ex Valle Engroia hæreticos extirpasset, ne illorum malum perditiones suas latius serperet: & in alios permultos Principes moliri sunt insidias, ut illos de medio tollerēt In quorum numero est Scoticus Rex, quẽ occidere hæretici conati sunt: Reginam verò eius matrem ceperunt, & coniecerunt in custodiam, quod Catholica esset, eamq. Angliæ Reginæ Elisabethæ, ipsius odio flagranti, in potestatem traderunt. Quæ Eli-

Natalis

Comes

lib. 7.

Idē lib. 14.

Idē lib. 19

& Surin.

sabetha cūm fœmina sit, Anglicanæ Ecclesiæ vniuersæ supremum ac spirituale caput, se dici & haberi vult: & ferendis discordiis, auxiliis ferendis, sumptibus subministrâdis, calidè & astutè bellū aduersus alios Reges alit, auget, inflamat: in Catholicos verò sui regni tam implacabili immanitate, atq. feritate sæuit, vt omnis barbaria ab ea superata videatur. Quis ignorat, quo in luctu iaceat, quanto in mœrore sit, quibus & quàm diuturnis calamitatibus sit oppressa, florēs quondam & felicissima Germaniæ inferioris Prouincia? quæ tam graues & acerbæ sunt, vt ad regna etiam alia longè posita peruadant, quæ exanguia, exinanita, exhausta sunt, populorum victu, vectigalium neruis, ærarij sanguine, rebus omnibus in bellum pro tuenda religione consumptis? Quantum est humani sanguinis, ex quo primum Lutherus classicum cecinit, religionis ergò per omnes Christianorū Prouincias effusum? Quot depopulationes agrorum, direptiones vrbium, oppidorum euersiones, templorum incendia, cœnobiorum spoliationes, populorum strages, clades Prouinciarum, Regnorum excidia sunt consecuta? In ipso vndecim annorū spacio, apud grauem scriptorē legi, in Gallia & Flandria, quingēta, & cō amplius hominum millia in bello cæsa. Apud alterum verò vno rātūmodo anno, qui fuit salutis nostrę 1567. in sola Gallia supra 600. monasteria incensa atq. euerfa, & quinq. Sacerdotum, ministro-

rum.

*Antonius
Possseuinus
in epistola
ad Polonia regē.*

*Natalis
Comes
lib. 18.*

rumque Dei millia, à sanguinariis istis noui Euangelij concionatoribus, per summā crudelitatem fuisse mactata. Silentio prætereo permultas alias Prouincias graui hæreticorum motu conquassatas atque afflictas. Non dicam quas regiones infecerint, quibus in regionis Catholicam religionem vel deleuerint, vel labefactauerint hæc furie atque pestes. Neque commemorabo superiorem, atque inferiorem Pannoniam, Bohemiam Poloniā, Lituaniam, Daciam, Sueciam, Noruegiam, Hiberniam, aliasque innumerabiles ad Septentrionē Prouincias miserabiliter profligatas, atque conuulsas; ne modum excedat oratio. Vnum tantū rei gestæ exemplum referam, quo melius, quæ dicta hætenus sunt, intelligantur. Monasterium ciuitas est Prouinciæ Westphaliæ Metropolis nobilissima: ex ea hæretici Anabaptistę, Sacerdotes omnes, Monachos, Equites honestissimos, atque prudentissimos quosque ciues Catholicos sibi aduersantes violenter eiecerunt, domos diripuerunt, bona compilarunt. Tum furorem quendam, hominem scilicet despicatissimum atque contempū Regem creant, diadema cū ea pompa, atque solennitate omni, quæ in verorum Regum coronatione adhiberi solet, capiti illius imponunt. Hic Rex iustitię super terram appellatur: vxores plurimas ducit: ex iis vnā præcipuam, quasi Reginam cæteris honoratorem eligit, cum qua concionari, & officio Sacerdotis fungi aggreditur: duo de triginta in-

sanos, atque fanaticos concionatores, & tanquam Apostolos (sic enim nominabat) varias in regiones ad disseminandum impurū suum Euangelium mittit. Quid multa? finis huius fabulæ tragicus fuit ac luctuosus. Rex enim uxorem suam in medio foro securi percuti iussit, quod muliebriter defleret ac lamentaretur miseras atque calamitates, quas ciuitas illa à Catholicorum exercitu eam obsidentium patiebatur. Ipse autem Rex, capta ciuitate, atrocissimis tormentis prius dilaniatus, extremo tandem supplicio, impietatis atque dementiæ suæ poenas iustissimas dedit. Satis ne multa mala sunt hæc? nōne fructus noui Euangelij vberes sunt atq. copiosi? nō tamen hic finis est. Nam præter alia infinita damna, quæ exitiosa ista prodigia in orbem terrarum inuexerunt, illud certè haud minimum est, quod ipsam naturam corruperunt, & laudabiles atque probatissimos quarundam nationum mores ita peruerterunt, atq. in peius commutarunt, ut multi, qui antea honesti erāt, temperati, ac penè frigidi, ex istorum doctrina flagitiosissimi atq. profligatissimi sint, & quibusdam libi linis facibus inflāmati. Qui fidelitate, ac modestia olim præstabant, infideles nunc sunt, & in fraudem semper intenti. Qui virtute atq. animi fortitudine, cū hoste manum conferere, pedem conferre, & fortissimè pugnando vel occumbere, vel vincere soliti erant, iam hosti terga vertere, fugere & abiectis armis trepidare didicerunt. Vbi do-

ctrinæ

ctrinæ studiū ac sapientiæ floruit, nūc summa literarum est ignoratio. Neq. mirum sanē; semper enim veram religionem, quasi comites quædam, potentia & sapientia sequuntur: sublata autem illa, quæ domina & gubernatrix est; hæ quasi ancillæ dominam suam abeuntem prosequuntur. Vt igitur me ipse colligam, & orationem meam cōtraham: hi sunt ex infinito penè numero aliquot fructus, qui ex hæreticorū doctrina, quasi ex radice pulularunt: mala enim arbor fructus bonos non facit; & ex turbido atq. pestilenti fonte, salubris atq. dulcis aqua non fluit. Hæreticorum enim spiritus, licentiæ, blasphemiæ, maledicentiæ, tyrannidis, crudelitatis, superbiæ spiritus est. Est enim Sathanæ spiritus, à quo instigantur, impelluntur, exagitantur. Spiritus verò Lutheri cæteris tetrior fuit, atq. detestabilior, omniumq. præteritorū hæreticorum improbitatem atq. impietatem lōgè superar. quod vt manifestum fiat, & sole lucidius cōstet, ipsemet Lutherus non dubitauit scribere, sibi diabolum de facie notum esse: de nocte sæpè apparuisse, cum eo modios salis commedisse, atq. etiam disputasse, & Sophisticas, atq. in speciem probabiles rationes, atque argumenta de eo audiuisse, cū contra alia vera & solida & antiqua sanctissimæ nostræ fidei dogmata: tum verò maximè contra veritatē sacrosanctæ Eucharistiæ, eiusq. cultum atq. venerationem. Vt perspicuè nimirum & certò intelligamus, discipulorum Lutheri in

*Matt. 7.
Iacob. 3.*

*Libro de
Missa an-
gulari.*

*Surin
an. 1534*

augustissimum atque omnium excellentissimum Sacramentū, quas suprà attigimus iniurias, & cōtumelias, quasi riuulos ex Lutheri fonte fluxisse. Quanquā si quod res est proferre volumus, pestilentem hunc Lutheri spiritum, Caluinistarum, atque Hugonottorum spiritus, impietate, violentia, truculentia, & omni immanitate superat: & non solū in Catholicos, verāq. religionē, sed in vniuersas ipsas Prouincias, Respublicas, Regna, in omne deniq. hominū genus, perniciosissimus & calamitosissimus est, diciq. verē potest orbis terrarum incendium. Atq. hæc tanta, quæ aliæ nationes hærescōn labe infectæ experiuntur mala, & pæcis, atque integræ religionis bona, quibus Hispania per Dei gratiam fruitur, vehementer nos excitare atq. commouere debent, vt & magni faciamus hoc tantū Dei beneficium, & gratias pro eo maximas illi atque immortales agamus. Vtrumq. facient libentius, atq. expeditius, quicumq. ex Hispaniā in alias Prouincias egressi, eas Regiones obierūt ac perlustrarūt, quas effrænatus hæreticorum furor depopulatur & affligit. Poterunt ij minori sanē negocio hæresum infinita mala pro rei atrocitate expendere: eaque cum pace nostra, & publici status tranquillitate conferre. Debemus etiam conniti quantum possumus, & dare operam, vt vitia nostra corrigamus: ne singulare donū fidei nostris peccatis perdamus, quod aliæ nationes suis peccatis perderunt: & dies noctesq. Deum nostris placare

re atq. fatigare precibus, vt Philippum Regem Catholicum incolumem felicissimumq. quā diutissimè tueatur: qui pro sua auita atque eximia pietate, summa prudentia, incredibili vigilātia, maxima inter omnes qui vnquam fuerunt Reges potentia, se murum pro domo Dei opponit, & Catholicam fidem defendit. Quod quidem præstat, non solū armis inuictis, & consiliis salutaribus, sed etiam iis sacrorum Patrum excubiis, qui fidei Catholicæ Senatui præsunt, & in perenni quadā vigilia sedentes, hæreticorum furorē ab nostris ceruicibus, & certissimam pestem ab Hispaniæ finibus auertunt. Quod quidem sanctissimæ fidei tribunal, ad conseruationem atque defensionem ipsius fidei, Deus Opt. Max. admirabili prouidentia, in Castellæ ac Legionis Regnis instituit, anno ab ortu Domini 1481. in Aragonia verò, Valentia, Catalonia, anno 1483. quo ipso anno Martinus Lutherus in lucem editus est. Vt vel ex hac ipsa tā opportuni temporis coniunctione, Dei consilium fiat manifestum, fidei tribunal, hostibus fidei antidotum veneno prouidentissimè opponentis. Nam tametsi cū primū hoc fidei sanctissimæ consilium est institutum, existimabant homines futurorum inscij atq. improuidi, propterea solum institui, vt per illud Hispania Iudæorum atq. Saracenorum spurcis superstitionibus repurgaretur: Deus tamen quī immutabili præscientia sua, præterita, præsentia, futura, ab omni æternitate

æqualiter complectitur, profligatissimos atque pestilentissimos nostris temporibus hæreticos exorituros prospiciens, sanctissimæ fidei Senatum in Hispania constituit, ad arceudas ab ea etiam hæreticorum futuras calamitates. Sed hæc obiter dicta sint; nos ad propositum reuertamur: & causas diuini consilij in Societatis institutione atq. confirmatione inquiramus. Quo igitur tempore Martinus Lutherus quasi furia quædam exitialis, cum sceleratorum atq. perditorum manu ex Orco emerfit, vt Catholicæ Ecclesiæ statum labefactaret atque cōuelleret, & tertiam stellarum partem, ceu draco quidā cadens de cælo, in ruinam secum traheret: eodē ipso tempore Deus, qui Ecclesiæ suæ curam vel maximam habet, alterum virum excitauit Luthe-
ro dissimilem, penitusq. cōtrarium, Ecclesiæ defensorem, acerrimum hæreticorū hostem, Christi imperij amplificatorem. Quod verò Luthe-
ro eiusq. filiis decretum erat, cum reliqua omnia diuina & humana iura peruertere, tum maximè in sacras religiones impetum facere, & Apostolicos viros sanctissimè in eis viuētes euertere, si posset, atque extinguere: vt illis quasi pastoribus atq. canibus è medio sublati, ipse tãquam lupo sanguinolentus ac ferus, oues Christi raperet impuniùs atq. dispergeret. Incredibili Dei prouidentia factum est, vt noua hæc Societas ad defensionem ipsius fidei potissimū institueretur. Huius ordinis institutum est, alios reliquarū religionum

gionum fortissimos duces ac milites, strenuè pro fide & Christi gloria dimicantes iuvare, & laborantibus opem atque auxilium ferre. Vbi verò aliorū præsidia defunt, milites suos armatos mittere: qui hostem longius progredi non sinant, furiosum eius impetum frangant, & prædam ex cruentis faucibus eripiāt. Hoc præstat Societas iis in Regionibus atq. Provinciis potissimū, quæ hæreticorum armis & astu periculosius infestantur: in quibus videlicet, quòd religiosi alij, qui eas vita & doctrina illustrabant, vel omnino defecerint, vel pauci admodum (& ij quidem prostrati, debilitati & confecti) reliqui sint, necessario Societas hanc provinciam cepit, ut tantas Ecclesiæ ruinas pro sua tenuitate resarciret, & hæreticos hostiliter irrupentes comprimeret: ne exultare in mendacio, & imprudentibus atq. simplicibus triumphum agere de veritate atque religione videantur. Portò qua ratione hoc Societas præstet, & quo fructu, in nōnullis huius historiæ libris, summatim legere deinceps licebit.

DE FIDEI CHRISTIANÆ

apud Indos propagatione.

CAP. XIX.

ET hæc quidem ad coercendos atque frænandos hæreticos pertinent, & ad sanctissimæ nostræ fidei conseruationem. Iam quæ ad eiusmet fidei propagationem atque amplificationem attinent (quæ sanè non est minus

minus vel necessaria, vel admirabilis) hoc capite si placet persequamur. In quam quidem propagationem si oculos intendas, magna te admiratio capiet, infinitam sapientiam Dei, atque prouidentiam hac in re perspicientem: magna rursus grati animi pietas, inexhaustos illius misericordię thesauros considerantem. Nam mihi quidē certē pro miraculo est, noui orbis patefactio ab nostris hominibus inuenti; idemq. dubio procul iudicabit, qui attentē apud se expenderit: Primū, quot sæcula fluxerunt, ex quo primū contrahendarum rerū vsus esse cœpit inter gentes, commerciūq. ex nauigandi facilitate, & cōmeandi in alias Prouincias opportunitate. Deinde quā curiosē clarissimi olim Reges, atq. potentissimi, Prouincias atque Regiones occultas indagauerint, easque suo imperio subiiciendas curauerint: tum quā incenso studio, atq. exquisita diligentia viri literatissimi, & Cosmographi prætātissimi, in eam curam incubuerint, ut orbis terrarum omnes partes percenserent, diuiderent, distinguerent, nobisq. depictas atq. expressas ante oculos ponerent. Postremo mortalium insatiabilē auri & argenti cupiditatem, atque opum immēsam sitim, qua inflammatus, Impiger extremos currit mercator ad Indos, Per mare pauperiem fugiens, per saxa, per ignes. Hæc, inquam, si quis rectē apud se atq. diligenter consideret, admirabitur perfectō arcanum Dei cōsiliū, qui rem tantam tamdiu occultauit, & nostro sæculo

Pro-

Prouincias innumerabiles, Regna potentissima, Resp. nobilissimas, maria immensa, regiones inauditas, oras terrarum latissimas, orbem denique quodammodo alterum nobis patefecit, plenissimum, refertissimum auri, argenti, gemmarum, aromatum, odoramentorum, rerum omnium incredibili copia cumulatissimum. Tanta enim est rerum ad nos ex nouis regionibus aduectarum vis, varietas, pulchritudo, salubritas, pretium, ut omnium fidem excedat. Atq. magis admirabimur, si quis vestigia noui orbis, & quasi indicia quædam apud veteres scriptores legat. Nā & in Platone sub Atlantis nomine, aliqua (licet obscura) illius sit mentio: & apertè apud Tragicum Sene cam, illis versibus: Venient annis sæcula seris, quibus Oceanus vincula rerum laxet, & ingens pateat tellus, Typhisque nouos detegat orbes, nec sit terris vltima Thyle. Quibus quasi spiritu poëtico afflatus, futura pronuntiasse, quibusdam visus est. Et Carthaginenses incognitarum regionum notitiam aliquam habuerunt, & insulā quandam remotam, desertam, fertilem inuenerunt: & Phocenses Gadium incolæ, ex freto Herculeo egressi, vento Euro secūdissimè nauigantes, ad nouas terras appulsi sunt, quemadmodum ab Aristotele memoriæ proditū est. Et Strabo ex Heraclide Pontico narrat, Eudoxium quendam ex Gadibus in Indiam nauigantem, in Æthiopiam peruenisse. Neq. desunt qui scribant in India quæ ad Occidentem est,

*In Timæo,
& Critias.*

In Mædæa.

*a Lib. de
mūdi mi-
raculis.*

*Strabo l. 2.
Marin.*

*Siculus in
Chronico
Hispania,*

est, Augusti Cæsaris effigiem in auri venis repertam, & Romam, ad comprobādā rei veritatem, summo Pontifici missam fuisse. Sed hæc atq. alia eiusdem generis argumenta, leuiā atq. incerta sunt. Illud certissimū, Deum (cuius iudicia sunt occulta, cuius cōsilia nulla ratione possunt inuestigari) hoc tantū miraculum nostris temporibus reseruasse. Tum quod Christiani Imperij fines, Turcarū potentia, atq. tyrannis impendio, quotidie magis contrahebat: tum quod hæreticorum furor Catholicam religionem magis ac magis indies deuastabat: tum quod hoc maximum beneficium Hispaniæ proprium voluit esse: vt ex ea videlicet primi illi explorandi nouas Prouincias autores prodirent: & inuictis potentissimorum atq. felicissimorum Castellæ ac Portugalliæ Regum armis, nouus hic orbis nobis innotesceret, & Christi iugum domitus subiret. Qui nauigationē in Indiā, quæ orientem Solem spectat, primus rērauit, Henricus Ioannis primi Portugalliæ Regis filius fuisse dicitur. Qui vir cū eruditus esset, & motus cæli, & Planetarum cursus, & Geographiæ scientia præstans, totum se rerum naturalium studio dedit: & multam in exquirendis atque inuestigandis naturæ arcanis operam posuit. Qua ex indagatione, paulatim sensimque in eam opinionem adductus est, vt ex Lusitania in Indiam nauigari posse crederet. Ad faciendum eius rei periculū, naues ornatissimas suis sumptib⁹ misit, & homines peritos, qui Africę

oras

oras explorarunt, maris Atlantici insulas nonnullas incognitas reppererunt, fidem Christi annuntiarunt indigenis. Deniq; Henrici opera & industria, Matera insula, & aliquot aliæ notæ nostris hominibus esse cœperunt: multiq; populi ad oras eius maris in Occidentali Aethiopia degentes, Christiana religione excolti sunt. Hoc autem præclarum inceptum, & tanti Principis excellentia dignissimū (in quo ad mortē vsq; perseverauit, & vitā Henricus omnem consumpsit.) Ioānes postea I I. Emanuel, & Ioānes I I I. Lusitanix Reges felicissimè prosequuti sunt: & classes suas fortissimis plenas militibus, rebusq; omnibus ad nauigandum instructas, in Brasilix Angolam, Cōgum, Monomotapam, Guineam, Aethiopiam, Sinum Persicum, Diō, Calicut, Goam, Malacam, Sinas, Iaponem, aliasq; remotissimas prouincias, ingenti ausu ac felicitate miserunt. Quæ quidē Oceani immensitatē nouis atq; inusitatis nauigationibus trāsmiserunt: ad gentes immanes, & barbaras penetrarunt, easq; vel consuetudine ac beneuolentia ad amicitiam allexerunt, vel virtute & armis subegerunt, maxima Dei benignitate. Nam Lusitanos Deus ita roborauit, atq; cælesti gratia protexit & cōmuniuit, vt ipsi sæpenumero, parua manu, innumerabiles barbarorum copias funderent: & prædicationi Euangelij obstructam atq; interclusam ferro ac virtute viam aperirēt: & populos incultos & cecos ad Euangelij splēdorem adducerent.

rent. Itaq. magno, inusitato, atq. inaudito miraculo, domi nostræ, Iaponios generis nobilitate imprimis illustres iuuenes vidimus, qui sacri baptismatis loti fonte, & Christianis sacris initiati, patrias sedes, amicorum familiaritates, parentum consuetudinem, & ciuium suorum, quibuscum sanguine ac necessitudine sunt cōiuncti, beneuolentiā Christi amori posthabentes, ex Iapone in Hispaniam vsque, anno salutis nostræ 1584. nauigarūt, immensis perfuncti laboribus atq. periculis. Hi enim sequuti Societatis Iesu Patres, à quibus ad fidem & omnem probitatē ab infantia sunt educati, Romam ipsam quasi ad nostræ religionis arcem profecti sunt: vt summum in ea Pontificem, Christi Vicarium, Petri successorem, corā agnoscerent, colerent, venerarentur: eiūque suo, & Bungi, & Arimæ, & Fiungi Regum consanguineorum suorum nomine, quasi Primitiæ Iaponēsiū Christianorum (qui sanè sunt innumerabiles ab Ignatij discipulis ad fidem conuersi) debitæ obedientiæ munus offerret. Quos Gregorius x i i i. Pontifex Max. prudentissimus, admirabili beneuolentia complexus, omniq. humanitatis atque pietatis officio, ingenti totius vrbs congratulatione, prosequutus est. Existimauit enim sanctissimus Pastor, ad magnā Dei gloriam, atq. adeò ad suam pertinere (neque id iniuria) se Pontifice, Christianum Imperium, non aliis quàm orbis terrarum finibus circumscriptū: & ad nouas & incognitas nationes,

tiones, & ex omnium hominū memoria hactenus inauditas, sic diffusum ac propagatū, vt per immensos marium atq. terrarum tractus, oues illæ, quæ non erant in hoc ouili, pastorem suum quærerent, vocem eius audirēt, & in illo omnium pastorum Principem adorarent, fieretq. vnū ouile & vnus pastor. Hæc ad orientis Solis pertinent Indiam. Ad occasum verò Ferdinandus atque Elisabetha Castellæ Reges clarissimi, Christophoro Colombo Liguræ Duce, classes suas ad conquirēdas, suoq. imperio subiiciendas nouas prouincias miserunt. Et Carolus v Cæsar Augustus, eorum ex filia nepos, & Philippus Caroli filius, præclara maiorum cœpta vehementius auxerunt: & vsq. adeò Hispanici imperij fines propagarunt, vt terra nuper reperta, & magna ex parte inuictis Castellanorum armis perdomita (si per oram maritimam, & sinuosos anfractus circumlegatur) nouē mille leucas colligat, vt à nonnullis peritis scriptoribus literis traditum est. Et tamen circuitus orbis, atque ambitus septem millia tantum, & quingentas leucas continet, si Ptolomæo credimus, si Alphragano etiam pauciores, si Fernelio paulò plures. Neoterici verò astrorum curiosi inuestigatores, & nauigandi peritissimi, 6360. leucas tantummodo numerant, cuiuslibet cæli gradui 33. passuum millibus in terra attributis, hoc est 18. fermè leucis, si quælibet leuca cōmunis Castellana, tria passuum millia comprehendat. Acciditq. nostro sæculo alterū mi-

raculum, nouum item planè atq. inauditum, quodq. nihil minus habeat vel admirationis, vel stuporis, quàm quod paulò antea de legatione Iaponica diximus. Nauis enim è classe Castellæ Regum, Ioanne Sebastiano Cano Cantabro gubernatore, vniuersum orbis terrarum ambitum circūlegit, & incolumis Hispalim (vnde soluerat reuersa) meritò sanè Victoria appellata est. Vt Dei Opt. Max. maximum in nos beneficiū agnoscas, qui quidem, vt tanti boni autor affectorq. fuit, sic in ipsum laus omnis, atq. excellentissimi operis gloria, est omnino referenda. Ipse enim rem maturauit, opportunitatem inuēnit, Catholicos Reges permouit, vt profligato iā, seu potius cōfecto diuturno, graui periculoso bello Granatensi, & seruitutis ignominiosæ & acerbissimæ (quam 800. fermè annos Hispanæ nationes pertulerant) iugo depulso, & Christiani nominis dignitate in pristinū splendorem quasi postliminio restituta, aliis bellicis curis expediti, rem tantam animo conciperent, spe aggrederentur, summa felicitate conficerent. Adde, quòd ad patefaciendum nouum hunc orbem, atq. armis subigendum, eos ad ministros adhibuit Deus, quorū siue paucitatem, siue animi virtutes, atq. fortunæ ornamenta consideres, intelliges profectò, non humanis viribus, sed summi atq. sapientissimi moderatoris voluntate, tot tantasq. Prouincias ad Hispanum imperiū aggregatas. Quod multo etiam magis eminet, atque extat illustrius, ex ipso.

ipso cursu, atq. ex vberissimo atq. copiosissimo fructu, quem ad mortalium salutem Deus ipse immortalis collegit. Quis enim posset enumerando percensere nationes multitudine innumerabiles, locis infinitas, immanitate barbaras, impietate idololatrias, natura carcas, vitiis omnibus corruptissimas, ab omni humanitatis sensu tam abhorrentes, vt innocentes mactarent filios, & quasi preciosas victimas Diis suis offerrent: denique quæ dæmonem ipsum pro Deo colerent, cū illo sæpè familiariter loquerentur, ad eius arbitrium viverent: ita esse ab errore ad veritatem, ab vmbra mortis ad vitæ lucem, à miserrima seruitute, ad gloriosam animorum libertatem reuocatas, vt Christum Deum ac Dominū nostrum, Redemptorem agnoscerent, feritatem exuerent, idōla comminuerent, templa diabolo dicata vel euerterent, vel in veri Dei cultum conuerterent, & vitam dignam homine, dignam fide, dignam Christiano pectore vivere inciperent? Quæ tamen omnia nostro sæculo Catholicorum Regum opera diuinitus effecta sunt. Hoc igitur tempore tam opportuno, tam necessario, admirabili ac planè diuino cōsilio, Deus nostrū elegit Ignatium, vt crucis trophæum in disiunctissimas terras atque Prouincias in ferret, & gentes infinitas, agrestes, ac barbaras, depulsis ignorantia, atque infidelitatis tenebris, Euangelij clarissima luce, per filios suos, collustraret. Vt Lutheri falsi prophete, ac veri impostoris discipuli,

dentibus suis frendant & tabescāt, quòd quādo ipsi apud nos tam furiosè debacchātur, & diuina atq. humana iura omnia violant, fana diripiunt, monasteria incendūt, cruces Christi demoliuntur, Sacramenta euertunt, à beatissimo Romano Pōtifice se segregant, ac deficiunt: eodem ipso tempore in aliis lōgè plurimis atq. maximis regionibus, noua templa vero Deo ædificantur, crucis vexillū in omnium populorum salutem extollitur, sacrosancta virent Sacramenta, Pontifex Romanus Christi Vicarius agnoscitur, & adoratur. Deniq. hæc ipsa Catholica religio, quam ipsi tantopere extinctam cupiunt, ab ortu Solis ad occasum, ab Aquilone ad mare prædicatur, viget, efflorescit. Et Deus ipse qui in Eurōpa tam multas, tamq. acerbis ab hæreticis continenter perfert contumelias atq. opprobria: in nouo orbe, hoc ipso tempore multa, magna, testata, admirabilia opera perfecit. Constatq. ad præsentiam Christi Domini nostri corporis in templis collocati, demones obmutuisse, aufugisse, neque deinceps apparuisse, aut cum idololatrīs (vt solebant) fuisse locutos: plurimosq. mortales variis atq. insanabilibus morbis oppressos, sanctissimæ crucis cōtactu, aquæ sacræ aspersione, piacularib⁹ granis admotis, ab omni ægritudine liberatos. Alios quod irreuerenter minusq. honestè in Ecclesia, vbi Eucharistia erat, se gessissent, multis incommodis, iisq. grauissimis à Deo fuisse affectos: multaq. alia literis consignata sunt,

sunt, quæ Deus effecit, tum ut hæreticos nostri temporis (si ullam adhuc habent partem sensus) ad sanio rem mente m reuocaret, tum ut gentes cæcas ad veri luminis cognitionem adduceret. Ea quòd infinita penè sũt, neque huius narrationis propria, silètio prætermitto: ex vtriusq. Indiæ historiis petat licebit, si quis eiusmodi rerum vberiorẽ cognitionem desiderat. Quanquam autẽ Deus Opr. Max. alias fortissimorum militum copias, ad præclarissimam hãc Indorum expeditionẽ antea misit, & in eã sanctissimi multi viri aliorum Ordinũ, omnibus viribus, totoq. pectore incumbunt: tamen tam latè patet hic campus, tam spaciõsa, deserta, inculta vinea hęc est, tam horrida aspectu, feris frementibus plena, vitiorum monstris efferata, ut pluribus adhuc cultoribus indigeat. Adde quòd militibus aut obsessis, aut acriter præliantibus, noua auxilia magnos animos addũt, magno sæpè adiumento sunt. Quæ quidem de India ad Occidentem, quæ Castellæ Regibus patet, potissimũ dicta sũt: in qua magna scilicet sacrorum hominum vis est, eas regiones excolentium. Nam in Orientali India minor est operariorum copia, tum quòd Lusitanorum nauigatio longior est ac periculosior: tũ quòd bellum cum multis, variis, potentissimis Regibus continenter gerendum sit, anceps, dubium, ac innumeris plenum difficultatibus: tũ quòd ea de causa Lusitaniæ Reges à mari remota, atque terræ intima loca imperio suo

nondum subiecerint, nec tot sacrorum hominum conuentus constituerint, quot ad innumerabiles populos à tenebris infidelitatis, ad fidei lumen traducēdos sunt necessarij. Quāobrem in Brassilæa, insulis Malucis, Iapone, aliisq. latissimis atque remotissimis Orientis regionibus, nulli fermè ex aliis regionib⁹ homines sunt, qui propagandæ fidei Christianæ prouinciam, & animarum procurationē susceperint, præterquam Ignatii filij. Quē quidem Ignatium, admirabili prouidentia Deus (vt diximus) peropportuno tempore elegit, atq. Ecclesiæ suæ acrem defensorem constituit. Neq. poterit sanè quisquā de diuino cōsilio dubitare, qui Societatis ab ipso Ignatio per vniuersum terrarum orbem disseminatæ fructus atq. vtilitates prudenter expenderit: quiq. ardens quoddam atq. incensum vitam pro Christo profundendi & sanguinem, nostrorum desiderium perspexerit: & vel assiduas, vt in longinquas & barbaras nationes mittantur, preces; vel alacrem, cum sponte à Præpositis mittuntur, obediētiam, quo mortem pro fidei amplificatione oppetendi præclaram occasionem, nanciscantur. Non enim satis habent, vita & doctrina aut furentibus hæreticis sese obicere, aut mortificationem D.N. Iesu Christi semper in corpore suo circumferre, vt infideles salutem ac vitam consequantur. Sed cum intelligāt nullum magnificentius atq. illustrius ab hominibus Evangelio tribui posse testimonium, quàm si pro
illius

illius veritate sanguinem ipsum profundant, omni ratione faciendum sibi putāt, vt pro illo vitam potissimū reddant, qui vitam suam pro nobis omnibus in cruce obtulit Patri. Septuaginta septē Patres ac fratres nostri (quod ego quidem sciam) ab hæreticis & Gentilibus pro Christi fide interempti sunt ad annū vsque 1585. quo hæc scribimus. Ex iis 24. variis in locis, ac temporibus ab infidelibus, vel Mahumetanis, vel Gētilibus, exquisitis tormentorū generibus occisi sunt. Quorū Dux ac Princeps Pater Antonius Criminalis fuit, qui à Badegis, ad Cauri promontorium orās, & in genua procumbens, oculis ac manibus sublati in cælum, telis transfixus est, anno salutis nostræ 1549. Quo eodem anno & loco, Pater Alfonsus Mendez capite cæsus, martyrij gloriam est assequutus. In Brassilæa Prouincia, Petrus Correa, & Ioānes Sosa nostræ Societatis fratres, anno 1554. à Caribæis hominibus feris ac barbaris, sagittis orātes confixi ac perempti sunt. Eodem ipso anno, alius ex nostris Patribus in Orientis Solis India, primū quidem semiustus, postea etiam veneno sublati sunt. Apud Malucas verò insulas, anno Domini 1558. à Mahumetanis P. Alphonsus à Castro tractus, raptatus per aspera loca, ac præcipitatus est. Quid dicam de Patre Gonsaluo Sylueira, viro cum genere, tum sanctitate nobilissimo? qui cum Monomotapæ Regem ad Christi fidem conuertisset, illius præuaricantis iussu, & peruersorū homi-

num consiliis inducti, Domini nostri Iesu Christi in cruce pendentis effigiem manibus tenens, fune in collum eius iniecto tractus, & crudelissimo mortis genere (quam ipsemet prædixerat) necatus est, anno 1561. P. Franciscus Lopez, & alij duo fratres nostri Cochino Goam iter habentes, à Mauris, Christiani nominis inimicissimis, intercepti, telis transuerberati perierunt anno Domini 1567. In ea Occiduae Indiae parte, quæ Florida nuncupatur, tres Patres, Societatis Iesu filij, Petrus Martines, Baptista Segura, Ludouicus Quiros, ac sex alij fratres ad prædicandum Christi fidem in eas oras profecti, à sanguinariis illis hominibus trucidati sunt. Atque omnium nouissimi anno 1583. in Salsetana regione, quæ à Goa ciuitate atque insula fretto tantum disiuncta est, quinque alij eandem martyrij palmam sunt adepti. In quorum numero fuit P. Rodolphus Aqua viua Ducis Atrij, Claudij Aquæ viuæ Societatis nostræ Præpositi Generalis fratris filius, & Cardinalis Aquæ viuæ germanus frater. Alij 53. hæreticorum odio & crudelitate felices euaferunt, & summam erga se diuini amoris beneuolentiam experti sunt: nam vnus & quinquaginta, quod ad Catholicam, Apostolicam, atque Romanam fidem gentibus nuntiandam nauigarent, capti ab hæreticis, atque dire interfecti sunt. Horum omnium antesignanus P. Ignatius Azebedo fuit, vir non tam maiorum sanguine, quam suo pro Chri-

Christo fuso clarissimus. Qui cū in Prouinciam Brassilæam nauigaret, vt in ea Præpositi Prouincialis, & præconis Euangelici munere fungeretur, à pyratis Gallis Calvinistis, Duce Iacobo Soria, captus, odio sanctissimæ fidei Catholicæ ipse atque alij 38. Societatis filij, eiusdem propositi socij & pietatis comites, non vno mortis genere, sed vno tamē spiritu omnes absumpti sunt anno 1570. Quos pari fide, constantia, & felicitate, insequenti anno imitati sunt 12. alij, qui P. Petro Diaz Duce, cū eandem nauigationem & causam suscepissent, à Ioāne Claudio Hugonotto Gallo, extremo supplicio affecti sunt. Nec sanè defuerunt fortissimi milites, qui quòd Catholicam fidem mordicus tenerent, acriter defenderent, sapienter docerent, ab ipsis hæreticis, quos sanare cupiebant, mirum in modum prius excruciat, atque immansissimis tormentis dilacerati, beatissimo exitu, gloriosam de perfidia victoriam reportarunt. Eiusmodi fuerūt clarissimi Christi martyres Edmundus Campianus, & Thomas Cottamus Angli, Societatis Iesū illustrissimi filij, qui anno 1581. & 1582. pro Apostolica atque Romana fide, ab Elisabetha Angliæ Regina atrociter mactati sunt. Quamobrem, quis non admiretur consilium Dei? Quis non suspiciat illius prouidentiam? Quis immensam erga mortales charitatem non redamet? infinitam benignitatem gratissimi animi pietate non colat? lau-

dibus efferat? obsequiis veneretur? qui minimæ huic Societati & martyrum præsidia dedit, & ornamenta? Nimirum ut hoc etiam argumento intelligamus, familiam Ignatii, familiam Dei esse: non secus atque reliquos sacrorum hominum cœtus, quos in Catholica Ecclesia, alij sanctissimi Patriarchæ diuinitus instituerunt ac fundarunt. Qui quidem religiosi cœtus viris abundant perfectissimis, qui omnibus tormentis corpora sua obiecerunt, læti denique atque alacres, se dilaniari atque occidi pro Christi nomine passi sunt: neque hoc præteritis tantummodo sæculis, sed etiam nostro. Testes sunt strenui Christi athletæ Carthusiani, qui propterea quod vnum Ecclesiæ Catholicæ, ac supremum caput Vicarium Christi esse defenderent, ab Henrico octauo Angliæ Rege raptati, suspensi, exēterati, membratim dissecti, elixi, in stipitem ad ignominiam (quæ vera ipsis gloria fuit) sempiternam sublati sunt. Testes sunt etiam multi alij sanctissimorum Dominici, Francisci & aliorum beatorum virorum filij, qui eandem coronam nostra ætate sunt adepti in Gallia furore hæreticorum, qui noui sunt Neronēs, Domiciani, Maximini. Benedictus igitur Deus, & gloriosus in sæcula, qui munitissima religionum propugnacula in Ecclesia sua excitauit: atque eiusmodi militum in eis præsidia constituit, qui acerrimè dimicantes occumbunt: & de impietate, vitæ innocentia; de hæresi, fidei
inte-

integritate ; de morte , ceruicibus datis ; de-
nique de teterrimis hostibus , fuso pro Euan-
gelio ac veritate sanguine , amplissimè arque
honestissimè triumphant . Neque enim fie-
ri potest , quin iis Ducibus , ac fortissimis mi-
litibus , sancta Ecclesia omnes contra se per-
fidia arque feritate instructas acies (quod
semper hætenus fecit) profliget ac dissipet ,
atque hostes suos audacia elatos rerundat , &
tumore inflatos comprimat : & vel obfirma-
tos , & in prauitate sua pertinaces despiciat , vel
humiles , suumque errorem agnoscentes , be-
nignè suscipiat.

VITAE

VITÆ IGNATII

L O I O L Æ

LIBER TERTIVS.

IGNATIVS PRAEPOSITVS

Generalis eligitur.

CAPVT PRIMVM.



SOCIETATE à Paulo
 III. Pont. Max. confirmata,
 nihil Patres prius habuerunt,
 quàm vt Præpositum crearent
 eum, qui vniuersæ Societati
 præesset, cuiusq. spiritu ac prudentia omnia
 tum Romæ, tum foris administrarentur. So-
 cietatis autem status eiusmodi tū fermè erat:
 Franciscus Xauier, & Simon Rodèricus in
 Lusitania, Petrus Faber ad conuentum Im-
 perialem Vormariësem cum D. Ortizio pro-
 fectus, in Germania; Iacobus Laines Parmæ
 erat, Brixia Claudius Iaius, Senis Paschasius,
 in Calabria Nicolaus Bobadilla: ipse Igna-
 tius, Salmeron, & Ioannes Codurius Romæ
 remanserant. Lutetiæ præterea iuuenes ali-
 quot, qui animum ad Societatem appulerant,
 iam tum in literarū studiis versabantur, Ro-
 ma ab Ignatio hanc ipsam ob causam missi.
 In ipsa verò vrbe, duodecim ferè ad Patres
 acces-

accesserant: habitabamus q̄. arctè sanè, & per-
 angustè, ex aduersum etc. istius templi in con-
 ducta domo, malè materiâ, & ruinosa, quæ
 ad noui templi ædificationem sublata est. Et
 quod ego ex exiguo illorum erâ numero, qui
 Romæ tunc commorabantur in Societate, &
 ab Ignatij latere (vt dixi) non discedebâ, con-
 sequentes res non quasi auditor, sed vt specta-
 tor, & præsens, ac certissimus testis deinceps
 narrabo. Hoc igitur rerum statu, euocati sunt
 Romam, qui ex decē Patribus in Italia erât:
 omnesq̄. sub Quadragesimâ anni 1541. ve-
 nerunt, præter vnum Nicolaum Bobadillam,
 quem Bisiniani fructuosè laborantem, sum-
 mi Pontificis imperium retinuit. Diutius au-
 tem res differrî non potuit, quòd idem Pon-
 tifex paulò pòst, aliquot alios ex Patribus va-
 rias in Prouincias dimittere statuisset. Per
 Quadragesimæ ergo tempus Ignatius, Lai-
 nes, Salmeron, Claudius, Paschasius, & Co-
 durius, ad Præpositi generalis electionē con-
 ueniunt: rebus agitis, statuunt, vt triduū in
 oratione ponant, silentium hac de re inter se
 seruent: tum suum quisq̄. suffragiū manu sua
 scriptum adferat, quo sensus cuiusque, ac vo-
 lūtas declaretur. Post triduum rursus coeunt:
 suffragia sua cum absentium Patrum suffra-
 giis, quæ illi aut scripta reliquerât, aut postea
 miserant, coniungunt: post tertium itē diem,
 omnibus omnium tum præsentium, tum ab-
 sentium sententiis Ignatius Præpositus Ge-
 neralis renuntiatur. Hic ille, cū ad parendum
 magis,

magis, quàm ad imperandũ, se ex animo paratum ostendisset, ad socios, Ego fratres, inquit neq. hoc munere dignus sum; neq. verè idoneus, qui alios regam: nam, qui me ipse regere nescio, alios quomodo regã? Quod ego verè sincereque coram Deo ac Domino nostro dum considero, dum præteritæ vitæ meæ peruersos habitus, & præsentis peccata, & misérias multas diligenter mecum ipse reputo: facere nõ possum, vt quod vos mihi onus imponitis, in me recipiam. Quare id vos, quæso, boni cõsulite, & de integro, per tres alios quatuorve dies, rem totam Deo commendate ardentius, vt diuino illius afflatu ac impulsu, in Patrem eũ potissimũ ex omnibus eligamus, qui optimè omnium Societatem sit vniuersam gubernaturus. Patres, principio quidem Ignatio aduersantur: sed acquiescere tandem coacti, tempus ad denuò deliberandũ sumũt. Quatriduo interposito, rursus conueniunt: sed eadem animorum consensione, Ignatius Præpositus Generalis eligitur. Tum ille, ne aut omnibus vnus obsisteret, aut quod sibi non satis conueniens iudicabat, munus susci- peret: Ego, inquit, meo cõfessario rem totam permitto: ego illi totius vitæ meæ crimina aperiam: illi animi mei morbos, corporisque ægritudines exponam: quibus auditis, si ille tamen Christi Domini nostri nomine, vel mandauerit mihi, vel consiliũ dederit, vt tantũ onus subeam, tunc denique obtemperabo. Hic reliqui obstrepere, ac reclamare, & satis esse

esse exploratam Dei voluntatē, dicere; Ignatiumq. urgere, ne diutius humilitatis obiectum producat, ne Deo repugnare videatur. Cum autem de sententia ille dimoueri non posset, tandem ut id fiat, quod volebat, inuiti decernunt. In cœnobio D. Petri, quod in monte aureo Fratrum Minorum est, triduū omnino fuit, in hanc rem vnā toto pectore incumbens. Et quidem nondum cōdita Societate, eiusdē cœnobij F. Thēodosio, viro sanctitate ac prudentia singulari, confessus est. Post confessionem igitur, ipso lætissimæ Resurrectionis Iesu Christi die, confessarium Ignatius, quid videatur, rogat: ille, videri sibi ait, Ignatium Spiritui sancto resistere. Tum Ignatius hominem obsecrat, attentius uti rem totam expendat, & Deo commendat, actum demum ad reliquos Socios, quid sentiat, referat. Fecit ille quod rogabatur. Patribus refert, sibi videri omnino, ut Ignatius Societatis gubernationem accipiat: ille, maxima omnium gratulatione, se facturū dicit. Sextam feriam à Pascha, proximam ad x. Kalend. Maij constituūt, quo die & septē vrbis insigniora templa, & illorum stationes obeāt, & in diui Pauli, à turba vacuo & peropportuno loco, singuli professionem suam emittant: quod & factum in hunc modum est. Ad diui Pauli cum peruenissent, & peccata sua confessi inuicem breuiter essent: Ignatius in sacello beatę Marię (in quo sacratissimum Iesu Christi corpus tum asseruabatur) rem sacram facit: cum ad
per-

perceptionem Dominici corporis vētum est, altera illud manu in patena tenēs, altera professionis formulam, ad suos cōuersus, vota sua iis verbis clara voce prouinciauit: ¶ Ego Ignatius de Loiola; promitto omnipotenti Deo, & Summo Pontifici, eius in terris Vicario, coram eius Virgine Matre, & tota cælesti curia, ac in præsentia Societatis, perpetuam paupertatem, castitatem, & obedientiam, iuxta formam viuendi in Bulla Societatis Domini nostri Iesu, & in eius constitutionibus declaratis, seu delarandis contentam. Insuper promitto specialem obedientiam summo Pontifici circa missiones in Bulla contentas: rursus promitto me curaturū, vt pueri erudiantur in rudimentis fidei, iuxta eādem Bullam, & constitutiones. Percepto ab Ignatio Domini nostri Iesu Christi corpore & sanguine: quinq. Patres alij ante sumptionē Dominici corporis, nullo ordine antiquitatis seruato, professionem suam emiserunt, cuius formula sic habet: ¶ Ego N. promitto omnipotenti Deo, coram eius Virgine Matre, & tota cælesti curia, ac in præsentia Societatis, & tibi, Reuerende Pater, locum Dei tenenti, perpetuam paupertatem, castitatē, & obedientiam, iuxta formā viuendi in Bulla Societatis Domini Iesu, & in eius constitutionibus declaratis, seu declarandis, contentā. Insuper promitto specialem obedientiam summo Pontifici circa missiones in Bulla contentas. Rursus promitto me obediturum circa eruditio-

nem

nem puerorum in rudimētis fidei iuxta eandem Bullam. Re diuina confecta, sacrisq. illius templi locis piè sancteq. obitis, ad aram maximam, sub qua beaſſimorum Petri & Pauli Apoſtolorum principum oſſa condita ſunt, Patres conſiſtunt; ibi mutuo ſeſe, amanteq. complectuntur: animos ſuos magis deuinciunt: & ſumma deuotione, ac pietatis ardore, profluētibus lachrymis. Deo Opt. Max. gratias agunt, quòd quæ ipſe inchoaſſet, dignatus eſſet perficere; quodq. diem illum videre ipſiſ licuiſſet, quo ſe holocauſtū in odorem ſuauiſſimæ admittit, & ex tot prouinciis collectos homines, in vnum corpus coaleſcere voluiſſet. Porro Magiſter Ioannes Codarius. eo die ſingularem quandam, atq. eximiā deuotionem ſenſit, & vſque adeò vehementem Dei conſolationem, vt illam, quominus efferueſceret, & foras erumperet, nulla ratione cohibere poſſet. Itaq. illum per vias ambulante audiebamus magnis vocibus complente cælum, & ad Dominum ſic clamantem, vt præ affectus magnitudine, dirumpi omnino videretur: quali ſe ex cuſtodia hac breui educendum, animo præſagiret. nam hoc ipſo anno, qui primus ex decem poſt Ignarium profeſſionem emiſerat, primus omnium ad 4. Kalend. Septembris deceſſit è vita. Hic Pater in Prouincia oppido Sein, ipſo natali die D. Ioannis Baptiſtæ natus, ipſo mortis eius die, eademq. ætate qua ille, mortuus eſt, cum ipſo quoq. B. Ioannis natali die, Sacerdotij di-

gnitatem adeptus fuisset. Vir fuit in audien-
dis confessionibus apprimè exercitatus, tra-
ctandisq. proximorum animis, & ad pietatem
promouendis efficax, prudentiaq. singulari:
ex qua re magnam apud summos viros auto-
ritatem erat cōsequutus. Eius mortui anima
cælum intrare cuidam precanti cōspecta est,
elaticissima gloriæ circumfusa luce, Angelo-
rum q. permixta choris, quod Ignatius ad Fa-
brū scripsit. Qua verò hōra mortuus est, ip-
semet Ignatius qui ad D. Petri Montorii pro
illo sacrificaturus pergebāt, in Pōte Xisti, re-
pentè quasi horrore quodā perfusus restitit,
& ad comitem suum Baptistā Violæum, qui
adhuc viuit, conuersus, Ioannes (inquit) Co-
durus, iam vita excessit.

IGNATII GENERALATVS

initia. CAP. II.

PRæpositi Generalis munere suscepto, ea
Ignatius cœpit grauitè constituere, quæ
tum ad vniuersæ Societatis administratio-
nem, tum etiam ad domesticam disciplinam
pertinerent. Atq. vt quo altius ascenderat, eo
se gereret submissius, exemploq. suo omnes
ad veræ humilitatis studium prouocaret, cu-
linam statim est ingressus: in eaq. permultos
dies, & coquum agere, & alia vilia ministeria
domestica obire cœpit, tam accuratè ac seridè,
vt quasi nouitius aliquis, sui tantùm profe-
ctus causa facere videretur. Et quoniam per
occupationes (quæ multæ quotidie & magnæ
illi

illi occurrebant) liberè atq. integrè eiusmodi officiis vacare non poterat: ita tempora diuidebat, vt & negociis grauioribus adesset, & & culinæ tamen non deesset. Deinde Christianæ doctrinæ rudimenta tradere exorsus est, & pueros instituere, quod in templo nostro, per sex & quadraginta dies continenter fecit: plurimiq. ad eum audiendum veniebant quotidie, neq. tam pueri quàm viri, & feminæ, indocti, doctique. Et cum pia potiùs quàm docta diceret, & impolitis, atq. impropriis verbis vteretur: illa tamen rudia, & inculta verba fortia erant, acrobusta, audientiumq. animos mouebant, nō ad inanē plausum, atq. admirationem, sed ad fletum, & vitiorum detestationem salutarem. Itaque cum finem dicēdi fecisset Ignatius, permulti se ad Sacerdotum pedes gemebundi aduoluebant: ita commutati animis, doloreque cōmoti, vt præ lacrymis & singultibus, vix possent peccatā sua confiteri. Quod P. Laines, qui tum confessionibus audiendis operam dabat, mihi sæpè affirmavit. Neq. mihi tamē hoc nouum aut admirabile videtur, cum ea quæ tum vidi, memoria repeto. Namq. memini, ea energia Ignatium, atq. spiritus feruore, verba facere solitum, vt flagrare charitate ipse, & ardentes diuini amoris faces quodammodo iaculari videretur: vt etiam illo tacente, vultus ipse, & totius oris inflammatio incendere facile auditores posset, eorumque animos quocunq. vellet, impellere. Atq. vt Dei in illo lo-

quentis virtus, simulq. Ignatij humilitas, cui-
 que contemptus magis eluceat, illud nō prae-
 termittam. Hoc ego tempore puer eram, re-
 petebamq. postridie, quæ prius Ignatius do-
 cuisset. Cum autem dubitarem, ne præclaræ
 sententiæ, & ad mores hominū pietate confir-
 mandos maxime vtilis, minus contortæ fer-
 rentur, obscurarenturq. verborū improprie-
 tate, Ignatiū monui, vt curam aliquam in ex-
 poliēda oratione poneret. Et ille, qua erat hu-
 militate, & incredibili modestia præditus,
 blandè ac suauiter, Bene (inquit) mones, ob-
 serua(amabo) diligenter me dicentē; & quic-
 quid vitiosum videbitur, notato, vt me corri-
 gas. Feci postridie, Ignatius quod iusserat, ca-
 lamo notate cœpi linguæ Italicæ errata. Por-
 rō rā multa occurrebant, vt nō partē aliquā,
 sed totā orationē Hispanismis perpurgādam
 iudicārē. Itaq. emendatione desperata, anno-
 tare desij, & quid accidisset, ad Ignatiū retuli.
 Tum ille, qua solebat vultus hilaritate, Quid
 (inquit) Petre faciemus Deo? quasi diceret,
 nemo potest aliquid accipere, nisi ei datum
 fuerit desuper: ego autem à bonorū omnium
 largitore, non plus, quàm quod vides, accepi:
 conferam tamen in eius laudem hoc quid-
 quid est, quod vt Deo redderem, ab ipso ac-
 cepi. Itaque sermo eius & prædicatio eius,
 non in persuasibilibus humanæ sapiētiæ ver-
 bis, sed in ostensione spiritus, & virtutis. Ne-
 que enim Regnum Dei in sermone est, sed
 in virtute.

2. Cor. 2.

FRANCISCUS XAVIER IN IN-
diam proficiscitur, Simon in Lusitania
remanet. CAP. III.

HOc eodem anno 1541. 7. Aprilis, Ma-
 gister Frâciscus Xauier ex portu Vlyssip-
 ponensi in prætoria naui, qua Martinus Al-
 fonsus Sossa Prætor vehebatur, feliciter in In-
 diam soluit. Magister autem Simon in Lusi-
 tania remansit, remanendi autem causa eius-
 modi fuit: Dum idoneam in Indiam naui-
 gandi tempestatem ambo expectant, ne otio-
 si interim essent, pro sua consuetudine, homi-
 nes ad veræ pietatis studiû excitare incipiunt,
 & in his præcipuam Lusitaniæ nobilitatem:
 & vitæ exemplo, piisq̃ue monitis plurimum
 profecerunt. Qua de causa ex aulicis viri no-
 bilissimi Regem ipsum docent, quanta in ho-
 minibus virtus ac prudentia sit: monentq̃ue
 secû cogitet, nû in Lusitania vtiliores eiusmo-
 di homines, quâ in India, futuri sint. Quod
 nostri subodorati, ad Ignatium scribunt, quid
 præsentiant: vereri se, ne Regis autorita-
 te, contra Summi Pontificis mandata, in Lu-
 sitania diutiùs hæreere cogâtur. Ignatius cum
 id egisset, vt Pontifex rem totam intelligeret,
 eamq̃. Pontifex Regi liberam reliquisset, eos
 per epistolas certiores facit, rem totam à Pon-
 tifice in Regem reiectam esse: itaq̃. Regi per
 omnia obrêperent: nulla prioris mandati reli-
 gione moueantur. Sibi tamen (si Rex fortè
 scire velit, quid ipse sentiat) videri, vt Franci-
 scus in Indiam proficiscatur: Simon in Lusi-

tania remaneat : quod utique consilium Rex probavit. Hæc sunt diffeminatæ in Lusitania, & remotissimis Indiæ regionibus, nostræ Societatis exordia.

ALFONSVS SALMERON ET.

Paschasius Broetus in Hyberniam

legantur. CAP. IIII.

HOc item anno, Magister Alfonsus Salmeron, & Magister Paschasius Broetus, cum perampla potestate, nuntij Apostolici à summo Pontifice in Hyberniam missi sunt. Qua potestate castè, prudenterq. vsi sunt, suoq. munere functi diligenter: rudes illos, & incultos populos Regis Angliæ potètia, & vicinitate labantes, in vera religione retinere studuerunt: fidei Christianæ dogmata imperitis explicarunt: pecuniam neque exegerunt vnquam, neque spontè oblatam acceperunt: si quid multæ nomine imperassent, id totum egenis tribuebatur, ipsi nihil penitus attingebant. Atq. hac sobrietate vitæ, & moderatione, in ea prouincia aliquandiu versati, in Galliam redierunt, quòd aditū veritati clausum, & insidias à perditis quibusdā hominibus sibi fieri comperissent, qui eorū vitam pretio Anglis mercatoribus addixerant, vt eos Henrici VI. Angliæ Regis, traderent potestati, cuius ipsi, dum eò nanigarent, manus diuinitus effugerant. Certior factus de periculo Summus Pontifex, iusserat quidem, vt illi se in Scotiam transferret, cum eadem potestate: sed

sed cum illa Prouincia, pessimè aduersus sedem Apostolicam iam tum affecta esset, animiq. nobilium ab illius reuerètia abalienati, inopportunist tempus ratus Pontifex, homines ad se reuocauit. Itaq. Lutetia iter in Italiam suis ipsi pedibus, tenuiq. pecunia, Apostolici nuntij sunt ingressi. Et cum bellum in Hispaniam Gallia instrueret, quasi speculatores Lugduni intercepti, in vincula coniciuntur: à Cardinalibus Turonensi deinde, & Gaddio agniti, educuntur, & viatico equisq. benignè donati, Romam ad Ignatiū remittuntur. Interea Faber cum D. Ortizio in Hispaniam hoc ipso anno 1541. est profectus: in cuius locum Nicolans Bobadilla, professione edita, in Germaniam, Pont. Max. iussu, missus est. Et ut ex iis, quæ diximus, perspicipote est, ex quo à Summo Pontifice confirmata nostra Societas est, vix anno vertente in Italiam, Galliam, Hispaniam, Germaniam, Indiam, atque Hyberniam disseminatam illam videre licet.

DE COLLEGIIS CONIMBRICENSI, & GOENSI, ac ROMANA
domo. CAP. V.

HOcrerum statu, Ioannes III. Lusitanæ Rex, ut Indorum saluti consuleret, misso ad Indos Francisco Xauier, alios ex nostris, qua ratione in annos singulos posset mittere, cogitauit: Collegiumque nostræ Societati decreuit omnium primus instituere,
N 4 quod

quod illius propagandæ in Lusitania, quasi seminarium esset. Quare ad celebrem Conimbricensem Academiam à se fundatam, nostrum quoq. Collegium adiecit: cuius collegij propagatio, & soboles, origo reliquorū in Lusitania collegiorum est. Ad quod quidē constituendum, Ignatius ex nostris, qui & Romę erant, & Lutetię, in Lusitaniam adolescentes aliquot, virosq. probatissimos, anno 1541. & 1542. ad Simonem misit. Mittebātur autem nostri id temporis ab Ignatio (vt obiter hoc quoque dicamus) in remotissimas etiam terras, in hunc ferē modū: Pedibus suis peregrinabantur: non vno omnes habitu, sed semper vili: mendicato vivebant: in hospitali pauperum domo, vbi eius erat copia, dormiebant. Si quando vel victus ex eleēmosyna deesset, vel lectus, tenui aliqua pecuniola se sustentabant, in eum ipsum finem reservata. In plateis, pro loco & tempore concionabantur: hortabantur quoscunq. nacti erant, ad detestationem vitiorum, ad confessionem, orationemq. & verę pietatis cultum: egredientes hospitium armabat oratio: ingrediētes excipiebat. Diebus Dominicis, qui Sacerdotes non erant, aut sæpius etiam confitebantur, & communicabant: inter ipsos summa pax, summa concordia: & quod mirabilius est, in magnis laboribus, magna alacritas, animusq. semper lætus, &, præ laborandi pro Christo, patiendiq. desiderio, ne de ipsis quidem longissimi itineris molestiis aut periculis cogitans. Imbecillus
qui

qui maximè in ambulando erat, antecede-
bat alios, vt quod ille poterat, ad id se valentiores
accommodarent. Et quoniam nulla tunc col-
legia in via occurrebant, nullus certus locus
(ignota adhuc Societate) quò nostri, si quid
in via accidisset, sese reciperent: illud etiam
præcipiebatur ab Ignatio, & seruabatur dili-
genter, vt si quis fortè morbo aliquo impedi-
tus, persequi iter non posset, pro morbi condi-
tione, ad breue quidem tempus, reliqui om-
nes consisterent: sin diuturnior fore videretur,
vnus certè remaneret, qui ad ægrotũ sub-
leuandum videretur aptissimus. Hũc in mo-
dum, illis initiis, nostri Roma mittebantur ab
Ignatio, & Lutetiam, & in Hispaniam: hoc
modo in Lusitaniam vsque profecti sunt, qui
Collegij Conimbricensis fundamenta iecerunt
qui benignè à Rege accepti, dum Conimbricæ
res futuro Collegio paratur, Vlyssippone
aliquandiu commorati, domus sancti Antonij
initium etiã fecerunt. Sed etiam in India,
simulatq. Francisci Xavier virtus & prudẽtia
tractari ab hominibus illis, & agnosci
cœpta est, vberes protulit ex se fructus, vt
suo loco dicam. Anno enim statim 1542. Goę,
quæ ciuias Regia est, & Indicarũ omnium,
quæ Lusitano Regi parent, metropolis, Collegium
quod ad alendos Gentilium filios ad Christi
fidem conuersos, atq. educandos, Lusitanorum
liberalitate, iam tum fuerat informatum,
nostris datum est: vt eorum ipsorum puerorum
ad pietatem informandorum cu-

in D. Andreae templum incidit, curam quidem animarum habens, sed à pastore suo desertum, & feminæ custodiæ cōmissum. Cuius rei indignitate permotus Pontifex eiusdem Philippi monitu, illud nostris decrevit adiungere, qui in vicino Beatæ Mariæ templo, omni pietatis officio, Romanū populum ad benè beateq. viuendum excitabant. Paucis post diebus, huic Pontificis decreto reclamatum à multis est. Sed Archintus vir prudens, atq. acris animi magniq., eorum conatibus vehemēter restitit, & verissimis grauissimisq. rationibus persuasit Pontifici, ratum vti suum decretum haberet, nostrisq. in tradita iam possessione permanere liceret. Itaq. hoc ipso in templo D. Andreae domus, quam incolimus, anno 1543. ædificari cœpta est. Porro animarum cura vtriusq. templi, Sanctæ Mariæ de Strata, & Sancti Andreae, ne impedimento nostris esset, autoritate Pontificis cum redditibus in Ecclesiā Sancti Marci vicinam ac percelebrem, translata est.

PATAVINVM COLLEGIVM.

CAP. VI.

PER idem tempus, Repub. Veneta postulante, anno 1542. missus à summo Pontifice Venetias est P. Iacobus Laines, vt pietatis quædam opera promoueret: qui cū strenuè suo fungeretur munere, in Andream Hippomanum, Ecclesiæ Sanctissimæ Trinitatis Priorem, virum Patritium ac religiosum incidit,

cidit, ad eumque ipsius rogatu diuertit. Qui domestica consuetudine, mores Iacobi ingeniumque perspicuens, & Societatis nostrę institutum intelligens, ita permotus est, ut de extruendo Patauino Collegio, statim cum Iacobo ageret. Habebat enim Patauij etiā Prioratum Dię Magdalenę, ordinis hospitalis Sanctę Marię Theutonicorum, olim in expeditione Christianorū cōtra Turcas à Germanis constitutum: quem in Collegij Societatis institutionē conferre decreuit: & dum res à summo Pontifice impetratur, aliquot ex nostris alere, ut non solum futuri beneficijspe, sed pręsentis etiā vtilitate frueretur. Itaque Roma missi Patauium ab Ignatio sunt, anno 1543. qui cum Ioanne Polanco, & Andrea Frusio (iam tum in Patauina Academia studiis literarum operam dantibus) sese coniungerēt, & Collegij fundamenta ponerent. Anno deinde 1546. impetratus à Paulo III. Pontifice Maximo Prioratus est, ac sedis Apostolicę autoritate, Collegij vsibus in perpetuum consecratus. Sed anno 1548. nostris, ut in possessionem mitterentur, à Senatu Veneto petentibus, quidā sanguine Priori Andreę maximē coniunctus, vehementer obstabat: & ut erat Senatoria dignitate, & opibus inter suos pręstans, facilē Iacobo Laini, & Alfonso Salmeroni, rem curantibus, aduenis, ignorisq. hominibus, & pauperibus negotium exhibebat. Accidit etiam, ut aliquando in Senatum ingressi, ut suę postulationis ratio-

perceptionem Dominici corporis vêtum est, altera illud manu in patena tenēs, altera professionis formulam, ad suos cōuersus, vota suis verbis clara voce prouinciauit: ¶ Ego Ignatius de Loiola; promitto omnipotenti Deo, & Summo Pontifici, eius in terris Vicario, coram eius Virgine Matre, & tota cælesti curia, ac in præsentia Societatis, perpetuam paupertatem, castitatem, & obedientiam, iuxta formam viuendi in Bulla Societatis Domini nostri Iesu, & in eius constitutionibus declaratis, seu delarandis contentam. Insuper promitto specialem obedientiam summo Pontifici circa missiones in Bulla contentas: rursus promitto me curaturū, vt pueri erudiantur in rudimentis fidei, iuxta eādem Bullam, & constitutiones. Percepto ab Ignatio Domini nostri Iesu Christi corpore & sanguine: quinque Patres alij ante sumptionē Dominici corporis, nullo ordine antiquitatis seruato, professionem suam emisérunt, cuius formula sic habet: ¶ Ego N. promitto omnipotenti Deo, coram eius Virgine Matre, & tota cælesti curia, ac in præsentia Societatis, & tibi, Reuerende Pater, locum Dei tenenti, perpetuam paupertatem, castitatē, & obedientiam, iuxta formā viuendi in Bulla Societatis Domini Iesu, & in eius constitutionibus declaratis, seu declarandis, contentā. Insuper promitto specialem obedientiam summo Pontifici circa missiones in Bulla contentas. Rursus promitto me obediturum circa eruditio-

nem

nem puerorum in rudimētis fidei iuxta eandem Bullam. Re diuina confecta, sacrisq. illius templi locis piè sancteq. obitis, ad aram maximam, sub qua beaſſimorum Petri & Pauli Apoſtolorum principum oſſa condita ſunt, Patres conſiſtunt; ibi mutuo ſeſe, amanteq. complectuntur: animos ſuos magis deuinciunt: & ſumma deuotione, ac pietatis ardore, profluētibz lachrymis Deo Opt. Max. gratias agunt, quòd quæ ipſe inchoaſſet, dignatus eſſet perficere; quodq. diem illum videre ipſiſ licuiſſet, quo ſe holocauſtū in odorem ſuauiſſimæ admittere, & ex tot prouinciis collectos homines, in vnum corpus coaleſcere voluiſſet. Porro Magiſter Ioannes Codarius eo die ſingularem quandam, atq. eximiā deuotionem ſenſit, & vſque adeò vehementem Dei conſolationem, vt illam, quominus efferueſceret, & foras erumperet, nulla ratione cohibere poſſet. Itaq. illum per vias ambulantes audiebamus magnis vocibus complentem cælum, & ad Dominum ſic clamantem, vt præ affectus magnitudine, dirumpi omnino videretur: quali ſe ex cuſtodia hac breui educendum, animo præſagiret. nam hoc ipſo anno, qui primus ex decem poſt Ignatium profeſſionem emiſerat, primus omnium ad 4. Kalend. Septembris deceſſit è vita. Hic Pater in Prouincia oppido Sein, ipſo natali die D. Ioannis Baptiſtæ natus, ipſo mortis eius die, eademq. ætate qua ille, mortuus eſt, cum ipſo quoq. B. Ioannis natali die, Sacerdotij di-

gnitatem adeptus fuisset. Vir fuit in audien-
dis confessionibus apprimè exercitatus, tra-
ctandisq. proximorum animis, & ad pietatem
promouendis efficax, prudentiaq. singulari:
ex qua re magnam apud summos viros auto-
ritatem erat cōsequutus. Eius mortui anima
cælum intrare cuidam precanti cōspecta est,
clarissima gloriæ circumfusa luce, Angelo-
rum q. permixta choris, quod Ignatius ad Fa-
brū scripsit. Qua verò hōra mortuus est, ip-
semet Ignatius qui ad D. Petri Montotij pro
illo sacrificaturus pergebāt, in Pōte Xisti, re-
pentè quasi horrore quodā perfusus restitit,
& ad comitem suum Baptistā Violæum, qui
adhuc viuit, conuersus, Ioannes (inquit) Co-
durius, iam vita excessit.

IGNATII GENERALATVS
initia. CAP. II.

PRæpositi Generalis munere suscepto, ea
Ignatius cœpit grauitè constituere, quæ
tum ad vniuersæ Societatis administratio-
nem, tum etiā ad domesticam disciplinam
pertinerent. Atq. vt quo altius ascenderat, eo
se gereret submissius, exemploq. suo omnes
ad veræ humilitatis studium prouocaret, cu-
linam statim est ingressus: in eaq. permultos
dies, & coquum agere, & alia vilia ministeria
domestica obire cœpit, tam accuratè ac seridò,
vt quasi nouitius aliquis, sui tantūm profe-
ctus causa facere videretur. Et quoniam per
occupationes (quæ multæ quotidie & magnæ
illi

illi occurrebant) liberè atq. integrè eiusmodi officiis vacare non poterat: ita tempora diuidebat, vt & negociis grauioribus adesset, & & culinæ tamen non deesset. Deinde Christianæ doctrinæ rudimenta tradere exorsus est, & pueros instituere, quod in templo nostro, per sex & quadraginta dies continenter fecit: plurimiq. ad eum audiendum veniebant quotidie, neq. tam pueri quàm viri, & feminæ, indocti, doctique. Et cum pia potius quàm docta diceret, & impolitis, atq. impropriis verbis vteretur: illa tamen rudia, & inculta verba fortia erant, acrobusta, audientiumq. animos mouebant, nō ad inanē plausum, atq. admirationem, sed ad fletum, & vitiōrum detestationem salutarem. Itaque cū finem dicēdi fecisset Ignatius, permulti se ad Sacerdotum pedes gemebundi aduoluebant: ita commutati animis, doloreq. cōmoti, vt præ lacrymis & singultibus, vix possent peccatā sua confiteri. Quod P. Laines, qui tum confessionibus audiendis operam dabat, mihi sæpè affirmauit. Neq. mihi tamē hoc nouum aut admirabile videtur, cum ea quæ tum vidi, memoria repeto. Namq. memini, ea energia Ignatium, atq. spiritus feruore, verba facere solitum, vt flagrare charitate ipse, & ardentes diuini amoris faces quodammodo iaculari videretur: vt etiam illo tacente, vultus ipse, & totius oris inflammatio incendere faciliè auditores posset, eorumq. animos quocunq. veller, impellere. Atq. vt Dei in illo lo-

quentis virtus, simulq̃ Ignatii humilitas, cui-
 que contemptus magis eluceat, illud nō prae-
 termittam. Hoc ego tempore puer eram, re-
 petebamq̃. postridie, quæ prius Ignatius do-
 cuisset. Cū autem dubitarem, ne præclaræ
 sententiæ, & ad mores hominū pietate confir-
 mandos maxime vtilis, minus contortæ fer-
 rentur, obscurarenturq̃. verborū improprie-
 tate, Ignatiū monui, ut curam aliquam in ex-
 poliēda oratione poneret. Et ille, quæ erat hu-
 militate, & incredibili modestia præditus,
 blandè ac suauiter, Bene (inquit) mones, ob-
 serua (amabo) diligenter me dicentē; & quic-
 quid vitiosum videbitur, notato, ut me corri-
 gas. Feci postridie, Ignatius quod iusserat, ca-
 lamo notate cœpi linguæ Italicæ errata. Por-
 rō tā multa occurrebant, ut nō partē aliquā,
 sed totā orationē Hispanismis perpurgādam
 iudicārē. Itaq̃. emendatione desperata, anno-
 tare desij, & quid accidisset, ad Ignatiū retuli.
 Tum ille, quæ solebat vultus hilaritate, Quid
 (inquit) Petre faciemus Deo? quasi diceret,
 nemo potest aliquid accipere, nisi ei datum
 fuerit desuper: ego autem à bonorū omnium
 largitore, non plus, quàm quod vides, accepi:
 conferam tamen in eius laudem hoc quid-
 quid est, quod ut Deo redderem, ab ipso ac-
 cepi. Itaque sermo eius & prædicatio eius,
 non in persuasibilibus humanæ sapiētiæ ver-
 bis, sed in ostensione spiritus, & virtutis. Ne-
 que enim Regnum Dei in sermone est, sed
 in virtute.

2. Cor. 2.

FRANCISCUS XAVIER IN IN-
diam proficiscitur, Simon in Lusitania
remanet. CAP. III.

HOc eodem anno 1541. 7. Aprilis, Ma-
 gister Frânciscus Xauier ex portu Vlyssip-
 ponensi in prætoria naui, qua Martinus Al-
 fonsus Sossa Prætor vehebatur, feliciter in In-
 diam soluit. Magister autem Simon in Lusi-
 tania remansit, remanendi autem causa eius-
 modi fuit: Dum idoneam in Indiam nauig-
 andi tempestatem ambo expectant, ne otio-
 si interim essent, pro sua consuetudine, homi-
 nes ad veræ pietatis studiū excitare incipiunt,
 & in his præcipuam Lusitaniæ nobilitatem:
 & vitæ exemplo, piisque monitis plurimum
 profecerunt. Qua de causa ex aulicis viri no-
 bilissimi Regem ipsum docent, quanta in ho-
 minibus virtus ac prudentia sit: monentque
 secū cogitet, nū in Lusitania vtiliores eiusmo-
 di homines, quā in India, futuri sint. Quod
 nostri subodorati, ad Ignatium scribunt, quid
 præsentiant: vereri se, ne Regis autorita-
 te, contra Summi Pontificis mandata, in Lu-
 sitania diutiùs hæreere cogātur. Ignatius cū
 id egisset, vt Pontifex rem totam intelligeret,
 eamq. Pontifex Regi liberam reliquisset, eos
 per epistolas certiores facit, rem totam à Pon-
 tifice in Regem reiectam esse: itaq. Regi per
 omnia obtreperent: nulla prioris mandati reli-
 gione moveantur. Sibi tamen (si Rex fortè
 scire velit, quid ipse sentiat) videri, vt Franci-
 scus in Indiam proficiscatur: Simon in Lusi-

tania remaneat : quod vtique consilium Rex probauit. Hæc sunt disseminatæ in Lusitania, & remotissimis Indiæ regionibus, nostræ Societatis exordia.

ALFONSVS SALMERON ET

Paschasius Broetus in Hyberniam

legantur. CAP. IIII.

HOC item anno, Magister Alfonsus Salmeron, & Magister Paschasius Broetus, cum per ampla potestate, nuntij Apostolici à summo Pontifice in Hyberniam missi sunt. Qua potestate castè, prudenterq. vsi sunt, suoq. munere functi diligenter: rudes illos, & incultos populos Regis Angliæ potètia, & vicinitate labantes, in vera religione retinere studuerunt: fidei Christianæ dogmata imperitis explicarunt: pecuniam neque exegerunt vnquam, neque spontè oblatam acceperunt: si quid multæ nomine imperassent, id totum egenis tribuebatur, ipsi nihil penitus attingebant. Atq. hac sobrietate vitæ, & moderatione, in ea prouincia aliquandiu versati, in Galliam redierunt, quòd aditū veritati clausum, & insidias à perditis quibusdā hominibus sibi fieri comperissent, qui eorū vitam pretio Anglis mercatoribus addixerant, vt eos Henrici VI. Angliæ Regis, traderent potestati, cuius ipsi, dum eò nauigarent, manus diuinitus effugerant. Certior factus de periculo Summus Pontifex, iusserat quidem, vt illi se in Scotiam transferrēt, cum eadem potestate: sed

sed cum illa Prouincia, pessimè aduersus sedem Apostolicam iam tum affecta esset, animiq. nobilium ab illius reuerètia abalienati, inopportunum tempus ratus Pontifex, homines ad se reuocauit. Itaq. Lutetia iter in Italiam suis ipsi pedibus, tenuiq. pecunia, Apostolici nuntij sunt ingressi. Et cum bellum in Hispaniam Gallia instrueret, quasi speculatores Lugduni intercepti, in vincula coniiciuntur: à Cardinalibus Turonensi deinde, & Gaddio agniti, educuntur, & viatico equisq. benignè donati, Romam ad Ignatiū remittuntur. Interea Faber cum D. Ortizio in Hispaniam hoc ipso anno 1541. est profectus: in cuius locum Nicolaus Bobadilla, professione edita, in Germaniam, Pont. Max. iussu, missus est. Et vt ex iis, quæ diximus, perspicipote, ex quo à Summo Pontifice confirmata nostra Societas est, vix anno vertente in Italiam, Galliam, Hispaniam, Germaniam, Indiam, atque Hyberniam disseminatam illam videre licet.

DE COLLEGIIS CONIMBRICENSI, & GOENSI, ac ROMANA
domo. CAP. V.

HOcrerum statu, Ioannes I I I. Lusitanæ Rex, vt Indorum saluti consuleret, misso ad Indos Francisco Xavier, alios ex nostris, qua ratione in annos singulos posset mittere, cogitauit: Collegiumque nostræ Societati decreuit omnium primus instituere,
N 4 quod

quod illius propagāda in Lusitania, quasi seminarium esset. Quare ad celebrem Conimbricensem Academiam à se fundatam, nostrum quoq Collegium adiecit: cuius collegij propagatio, & soboles, origo reliquorū in Lusitania collegiorum est. Ad quod quidē constituendum, Ignatius ex nostris, qui & Romę erant, & Lutetię, in Lusitaniam adolescentes aliquot, virosq. probatissimos, anno 1541. & 1542. ad Simonein misit. Mittebātur autem nostri id temporis ab Ignatio (vt obiter hoc quoque dicamus) in remotissimas etiam terras, in hunc ferē modū: Pedibus suis peregrinabantur: non vno omnes habitu, sed semper vili: mendicato viuebant: in hospitali pauperum domo, vbi eius erat copia, dormiebant. Si quando vel victus ex eleēmosyna deesset, vel lectus, tenui aliqua pecuniola se sustentabant, in eum ipsum finem reseruata. In plateis, pro loco & tempore concionabantur: hortabantur quoscunq. nacti erant, ad detestationem vitiorum, ad confessionem, orationemq. & verę pietatis cultum: egredientes hospitium armabat oratio: ingrediētes excipiebat. Diebus Dominicis, qui Sacerdotes non erant, aut saepius etiam confitebantur, & communicabant: inter ipsos summa pax, summa concordia: & quod mirabilius est, in magnis laboribus, magna alacritas, animusq. semper lætus, &, præ laborandi pro Christo, patiendiq. desiderio, ne de ipsis quidem longissimi itineris molestiis aut periculis cogitans. Imbecillus
qui

qui maximè in ambulando erat, antecede-
bat alios, vt quod ille poterat, ad id se valentiores
accommodarent. Et quoniam nulla tunc col-
legia in via occurrebant, nullus certus locus
(ignota adhuc Societate) quò nostri, si quid
in via accidisset, sese reciperent: illud etiam
præcipiebatur ab Ignatio, & seruabatur dili-
genter, vt si quis fortè morbo aliquo impedi-
tus, persequi iter non posset, pro morbi condi-
tione, ad breue quidem tempus, reliqui om-
nes consisterent: sin diuturnior fore videretur,
vnus certè remaneret, qui ad ægrotū sub-
leuandum videretur aptissimus. Hūc in mo-
dum, illis initiis, nostri Roma mittebantur ab
Ignatio, & Lutetiam, & in Hispaniam: hoc
modo in Lusitaniam vsque profecti sunt, qui
Collegij Conimbricensis fundamenta iecerunt
qui benignè à Rege accepti, dum Co-
nimbricæ res futuro Collegio paratur, Vlyssip-
pone aliquandiu commorati, domus sancti
Antonij initium etiā fecerunt. Sed etiam
in India, simulatq. Francisci Xavier virtus &
prudētia tractari ab hominibus illis, & agnos-
ci cœpta est, vberes protulit ex se fructus, vt
suo loco dicam. Anno enim statim 1542. Goæ,
quæ ciuitas Regia est, & Indicarū omnium,
quæ Lusitano Regi parent, metropolis, Col-
legium quod ad alendos Gentilium filios ad
Christi fidem conuersos, atq. educandos, Lu-
sitianorum liberalitate, iam tum fuerat infor-
matum, nostris datum est: vt eorum ipsorum
puerorum ad pietatem informandorum cu-

ram susciperent, & venientes suos ex Lusitania fratres exciperent, & accolae Societatem ingredi volentes probarēt: essetq. Collegium illud Christianae fidei hostibus quasi propugnaculum quoddam oppositum. Multum ex humili ducta principio duo hæc Collegia, Conimbricense & Goense creuerunt: Nam ad 200. Conimbricense ex nostris continet: Goense ad 120. & in utroq. disciplinæ omnes ingenue, quæ quidē à Theologo non sint alienæ explicantur: & quidquid apud Indos à nostris gestum est; quicquid apud Iaponios, Sinas, Persas, Aethiopes, & alias innumerabiles nationes, veri Dei ignoratione cæcas effectū, ex his duobus Collegiis profectum est maxime. Ex quo intelligimus Collegiorum, quæ in vniuersa Societate constituta hætenus sunt, primum omnium tenere locum Conimbricense, Regis Lusitaniæ munificentia iā tum informatum, postea verò etiam perfectum. Collegiorum dico; nam Romana domus reliquæ Societatis parens est: ex qua, ut ex matrice quadam ciuitate, Ignatii opera & consilio, Colonia deductæ in diuersas terras, & propagatæ sunt. Quæ quidē domus Romana cum ipsa Societate nata est: Siquidem ex eunte anno 1540. templum Beatæ Mariæ (ut vocant) de Strata, Petri Codatii industria & beneficio nobis additum est. Hoc autē templum humile tunc fuit ac perexiguum, sed cum confluentes ad verbū Dei populos propter eius angustias non caperet, multis postea addi-

additamentis auctum est: atq. diuersis tēporibus varias in formas commutatum, donec anno 1568. Alexander Farnesius Cardinalis, Pauli III. Sapientissimi Pontificis nepos, ac S. R. E. Vicecancellarius, Princeps excellenti auctoritate, eximiaq. prudentia, qui Societatem nostrā ab ipso eius exordio singulari patrocinio complexus est, vt bene mereretur de suis ciuibus, atque adeò de vniuersa Ecclesia Dei, & aui sui Pōt. Max. maximum in ordinem nostrum beneficiū immortalitati consecraret, & præstantem suam in nos beneficentiam testatam relinqueret, templum amplum, magnificum, pulcherrimum, à fundamentis excitare cōstituit, regio sumptu, opere præclaro, structura mirabili, in quo mortuus conderetur. & quidem meritò, vt quoniam Farnesiorum familia, Societatis nostrę constituendę princeps fuit, ipse qui eiusdem familię decus ac lumen est, in eo templo, atq. in ea professorum domo, quę ipsius Societatis caput ac parens est, principem locum obtineat. Anno verò 1543. templum sancti Andreę peropportunum ac propinquum, opera ac studio Philippi Archinti, Seleuciarū Episcopi, ac summi Pontificis, tunc in alma vrbe Vicarij, & de vniuersa Societate optimè meriti, ipsius Pontificis summi decreto adiunctum est. Nam Philippus iussu Pōt. Maximi cū obiret vrbis omnes Ecclesias, ac lustraret, vt earum facta tecta tueretur, & ea quę ad cultum earum, atq. ornatum pertinerent,

in D. Andreæ templum incidit, curam quidem animarum habens, sed à pastore suo desertum, & feminæ custodiæ cōmissum. Cuius rei indignitate permotus Pontifex eiusdem Philippi monitu, illud nostris decreuit adiungere, qui in vicino Beatæ Mariæ templo, omni pietatis officio, Romanū populum ad benè beateq. viuendum excitabant. Paucis post diebus, huic Pontificis decreto reclamatum à multis est. Sed Archintus vir prudens, atq. acris animi magniq., eorum conatibus vehemēter restitit, & verissimis grauissimisq. rationibus persuasit Pontifici, ratum vti suum decretum haberet, nostrisq. in tradita iam possessione permanere liceret. Itaq. hoc ipso in templo D. Andreæ domus, quam incolimus, anno 1543. ædificari cœpta est. Porro animarum cura vtriusq. templi, Sanctæ Mariæ de Strata, & Sancti Andreæ, ne impedimento nostris esset, autoritate Pontificis cum redditibus in Ecclesiā Sancti Marci vicinam ac percelebrem, translata est.

PATAVINVM COLLEGIVM.

CAP. VI.

PER idem tempus, Repub. Veneta postulante, anno 1542. missus à summo Pontifice Venetias est P. Iacobus Laines, vt pietatis quædam opera promoveret: qui cū strenuè suo fungeretur munere, in Andreā Lipomanum, Ecclesiæ Sanctissimæ Trinitatis Priorem, virum Patritium ac religiosum incidit,

cēdit, ad eumque ipsius rogatu diuertit. Qui domestica consuetudine, mores Iacobi ingenuumque, perspicuens, & Societatis nostrę institutum intelligens, ita permotus est, vt de extruendo Patauino Collegio, statim cum Iacobo ageret. Habebat enim Patauieria Prioratum Diocę Magdalenaę, ordinis hospitalis Sanctę Marię Theutonicorum, olim in expeditione Christianorū cōtra Turcas à Germanis constitutum: quem in Collegij Societatis institutionē conferre decreuit: & dum res à summo Pontifice impetratur, aliquot ex nostris alere, vt non solum futuri beneficijspe, sed pręsentis etiā vtilitate frueretur. Itaque Roma missi Patauium ab Ignatio sunt, anno 1543. qui cum Ioanne Polanco, & Andrea Frusio (iam tum in Patauina Academia studiis literarum operam dantibus) sese coniungerēt, & Collegij fundamenta ponerent. Anno deinde 1546. impetratus à Paulo III. Pontifice Maximo Prioratus est, ac sedis Apostolicę autoritate, Collegij vsibus in perpetuum consecratus. Sed anno 1548. nostris, vt in possessionem mitterentur, à Senatu Veneto petentibus, quidā sanguine Priori Andree maximē coniunctus, vehementer obstabat: & vt erat Senatoria dignitate, & opibus inter suos pręstans, facili Iacobo Laini, & Alfonso Salmeroni, rem curantibus, aduenis, ignotisq. hominibus, & pauperibus negotium exhibebat. Accidit etiā, vt aliquando in Senatum ingressi, vt suę postulationis ratio-

tationem exponerent, penè exhibilarentur: quod illo Patrū confessū, homines specie habituque contemnendi, indigni viderentur. Sed silentio tandem impetrato, causāq. ab Iacobo perorata, magna omnium confutrectio facta est, & perhonorifica compellatio: cū in homine prudentiā, & dicendi vim, modestiamque admirarentur. Sed cū difficultates perumpere nostri non possent: neque aduersarij potentissimi consiliis obistere, ad Ignatium Laines scripsit, quo loco res esset: petiitque vt ad illam conficiendam, felicemq. exitum à Domino impetrandum, sacratissimum Missæ sacrificiū offerre Deo dignaretur. Fecit Ignatius quod rogabatur, ipso die natali Beatæ Mariæ, Iacoboq. rescripsit: Feci quod rogasti: esto bono animo, nec te hæc res sollicitum habeat, sed confectam puta. Nec fellit euentus. Octauo post sacrificiū die, frequens Senatus ea de re habitus est, & omnibus omnium ferè sententiis, possessio nostris adiudicata. Permirus autem illius Reipub. peritis videbatur, & inusitatus, tātus frequentissimi Senatus, pro peregrinis, aduersus ciuem consensus. Atque vt eiusmodi euentus Deo, non hominibus tribueretur; quo die relatum ad Senatum de hac re est, probatissimi Senatores, qui nostras partes agebant, eo die in Senatum non venerunt: ne quid homines sibi de diuina laude decerpērent, & nos non hominibus, sed Deo niri, disceremus: qui etiā salutaria effecit, quæ in perniciem ab aduersariis

sariis parabantur. Nam cum iactata de nobis, qui in Collegio Parauino eramus, multa ab aduersariis essent, ut nos in periculi suspitionem adducerent, Senatus decreto in nostram vitam inquisitum diligenter est: eaq. à quibus mandatum erat, inuenta & scripta sunt ad Senatum, quæ nos suspicione liberarent, & Societatem nostrâ probitatis testimonio commendarent. Eodē anno 1542. in Galliā Belgicā nostri, non tā sua volūtate quā necessitate quādā, sunt ingressi. Nā cum bellū inter Carolū v. Imperatorē, & Franciscū Galliarū Regē repente exarsisset, Hispani omnes, Flādrīque, qui in Gallia versabātur, Gallia excedere iussi sunt: quo tēpore, quindecim sexdecimve de Societate, partim Itali, partim Hispani, Lutetiæ Parisiorū literis dabamus operā. Ex quibus, ut Regio edicto satisfaceret, Italici Lutetiæ remanētibus, Hispani in Belgicā, amicā Prouinciā, duce Hieronymo Domeneco, ac moderatore, profecti, & studia literarum in Louaniensi academia sumus prosequuti. Ibi verò tantū exemplo à nostris, & Francisci Stradæ Latinis concionibus effectum est, ut multi studiosi, egregiiq. adolescentes, & viri doctrina atque autoritate nobiles, nostrum institutū auidē arriperent: quos Magister Petrus Faber ab Hispania reuersus, ex superiore Germania in inferiorem descēdens, suis consiliis postea confirmauit. Et hoc quidem propagatæ in Prouincia Belgica Societatis semen & origo est.

A Nimaduertens igitur Ignatius nō modo præclaros adolefcētes ad Societatem animum adiicere, verū etiam viros graues atq. eruditos, Collegiaque, in quibus alerentur, instrui, magnum fructum à suis edi: neque tamen sibi per summi Pontificis decretum licere, omnes qui à Deo vocarentur, in Societate, professione edita cooptare, à Christi Vicario contendit, vt Societate ipsam denuò confirmare dignaretur, dilatareque cōtractum illum ac breuem numerum, quem in prima Societatis approbatione, nostris admittendis circumsepserat. Quod vtiq. Pontifex (sicut dictum est) anno 1543. pridie Idus Martias, magna voluntate fecit: cū patres nostros, vita, doctrinaque sua, vberes Ecclesiæ Christi fructus tulisse intelligeret, vberiores etiam laturos speraret. Ex quo tempore, magnum Societas nostra incrementū cepit. Interea, cū semē illud, quod Petrus Faber ac Iacobus Laines in Parmensi solo sparserant, feliciter adolesceret, multiq. essent Sacerdotes, illorū studio discipuli, Socij voluntate, qui, quod illi plantarant, ipsi rigarent atque excolerent, & Parmæ magna pietatis accessio quotidie fieret: inimicus homo per cōcionatorem quendam hæreticum zizania superseminare conatus est: qui multa impia, atque hæretica ex suggesto iactauit: & Sacerdo-

res illos, quorum vitam, doctrinamq. obstare sibi intelligebat, falsi criminis inuidia onerare aggressus est. Itaq. grauis in illos (quamuis prorsus innoxios) quos Comtemplantes vocabant, tempestas coorta est, quæ in nostrum etiam nomen erupit. Nam etsi illi beneuolentia tantum nostri erant, & imitatione magis, quam professione: in nos tamen quasi in auctores, conferebatur culpa, aut nobiscum certe communicabatur. Ignatius igitur curauit in primis, ut summus Pontifex, quod Parmæ gestum erat, intelligeret. Qua re permotus (ut par erat) grauiter Pontifex, & aliis contagionibus malorum admonitus, quæ in nonnullis Italiæ ciuitatibus serpere quotidie magis nunciabantur: ex vniuerso Cardinalium Collegio sex omnino delegit, qui summa cum potestate in hæreticos inquirerent, & in perenni quadam vigilia aduersus Ecclesiæ hostes essent. Quod præclarum inuentum, non vrbis solum, sed Italiæ etiam vniuersæ extitit salutare. Illud etiam acriter pugnavit Ignatius, ut, quæ in Sacerdotes illos coniciebantur, ea iudicio excuterentur, ac proferrentur in lucem, ne qua ex silentio infamiæ nota illorum vitæ, nostroque nomini inureretur: quod, multis repugnantibus atque obnitentibus, tandem vicit. Ergo illi, sententia pronuntiatà à Ludouico Milanesio, Protonotario Apostolico, ac Vicelegato, omni criminis suspicionem liberati sunt.

EX eorum numero, quos Roma ab Ignatio, anno 1541. ad Conimbricense Collegium constituendum missus fuisse diximus, Franciscus Villanova fuit. Qui cum ex longi itineris laboribus, incommoda vteretur valetudine, medicorum consilio, & patrum nostrorum voluntate, ut cælum mutaret, Complutum venit. Vbi vtrunq. ex morbo confirmatus, sedem, Ignatii iussu, fixit: & homo natu grandis, ad Grammatices studium aggressus, verborum inflexiones atque nominum meditationi cœpit, & puerilia rudimenta studiose deuorare. Quo in labore duos annos posuit, summa inopia & tolerantia, rerumque humanarum contemptione; sed pari vel hominum admiratione, vel fructu. Nam homo literarum rudis, conditione humilis, ignotus nomine, doctissimos grauissimosq. viros, in nobilissima Academia consuetudine ita sibi deuinxit, ut spiritum hominis, prudentiamq. admirati, ad illum de rebus suis referrent, illum sibi magistrum exercendæ pietatis adsciscerent, illum ducem sequerentur: plusq. illi auctoritatis apud bonos adderet virtutis opinio, quam inopia adimeret doctrinæ. Adiuncti sunt paulo post tres alij, quorum exemplo commoti Scholastici nonnulli, ad nostræ institutû Societatis animû applicuerunt. Qui quidē molestiis perfuncti sunt multis, & rei nouitate, & falsi criminis suspitione cōmoti. Qua suspi-
cio

cione nostri, cognita veritate, publico. M. Velæ Academiæ Rectoris testimonio liberati sunt. Resq. cum aliorum benignitate, tum verò Doctoris Vergaræ in primis, Canonici Conchenſis studio ac beneficentia eò progressa est, vt commodum numerosumq. Collegium Compluti habeamus. Ex quo lōgum sanè esset enumerare, quot vel maximis ingeniis adolescentes, præstantiq. scientiæ, ac virtutis spe, vel viri sapientiæ prudentiæq. laude clari, Societatem nostram sint ingressi. Vt mihi quidem Complutense Collegium, principium constituendæ propagandæque in Hispaniarum prouinciis Societatis, & quasi seminarium præcipuum fuisse videatur.

IGNATIUS IN VRBE PIETATIS opera instituenda curat.

CAP. IX.

SEd non modò domesticarum rerū, & vniuersæ Societatis sollicitudinē gerebat Ignatius, verū etiam curæ & cogitationis suæ, quam poterat partem, in externorum vtilitates deriuabat. Quamobrem multa, quæ consuetudine inoleuerant vitia, abolenda, multa in vrbe instituēda curauit: quæ cū hominum essent salute coniuncta, illud in primis, vt Decretalis Innocentij 111. hominum vitæ maximè necessaria & salutaris, instauraretur: qua nimirum cauetur, ne medici corpori curando manum prius admoveant, quàm egrotantis anima confessione curata sit: mitigata

Cap. Cum infirmitas de pœn. & remiss.

tamen illius decreti seueritate, eaq. modera-
 tione adhibita, vt vno atq. altero die medicus
 agris adesse possit; tertio verò nullo modo,
 nisi priùs confessi sint. Quod quidem decre-
 tum sanctissimus Pius Quintus, sui Pontifi-
 catus initio, seuerioribus etià legibus in per-
 petuum sanxit. Prætereà cùm in vrbe tanta
 Iudæorum esset turba, nullus tamē locus erat,
 quò se reciperent ij, si qui fortè, quod super
 cor eorum adhuc positum est, Dei misericor-
 dia sublato velamine, ad Christi lucem sese
 conuerterent. Nulli doctores certi, qui illos ad
 Ecclesiæ gremium venientes erudirent: nulli
 redditus ad subleuandam eorū inopiam con-
 stituti. Ergo ne tantus periret fructus, eos ex
 nostris angustis, domi nostræ aliquot annos
 sustētare, erudire, & in certo genere vitæ col-
 locare, non dubitauit Ignatius: multiq. ex Iu-
 dæis vel charitate nostrorum allekti, vel ex-
 emplo suorum commoti, ad Christum con-
 uersi sunt. In quorum numero, etiam fuerūt
 Iudæorum primarij, qui ad Christianam fi-
 dem amplificandam, momentū plurimum at-
 tulerunt. Vehementer enim reuincebant Iu-
 dæos, ostendētes per scripturas, esse Christum
 Iesum. Verūm ne hæc utilitas exigui tēporis
 esset, in eam rem diligentiam suam nauauit
 Ignatius, vt locus in vrbe constitueretur, qui
 Catechumenis recipiendis esset, sustentan-
 disq.ue accommodatus: quod magnis labori-
 bus tandem perfecit. Et quo mollior illis ad
 Christum via esset, à Paulo 111. Pont. Max.

impe-

2. Cor. 3.

Act. 18.

impetrauit, ne quid suarum rerum amitteret, néve detrimento Christi fides iis esset, qui Christum Salvatorem agnoscerent: imò verò Iudæorum liberis, ad Christum contra patrum voluntatem venientibus, bona ipsorum omnia integra omnino essent. Et quæ ab illis vfuris fuissent parta, quorum iusti domini ignorarentur, atq. iccirco per manus Ecclesiæ essent in pios vfus conuertenda, Iudæis ipsis ad sanctissimam Religionem conuersis, in suscepti baptismatis gratiam tribueretur. Ad quæ illud etiam deinceps à Iulio 111. ac Paulo 111. præclare additum est, vt singulæ Italiæ Iudæorum Synagogæ, certam pecuniæ summam, ad eos alendos, qui ex Iudaica perfidia euadunt, huic Catechumenorū domui quotannis impendant. Multaq. alia ad illos velinuitandos, vel in Christi fide retinendos, sapientissimè constituta sunt. Ex quo magnus aditus apertus est ad illius gentis salutem, multiq. se ex reliquiis & fæce illa Israël ad Christum adiunxerunt. Ad hæc, magna Romæ muliercularum earum visebatur multitudo, quæ ex prostituta pudicitia questum faciebant (maior enim per id tempus, morum in vrbe licentia, quæ sanctissimorum Pontificum vigilantia, seueris postea legibus compressa est) & vrbs ipsa meretriciis sordibus obsolescebat: erantq. istiusmodi muliercularum nonnullæ, quæ diuino instinctu, cuperent aliquando se, ex impura illa flagitiorum voragine, in portum salutis recipere. Ad

quas alendas, Diuæ Magdalenæ (cōuersarum vulgo appellant) Cœnobium est institutum. Sed ea tamen lege venientes admittuntur, si perpetuè se religioni consecrēt, & illius limen eo animo ingrediātur, vt ex illo pedem nusquam efferre constituent: quo minus latè patiente eius Cœnobij fructus. Nam permultæ ex iis nuptæ sunt, quæ hoc perfugio excluduntur: quibus tamen locus aliquis dandus est, quo se recipiant, dum maritis recōciliantur, vt à vitæ honestate, quam petūt, absit periculum. Porro aliæ emergere quidem ex facibus illis vellent: sed non continuò se diurnæ pœnitentiæ dedere: neque si vt pessima fugiant paratæ sunt, sectari iccirco optima concupiscunt: quibus receptū ad tempus dari Cœnobij illius leges non sinunt. Ignatius igitur, vt omnium salutem consuleret: & ne qua esset, quæ victus quærendi difficultatem suæ turpitudini prætexeret, locum peropportunum instituendum curauit, quod omnium esset commune perfugium. Cùm igitur hoc suum laudabile & præstantis operis cōsiliū principibus multis viris, ac feminis cōmunicasset, quorum autoritate, ac benignitate conficeretur: operam suam illi quidem sunt facultatesq. polliciti, si quis inueniretur, qui eius rei perficiendæ princeps & autor esse vellet. Volebat enim quisque gloriosi operis comitem se potius aliorum præbere, quàm ducem. Sed cum hac recusatione, diem ex die duci videret Ignatius, & piū opus impediri,

ut omnem diabolo eximendi tempus occasio-
nem præcideret, hanc rationem excogitavit.
Ex area quadã nostra, quæ Romæ ante tem-
plum nostrum est, Petrus Codatius domus
nostræ Procurator, eo ipso tempore effodien-
dos curauerat ingentes lapides ex antiquæ
Vrbis ruinis. Tū Ignatius Codatio ait: Ven-
dio lapides, Petre, summamq. ex eis centum
aureorum mihi conficito. Fecit ille, in magna
nostrorū inopia, quod fuerat iussus. Hæc pe-
curiam Ignatius primus omnium, in opus
eximium cōtulit. Si nemo est (inquit) qui an-
teire velit, me ducem sequatur. Subsecuti sunt
reliqui: & ita in æde diuæ Marthæ opus exi-
mium inchoatum est, & perfectum: Sodali-
tasq. instituta, cui à Gratia beatæ Mariæ
nomen est inditum. In hoc autem diuæ Mar-
thæ Cœnobium, mulierculas à turpi quæstu
abductas ipsemet sæpe numero, ne perirent,
vel in matronæ alicuius honestæ domum, in-
stituendas ad virtutis studium, id ætatis vir,
& Generalis Præpositus deducebat. Quo in
genere, Leonoræ Osoriæ (ex Ioannis Vegæ
Cæsarei apud Pōtificem legati erat vxor) pie-
tas atque benignitas in primis enituit. Cum
autem Ignatio obiiceretur, in curandis hu-
iusmodi mulierculis male operam poni, quip-
pe quæ in vitiis iam occalluissent, facileque
reuerteretur ad vomitum: Minimè sanè, in-
quit Ignatius: sed si omnibus meæ vitæ cu-
ris, atque laboribus id possim efficere, ut vel
vnam noctem, peccato vacuā præterire ista-

rum aliqua velit : omnes ego quidem neros
contendam, vt vel illo tā exiguo tēpore Deus
ac Dominus noster non offendatur: etiam si
sciam illam statim ad ingenium redituram.
Orphanorum etiam solitudini vt consulere-
tur, multum laborauit: itaque eius etiā opera,
duæ habitationes in vrbe sunt constitutæ in
quibus pueri & puellæ parentum orbatī, præ-
sidio ac vitæ commodis destituti, à periculis
eripiuntur ætatis, & ab inopiæ molestiis, &
separatim moribus, doctrina, artib⁹ institun-
tur. Illud etiam excogitauit, in lubrico ver-
santi virginum pudicitie qua ratione suc-
curreret: ne videlicet puellaris castitas, aut
matrum turpitudine incuriāve defloresce-
ret, aut paupertate. Quamobrem præclarum,
omniq. laude dignum Cœnobium constru-
ctum est, Sanctæ Catherine, vt vulgo vocant,
de funariis: in quod, tanquam in asylum ar-
cemque transferuntur adolescentulæ, quæ in
periculo pudicitie versantur. Et hæc quidem
Ignatius Romæ, & alia id genus nonnulla, ad
proximorum salutem effecit. In iis autē ope-
ribus constituendis, hanc seruabat rationem:
Consilium suum, cum certis hominibus, gra-
uibus, prudentibus, & ad omnem charitatem
propensis, communicabat: è quibus Iacobus
Crescentius, nobilis Romanus, intimus Ignati-
ij amicus, & ad omnē pietatem semper pro-
pensus: Franciscus item Vanutius, Pontificis
summi Eleēmofynarius: Laurentius Castel-
lus, alijq. nonnulli præstabant: quibus consi-
liariis

liariis Ignatius, adiutoribusque vfuseft. Rebus inter ipfos agitatis, compositisque, opus ipsum primariis viris, locupletibus, benignis proponebatur, quorum opibus, atq. autoritate niteretur: in primisq. aliquis S. R. E. Cardinalis deligebatur, qui ad patrocinium eius operis fufcipiendū, videretur aptiffimus. Cōfiftuta deinde Sodalitate, fancitis legibus, totius gubernationis ordine, rationeq. præfcripta: cū iam fuam operam minus effe neceffariam intelligeret, vigiliam fuam aliis tradebat Ignatius, feque fenfim ad alia æquè vtilia inchoanda conuertebat: Neque enim otiofa effe illius charitas poterat, fed femper nouum aliquid meditabatur, hominibus falutare.

VARIIS LOCIS COLLEGIA
inftituuntur. CAP. X.

DVm hæc Romę Ignatius ageret, totus in Dei gloriam intentus, Deus eius gerebat curam, & res Societatis propagabat, mouebatq. hominum animos, noftrorum Patrum integritate, ac charitatis ftudio excitatos, vt eos aut expeterent beneuolē, aut accerfitos ftudiosē retinerent, & apud fe certis in fedibus collocarent. Et quamuis omnibus, qui petebant, fatisfieri, in tanta noftrorum paucitate non poterat: conabatur tamen Ignatius Dei gratiam non negligere, fed eos ipfos quos habebat, in ea loca difpergere ac diftribuere, in quibus vel propter ipforum locorū opportunitatem ac naturam, vel propter ciuiū ingenium, & in noftros beneuolentiam, vberio-

res fructus sperabantur. Cùm igitur Hieronymus Domenecus, cuius Valentinus, nō solum se (quod multo antea fecerat) sed sua omnia etiam Societati consecrare, & Collegium ex suis redditibus Valentia inchoare statuisset, Ignatius illius ciuitatis amplitudinem & nobilitatem, ac Gymnasij celebritatem secum reputans, & vicinorum oppidorum ac pagorum copiam, ad quos excursions facere nostri possent, & apud illos vtiliter aliquando versari, Iacobum Mironum (qui Lutetia Parisiorum, anno 1541. Conimbricam venerat, & eius Ciuitatis Collegio aliquandiu prae fuerat) aliosq. nonnullos anno 1544. Valentiam destinauit, vt Valentini Collegij ponerent fundamenta. Quod illi quidem fideliter praestiterunt. Anno verò 1545. diplomate à summo Pontifice impetrato, certis redditibus constitutum est Collegium illud, quod & copioso optimorum iuuenum in Societate ingredientium prouentu, & ipsorum ciuium fructu, haectenus Dei benignitate semper floruit. Eodem tempore Petrus Faber, & Antonius Araoz, in comitatu Mariae, Ioannis III. Lusitaniae Regis filiae (quae Philippo Hispaniarum Principi nupserat) Regis iussu, ex Lusitania in Castellam profecti sunt: & Pincia commorantes, eius Collegij prima fundamenta iecerunt. Quod initio quidem tenue ac perangustum, ita postea amplificatum est, vt propter eius oppidi magnitudinem ac frequentiam, & eos qui percipiuntur fructus;

ad Collegiū domus etiā Professorū addita sit. Sed etiam in oppido Gandiæ, Valentiaē vicino, soli amœnitate præstanti, hoc ipso tempore Collegium nobis inchoatum est: quod eius oppidi Dux D. Franciscus Borgia, eximia Societatis opinione, ac beneuolentia incitatus, à fundamentis erexit, & idoneo loco, & ad populi commoditatem, & domesticam nostrorum quietem ac relaxationem peropportuno, perpetuis fructibus stabilivit, temploq. exornauit. Missiq. sunt Roma ab Ignatio anno 1545. ex nostris quinque, qui cū aliis in Hispania se coniungerent, & primi Gandiense Collegium habitarent.

DE MORTE PETRI FABRI.

CAP. XI.

GAndiensis Collegij suator in primis, atq. Gadiutor exitit magister Petrus Faber, qui Romæ anno 1546. Kalend. Augusti, quo die Beati Petri Apostolorum principis vincula celebrantur, ex hac vita migravit ad Dominum. Vir planè admirabilis, qui in Allobrogibus, pago Villareto diœcesis Gebennensis, anno M. D. VI. humili loco natus est, parentibus quidē agricolis, sed piis: quorum ille vestigiis insistens, tanta iam inde ab incunte ætate, religioſis indicia præbuit, vt singulariter à Deo electus esse videretur. Nam & septimo ætatis anno, eximios quosdam ad pietatē sensit instinctus: & duodecimo, conseruandæ castitatis præclaro quodam incēsus studio,

studio, eiusdem votum in agro emisit: & tam ardenti in sapientiæ studium incitatus est desiderio, vt contra voluntatem suâ pater, à pastoria illam cura, pecorisq. custodia, ad literarum ludum traducere cogeretur. Quo in ludo, optimæ indolis, excellentisq. ingenij specimen edidit: Grammaticisq. mediocriter eruditus, Lutetiam Parisiorum, vnde vigesimo annu agens, profectus est. Ibi post Philosophiæ curriculum feliciter immēsum, Magistrali laurea insignitus, cū magnis scrupulorum stimulis conficeretur, & vel in desertum locum se abdere, radicibusque vitare, vel alia æquē graua, ad eum depellendum angorem, sibi proponeret: neq. tamē vlla in re eius animus acquiesceret, in Ignatiū incidit (quemadmodum diximus) à quo liberatus omnino, & ad eius vitæ cursum, quem postea Socij omnes sunt ingressi, primus adductus est. Confectis studiis, in Italiam dux reliquorum venit. Roma deinde Parmā primū, tum in Germaniam à summo Pontifice missus est: postea etiam cum D. Ortizio in Hispaniam, haud ita multo post reuocatus iterum est in Germaniam. Qua in Prouincia insigni doctrina, vitæ grauitate, atq. prudētia, Catholicorum Principum animos mirificē sibi obligauit. Pergratus ille fuit Alberto Cardinali Maguntino, apud quē diutius habitauit, Psalmosq. Dauidicos in schola Theologica Maguntie est interpretatus Gratus Othoni Cardinali Augustano, Episcopo tunc Spirenfi,

Lib. 2.

Cap. 4.

rensi, multisque magnatibus, principibusque Catholicis. Hæreticorum futorem vehementer repressit, ac cum illorum antesignanis & magistris, in primis. cum Bucero, sæpenumero est congressus, tam acriter ac fortiter, ut (nisi illi obduruissent) fidem, quam ipse profitebatur, facile illis probare potuisset. Admirabilem pro Hæresiarchis, totaque Germania orandi spiritum à Domino acceperat: sentiebatque, ac verò aperte etiam prædicabat, Catholicam religionem suę integritati, atque pristino splendori tum demum restituendam, cum quorundam bonorum sanguine, Dei ira primū esset placata. Ex Germanis, Petrum Canisium, hominis fama excitatum, atque ipsum videnti desiderio Maguntiam Colonia profectum, Christo lucrificat, Societatiq̃e primum adiunxit. Hospitem suum Maguntinum Carthusianum effecit. Coloniae multas sæpè cōciones Latinas habuit, nō solum in sacrorum hominum conuentibus, sed etiā in tota Academia, easq̃. mira, & graui pietate conditas. In templo verò D. Vrsule, locum sacrum (quem verissimè auream cameram vocant) beatissimarum Virginum ossibus atque reliquiis refertissimum, ac cælestem quendam odorem spirantem, humi abiectus diu multumq̃. venerabatur. Vbi inter sacrificandum, sicut alias sæpè, illustres diuinis de rebus cognitiones accepit. Infracto semper pectore peruersorum hominum calumnias, furiosorum minas, obstrepentium maledicta contempsit: deniq̃.

nostræ

nostræ Societatis bonū odorē ubiq. sparsit: ei-
que in nobilissimā illā & religiosissimā olim
Prouinciā, viā aperuit, in qua ipse seminauit
cū lacrymis, quæ posterī cū exultatione mete-
rent. Eius exēplo permoti Monachi Carthu-
siani, in publico conuētū, vniuersam nostram
Societatem, omnium bonorum operum, me-
ritorumq. suorum fecere participem. In Bel-
gica deinceps Prouincia, Lusitania, Castella,
Hispania tota, omnibus, quibuscū vixit, ve-
nerationi fuit. Postremō dum ex Hispania, vt
Tridentino concilio adsit, à Pontifice Maxi-
mo accersitus, anni tempore grauissimo, vr-
bem ingreditur, celeriter in morbum incidit,
breuique extinctus est. Sed eius iacturā Ia-
cobus Laines, atq. Alfonsus Salmeron resar-
fierunt, in eodem Cōcilio Pōtificis Max. no-
mine, iam tum commorantes. Fuit Faber om-
nino, vir maximè pius, eruditus, spiritūū dis-
cretionē excellens, sanitatum dono ornatus,
orandi meditandique assiduitate pręstās: tan-
tæ verò abstinentiæ, vt aliquando sex totos
dies cibi potusq. nihil sumpserit. Obedientiæ
in primis cultor & tenax, sui contēptor egre-
gius, Dei gloriæ, hominumque salutis cupi-
dissimus: familiari, quotidianoq. sermone, ad
permouendos animos, in primis efficax: gra-
uitate morum, & suauitate quadam solida ve-
nerabilis. Diuinis illustrationibus mirificè
abundabat. Id tum ex libello quodam liquet,
quem quasi commentarium de eiusmodi re-
bus scripsit: tum ex iis literis, quas ex Germa-
nia,

nia, anno 1542. Venerias ad P. Iacobum Lainem eodem spiritu, & caritate & consuetudine sibi coniunctissimum, quasi ad alterum se, fraternè misit. Quarū literarum particulā, in qua de se loquitur, vt plenius hoc intelligatur, adscribendā duximus: V T I N A M (inquit) tibi, frater charissime, explicare possem, quæ & quāta bona, ex quo abste Placētia digressus sum, vsq. ad hunc diem, & animam meam intrauerint, & in ea permāserint, quæ cognouerim, quæ senserim in iis quæ ad Deū, quæque ad sacratissimam eius matrem pertinent, & ad beatissimos tum Angelos, tum animas, quæ vel in cælo, vel in Purgatorio sunt. Interiora verò mea quid referam? eleuationes, & depressiones meas? introitus in me, & exitus ex me? quomodo didicerim mūdare corpus, & animam, & spiritum, purificare cor meum, & reiectis impedimentis præparare vt diuinarum gratiarum liquores recipiat, retineat, conseruet: petēdo ad omnia hæc diuersa dona, quærendo, pulsando? De iis verò, quæ ad proximū spectant, non minus multa possent dici, in quibus Dominus Deus modos mihi & vias dedit, veritates ostendit & vitas, vt illum cognoscam, illi de bonis cōgaudeam, de malis compatiar in Christo, illum amem, illum feram, illum patiar, & illi cōpatiar, pro illo gratias & agam, & perā, & veniam ac remissionem quærā, & excusationes inueniam, & coram Deo, & Sanctis eius bona de illo, ac pro illo loquar. In summa, Iacobe frater charissime,

rissimè , nunquam ego non dicam factis aut
verbis exequi , sed neque cogitatione possim
cōprehendere, quę beneficia in me Deus me⁹
contulit, & conferre paratus est, meas contri-
tiones alligans : sanans omnes meas infirmi-
tates : delens meas iniquitates : ipsi gloria,
amen : ipsi laus , ipsi honor, & benedictio ab
omni creatura. Ego quidem dico amen : sed &
tu etiam (obsecro) de hoc fratre tuo illū lau-
dato : illi benedicito : quod ego de vniuersa
Societate , & de misericordia Domini tam
abundanti, hactenus super illam effusa, facere
quotidie non desisto. Hęc ille. Cū verò ex
nostris nonnulli tanti Patris obitu mœrerēt,
cuius vita plurimum Societati cōtulisse, plu-
ra adhuc conferre posse videretur : ad illos
Ignatius : Nihil est, inquit, quod doleamus :
sarciet enim hanc nobis iacturam Dominus,
alterumque pro hoc Societati Fabrum dabit,
qui eius res multo etiam magis & augeat , &
illustret. Quod quidem ita certè factum est.
Nam Dux Gandię D. Frāciscus Borgia, Col-
legium nostris Gandiæ exādicasse non con-
tentus, seipsum lapidem viuum Christo , in
spiritualis ædificij structuram , offerre consti-
tuit. Itaq, ad Ignatium scripsit, statuisse nun-
cium se mundo remittere, & nudū Christum,
nudum in Societate sequi : professionemque
post mortem Fabri primus omnium emisit,
vt ei suffectus, eiusque locum subisse omni-
no videretur. Quantum verò incremēti, insi-
gni sanctitate non minus quā nobilitate,
huius

huius viri exemplo & cura res Societatis acceperint, nemo est qui ignoret: cum tot eius opera Collegia constituta; tot adolescentes eximia indole, tot matura gravitate senes, tot viros vel sanguine, vel doctrina clarissimos, eius exemplo commotos, in Societate videamus. Et hæc quidem antequam Præpositus esset Generalis.

VNIVERSI ORDINIS CAR-
thusiensis erga Societatem charitas &
benevolentia. CAP. XII.

ET quoniam de præclaro ordinis Carthusiensis erga Societatem studio atque benevolentia mentionem fecimus, non erit abs re, sigillatim ea referre, quæ ad sanctissimi Ordinis de Societate existimationem, atque testimonium pertinent. Nam qui hæc leget, intelliget profectò, quàm suavem probitatis, ac sanctimonix odorem, nostri patres ab ipso Societatis initio ubique sparserint, quantamque sui admirationem excitauerint: & eorum filij dabunt operam, ut optimorum parentum vestigiis insistant: & vniuersa Societas gratissimam se exhibere conabitur religiosi Patribus Carthusiensibus, à quibus se tot charitatis atq. fraternitatis vinculis obstrictam videt, eosque pro sua tenuitate, quàm simillimo munere remunerari. Tanta igitur P. Petri Fabri erat morum gravitas, & vitæ integritas, ut omnes ad sui admirationem alliceret: ex quo Colonienfes Patres Carthusianos

ita cepit, vt sponte sua cum Reuerendissimo P. Petro de Sardis, magnæ Carthusiæ supremo, Generalique Priore agerent, & in publico conuentu, qui anno Domini 1544. habitus est, curarent, vt Ordo Carthusianus cum vniuersa Societate sanctissimam quandam amicitiam contraheret, nosq. in partem bonorum suorum omnium, & quasi hæreditatis admitteret. Quod quidem factum est summa animorum consensione, & maxima Patrum illorum beneuolentia, sicut ex iis literis, quas hic subiiciam manifestum fiet.

FRater Petrus humilis Prior maioris Carthusiæ, ceteriq. definitores Capituli generalis Ordinis Carthusiensis, Reuerendo in Christo Patri, ac deuotis viris Dominis Ignatio Præposito, suisq. fratribus nostre Societatis nominis Iesu, vbilibet locorum constitutis salutem, quam preparauit Deus diligentibus se. Audita fama odorifera, fratres in Domino dilectissimi, de vestra exemplari conuersatione, salutari doctrina, & voluntaria paupertate, ceterisque virtutibus, quibus in tenebris nostri deplorandi sæculi refulgentes, perhibemini homines in via perditionis errantes ad arctam viam salutis reuocare, vacillantes stabilire, stantesq. ad proficiendum in virtutibus stimulare, & magnum in Domino Ecclesiæ Catholice fructum asferre: gausi sumus in Domino, gratias illi agentes, quod in tanta desolata Ecclesiæ sue calamitate, qua premimur, excitare dignatus est & mittere novos operarios in vineam suam, recordatus misericordie sue. In quo quidem sancto opere, cupientes vobis

bi pro nostro modulo cooperari, fraternitatem vestram obsecramus, per charitatem eius, qui pro nobis nō dubitavit animam suam ponere, ne in vacuum gratiam Dei recipiatis: sed in sancto proposito perseverantes, in omnibus exhibeatis vos, sicut Dei ministros, in multa patientia, non deficientes inter labores, pericula & persecutiones, quæ omnibus piè vivere volentibus occurrere solent: tempore enim suo metetis non deficientes. Et nos, fratres, si quid poterimus apud Dominum, diuinis sacrificiis, orationibus, abstinentiis, ceterisque piis exercitiis, quorum omnium vobis & successoribus vestris, in vita pariter & post mortem singularem concedimus participationem, vestris piis conatibus libenter cooperabimur in Domino, postulantes ut nos vicissim in orationum & bonorum participatione commendatos suscipere dignemini.

Datis Carthusiæ sub sigillo nostro, Anno Domini 1544 feria 5. post Dominicam Cantate. Sedente nostro capitulo generali.

SIGILLETVR.

Pater Prior
Carthusiæ.

IGNATIUS BENEFACIENS

malefacta recipit. CAP. XIII.

Firmata hūc in modum Societate, magnæ & turbulentæ procellæ ad eam labefactandam sunt excitatæ. Romæ quidam vxorem marito eripuerat, hanc Ignatius à consuetudine illius in D. Mar. hæ nuper institu-

tam domum transferendam curauit. Hoc factum ille, quod mulierem miserè deperiret, ægerrimè tulit: & vt erat vir acer, ac ferox, & in ipsum Sanctæ Marthæ Cœnobium fure nocturnis lapidationibus cœpit, & in nostros iniquis criminationibus debacchari: multaque in vulgus spargere, quæ non solum falsa essent, sed dicta etiam turpissima. Eoq. processit (gratia fortassè, qua valebat plurimum, & auctoritate fretus) vt Ignatij nomen publicè infectaretur, & laceraret: & ea nostris per se, & suos corâ obliiceret, quæ honestè audire non possent. Famosos præterea libellos confecit, & vulgo iactauit, quibus multa nefaria, & impura, multa impia, & scelerata continebantur: vt nostris vix in publicum prodire, vix cum hominibus de ipsorū salute agere liceret: ita aut conuiciis ab improbissimo quoque, aut maledictis excipiebantur. Neq. imperitorum modò peruaserat animos hæc infamia, sed virorum etiam principū, & ipsius Pōtificis Maximi aures oppleuerat. Cui quidem infamiae vt obuiam iret Ignatius, eamq. patienti: & dissimulatione gliscentem diutius corroborari non sineret, à Summo Pontifice impetrauit, vt res rota optimis, integerrimisq. iudicibus mandaretur, & nominatim de his criminationibus quæreretur, quæ ab illo maledicè essent in nostros iactatæ. Commissa res est Francisco Michaëlio almæ vrbis Gubernatori, & Philippo Archinto eiusdem vrbis Vicario. Illi diligentissimè inquirunt,

quirunt, ac perscrutantur omnia : deniq. sententiam anno Domini 1546. ad 3. Iduū Augusti pronuntiant : nostros non solum infamia liberant, sed laudibus etiam ornant : calumniatori illi silentiū indicunt : pœnis propositis, eius petulantiam coërcent : in hominem grauius non animaduertunt : & quidem Ignatio ipso deprecatore. Ille tamen Ignatij, nostriq. nominis olim exagitator, ybi cæcus ille insani amoris ardor refrixit, & morbus curatus est, palinodiam cecinit : medicū amare cœpit quem oderat, & beneficiis eos afficere, quos contumeliis affecerat, tam officiose ac prolixè, vt præteritam culpam præsentī beneuolentia redemisse videatur. Non minor, atque haud scio an sæuior procella, ex Catechumenorum extructa domo, in Ignatium nostrosq. commota est. Illam libido peperit, hanc ambitio, quæ præceps æquè, ac demens est. Nam Sacerdos quidam illius loci curam gerens, quòd sibi aduersarium existimaret Ignatium, vel in illa certè cura administranda, eius consilia videret suis præferri, inuidiæ stimulis incitatus ita exarsit, vt falsis illum odiosisq. criminationibus in inuidiam vocare, nostrosq. infamiæ labe aspergere conareretur. Nam & hæresis calumniam, & auditarum confessionum sacratissima iura violata, & alia, quæ honestè dici non possunt, non est verecundatus obliuisci : & Ignatium ipsum viuum flammis cremandum iactare. Sed quia diuini amoris ille flammis ardebat,

languentem hunc miseri hominis impetum, & debilitatum, ne repellendum quidem putavit: sed in silentio, & spe pro illo Deū precari constituit, qui quidem servis suis tacentibus, pro ipsis pugnare solet. Quare hanc iniuriam esse inultam non est passus: à Iudicibus enim damnatus est, & à divinis perpetuo suspensus, beneficiisque omnibus priuatus & officiis, carceri in perpetuum addictus, propter crimina, quæ artificio quodam simulationis aliquandiu tecta, dies tandē patefecit.

IGNATIVS SOCIETATEM

fœminarum cura liberat.

CAP. XIII.

Eodem fermè tempore, tentata Societas alia ratione est. Nam fœminæ nonnullæ pietatis retinendæ studio, & perfectionis desiderio flagrantēs, à Summo Pontifice impetrarunt, sibi ut liceret sub obedientia nostræ Societatis vivere, & votis se Religionis obligare, idque deinceps fecerunt. In harum numero erat Isabella Rosella, quæ cū esset matrona honestissima, & optimè de Ignatio merita, eius visendi desiderio ex Hispania usque Romam venerat: & cæteris rebus pro nihilo habitis, illius prudentiæ se regendam tradere omnino decreuerat. Cuius animo Ignatius, vehementer alioquin gratificari cupiēs, non potuit tamen hac in re non omni ratione resistere: cū perspiceret, pium quidē esse illius desiderium, sed nobis perincommodum, & val-

& valde ab instituto Societatis alienū. Quam
eius sententiam, à certa ratione profectam,
ipsa deinde experientia comprobauit. Mirum
enim est, trium muliercularum gubernatio,
quantum illi molestiæ, & occupationis,
paucis diebus attulerit. Ergo Pontificē Ma-
ximum docet, quanto ea res impedimēto So-
cietati sit futura: orat, obsecratq̃. Pontificem,
vt se præsentī molestia, Societatē metu per-
petuo liberet: neque permittat nostros homi-
nes, aliis in rebus magnis, vtilibus, necessariis
occupatos, hac mulierum cura minus neces-
saria implicari. Quod vtique Pontifex, ratio-
nes Ignatij probans, Societati dedit: literasq̃.
Apostolicas scribi iussit, quibus nostri in per-
petuum ab onere Monialium eximuntur, &
quarumcunque mulierum cura sub obediē-
tia nostrorum in communi, vel aliàs viuere
volētium, anno 1547. 13. Kalend. Iunij. Quo
non contentus Ignatius, vt locum hunc ma-
ximè periculosum communiret, omnesq̃ue
aditus obstrueret, illud etiam anno 1549. ab
eodem Paulo 111. impetrauit, ne curā Mo-
nialium, seu Religiosarum quarumlibet per-
sonarum recipere teneamur, per literas Apo-
stolicas impetraras, vel in posterū impetran-
das: nisi de indulto illo, & ordine nostro, ex-
pressam faciētes mentionem. Totidem enim
verba Pontificij diplomatis sunt. Sapienterq̃.
etiam in Constitutionibus Societatem ab ea
fœminarum cura remouit Ignatius, honesta
illa quidem, sed nostris occupationibus ad-

uersa, minusque ab aliis deserta. Ut verò se ab hoc onere suauius eximeret, ad Isabellam Rossellã, cui multis eius beneficiis deuinctus erat Ignatius, epistolam scripsit Hispanicè, quam totidem verbis referam:

Venerabili inquit) D. Isabella Rossella, matri ac sorori in Christo Domino nostro. Cum verè atque ex animo cupiam studio tuo ad maiorem Dei gloriam obsequi, teq; in obedientia mea permanentem, ad salutē anima tua perfectionemq; dirigere qua tamen ratione id faciã haud equidem inuenio. Nam & vires me deficiunt continuis morbis affectum & tēpus, multis magnisq; occupationibus districtum atque implicatum, quos reuocare aut pratermittere, cum mei officij propria sint, haud sanè possum, citra mea salutis dispendium, eiusq; seruitutis, quam Christo Domino, eiusq; Vicario debeo. Illa præterea ratio exstimulat conscientiam meã, ac vehemēter urget, quòd video, & verè atque ex animo coram Domino iudico. peculiarem hanc faminarũ curam ac præcipuã, qua votis nuncupatis sub obedientia nostrorum viuunt, huic minimæ Societati nullo modo cōuenire. Quod, & causas quãobrem ita sentio, Beatissimo Romano Pontifici, aliquot ante mensibus explicauì. Quocirca, ad maiorem Dei gloriam fore iudico (quando mihi per obedientiam licet) hanc prouinciã deponere, quam eiusdem obediētiae præcepto suscepieram. Te igitur non pro spiritali filia sub obedientia
mea

mea uiuentem deinceps habebo, sed tanquã bonam. piãq; matrem, qualẽ te mihi semper præstitisti, omni officio ac pietate colam, ad maiorem Dei ac Domini nostri gloriam. Quam unam intuens atque spectans, & sempiterna eius bonitatis laudem & cultum uberiorem tantummodo ante oculos propositum habens, quantum possum & debeo, hanc curam depono (salua semper obedientia) teq; committo ac prorsus relinquo prudentissimo iudicio, obedientia, ac voluntati Sanctissimi D. N. Papa; orans interim Dominũ, ut anima tua in ipso Deo totius consolationis, & vera pacis autore, pacem habeat, & diuina dulcedinis abundantia ad maiorem eius gloriamperfruatur. Roma Kalend. Octobr. 1546. Hæc ille. Qui etiam Ferrariæ, ut nostri curam sacrarum sororum eius monasterij, quod mater Ducis fundauerat, ad tempus susciperent, ipsi Duci obnixè postulanti negauit. Et Pinciæ quendam ex nostris, qui lacrymis fœminarum penè coactus, & obedientia victus, persimilem curã acceperat, ubi rescituit Ignatius, deponere iussit.

NE AD ECCLESIASTICOS HONORES aditus nostris hominibus pateat, Ignatius summa vi apud Pontificem nititur.

CAP. XV.

IS sedatis tempestatibus, alia grauissima in Societatem commota est: eò periculosior, quò occultior, & blandior, & minus vulgo

formidabilis. Nam Ferdinandus Romanorum Rex, ut hereticorum pestem magis quotidie suas in prouincias influentem reprimeret, probatissimos quosque viros atq. doctissimos conquirebat, qui Pastores Ecclesiis destitutis præponerentur. Ex quo Magistro Claudio Iaio, de cuius integritate, atque doctrina magnam habebat opinionem, Tergestinae Ecclesiae Episcopatum detulit. Quem cum ille constanter repudiasset, ad Summum Pontificem de illius statu Ecclesiae, & impendente (niceleriter obsisteretur) à lupis irruentibus vastitate, diligentissimè scripsit: & simul addidit, voluisse quidem se Claudium Iaium pastorem ei Ecclesiae præficere, propter hominis insignem probitatem, cum pari eruditione coniunctam, verum illum obstinato animo recusasse. Petiitque à Pontifice summa contentione, ut Claudium pro imperio cogeret Episcopatum suscipere, cui ipse persuadere sua auctoritate non potuisset. Regis voluntatem cõplexus est Pontifex, Claudiumq. Summo S. R. E. Cardinalium consensu, Episcopum creare constituit. Id ubi cognouit Ignatius, confestim omnes neruos intendere decreuit, quo minus id fieret. Itaque aliis rebus frustra tentatis, ipsum Pontificem Maximum fidenter alloquitur: quamobrem Claudium, Episcopum fieri non expediat, rationes multas exponit: supplex rogat Pontificem, & obtestatur, ut qui omnium Pastor est, omnibus consulat, & aliorum vulnera, sine aliorum vul-

neribus

neribus curare studeat. Vereri se, ait, ne conatus Societatis, & labores vsque ad id tempus per Christi misericordiam eius Ecclesiæ haud infructuosi, ad nihilum recidant: & radicibus paupertatis atque abiectionis, quibus nitebantur, exarescentibus, inutiles atque inanes fiant. Magnam impendere ruinam ipsi Societati, magnum esse periculum, ne, quod charitas & humilitas coagmentarunt, cupiditas ambitioque dissoluant: & nonnulli, qui nomen suum in Societate Christo dederunt, ut rerum humanarum vinculis expediti, paupertatis, sui que contemptus quasi gradibus quibusdam, facilius ad cælum ascenderent, pedem referant, & ab incepto desistant. Contrà multi, honorum quos in aliis cernant specie delusi, speque adipiscendi similes dignitates commoti, cupiant animum ad Societatem adungere: quibus nimirum, non contemptus vanitatis, sed vanitas ipsa suadeat ingressum. Timendum prætereà esse, ne hic Episcopatus non vno Claudio Iaio, sed multis Societatem priuet, eiusque statum labefactet, atque conuellat. Secuturos enim alios, & facturos exemplo, quod sine exemplo non fecissent. Neque iccirco (inquit) hæc disputo, ut aut honores ipsos improbem, aut religiosos permultos, qui honoribus pie, sancteque & magna cum Ecclesiæ utilitate funguntur: Sed illud contendo, Pater Beatissime, aliam esse cæterarum religionum conditionem, ac nostræ. Illas diuturnitate iam, longoque usu corroboratas, cui-

libet

libet oneri ferendo esse : nostram nascentem adhuc, & infirmam, grauiori pondere oppressum iri . Illas in militantis ecclesiæ exercitu, quasi statarias cohortes, & certos ordines ducere, & proprio loco, stabiliq̃ue posse consistere : nostros homines quasi velites , ad subita belli ministeria promptos, huc , illucq̃ue discurrere; atque ob id ipsum, ab omni eiusmodi munere vacuos , liberosq̃ue esse oportere. Quis enim dubitat, quin, si nō tam ipsius Societatis vtilitatem, quæ tamē ab Ecclesiæ vtilitate seiuncta non est, sed aliorum salutē spectare velimus , vberiores perceptura sit fructus Christi Ecclesia , ex nostris non Episcopis, quam Episcopis? Nam qui Episcopus est, etsi maiorem autoritatem habet ac potestatem , certis tamen locorum finibus continetur, & suis est tantum pascendis ouibus additus. Fieri autem potest , ac sæpè fit , vt à suis non recipiatur: neque tamen aliò se transferre, neque alias oues curare possit. Si verò liber sit, & nulla certa administratione impeditus, illum in vna ciuitate cūm persequentur , fugiet in aliam: & mundi vniuersi incola, omnibus se Episcopis ministrum, omnibus populis præbebit seruum . Adde Societatis estimationem , & famam, quæ in hac causa agitur. Nam vt alios permoueas, & ad virtutem impellas, permagni refert, quam opinionem, quibus persuadere velis, de te habeant: vt exploratum illis nimirum sit, te non ipsorū bona, sed ipsos quæ rere: non opes, non honores,

non

non titulos concupiscere : sed Christi duoraxat gloriam, & ipsorum salutē omni studio & labore conquirere . Quod homines agrē adduci poterūt de nobis vt credāt, si ipsis nostræ Societatis, ac fernoris initiis, dignitatis insignibus nos videant ornatos. Neq. verò id adscribent obedientiæ, & charitati, sed ambitioni potius, & cupiditati: deponentq̃ue opinionem eam, quam de nobis conceptam habent, quæq̃ue in primis ad proximorum salutem, Christi operariis est necessaria. Ea autem iactura tanta est, vt vnus Episcopatus fructu compensari non possit. Iis rationibus, aliisq̃. permultis Pontificem Ignatius permouere conatus est, vti Claudiū priuatum viuere sineret. A quo tamen illud tantum in præsentia obtinuit, res vt Deo amplius commēdaretur, se attentius deliberaturum. Ignatius igitur, & sacrificia omnium Patrum qui Romæ tum erant Deo quotidie offerri iussit : & assiduas fratrum preces, vt imminens discrimen à Societate depelleret : & ipse lacrymis, orationibusq̃ue se penitus dedit: & huc, illuc, dies, noctesq̃ue cursans, Cardinalium omnium penè domos obiuit, eosq̃. docuit, quantum inesset in hac re periculi . Itaque tantū preces eius & lacrymæ apud Deum valuerunt, tātum apud homines prudens sollicitudo potuit, & industria, vt res quæ certa omnino & constituta videbatur, longius proferretur, dareturq̃. ipsi tempus scribendi ad Regem Ferdinandum. Qui rationibus Ignatij edoctus, cum sine
ma-

magno Societatis incōmodo, quod volebat, fieri non posse animaduerneret, vt erat optimus, ac religiosissimus Princeps, nostriq̃ue amantissimus, passus non est, nostro nos malo, aliis bono esse. Quamobrem Oratori suo mandat ea causa vti desistat: atq. hūc in modum periculū tunc euasimus. Deinceps etiam cū Episcopatus & Cardinalatus nostris hominibus deferretur, semper restitit Ignatius, & omnibus viribus contrā pugnavit. Nā anno salutis nostrę 1551. Iulius 111. Pōt. Max. Caroli Cæsaris rogatu, Franciscum Borgiam (qui Christi paupertatē sæculi diuitiis præferens, nostram religionem nuper fuerat ingressus) in S. R. E. Cardinalium Senatū statuit cooptare. Quod vbi pro certo Ignatius audiuit, incertus ipse de Domini voluntate, animi dubius & anxius, rem totam explorare, ac precibus peruestigare constituit. Mandat igitur, omnia omnium domesticorū sacrificia, precesq̃ue in eum finem triduo ipso referri. Ipse verò ceteris curis abdicatis, in cubiculum se abdit, in hanc vnā rem summa animi contētiōne incumbit, habenas piis lacrymis laxat, & incensis desideriis, atque inflammatis affectibus, diu noctuq̃. Deū suppliciter orat, obsecratq̃ue, vti voluntatis suę, ipsi lumen ostēdat, quo illustratus vel de hoc negotio nihil laborer, vel certē quātum in se est, det operam ne transigatur. Primo igitur die, ita dubius fuit atq. anceps, vt neutram in partem potius propendēret: proximo, eam in

par-

partem inclinauit, vt rē quo ad eius fieri posset, impediret. Tertio verò tanta luce diuinitus completus est, vt clarissimè atque manifestissimè intelligeret, ex Dei voluntate, nihil sibi prætermittendum esse, vt rem totam disturbaret, atque excluderet. Quod & fecit, & Pontifici Iulio persuasit, vt amplissimā illam Cardinalatus dignitatem Francisco quidē volenti offerret, sed vim recusanti non afferret. Sic enim futurum, vt Carolo Imperatori honesta petenti satis faceret, & tamen Franciscum in suscepto proposito perseverantē non perturbaret, atque affligeret. Dixitq. mihi ipsemet Ignatius, tanto se fuisse tunc cælesti splendore perfusum, tanta firmitate roboratum, vt nullius potentia abduci potuisset, ab illo, rem deliberatam, & iam propemodū confectam, dissiendi consilio. Anno item 1553. Ferdinandus Romanorum Rex, Petrum Canisium virum modestiæ atq. sapientiæ laude in nostra Societate præstantem, ac remq. fidei Catholicæ aduersus hæreticos defensorem, optauit creari Episcopum Viennensem. Videbat enim, cum in ipsa ciuitate Viennæ, tum per vniuersam Austriam hæreseōn pestem impunè grassari: & Pastore sanctissimo atque vigilante opus esse, qui à Christi grege luporum passim sæuientium rabiem arceret. Cum igitur à Pontifice Iulio 111. hoc Rex Ferdinandus summis precibus contenderet, Pontifex rem totam ad Ignatium reiecit, vt si ille probaret quod Rex petebat, id ipse concedere-

cederet. Negavit Ignatius id ex usu atq. commo-
modo Societatis fieri posse. Adhibitæ sunt
omnes machinæ ad expugnandum illius ani-
mum, sed frustra: mansit enim semper in sen-
tentia, nec se ab illa ullis rationibus deduci
passus est. Deniq. anno 1555. Octobris men-
se incunte, grauissimis autoribus intellexit
Ignatius, Paulum IIII. Pont. Max. statutum
habere atque deliberatum, Iacobum Lainem
ad purpuratorum patrum numerum omnino
aggregare. Qua de re cum sermonem habere-
mus, dixit tunc Ignatius mihi, Nisi Deus ob-
stet, & suo consilio & paterna prouidentia rem
impediat, breui Iacobus erit Cardinalis. Sed
si hoc quidem fiat, ira certè fiet, vt omnes in-
telligant, quàm grauatè atq. repugnanter So-
cietas nostra eiusmodi honores atque digni-
tates accipiat. Exemplum autem Ignatij om-
nes qui illum postea consequuti sunt Præpo-
siti Generales diligenter imitati sunt: dede-
runtque operam, ne qua ad ambitionem fe-
nestra Societati aperiretur. Quin etiam il-
lud impetrauit à Summo Pontifice & in Cō-
stitutionibus suis diligenter cauit Ignatius,
ne cui dignitatem vllam extra Societatem li-
ceat admittere, sine Præpositi Generalis fa-
cultate. Quam ille quidem nunquam dabit,
nisi Summi Pontificis obedientiæ iure com-
pulsus: eiusq. rei professi nostri voto quodam
peculiari se obstringunt. Et quoniam ad con-
seruandā Societatem, res qua de agimus, ma-
gni ponderis est, & nōnulli fortasse in ea erūt
sen-

sententia, ut existimēt gratius Deo futurum,
& sanctæ eius Ecclesiæ fructuosius, si Socie-
tas nostra (ubi confirmata fuerit ac robusta)
Episcopatus aut dignitates admittat, quàm si
in sancta humilitate (ut hactenus fecit) & hu-
mili paupertate vivat: addam etiam alia, quæ
ad vberiore huiusce rei explicationem per-
tinent. Marcellus Ceruinus S. R. E. Cardina-
lis, titulo sanctæ Crucis, is qui postea Ponti-
fex Maximus creatus, Marcellus I I appella-
tus, breui bonis omnibus lugenſibus Ecclesiæ
Christi ereptus est. Is inquam vitæ graui-
tate, eximiaq. prudentia excellēs, hac ipsa de
re cum D. Olauio (de quo in hoc libello men-
tionem fecimus) aliquando agens disputans-
que, num commodè faceret Societas nostra,
atque è republica Christiana, Ecclesiasticas
dignitates atque Episcopatus reiciens, mul-
tas in contrariam partem rationes afferebat.
Sentiebat enim Cardinalis Societatem no-
stram, si sanctos Episcopos Ecclesiæ Dei sup-
peditaret, tanto vtiliorem rē facturam, quàm
nunc facit, dum egregios confessarios, cōcio-
natores, ac doctores illi subministrat: quanto
Episcopus simplici Sacerdoti potestate atque
autoritate præstat, & antecellit. Cùm autem
Olauius Cardinalis rationes refelleret, ac ve-
rissimè doceret, nulla re Societatem nostram
Sanctæ Ecclesiæ tam posse prodesse, quàm si
in incorrupta sui instituti integritate atque
abiectione se quam diutissimè conseruet (sic
enim diuturnius, securius atque efficacius suam

operam illi nauare poterit) Cardinalis nihilo minus tamē in sua sententia persisteret, subiicit Olauius : Non rationibus tantum Illustrissime Domine tecum agam, sed etiam auctoritate. Magister quippe Societatis nostrae ac parens Ignatius, vtilius hoc iudicat, & maxime probat, nec solum nostra referre purat, sed multo etiam magis Ecclesiae Dei. Tunc Cardinalis, Nunc cedo, inquit, Olauī, & manus do: Plus enim apud me, in hac quidē causa, monenti habet Ignatij auctoritas, quā omnes rationes, idque ipsa ratio manifestē docet. Probabile enim est, Ignatium, qui Societatem vestram tam opportuno tempore, & Dei Ecclesiae necessario diuinitus instituit; felicissimē propagauit, prudentissimē hactenus gubernauit, eius qui illum vnum ad tam eximium opus elegit, voluntatem Dei potius habere compertam, quā nos qui saepē hallucinamur, & media in luce nō videmus. Quis enim, qui Ignatium ad fundandam religionem vestram, amplificandam, atque administrandam, tanta à Domino gratia atque Spiritu donatum videat, nō etiam intelligat, illum ipsum caelesti lumine collustratum, certissimam rationem accepisse, in qua nimirum Deus velit, vt se ad eius obsequium Societas vestra exerceat, & perpetuò conseruet? Quapropter vestris quidem potissimum in rebus, vnus Ignatius omnium mihi rationum instar est. Ipse verò Ignatius, quo tempore primū urbem ingressus est, Aguilaris Marchionem

nem Oratorem tunc Caroli Cæsaris apud Kom. Pont. tum officij gratia conuenit, tum vt sui instituti rationem redderet. Cum autem mutuo colloqueretur, significauit in sermone Marchio atq. innuit, Ignarium multis in suspicionem occultæ ambitionis venisse: quasi splendida sanctitatis specie, tenebras oculis intuentium offunderet, & ad honores insidiosè obreperet, captaretque paupertatis simulatæ atque humilitatis quasi esca, aliquam dignitatem. Tum Ignatius nihil omnino verbo respondit, sed factò. Confestim enim eâdem vultus grauitate, caput aperit, signo crucis se munit, se nullam extra Societatem dignitatem, ne oblatam quidem admissurum, voto se obstringit, nisi à Christi Vicario ira compellatur, vt tergiuersari, repudiareque illam sibi citra peccatum non liceat. Atque hoc factò expurgauit tunc suspicionem atque dimouit. Aliàs item hoc idem coram Cardinali quodam eâdem suspitione laborante fecit: vt falsitati aditus omnes obstrueret, & tam certo grauiq. testimonio, eorum hominū, qui ex se alios fermè metiuntur, fallacis suspitionis calumniâ depelleret.

VARIA COLLEGIA.

CAP. XVI.

HIS Societas difficultatib⁹ opera Ignatii, & laboribus expedita, feliciter in dies procedebat, & numero & fructu, & nouis semper collegiis augebatur. Nam præter Col-

legium Barcinonense, quod à piis quibusdam viris propter D. Araoz, aliquandiu in ea vrbe commorantem, fuit inchoatum: præter Bononiense: quod anno 1546. initium accepit: Cæsaraugustam nostri anno 1547. accersiti sunt à primariis quibusdam viris, in primisq. à Ioanne Gonzales, Regni Aragoniæ Conseruatore. Illi verò, quæ pietatis opera Societas suo ex instituto administrare solet, in iis se exercere, & ciuitatem opibus, nobilitate, & autoritate præstâtem, ad omnem virtutem commouere instituerunt, multaque vt suo loco dicam, passi sunt. Quamobrem Ignatius, vt crescentem suam familiam communicata cum aliis cura melius gubernaret, & Societatem in ordinem certum paulatim redigeret, Collegia in Hispania partiri, Prouinciâsque designare cõstituit: & magistrum Simonem, quem à principio nostris omnibus in Lusitania præfecerat, eò in Regno Prouincialem Præpositum esse voluit: in reliqua Hispania D. Antonium Araoz. Qua in Prouincia, hoc ipso penè tempore, Collegium Salmanticæ est inchoatũ, quod tenue quidem principium habuit (vt reliqua ferè) sed progressus felices. Nam Franciscus Mendoza, Episcopus tunc Corienſis, ac S. R. E. Cardinalis, Ignatij vita, & nostrorum hominum fructu commotus, in Academia illa Collegiũ robis ædificare constituit: quod etsi variis occupationibus impeditus distulit primũ, deinceps etiam morte interceptus non perfecit, eius tamẽ voluntatem

tunc

tunc complexus Ignatius, D. Michaële Torrensem, paulò antè in Hispaniâ missum, cum duobus sociis Salmanticam anno 1548. ire iussit. Vbi in perangusta domo, eaque conductâ habitare primùm cœpit, & ciuium atque scholasticorum iuuenū animos, ad pietatem tum factis, tum verbis excitare. Tam multa autem à principio, ea in ciuitate de nobis iactata, per viros etiam doctrina, ac religionis professione insignes, publicè ac priuatim, in sermonibus, & in concionibus disseminata sunt, vt nostrum nomen suspectum vulgo esset, & inuisum: & nō modò infimi homines, qui aliorum ferè opinione ducuntur, sed viri etiam, vel nobilitate, vel literis, & rerum usu, atque autoritate præstantes, à nostrorum hominum consuetudine abhorrerent, & perspicua etiam, atque honesta in suspicionem vocarent. Sed eorum, qui eo tempore aduersati nobis sunt, dux omnium fuit & princeps, vir quidam tum religionis professione, tum sapientiæ laude clarus, Episcopatusque depositi admiratione venerabilis. Qui vt se canem acrem, ac vigilantē Dominico præberet gregi, ad latrare eos cœpit, quos lupos arbitrabatur, nostrumque institutum grauitè insectari: cuius auctoritatem multi, ac iudicium sequebantur. Verū, procedente tēpore, emerfit veritas, omnisq. falsus rumor celeriter (vt solet) defluxit, & nostrorum patrum vita, atque operibus, & Francisci Stradæ maximè concionibus, obloquendi omnis licentia com-

pressa est. Atque ita exagitatione illa, Societatis cognitio creuit, vt nostri, qui intacti si fuissent, & quieti, diu fortè in tenebris latuissent, exagitati, in cognitionem hominum breui venerint, & magnopere ciuitatem illam commouerint. Nam præter eos, qui nostro opera & consilio sacrarum Religionum instituta, in nobilissima Academia secuti sunt (quorum magnus est numerus) huic Collegio potissimum, & Complutensi, propagationem nostræ Societatis in Hispania, acceptam ferre debemus.

MAGISTRI GENERALIS ORDINIS
Prædicatorum de Societate publicum
testimonium. CAP. XVII.

Sed illud minimè prætereundum videtur, quod occasione huius Collegij factum est. Nam cum vir grauissimus, atque doctissimus Franciscus Romæus, Ordinis Prædicatorum Magister Generalis, ex sua familia in Ecclesia Christi sanctitate, doctrina, numero, fructuque clarissima, esse aliquot intellexisset, qui Salmanticæ nostri instituti ignoratione homines publicè hortarentur, vt suspectam haberent nouitatem, ac nostros vitarent, eos vt errore liberaret, omnesq; qui ad eius obedientiam pertinebant, cautiores redderet; patientes literas Ignatio dedit, quibus, si opus esset, vteretur: in quibus & Societatem præclare sua autoritate commendat, & suis, vt eam complectantur, nostrosque commilitonū lo-

co habeant, grauissimè præcipit. Quorum literarum exemplum, vt magis pateat, quâ tum optimi viri memoriæ debeamus, & sanctissimæ eius religioni, idque persolvere studeamus, hoc loco duximus adscribendum.

VNiuerſis in Chriſto venerabilibus Patri-
bus, & fratribus Ordinis Prædicatorum,
ubique terrarum conſtitutis, Frater Franciſcus
Romanus à Caſtillone, ſacra Theologia profeſſor,
ac totius dicti Ordinis humilis Generalis Magi-
ſter, & ſeruus, ſalutem, & Spiritus ſancti cõſo-
lationem. Pateat vobis, qualiter hoc calamitoſo
tẽpore, quo religio Chriſtiana Hæreticorũ telis
impetitur, malorũq; Chriſtianorũ peruerſis mo-
ribus labefactatur, nouus ordo Presbyterorum
regularium ſub titulo nominis I E S V de urbe,
quaſi præſidiaria manus, Dei benignitate ſub-
miſſus eſt: quem ob ingentes fructus, quos lectio-
nibus, & concionibus publicis, priuatorũ adhor-
tationibus, cõfeſſionũ audientia caterisq; ſacris
exercitiis, ac ſanctorũ morũ exemplis in Eccleſia
facit, Sãctiſſimus in Chriſto Pater, & Dominus
noſter Paulus Papa III. approbavit, & cõfirma-
uit. Quod ideo vobis ſignificatũ voluimus, ne hu-
ius inſtituti nouitate ſeductus quiſpiã veſtrum,
commilitones ſuas ad eundem ſcopum tendentes,
& à Deo ſibi ſuppetias miſſos, per errorem for-
taſſis oppugnet, eorũque detrahat inſtitutis,
quorum fructibus gratulari, & pios actus amu-
lari

lari debuerat. Credimus quidem vos omnes, utpote caelesti sponso dilectos, & amicos, varietati, qua sponsa illius amicitur, non detracturos: sed eam potius caritate, qua congaudet veritati, cōplexuros. & exosculaturos. Attamen ne officio nostro desimus, omnesq; motus praueniamus, vobis omnibus, & singulis praefatis Fratribus praesentium tenore mandamus, & autoritate nostri officij in virtute Spiritus Sancti. & Sanctae obedientiae, ac sub poenis arbitrio nostro taxandis, precipimus, ne dicto ordini per Apostolicam Sedem approbato, & confirmato, aut eius institutis ullo modo detrabere, aut de eo obloqui audeatis, tã in publicis lectionibus, sermonibus, & congressibus, quàm in priuatis vestris colloquiis: quin potius eũ, Presbyteros eius, tanquam vestros commilitones, iuuare, & contra impugnantes protegere, & tueri studeatis. In quorum fidem, & robur, has fieri, & nostri officij sigillo muniri iussimus. Datum Roma decima Decembris, anno millesimo quingentesimo quadragesimo octauo.

Frater Franciscus Romæus, Magister Ordinis Prædicatorum, assumptionis nostræ anno 111. &c.

HActenus ille, cuius in Societatem animi propensionem, ac beneuolentiam, decimo septimo post anno, vniuersus diui Frãcis Minorum ordo de obseruantia, Ecclesiæ & ipse

ipse lumen, ac ornamentum, insigni charitate imitatus est: cū in generali conuentu Valisoleti anno 1565. habito, inter alia præclara decreta, hoc quoque de nobis adiecit:

Praterea, cū Ordo noster Fratrum Minorum existat, atque in humilitate præcipua & caritate fundatus, nouerint Fratres omnes ubique terrarum dispersi, Religiosos cuiusvis Religionis cum omni humilitate, & humanitate tractare, tum maximè eos, qui de Societate Iesu fuerint, quos diligere et honorare debet, eosq; ad actus litterarios, ad Sanctorum nostrorum celebrationem, aliosq; publicos actus, ad quos Religiosi conuenire solent, cum caritate inuitare, & suscipere: nec eis quisquam nostrum publicè, vel occultè audeat detrahere.

IN VARIAS AFRICAE REGIONES penetrant nostri.

CAP. XVIII.

HOc præterea anno millesimo quingentesimo quadragesimo octauo, nostri in interioris, atque exterioris Africæ oras penetrarunt. Nam ex Lusitania in Mauritaniam ad Christianos captiuos redimendos, missi sunt P. Ioannes Nugnetius, is qui Aethiopiæ Patriarcha postea Goæ mortuus est, & P. Ludouicus Gõzalez à Camera: qui in commisso sibi munere egregiam operam posuerunt, magna sua patientia & vigilantia, nec minori

miserorum hominum salute. Multos enim labantes in fide confirmarunt: lapsos reuocarunt: afflictos, ac moerentes consolati sunt: viros, foeminas, pueros, puellas conquiriti pretio à crudeli seruitute redemerunt: suoque officio diligenter perfuncti, in Lusitaniã reuerterunt.

In Congum vero, extremæ occidentalis Aethiopiæ Regnum, quattuor ex nostris nauigarunt. Nam cū Emanuel Lusitaniæ Rex, Christi nomen amplificari cuperet, homines certos, atq. ad eã rē idoneos misit, qui Euangelij lumen in maritimas Africæ regiones inferrent. Quod quidem multis in locis factum est: & cælestis doctrinæ semē in Congi etiam solo sparsum. Illud tamen postea cultorū vel peruersitate, vel inopia exaruit: donec à Ioanne I I I. Lusitaniæ Rege, Emanuelis pietate atque hæreditate filio, anno 1548. eò nostri missi sunt, vt oppressum illud fidei semen (si quid adhuc superesset) excitarent, & deserta, atque inculta excolerent: quod illi quidem initio fœliciter præstiterunt. Rex enim ipse Congi baptisma suscepit, & plurimi alij eius exemplum secuti sunt.

Postea vero cū illorum mores nostri ad fidem exigent, ipsi autem fidem ad libidinem suã detorquerent, & barbarus Rex vitam Christiano homine indignam, non solum ipse profiteretur, sed alios eodem etiam vel exemplo inuitaret, vel imperio cogeret, nostri ne porcis margaritas proiicerent, à quibus distrumperentur, & post cognitionem re-

trorsum conuersis, ab eo, quod illis traditum erat, sancto mādato, posteriora prioribus de-
teriora fierent, aliò se transtulerunt, Multi *1. Tim.*
enim, vt ait Paulus, bonam conscientiam repellentes, circa fidem naufragauerunt. Nec
meliorem sanè exitum habuit nostrorum in
Angolam profectio. Nā cum Angolæ Rex in
magno se Christianæ fidei desiderio esse
ostendisset, eius precibus adductus Rex Lu-
sitaniæ, aliquot ad illum ex nostris mittendos
curauit: quibus Oratorem suum cum magnis
ad ipsum Regem muneribus adiunxit, quò
benignius reciperentur. Qui sanè vt à bar-
baro Rege suscepti quidem primo humani-
ter sunt: postea verò missis à Rege Lusitano
muneribus, pecuniaq. consumpta, in carce-
rem coniecti: vbi cum Regio Legato, magno
sue patientiæ fructu, multos annos asseruari
sunt. Itaque quamuis nostri ex hac missione
homines illos barbaros ad humanitatem, &
Christianam mansuetudinem non traduxe-
rint, patientiæ tamen & fortitudinis sue fru-
ctum vel maximum perceperūt: & pro Chri-
sto aduersa multa patiēdo, moriēdiq. de-
siderio merita sua cumularunt.

SICILIA SOCIETATEM COM-
plectitur. CAP. XIX.

Eodem etiam tempore Sicilia insula So-
cietatem nostram amplexa est, in quam
Iacobus Lhostius Flander, vir singularis mo-
destiæ, ac doctrinæ, nostrum nomen primus
inuexit. Hic Agrigentum vt mitteretur, Ro-
dol-

dolphus Pius Carpenſis S. R. E. Cardinalis, noſtræque Societatis Protector, atque Agri-
gentinus Epifcopus ab Ignatio impetrauit. Subſecutus illum eſt Hieronymus Domene-
cus, quem Anno 1547. Ioannes Vega Sici-
lienſis Regni Prorex, ex vrbe ab eodẽ Igna-
tio ſecum adduxit, vt eius opera, & cõſilio in
piarum rerũ adminiſtratione vteretur: quod
quidem largè, prolixèq. admodum fecit. Nam
parum fore arbitratus, oppida mœnibus ac
præſidio cingere, itinera ſublatis latrociniis
aperire, ſecuritatem in illo regno, ac fidẽ con-
ſtituere: quos gubernabat, eorum animos vir-
tute, ac pietate impleri voluit, & à diuini no-
minis propagatione auſpicari: vt ſuperiora il-
la hoc ſtabili fundamento conſtituta, ſplen-
didiora multo eſſent, atque firmiora. Et quo-
niam Romæ magnam habuerat cum Igna-
tio conſuetudinem, & noſtrorum mores per-
ſpexerat, atque inſtitutum, eã ad rem illos
delegit, quos ſuo propoſito congruentes, ſibi-
que vſui fore arbitrabatur. Atque vt fructus
eſſet diuturnior, Meſſanenſem Magiſtratum
ſua autoritate perinoui, noſtros vt expetere,
atque accerſeret, & fundato Collegio in do-
micilio certo apud ſe collocaret. Illa vero ci-
uitas, & nobilis, & opulenta, & ſacrarum reli-
gionũ in primis cultrix, grauiſſimi, atq. ſapiẽ-
tiſſimi Principis iudiciũ ſecuta, diligere eos
cœpit, quos nondum viderat, cupere quos il-
lius teſtimonio vtilis ſibi futuros ſperabat.
Itaq. anno 1548. Sũmi Pontificis imperio, &
Igna-

Ignatij volūtate, ad quos & Prorex Vega, de hac ipsa re, & Messanensis ciuitas scripserat, profecti sunt Messanā Magister Hieronymus Natalis Hispanus, Andreas Frusius Gallus, Petrus Canisius Germanus, Benedict⁹ Palmius Italus, aliiq. nonnulli ex variis itē nationibus mixti, vt nouum Collegium constituerent, & optimarum artium ludum aperirent. Quod in opportuno ciuitatis loco, æde D. Nicolai, domo, Magistratus benignitate cōmodè instructa, feliciter sanè præstiterunt. Auctus postea nostrorum numerus est, primæque in Societate probationis domus Messanæ instituta.

Sed & Panormitana ciuitas, eiusdem Vegæ consilio, atque autoritate, & Messanensis Collegij fructu incitata, cum sua amplitudine, soli fertilitate, hominum splendore, ac frequentia, reliquas Siciliæ Vrbes vincat, passa non est se in pietatis studio ab vlla superari. Quamobrem à Paulo 111. Pont. Max. & ab Ignatio per literas petit, vt ad suam iuuentutem literis ac moribus instituendam, & ciuium animos pietate imbuendos, ex nostris aliquos eò mittāt. Ignatius ergo anno. 1549. duodecim Panormum misit, è quibus erant, Nicolaus Lanoius Flander, Paulus Achilles Italus, & alij lecti viri, itidem diuersarum nationum. Eis mandat, vt cum Iacobo Laine (qui in ea Prouincia ipsius Ignatij gerebat vices, & Alexandri Farnesij Cardinalis & Archiepiscopi Montis Regalis rogatu, in eius

dia ce-

diœcesi, ad componendas inueteratas quorūdam Ecclesiasticorum discordias, Visitatoris munere fungebatur,) & cū Hieronymo Domeneco sese coniungāt, & Panormitani Collegij fundamenta ponant: quod & factum est magno hominum concursu, magna ciuiū beneuolentia. Porro hæc duo Collegia, Mameratinum, ac Panormitanum, annuis, certisque fructibus Caroli Quinti Imperatoris benignitate, & ipsarum ciuitatū liberalitate fundata sunt. Reliqua præterea, quæ in Sicilia habemus collegia, ab his duobus exordium ac progressum acceperunt. Sed ille maximus, atque vberimus fructus est, qui ex iis duobus Collegiis in vniuersum Siciliae Regnum peruenit, quod Ioannes Vega multa eorum Patrum, qui in hisce Collegiis versabantur, vel consilio, vel ministerio instituit, multa perfecit, quæ ad veræ pietatis cultum augendum, ac hominum salutem pertinebant. Eodem anno 1549. Venetias nostri asciti, & ab Andrea Lippomano, qui Patauinum Collegium fundauerat, in certis sedibus collocati sunt.

Tyburtinum etiam Collegium ortum hoc tempore habuit à nostris eò profectis, vt ipsam ciuitatem pacarent, & cum alia vicina ciuitate grauiter dissidentem reconciliarent.

In Germania præterea cœperunt nostri, maiori cum vtilitate versari. Nam Gulielmus Bauariæ Dux clarissimus, auitæque, & Catholicæ religionis in Germania præsidium,
&

& ornamentum, nostros accersuit, ut Ingol-
stadij sacras literas profiterentur. Missi q. ad
Ducem sunt ab Ignatio Alfonso Salmeron,
Petrus Canisius, Claudius Iaius, qui in illa
Academia aliquot annis antea docuerat, &
magna fuerat cum laude versatus. Hos Patres
Guilielmus Dux peramanter complexus est,
ac supremo suo Cancellario Leonardo Ekio
viro nostri cupidissimo studiosè commenda-
uit. Itaque Alfonso Diui Pauli Epistolas,
Claudius Psalmos Davidis explicare aggres-
sus est, Canisius Magistrum Sententiarum,
vnusquisque eruditè, & grauitè, magna-
que hominum admiratione, suo fungebatur
munere. Quo ex tempore Academia il-
la reuirescere ac celebrior esse cœpit, &
Theologiæ studia, quæ hæreticorum impetu
conuulsa atque prostrata iacebant, excitata
sunt. Vicini Episcopi spe erecti, Catholici
animati, furor hæreticorum cōpressus, multa
passim in Dei laudem effecta. Quibus Gu-
lielmus commotus, Collegium Societati ædi-
ficare constituit, sed morte interceptus, quod
præclarè cogitauerat, non perfecit. Et Alberto
filio pietate, prudentia, animi magnitudine
sui quam simillimo, rem integram reliquit.
Qui optimi patris vestigiis insistens, Catho-
licæ religioni accerrimum sese in Germania
propugnatorem semper præbuit. Et quamuis
sui principatus initio, grauissimis districtus
negotiiis, in longum Collegij foundationem
distulit (ex quo Alfonso Salmeron in Italiam
rediit,

redii, Claudius Viennam profectus est, Canisius cum Nicolao Gaudano Ingolstadij ad tempus remansit) postea tamen, ita hanc moram diligentia, & præclara beneficentia compensauit, vt non solū Ingolstadij nostros, sed etiam Monachij apud se habere voluerit, & in domicilio certo collocauerit.

NOSTRI IN BRASILEAM NA-
uigant, & pro Christo Antonius Crimi-
nalis occiditur. CAP. IX.

DVM hæc in Europa geruntur, in Brasileam Prouinciam vastissimam, & cæli quidem salubritate latissimam sed Anthropophagorum feritate horribilem, & omnis humanitatis expertem anno 1549. Regis Lusitani voluntate, nostri primū nauigarunt. Vbi in hunc vsq. diem, magna cum patientiæ & caritatis laude, atque indigenarum utilitate perseuerāt. Multi enim variis monstruosisque Idolorum figmentis, superstitionibusque abiectis, vnius Dei, verique lumen aspexerūt: multi cū infidelitate, immanitatem etiam, & crudelem illam deuorandi homines naturam exuerunt, & ad mansuetudinem, atque humanitatem traducti sunt. Vxorū vero multitudinem sacratissimis Euangelici conubij legibus astrinxerunt, & impuras nuptias, vagamque libidinem Christiana honestate commutarunt. Hoc item anno 1549. P. Antonius Criminalis Parmensis, in India à fidei hostibus occisus est. Qui honestis pa-
renti-

rentibus ortus, in ipso adolescentiæ flore se Deo sacrauit, & Societate est ingressus, missusque anno 1542. Roma ab Ignatio in Lusitaniam, omnibus quibuscum vixit, raræ modestiæ, ac singularis probitatis exemplo fuit. In Indiam deinde, ad gentium illarum salutem, inter primos mittitur: cognitaque eius virtute ac prudentia, ab ipso Francisco Xavier, in eo tractu collocatur, qui olim Cori, nunc Comorini promontorium appellatur, reliquisque nostris præficitur. Vbi propter continuâ vicinorum Regum bella, propter idololatrarum sacerdotum infestum odium, & victus cultusque inopiam, incommoda multa pertulit, & in illustranda Christi gloria, ac propaganda, maximos labores tulit. Cum igitur in Menancor Regis Prouincia versaretur, & quos Christo per fidem genuerat, Catholicæ doctrinæ lacte nutrirer, magnæ militum copiæ Bisnagæ Regis, ad illam Prouinciâ deuastandam, & Christi in ea fidem extinguendam, hostiliter sunt ingressæ. Quarum repentino aduentu nunciato, Antonius ubi eo ipso die sacrificauerat, in templum primo confugit, ut Deo oues suas commendaret: tum ad litus egressus, in Lusitanorum naues, quæ in statione erant, Christianas feminas, paruulosque earum filios compulit (in quas tamen ipse, ut cæteris omissis conscenderet, seque periculo eriperet, nullis precibus adduci à Lusitanis antea potuerat.) Dû igitur sui oblitus Christianorum salutem consulit, reditu ad

R

naues

naues intercluso , aduentatibus Badeghis hostibus (sic enim appellantur) atque irruentibus, obuiam procedit intrepidus: flexis genibus, expansis manibus, oculis in cælum fixis mortem expectās, & se ceu bonus pastor, offerens Deo pro ouibus suis. Ita repertus, à prima & secunda hostiū acie intactus relinquitur, à tercia verò, sarissis hastisq. transfigitur: & capite abscisso, spoliati corp⁹ in arce suspenditur. Fuit vir sui contemptor, diuini honoris studio flagrans, obedientiæ imprimis cultor, orationis assiduitate ac virtute præstans, cui ipse Franciscus Xanier probatissimæ vitæ testimonium dabat, eiusque similes optabat esse omnes, qui in Indiam ex nostris mitterentur. Ego verò, qui anno 1542. Lutetiam Roma proficiscens, bonam itineris partem cum illo confeci, frequenterque adiutus ab eo, & subleuatus sum, singularem in Antonio virtutē agnoui, & sæpenumero caritatem illius, ac pietatis studium mecum ipse sum admiratus: vt mirum nō sit, ex tali principio talem exitum extitisse.

A IVLIO III. PONT. MAX.

Societas confirmatur.

CAP. XXI.

INterim mortuo Paulo 111. Pont. Max. qui Iprimus Societatem sua autoritate confirmarat, multiq.que privilegiis (quæ commemorare longum esset) ac magnis ornatat, Iulius 111. succedit anno 1550. à quo Ignatius

tius postulauit, ut ratum haberet, quod Paulus fecerat, cuius ipse successor esset, nostrumque institutum stabiliret, & quædam etiam, quæ in eo videri poterant obscuriora, apertius explanaret. Quod utique Pontifex, cum è Republica Christiana esse intelligeret, libentissimo animo fecit, Pontificiumque diploma scribi iussit, quo approbatio eiusmodi, confirmatioque continetur. Quod ego diploma, quoniam Pauli I I I. confirmationem, & multa eius priuilegia Societati concessa, breuiter perstringit, & plenius quàm alia, ipsius institutum, distinctiusque comprehendit, subiicere hoc loco opportunum iudicauit. Sic igitur habet:

R 2

I V L I V S

IVLIVS EPISCOPVS

SERVVS SERVORVM

Dei, ad perpetuam rei
memoriam.

XPO SCIT debitum pasto-
ralis officij, cui nos, licet im-
meritos, prætulit diuina Ma-
iestas, vt fideles quoslibet, præ-
sertim religiosos, in via mandatorum Do-
mini, ad illius honorem & gloriam, & pro-
ximorum spiritualem profectum deambu-
lantes, paternis consueamus affectibus: vt
fideles ipsi, dexterâ Domini sibi assistente
propitia, aternæ salutis præmium feruentius
exquirant, & in eorum pio proposito conso-
ueantur. Dudum siquidem, per felicitis recor-
dationis Paulum Papam Tertium, præde-
cessorem nostrum, accepto, Quod dilecti filij,
Ignatius de Loiola, & Petrus Faber, ac Ia-
cobus Laynez, nec non Claudius Iaius, &
Paschasius Broet, ac Frâcisus Xauier, nec-
non Alfonsus Salmeron, & Simon Roderi-

cus,

Summa
literarū
Aposto-
licarum
Pauli
III. de
Institu-
to So-
cietatis.

cus, ac Ioannes Coduri, & Nicolaus de Bobadilla, Presbyteri Pampilonen. Gehennen. Segūtin. Toletan. Visen. Ebredunen. & Palentin. Ciuitatū, & Diœc. respectiue, in Artibus Magistri, in Vniuersitate Parisien. graduati, & in Theologicis studiis, per plures annos exercitati, Spiritu sancto afflati, iam dudum è diuersis mūdi regionibus decedentes, in vnum conuenerant, & exemplaris ac religiosa vitæ Socij effecti, abdicatis huius sæculi illecebris, eorum vitam perpetuo Domini nostri IESV Christi, atque suo, & successorum suorum Romanorum Pontificum seruitio dedicauerant, & iam pluribus annis verbum Dei prædicando, & fideles priuatim ad piās meditationes, beneq; ac beatè viuendum excitando, hospit alibus inseruendo, pueros & alios rudes salubria dogmata ad Christiani hominis institutionem necessaria docendo, ac denique omnia charitatis officia, quæ ad animarum ædificationē pertinebant, vbique terrarum, vbi peregrinati fuerant, quisque iuxta traditam sibi ab ipso Spiritu sancto gratiam, multa cū laude ob-

eundo, laudabiliter in vinea Domini se exercuerant, eorum institutum, sub quadam viuendi formula ab ipsis edita, Euangelicæ veritatis, & sanctorum Patrum sanctionibus conformi, vt vinculum charitatis & vnio in ipsis quidē Socius, & aliis qui prædictum vellēt institutum sequi, conseruarentur, approbavit, & confirmavit, & benedixit: ipsosq; Socios (quorum numerum, non vltra sexaginta esse tunc voluit) sub sua, & Apostolica sedis protectione suscepit, illisq; condendi Constitutiones & statuta quæcunq. ad ipsius sic instituta & confirmata Societatis conseruationem, & felicem progressum, licentiam concessit per quasdam. Cumq; postmodum progressu temporis, Spiritu sancto cooperante, ex Societate prædicta spiritalē animarum fructum crescere, & multos, qui institutum prædictum sequi vellent, in Parisiensi, & aliis generalium studiorum Vniuersitatibus, studere intellexisset idem prædecessor, Ignatij & aliorum Sociorum prædictorum piam vitam & doctrinam attendēdo, eidem Societati, vt quoscunq. alios idoneos, & iu-

xta suas Constitutiones probatos liberè ad-
 mittere possent, concessit. Et nihilominus, vt
 Coadiutores tam presbyteros, qui in spiri-
 tualibus, quàm laicos, qui in tēporalibus, &
 domesticis officiis eos adiuuarent (qui qui-
 dem Coadiutores per actis probationibus, iu-
 xta Cōstitutiones Societatis huiusmodi re-
 quisitis, ad maiorē deuotionem suā, & me-
 ritum, etiā tria vota, Paupertatis videlicet,
 Castitatis, & Obedientiæ possent emittere,
 non solemnia, sed quibus, pro eo tempore, quo
 Praepositus generalis Societatis prædictæ eis,
 in ministerio spirituali, vel temporalis, vten-
 dum iudicaret, astringeretur: quiq; omnium
 bonorum operum, quæ in dicta Societate fie-
 rent, ac meritorum omnium participes fie-
 rent, perinde, vt qui solemnē professionem,
 in eadem Societate emisissent) possent assu-
 mere, & alias gratias ac priuilegia ad fouē-
 dam, & adiuuandam in iis, quæ ad Dei ho- Suppli-
 norem, & animarum salutem pertinebant, cauo p. o.
 Societatem prædictam, de benignitate Apo- parte So-
 stolica concessit. Vt autem prædicta omnia cietatis.
 prius ab eodem prædecessore concessa, magis

confirmentur, & simul omnia, quæ ad institutum Societatis prædictæ pertinent, eisdem in literis aliarum summam continentibus comprehendatur: & ut aliqua obscurius dicta, & quæ scrupulū ac dubitationem possent iniicere, per nos exactius explicentur: nobis fuit humiliter supplicatum, ut formulā, quæ prædictæ Societatis institutū exactius & distinctius, quàm antea, edocente experientia ac usu rerum, expressum, eodem tamen spiritu comprehenditur, confirmare dignemur, cuius tenor sequitur, & est talis: Quicumq; in Societate nostra, quam IESU nomine insigniri cupimus, vult sub crucis vexillo Deo militare, & soli Domino, ac Ecclesie ipsius sponsæ, sub Romano Pōrifce, Christi in terris Vicario servire, post solemne perpetuæ Castitatis, Paupertatis, & Obedientiæ votum, proponat sibi in animo, se partem esse Societatis, ad hoc potissimū institutæ, ut ad fidei defensionem, & propagationem, & profectum animarum in vita, & doctrina Christiana, per publicas prædicationes, lectiones, & aliud quodcunque verbi Dei ministerium,

Instituti
Societatis
formula
co
piofior.

Vota
paupertatis,
castitatis,
& obedi-
entia.

Instituti
finis.

Societatis
ministra.

rium, ac spiritualia exercitia, puerorum ac
 rudium in Christianismo institutionē, Chri-
 sti fidelium in cōfessionibus audiendis, ac cas-
 teris Sacramentis administrandis, spiritua-
 lem consolationem præcipuè intendat: & ni-
 hilominus ad dissidentium reconciliationem,
 & eorum, qui in carceribus vel in hospitali-
 bus inueniuntur, piam subuentionem & mi-
 nisterium, ac reliqua charitatis opera, prout
 ad Dei gloriam, & commune bonum expe-
 dire visum erit, exequenda gratis omnino, &
 nullo, pro suo in prædictis omnibus labore, sti-
 pendio accepto se vtilem exhibeat: curetq;
 primò Deū, deinde huius sui instituti ratio-
 nem, quæ via quedā est ad illum, quoad vi-
 xerit, ante oculos habere, & finem hunc si-
 bi à Deo propositum totis viribus assequi,
 vnusquisque tamen secundum gratiam sibi
 à Spiritu sancto subministratā, & vocatio-
 nis suæ proprium gradū. Ideoq;, ne quis fortè
 Zelo vtatur, sed nō secundum sciētiā, pro-
 prij cuiusq; gradus iudiciū. et officiorū discre-
 tio, ac distributio tota sit in manu Præpositi
 Generalis, seu Prælati, per nos quocunq; tem-

Gratis
 omnino
 exhiben-
 da sunt
 Societ.
 ministe-
 ria.

Haben-
 dū sem-
 per ante
 oculos
 institu-
 tum.

Graduū
 & offi-
 ciorum
 distribu-
 tio tota
 est penes
 Genera-
 lem.

De con-
dendis
consti-
tutio-
nibus, &
declarā-
dis.

Confi-
lium ad
graviora
conuo-
cādum.

In his
quæ non
tāti mo-
menti
sunt, ius
totū ha-
bet Præ-
positus.

pore eligēdi, vel eorum, quos ipse sibi ea cum
autoritate substituerit, ut congruus ordo ser-
uetur in omni bene instituta communitate
necessarius. Qui quidem Præpositus, de con-
silio consociorum Constitutiones ad constru-
ctionem huius propositi nobis finis conducen-
tes condendi; maiorum suffragiorum parte
semper statuendi ius habente, & quæ dubia
esse poterunt in nostro instituto hac formula
comprehensio, declarandi auctoritatem ha-
beat. Consilium verò necessario conuocan-
dum ad condendas, vel immutandas Consti-
tutiones, & alia grauiora, ut alienare vel
dissolvere Domos, ac Collegia semel erecta,
intelligatur esse maior pars totius professæ
Societatis (iuxta Cōstitutionum nostrarum
declarationem) quæ sine magno incommodo
potest à Præposito Generali conuocari. In
aliis, quæ non ita magni momenti sunt, idem
Præpositus adiutus, quatenus ipse opportu-
num iudicabit, fratrum suorum consilio, per
se ipsum ordinandi, & iubendi quæ ad Dei
gloriam & commune bonum pertinere in
Domino videbūtur, ius totum habeat, prout
in

in Constitutionibus eisdē explicabitur. Quicunque autem in hac Societate professionem emiserint, non solū in primis professionis sue foribus intelligant, sed quoad vixerint, memores sint, Societatem hanc vniuersam, & singulos, qui in ea profitentur, sub Sanctissimi Domini nostri Pauli Papæ tertij, & aliorum Romanorum Pontificum successorum eius fidei obedientia Deo militare. Et quamuis Euangelio doceamur, & fide orthodoxa cognoscamus, ac firmiter teneamus, omnes Christi fideles Romano Pontifici, tanquam capiti, ac IESU Christi Vicario subesse: ob deuotionem tamen maiorem ad obedientiam sedis Apostolicæ, & maiorem voluntatum nostrarum abnegationem, & certiores sancti Spiritus directionem summopere conducere iudicauimus, singulos nos, & quicūque eandem in posterum professionē emiserint, vltra illud cōmune trium votorum vinculum, speciali ad hoc voto adstringi, vt quidquid modernus, & alij Romani Pontifices, pro tempore existentes iusserint ad profectū animarum, & fidei pro-

Subobediencia
Pontif.
Rom.
militat
Deo So-
cietas.

Ingres-
suri So-
cietatem
quid cō-
siderare
debent.

Mis-
sio-
nes non
procu-
randæ.

pagationē pertinens, & ad quascunque pro-
uincias nos mittere voluerint, sine vlla ter-
giuersatione, aut excusatione, illico, quan-
tum in nobis fuerit (sive nos ad Turcas, sive
ad quoscunque alios infideles, etiam in parti-
bus, quas Indias vocant, sive ad quoscunque
Hæreticos, Schismaticos, seu etiam ad quos-
uis fideles, mittendos censuerint) exequi te-
neamur. Quamobrem qui ad nos accessuri
sunt, antequam huic oneri humeros suppo-
nant, diu multumq; meditentur, an tantum
pecunie spiritualis in bonis habeant, vt tur-
rim hanc iuxta consilium Dominicum pos-
sint consummare, hoc est, an Spiritus san-
ctus, qui illos impellit, tātum illis gratiæ pol-
liceatur, vt huius vocationis pondus, illo ad-
iuuante, se laturos sperent: & postquam,
Dōmino inspirante, huic IESU Christi mi-
litæ nomen dederint, die noctuq; succincti
lumbos, & ad tam grādis debiti solutionem
prompti esse debebunt. Ne qua autem possit
esse inter nos missionum aut prouinciarum
huiusmodi ambitio vel detrectatio: intelli-
gant singuli, sibi per se, vel alium, de huius-
modi

modi missionibus quidquā cū Romano Pontifice non esse curandum, sed omnē hanc curam Deo, & ipsi Pontifici tamquā eius Vicario, & Societatis Præposito dimittendam: cui quidem (sicut ceteris) de sui ipsius missione in alterutram partem, nisi de Societatis consilio, cum dicto Pontifice curādum erit.

Voveant etiam singuli, se in omnibus, quæ ad regulæ huius nostræ observationem faciunt, <sup>Votum obediē-
tia.</sup>

Societatis Præposito (qui ad hoc munus quā fieri possit idoneus, ad plura vota, prout in Constitutionibus declarabitur, eligetur) obedi-

ientes fore. Ille autem omnem eam auctoritatem & potestatem habeat supra Societatem, quæ ad bonam eiusdem Societatis administrationem, correctionem, & gubernationem utilis erit. ^{Præpositi electio & potestas.}

Iubeat autem ea, quæ ad constructionem propositi sibi à Deo, & à Societate finis cognoverit esse opportuna, & in prælatione sua benignitatis, ac mansuetudinis, charitatisq; Christi, Petri, Pauliq; formula semper sit memor: & tam ipse, quā in ^{Gubernandi ratio qualis futura.}

consilium prædictum ad normam hanc astuē spectent. Singuli verò subditorum, tum ^{Obediētia & reuerentia subditorum.}

propter

Pauper-
tatis vo-
tum.

Modus
nostræ
pauper-
tatis.

Professi
reditus
habere
acqueūt

propter ingentes ordinis utilitates, tum pro-
pter nunquam satis laudatū humilitatis assi-
duum exercitium, non solum Præposito in
omnibus ad institutum Societatis pertinen-
tibus parere semper teneantur: sed in illo
Christum veluti præsentem agnoscant, &
quantum decet, veneretur. Cum autem ex-
perti fuerimus iucundiorē, puriorem, & ad
proximi edificationem aptiorem esse vitam,
ab omni auaritia contagione quàm remotis-
simam, & Evangelicæ paupertati quàm si-
millimam, cumq; sciamus Dominū nostrum
Iesum Christum, seruis suis regnum Dei so-
lū inquirentibus, necessaria ad victum &
vestitum esse subministraturum: sic vocent
singuli & vniuersi perpetuā Paupertatem,
vt non solum priuatim, sed neque etiā com-
muniter possint Professi, vel vlla eorum Do-
mus, aut Ecclesia ad aliquos proventus, re-
ditus, possessiones, sed nec ad vlla bona stabi-
lia (præter ea, quæ opportuna erunt ad vsum
propriū, & habitationem) retinēda ius ali-
quod ciuile acquirere, rebus sibi ex charitate
donatis ad necessarium vitæ vsum contenti.

Quia

Quia tamē Domus, quas Dominus dederit, ad operandum in vinea ipsius, & nō ad scholastica studia exercenda destinandæ erunt: cum valde opportunum fore alioqui videatur, vt ex iuuenibus ad pietatem propēsis, & ad literarum studia tractāda idoneis operarij eidem vinea Domini parentur, qui Societatis nostræ, etiam professæ velut quoddam seminarium existant: possit professæ Societas ad studiorum commoditatem, Scholarium habere Collegia, vbicunque ad ea construenda, & dotāda, ex deuotione aliqui mouebuntur: quæ simul atque cōstructa, & dotata fuerint (non tamen ex bonis, quorum collatio ad sedem Apostolicam pertinet) ex nunc autoritate Apostolica erigi supplicamus, seu pro erectis haberi: quæ Collegia possint habere redditus, census, seu possessiones, vsibus & necessitatibus studentium applicandas, retenta penes Præpositum, vel Societatem omnimoda gubernatione, seu superintendentia super dicta Collegia, & prædictos studentes, quo ad Rectorum, seu gubernatorum, ac studentium electionem, ac

De collegiis, & eorum redditibus.

Collegiorum gubernatio penes Præpositum, vel Societatem est.

corum-

eorundem admiſſionem, emiſſionem, receptionem, excluſionem, ſtatutorum ordinacionem, & circa ſtudentium inſtructionē, eruditionem, ædificationem, ac correctionem, victus, veſtitusq³, & aliarum rerum neceſſariarum eis miniſtrandarum modum, atq; aliam omnimodam gubernationē, regimen, ac curam, vt neque ſtudentes dictis bonis abuti, neque Societas Profeſſa in proprios uſus conuertere poſſit, ſed ſtudentium neceſſitati ſubuenire. Qui quidem ſtudentes, ingenij, & morum indole tales eſſe debebunt, vt merito ſperetur, poſt abſoluta ſtudia ad Societatis functiones idoneos fore: & ſic demum poſt cognitum in ſpiritu & literis eorum profeſſum, & poſt ſufficientem probationem, in Societatem noſtrā admitti poſſint. Socij autem omnes cū Presbyterieſſe debeant, ad dicendum officium ſecundum communē Eccleſie ritum, ſed priuatim, & non communiter, vel in Choro, teneantur: & in iis, quæ ad victum, & veſtitum, & cætera exteriora pertinent, honeſtorum ſacerdotum communem & approbatū uſum ſequentur: vt quod

inde

Quales
futuri
Schola-
ſtici no-
ſtri.

De offi-
cio diui-
no reci-
tando.
In victu
& veſti-
tu ſe-
quendus
nobis
uſus ho-
neſtorū
Sacer-
dotum.

inde pro cuiusque necessitate, vel spiritualis profectus desiderio subtractum fuerit, ex deuotione, & non ex obligatione, rationabile obsequium corporis Deo, prout expediet, offeratur. Hæc sunt, quæ sub præfati Domini nostri Pauli, & sedis Apostolicæ beneplacito, de nostra professione, typo quodam explicare potuimus, quod nunc fecimus, ut summatim informaremus tum illos, qui nos de nostro vitæ instituto interrogant, tum etiam posteros nostros, si quos (Deo volente) imitatores vnquam habebimus huius viæ: quam cum multas, magnasq; habere annexas difficultates fuerimus experti, opportunum iudicauimus etiam statuere, ne quis ad professionem in hac Societate emittendam, nisi diuturnis & diligentissimis probationibus (prout in Constitutionibus declarabitur) eius vitæ & doctrina explorata fuerit, recipiatur: quia reuera, hoc institutum omnino humiles, & prudentes in Christo, & in Christiana vitæ puritate ac literis conspicuos exigit. Immo & ij, qui in Coadiutores tam in spiritualibus, quàm in corporalibus, & in Scho-

Periodus.

Ad professionē non admittantur nisi diu multumque probati.

Coadi-
tores &
Schola-
res vota
sua de-
bent e-
mittere.
At qui
tra vota
solennia
emittere
possunt.

lares admittentur, quorū utrique, post suf-
ficientes probationes, & tēpus in Constitu-
tionibus expressum, vota sua, ad deuotionem,
& meritū maius, nō quidem solennia (præ-
ter aliquos, qui de licentia Præpositi Gene-
ralis, propter ipsorum deuotionem, & perso-
narum qualitatem, tria vota huiusmodi so-
lennia facere poterant) sed quibus tenean-
tur, quā diu Præpositus Generalis in So-
cietate eos retinendos esse censuerit, emitte-

Non ni-
si idonei
Coadi-
tores ad-
mittēdi.

re debeant, prout in Constitutionibus latius
explicabitur, non nisi diligenter examinati,
& idonei reperti, ad eundem finem Societa-
tis, admittantur ad hanc I E S V Christi mi-
litiam, qui tenuibus cæptis nostris fauere di-
gnetur, ad gloriā Dei Patris, cui soli sit sem-
per decus & honor in sæcula amen. Qua-

Appro-
batur So-
cietas &
eius in-
stitutū.
Nihil nō
sanctum
in insti-
tuto no-
stro.

propter considerantes, nihil, quod pium, san-
ctumq; nō sit, in dicta Societate, eiusq; lau-
dabilibus institutis, ac exemplari Ignatii, &
aliorum Sociorum prædictorum vita & mo-
ribus reperiri, eaq; omnia ad suorum, & alio-
rum Christi fidelium animarum salutem, &
fidei exaltationem tendere, Socios ac illorum

Coad-

Coadiutores prædictos, & ipsius Societatis Scholares à quibusvis excommunicationis, suspensionis, & interdicti, aliisque Ecclesiasticis sententiis, censuris, & à pœnis à iure, vel ab homine quavis occasione vel causa latis, si quibus quomodolibet innodati existunt, ad effectum præsentium duntaxat consequendum, harum serie absoluentes, & absolutos fore censentes, illosque sub nostra, & Apostolica sedis protectione suscipientes, Motu proprio, & ex certa nostra scientia, auctoritate Apostolica, tenore præsentium, erectionem, & institutionem Societatis, ac extensionem numeri illius Sociorum, ac receptionis, & admissionis Coadiutorum, ac omnia & singula, Priuilegia, immunitates, exemptiones, libertates, & condendi, & alterandi statuta, & ordinationes, ac alia quavis indulta eisdem, Societati, & illius Præposito, per prædecessorem nostrum, & sedem huiusmodi, sub quibuscunque tenoribus, & formis concessa, & confirmata, ac de super cōfectas tam sub plûbo, quàm in forma Brevis literas, & in eis contenta, ac deinde secuta quacunque,

Omnia
priuilegia
prius
concessa
confir-
mantur.

perpetuò approbamus, & confirmamus, ac
 eis perpetuæ firmitatis robur adiicimus, sup-
 plentes omnes & singulos tam Iuris, quàm
 facti defectus, si qui interuenerint, in eisdem:
 Eaquæ omnia & singula, perpetuæ & incon-
 cussæ firmitatis robur obtinere, & inuiolabi-
 liter obseruari debere, & sic per quoscunque
 Iudices & Commissarios, quauis autoritate
 fungentes (sublata eis, & eorū cuilibet qua-
 uis aliter iudicandi & interpretandi facul-
 tate & autoritate) iudicari, interpretari, at-
 que decidi debere, nec nō quidquid secus su-
 per his per quoscunque, quauis autoritate,
 scienter vel ignoranter contigerit attentari,
 irritum & inane decernimus, & declara-
 mus. Quocirca vniuersis & singulis, vene-
 rabilibus fratribus, Patriarchis, Archie-
 piscopis, Episcopis, ac dilectis filiis Abbatibus,
 Prioribus, & aliis personis in dignitate Ec-
 clesiastica constitutis, per Apostolica scripta
 mandamus, quatenus ipsi, & eorum quilibet
 per se, vel alium, seu alios, præfatis Præposi-
 to, & Societati in præmissis, efficacis defen-
 sionis præsidio assistentes, faciant autoritate
 nostra

Iudices
 qui assi-
 stant.

nostra singulas prædictas, & præsentēs lite-
 ras plenum effectum sortiri, ac ab omnibus
 inuiolabiliter obseruari: non permittentes
 quenquam contra illarum tenorem, quomo-
 dolibet indebitè molestari, contradictores
 quoslibet & rebelles per censuras eclesia-
 sticas, & alia iuris opportuna remedia (ap-
 pellatione postposita) compescendo, ac censu-
 ras prædictas, legitimis super his habēdis ser-
 uatis processibus, etiā iteratis vicibus aggra-
 uando: inuocato etiā ad hoc (si opus fuerit)
 auxilio brachij secularis. Nō obstantibus con- Nō ob-
 stantibus, & ordinationibus Apostolicis, stantibus, &c.
 ac omnibus illis, & singulis, quæ in literis
 prædictis idem prædecessor noster voluit non
 obstare, cæteriꝫ contrariis quibuscunque,
 aut si aliquibus communiter, vel diuissim ab
 Apostolica sit sede indultum, quod interdici,
 suspendi, vel excommunicari non possint, per
 literas Apostolicas non facientes, plenam, &
 expressam, ac de verbo ad verbum, de indul-
 to huiusmodi mentionem. Nulli ergo omni-
 no hominum liceat hanc paginam nostræ ab-
 solutionis, suspensionis, approbationis, confir-
 mationis,

mationis, adiectionis, suppletionis, decreti, declarationis, & mandati infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri & Pauli, Apostolorum eius, se noverit incursum. Datum Romæ, apud Sanctum Petrum, Anno Incarnationis Dominicæ Millesimo quingentesimo quinquagesimo, duodecimo Kalendas Augusti: Pontificatus nostri, Anno primo.

F. de Mendoza.

Fed. Cardinalis Cæsius.

SOCIETATIS IESV INSTITUTUM & forma describitur.

CAP. XXII.

EX Pontificio hoc diplomate manifestum esse arbitror, quis sit huius Societatis finis, quod institutum. Sed quoniam breuiter illud potius attingitur, quàm explicatur: credo equidem nonnullorum sitim esse incensam, & ex his quæ de hoc instituto intellexerunt, reliqua intelligendi cupiditate inflammata. Quorum ego pio desiderio pro mea parte obsequi conabor: & quæ summatim per-

stricta

stricta sunt, ea enucleatius paulò, atq. vberius explicare. Etenim pertinet hoc quoque ad Ignatii (cuius vitam scribimus) laudem, intelligere homines, quibus hanc Societatem temperauerit institutis.

Societas ergo Iesu, hoc nomine à summis Pontificibus insignita, Religio Clericorum & est, & appellatur à Concilio Tridentino. Eius vita neque in sola contemplatione, neq. in sola actione, sed in vtraq. simul posita est. Finis quò spectat, & quò actiones omnes suas refert, suæ est, & alienæ salutis, ac perfectionis cura. Hanc perfectionem, quæ maximè charitate constat, in rebus omnibus propositam habet: ad eius normam, & suos & externos dirigit. Reliqua quæ finis causa quæruntur, huic fini consentiunt: omnia enim ferè pietatis officia quæ huic conferunt, diligenter exequitur. Nam assidue concionatur, pueros rudesq. rectè credēdi regula instituit, virtutes operandi, fugiendū vitia, præceptis erudit: orandi cum voce, tum mente certam rationem docet: ad pium frequentemque Sacramentorum vsum hortatur: ægrotos inuiscit & consolatur: moriētes in angore positos confirmat: vinctos in custodia, pauperes in Xenodochio, miseros ubique & calamitosos subleuare studet: odia extinguere, & sublati diffidiis inimicorum animos beneuolentia conglutinari: denique cuncta pietatis opera institui, augeri, conseruari. Quæ quidem omnia Domibus ac Collegiis nostris communia

S. ff. 25.

Cof. 16.

sunt. Collegiorum verò (in quibus quidē nostri docent) illa sunt propria: literarum studia exercere sedulò, & disciplinas omnes quæ quidem homini Theologo necessariae sunt, pro cuiusque Collegij facultate diligēter explicare: iungere cum pietate doctrinam: formare adolescentiæ mores, & mollem ætatem ac lubricam ad omnem virtutem fingere. Hæc non apud Catholicos tantum, atque integros populos conatur efficere, sed multo etiam libentius apud Barbaros, & hæreticos: tū quod sunt ab omni ope deserti ac destituti, tum verò quod hæc Societas, quemadmodū in Pontificio diplomate dicitur, ad defensionem ac propagationem fidei est potissimum instituta. Ex quibus ipsius Societatis perfectio atque præstantia, reliquarumque religionum, quæ idem habent institutum, facillè elucet. Religionis enim excellentia atque perfectio ex perfectione finis dependet: estque illa religio perfectior, quæ perfectiorem finem, & ea quæ finis gratia sumuntur, aptiora habet, & ad finem consequendum magis accommodata.

In iis muneribus quæ diximus, ad proximorum salutē Societas ita se exercet, ut omnia gratis omnino exequatur: nihilque pro confessionibus audiendis, concionibus, lectionibus, Missis, reliquisque suis functionibus accipiat. Neque tamen ignorat, dignum quidem esse operarium mercede sua, æquumque, ut qui altario servit, de altario viuat, & propterea sacrarum Religionum filiis, electo-

D. Tho.

mas 2.

2. q. 188.

artic. 6.

Luc. 10.

Mat. 10.

1. Cor. 9.

mosynas hoc nomine debitas à populo esse: sed hoc tempore, quo Sacerdotes quidam malè propter cupiditatē audiunt, & Sacramentorū administratio ab hæreticis nundinatio appellatur & quæstus, vt amputet occasionem eorum, qui volunt occasionē, aliorum consuetudine laudata, ipsa Paulum in hac parte imitatur, atque Euangelium sine sumptu ponit, & ne eius gloria euacuetur, gratis tribuit quod gratis accepit. *Ibidem.*

Ex eadem item causa factum est, vt in victu atque vestitu communem quandam viuendi rationem sequatur: parcam quidem & sobriam, moderatam tamen, & quæ vitæ sustentandæ sufficiat. Itaque habitum quidem peculiarem nullum habet, sed comunē cum Sacerdotibus earum regionum in quibus viuit: in quo tamen & honestatis, & paupertatis ratio maximè eluceat. Quod quidem factum est, tum quòd hæc Societas Clericorum est Religio (vt diximus) non Monachorum: tum verò quòd hæreticis atque aliis hominibus perditis, & suo & temporum vitio valde ab habitu Monachali abhorrentibus (ad quos potissimùm in rectam viam reuocandos est instituta) plus se prodesse posse hac ratione arbitratur. Et asperiores in victu atque vestitu leges, corporisquæ castigationes ordinarias suis hominibus nullas imponit, ad quas ratione sui instituti quæ omnes adstringantur: quo ad ipsam venientium omni hominum generi, naturæ, valetudini, ætati, communis quædam,

dam, & æquabilis viuendi ratio proposita sit, quam suscipere & tenere omnes possint. Atq. ob eam etiam causam, quòd plures habet ac maiores difficultates hoc institutum, illiusq. sunt onera interna grauiora, quàm in speciem videntur. Non tamen asperitates eiusmodi aspernatur, aut abiicit, quas in aliis Religionibus suspicit, & sanctissimè institutas videt: sed vbi necessitas poscit, aut vtilitas, eas Præpositi vel suspiciendas præscribunt, vel vt suscipiantur, probant. Quod tam studiosè sæpè fit ac feruenter, vt per Dei gratiam fræno potius hac in re nostri, quàm calcaribus indigeant.

Iis tantisq. occupationibus propriis hæc Societas distenta, Chorum vbi horæ Canonicae decantentur, ordinariè non habet. Neque enim ad cõstituendam Religionem, Chorus requiritur necessario. Possunt enim Religiones institui ad varios fines, & ad varia misericordiae & pietatis opera exercenda: quibus quisculò student, etiam si à Choro vacent, quàm alij qui Choro distringuntur, religiosi nihilominus sint. Itaque ordo Diui Dominici principio Chorum videtur non habuisse, cum impetrata sui ordinis confirmatione, in varias Provincias atque orbis terrarum partes, ad prædicandum Domini nostri Iesu Christi Euangelium, omnes suos discipulos, a sanctissimo hoc Patriarcha missos esse legamus. Quo tẽpore cum pauci essent, & dispersi, & docendis populis vehementer

occu-

S. Tho. 2.
2. q. 188.
artic. 2.

a Apud
Sur. 1. 4.
l. 2. c. 2.
vita S.
Dominici.
Anto. 3.
p. hist.
ti. 23. 5. 3.

occupati, verissimile est, Chorum frequentare non potuisse. Neq. tamē dicemus Ordinem illum sanctissimum, Religionem tunc propterea non fuisse, quando maximè eius Religio floruit, & vita & doctrina, & miraculis Dei Ecclesiam tātopere illustravit. Denam Gre-^{92. dist.}gorius in Concilio Romano seuerè sancxit: ne ^{c. in sum-}
Diaconi, quos ad prædicationis officium, & ^{sta.}
eleëmofynarum studium vacare congruebat, ^{Tho. 22.}
cantores eligantur. Quod videlicet (vt gra- ^{q. 91. ar. 2}
uissimi sancti Patres interpretantur) nobilius ^{Ad ter-}
sit homines verbo & doctrina, quàm cantu in ^{tium.}
Deum excitare. Quamobrem quorum est do-
cere populum, ac doctrina pascere, & ad cæ-
lestia inflammare, ij cantibus insistere non ^{Ibidem.}
debent, ne dum illis occupantur, ab utiliori-
bus abstrahantur. Neq. si Canon ille iam ob-
soleuit, minus tamen verum est quod in Ca-
none continetur, nec minorem vim habet il-
la ratio: Qui præstātoribus, & magis neces-
sariis distringūtur, eos & Choro, & minus ne-
cessariis officiis vacuos, liberosq. esse oportere.
Itaque videmus initio nascentis Ecclesiæ,
Apostolos curam viduas alendi in septē Dia-
conos reiecis-^{Act. 6.}se: ne à verbi Dei prædicatione,
quæ grauior ac magis necessaria erat, sancta
quidem illa sed minus necessaria occupatio-
ne implicati, vllō modo retardarentur. Nō est
(inquiunt) bonum, relinquere verbum Dei,
& ministrare mensis. Quocirca in reliquis
Religionibus (iis etiā quæ ex instituto Cho-
rum habent) publici professores, scholastici,
con-

concionatores, & quotidiana domesticorum, vel grauiorum munerū administratione occupati, liberiores à Choro vacationem habent, vt à Choro scilicet expediti, munus suū quisq. pro dignitate tueatur. Quod eò etiam magis ei Religioni licebit, quæ Chorum non habet ex instituto. In hac autē Societate, qui aut scholasticus, aut publicus professor, aut concionator, aut confessarius, aut coadiutor temporalis non sit, aut deniq. maioribus ministeriis suo ex instituto non vacet, reperies profectò neminem. Ex quo cū multæ aliæ Ecclesiæ, ac Religiones, diuinis laudibus publicè celebrandis, sanctissimè suo ex instituto consecratæ sint, è quibus petere quis possit hoc ad excitandum animum, & pietate inflammandum adiumentum: & vtrumq. hæc Societas complecti nequeat, in eam partem quæ minus culta ab aliis, & magis necessaria, variaque & multiplex est, incumbendum sibi omni ratione putat. In qua tractanda atq. excolenda, vt intenta semper sit, ac nihil remittat, cætera quæ per se honesta quidem sunt & præclara, sed hoc eius instituto aliena, necessariò prætermittit, aliisq. concedit. Imitatur-
1. Cor. 1. que in hac etiam parte Paulum Apostolum, qui de se dicit: Non misit me Dominus baptizare, sed euangelizare. Non quòd præclarum non sit, & ad salutem necessarium, baptizare (siquidem Baptismus ianua Sacramentorum omnium est, & necessarius ad salutem) sed quòd multi essent alij qui baptizandi

zandi officio fungi possent: pauci verò qui prædicatoris Evangelici personā pro dignitate sustinerent. Multiformis est gratia Dei, & varia atque innumera Spiritus sancti dona. Neque in bello minus vtilēs sunt exploratores, qui hostium consilia inuestigant, quàm milites, qui manum cum hoste conferunt: neque minus profunt, qui cuniculis actis oppositas munitiones disiciunt, quàm qui in illas iam euersas impetum faciunt. *Aequa etiam* 1. Reg. 30
pars est descendantis ad prælium, & remanētis ad sarcinas, & similiter diuidunt: paremquæ prophetandi gratiam à Deo acceperunt Eldad & Medad, duo ex septuaginta senibus, quos elegit Moyses, tametsi remanserūt in castris, *Num. 11.*
quàm sexaginta octo alij, qui stabant ante tabernaculum. Vt is qui manducat, non manducantem nō spernat, & qui non manducat, manducantem non iudicet: sed omnes laudent omnium Dominum, qui dona sua distribuit prout vult. Existimatquæ Societas, se, tot laboribus atque operis fructuose in animarum salutem occupata, precibus etiam ac Missis quas iugiter facit, etiam si Chorū non habeat, plenè populo satisfacere, & acceptas ab eo eleēmosynas pro sua tenuitate retribuere.

Et quoniam ad ea quæ commemorauimus munera rectè atque ex ordine præstāda, magna in primis virtus, doctrina haud mediocris est necessaria, commoditas præterea naturæ, & ad agendum cum hominibus dexteritas,

1. Cor. 7.

tas, bonaque apud ipsos homines existimatio: neque facinorosos hæc Societas admittit, neq. iure ipso, siue Canonico siue Ciuili infames, neque eos quos inconstantes in sua vocatione, & leues aut inuiles omnino sibi, atque ineptos futuros putat. Nullū vero qui alterius cuiusvis religionis habitum susceperit (cupit enim vt in qua vocatione quisque vocatus est, in ea permapeat : & vt reliqui sacrorum hominum conuentus numero, fructu, & quæ in Christo Iesu sit gloria floreāt) eos tantū recipit, quos à Deo intelligit ad suū institutum vocatos. Horum quatuor sunt genera. Primum doctorum hominum est, qui diuino Spiritu tacti, quam adepti sunt eruditionem ac scientiæ laudem, Deo consecrāre cupiūt, & in hac Societate ad spiritualē aliorum vtilitatem conferre. Alterum est eorum, qui cum vitæ inculpatæ & sufficiētis doctrinæ sint; vt profectos ipsos in spiritualibus rebus adiuuent, in Societate admittuntur. Tertium genus constat iis adolescentibus, quos bona spe animi & ingenij præditos admittit, eam doctrinam vt addiscant & comparent, quæ ad alios iuandos est necessaria. Postremum eos homines continet, qui Marthæ sorte contenti, domestica ministeria curant (vt alij iis expediti spiritalia liberius exerceant) quos propterea Coadiutores temporales vocat. Hi omnes quicunque admittuntur, duos annos in nouitiatu sunt, intra quos votū nullum ex instituto edere coguntur, sed se ipsi ac

Reli-

Religionem probant. Hoc autem probationis tēpus, quod productius, quā in reliquis Religionibus, ac prolixius est, magnam affert utilitatem iis qui probantur, & ipsi etiā Societati. Nam cū in subsidium humanæ fragilitatis spatium probationis sit institutum, ut Innocentij^a tertiij verbis utar, & nō solum in fauorē conuersi, sed etiā Monasterij à sanctis Patribus inductū, ut & ille hui⁹ asperitates, & hoc mores illi⁹ valeat experiri: hoc bien- ni spatio, nostri nouitij diligentius rētota expēdunt, ac lentius institutū probāt, versantes diu, quid ferre recusent, quid valeant humeri (ne impetu quodā animi potius quā ratione, aut Dei spiritu impulsī, onus tollāt quod ferre nō possint) & Societas vicissim illos etiā probat, & intus, & in ente noscere studet: ne hominibus sese inutilibus oneret, eosq. minus probatos admittat, quos paulo pōst dimitti necesse sit. Estq. omnino & rationi consentaneū, & sanctorū Patrū doctrinæ conueniens, & ab ipsa etiā antiqua consuetudine nō alienum (quæ varia olim, & multiplex in Ecclesia Dei fuit) ut eo diutius atq. attentius Religionis institutum quisque perpendat, antequam illud aggrediatur, & capiat, quo grauius ipsum & præclarus est. & ut Religio etiā cō magis perspectos habeat, atque exploratos illos,

a De reg.
& trans-
eunt ad
rel. c. 16.
ad Apo-
stolicam.

Pachomius
regulā ac-
cepit ab
Angelo in
qua trien-
nij proba-
tio prae-
cipitur, de
quo Nice-
phor. li. 9.
c. 14. &
Paladius
in vita
ipsius.

Hoc idem
triennij
spatiū in
multis
iubet Gre-
go. lib. 7.
reg. Epi-
stola 11.

& Iustinianus Auth. col. 1. tit. 5. Sacras sequens regulas idem statuit. Greg. tamē lib. 8. Epist. 23. biennio probari vult eos, qui ad cōuersionem suscipiuntur in Religionibus deformati, Benedictus annū tantū probationis instituit, & S. Greg. confirmauit, ut scribit Alex. 2. 17. q. 2. c. 6. Genaldus. Magna itaq. fuit olim varietas in Ecclesia Dei.

Coloss. 3.

illos, qui veniunt ad se, quo eius institutum arduū magis atque excellentius est. Quamobrem duorum annorum spatiū, ad probandos nouitios suos, sedes Apostolica Societati dedit. Quo toto tempore, omnibus in rebus proprii instituti accuratè probantur, & orandi, tum voce tum mente assiduo vsu exercentur, variisq̃ue rationibus, quæ pertinet ad extirpandas prauas animi cupiditates, & mortificanda mēbra quæ sunt super terrā, vt quidem ait Apostolus, & humilitatis officiis sursum deorsum versantur. Probationis enim tempore, Præfecti atque nouitiorum Magistri, eorum vocationem diligenter explorant & diiudicant: & vt illi ipsi eam intelligant, & confirmant, magnopere laborant: in singulorum ingenium ac facultates studiosè inquirent: quas cum habēt cōpertas, in suo quemque loco & gradu constituunt, nihil supra vires præscribunt, sed illas potius subleuant, & gratiæ Dei & naturæ seruiūt. Porro cū multa iis tradūt, quæ ad confirmādos eorū animos pertinet, & ad Regulā instituti proprii, normāq̃. reuocandos, tū verò quatuor illa, quæ ex Ignatii disciplina atq. exēplo, quasi dogmata præcipua, & præceptorū reliquorū tanquam fontes sunt: Primū est, vt Deū in rebus omnibus inuenire studeant. Alterū, illud vnū propositū habeant, vt omnia ad maiore Dei gloriā fiant. Tertium, obedientiā mordicus teneāt, summāq̃. in ea colenda religionē constituent. Postremum est, vt aliud nihil ex hoc

mun-

mundo quærant, quàm quod quæsiuit Christus, vt sicut ille venit animas saluas facere, pro iis pati, ac mortem oppetere, ita ipsi animas Christo lucrificare omni ratione nitantur: pro eis labori se, ac morti alacres etiam obiciant: opprobria & cõtumelias, si inferantur, non solũ equo, sed etiã libẽti atque hilari animo propter Christum excipiant: si non inferantur, cupidè appetant, nullam tamen dantes ipsi causam vel occasionem maledicti. Quod si quis consiliis Præpositorum, ac monitis, aut Societatis institutis, vel pertinaciter repugnat, vel non satis se accommodat, à Societate dimittitur. Illud enim antiquissimum huic Societati est, vt quo puram se ac synceram tueatur, quicquid vitiosum ac corruptum est, præcidat, neque quenquã retineat, quem ex instituto retinere non debet. Biennio igitur expleto, primi generis illi, quos commemorauimus, ab eruditione satis instructi, si ad doctrinam, virtutem quoque ac probitatem adiecerint, & se Societati probauerint, possunt professionem emittere: si probata satis eorum virtus non videatur, amplius exploratur. Sed tunc quidem illi ipsi, & ij etiam qui secundo genere continentur, ac spirituales Coadiutores vocantur, Scholastici præterea, ac tẽporales Coadiutores, votis se perpetuæ paupertatis, castitatis, & obedientiæ post nouitiatum obstringunt. Quæ quidem vota simplicia, non solennia sunt: quibus nimium ita astringuntur, vt liberũ tamen Societati

cietati ante professionē sit, quos nō probat dimittere, ac dimissos ab omni votorū obligatione absolvere. Quocirca in huiusmodi votis, pollicitatio quēdā est, volūtaria & libera, ac simplex offerentis promissio, quo qui vouet, quantū in se est, in perpetuū se tradit Religioni. Qui quidem, re tota per biennium (vt diximus) explorata & perspecta, teneri sponte vult, & viuere ac mori hac conditione in Societate: quod certē ante ingressum cū liber sit, cuique iuris ac dominus, re minus explorata utique facere potuisset. Societatis verò tametsi nulla est obligatio peculiaris ac propria, quæ quidem ab votis illorum pendeat; illa tamen maxima est atq. firmissima, quam constitutiones ipsius Societatis, ac leges imponunt: quæ nimirum sanctē vetant, temerē quenquā, aut inconsideratē dimitti, aut propter morbū quē Societati seruiens contraxit: aut propter causas quæ sanari aliter possunt. Dimittēdi autē causæ præcipuæ (vt vno verbo dicā) ad duas rediguntur: cū aut illi ipsi qui dimittitur, aut Societati expedit hominē dimitti: tūc enim illū retineri, contrarium esset charitati, cui omnia seruire debēt. Et quidē cū necessariō dimittitur, tā consideratē, tā cautē, tā beneuolē ac dolenter faciendū esse cōstitutiones iubent, vt nihil ad summā moderationē, religiosā inq. prudentiā prætermissum esse videatur. Atque vt hoc quā consideratissimē fiat, solus Præpositus Generalis potestatem habet, eos ab Societate dimittendi, qui
huius-

huiusmodi votis post biennium obligati sunt. Quocirca non est in eorum, qui regunt, potestate, quenquam pro suo arbitratu à Societate dimittere, sed præscripto ac lege viuitur: & si qua in re moderatos se illi præbent, ac benignos, in hac (vt par est) quâ maximè. Nā præterquam quòd Christiana charitas hanc moderationem postulat, Societatis ipsius rationes vehementer exigunt, atque adco flagitant, ne inconsultè aut facilè, eruditi iam, & magnis eius multorum annorum laboribus, & sumptibus exculi ac perpoliti homines dimittantur, quos lentè, magnoq. iudicio, rudes atque impolitos admisit. Inconsultum enim esset, in serèdo strenuè laborare, merendi maturam frugem, percipiendique fructus tempus negligere. Sed cum Societatis excelles finis sit, ac proinde innumeris plenus difficultatibus, probatos viros, atque exercitatos omninò desiderat, vt sine offensione obtineatur. Quæ causa est, neminem vt censeat ad professionem admittendum, cuius virtus ac doctrina multis experimentis ac diuturnis perspecta antea non sit: ne videlicet sui, onus supra vires tollant, eoq. opprimantur, atq. exitio iis sint, quibus saluti esse debuerant. At dum probantur, dum instituuntur, ne vagi omninò sint, & liberi, votorum huiusmodi (vt diximus) religione vinciuntur, & pedetentim, gradatimq. ab imis ascendunt ad summa. Est igitur hæc ratio noua quidem, sed in hac parte nouo instituto conueniens, Schola-

sticis salutaris, Societati necessaria, perutilis Ecclesiæ Dei. Nam Scholastici votorum merito ac fructu gaudēt, & firmiores in sua vocatione, iis obligati reddūtur. Et Societas votis eiusmodi veluti obsidibus acceptis, minus de eorum voluntate cōstantiaque dubitabit: neq. metuet, ne populus oleū, ipsa vero operā perdat, & vtriq. beneficiū apud eos ponāt, qui ipsorū benignitate atq. opera, bonas artes adepti, vbi referēdæ gratiæ tēpus aduenerit, ad sæculum redituri sint. Quod p̄fecto si fieret, iniquū esset, neq. minus iniustū, quā si quis bonis Ecclesiasticis locupletat⁹, & Christi patrimonio diues, stiūā manutenens, post tergum respiceret, statumque Ecclesiasticū deferens, negotiis rursus huius sæculi se implicaret. Quod nequando fieri possit, sacris Canonibus cautum est, vt si quis ad regimen Ecclesiæ parochialis assumptus, ad Sacerdotium intra annum propter studiū non promoueat⁹, subdiaconatum tamen suscipiat, votoque se astringat. Quod vtrique votum, quasi fidei iussor quidam est Ecclesiæ Dei, eius qui voto se obstringit futuræ constantiæ. Ne quemadmodū Pontifex ait; sicut à multis, de Christi patrimonio sublimatis, olim factū esse dignoscitur, à statu retrocedere valeat Clericali. Ecclesia verò Christi magno eorū Apostatarum numero hac ratione liberatur, qui è Societate egressi, suis votis obligati perpetuo existerent, neque aliam viuendi rationem suscipere tutò possent: sicuti aliarum Religio-

num

In 6. de
elect. &
electi po-
testate rit.
6 c. Cñ ex
eo.

Ibidem.

num apostatis accidere, ipsa experiētia docet. Neque verò ei vlla fit iniuria, qui dimittitur, quandoquidē volens, ac sciens hāc legē subiit cum admissus est: ac liber omnino, sui quē iuris relinquitur cum dimittitur: & meliori cōditione plerumque egreditur, quā ingressus est. Neque dimittitur, nisi propter ipsius, aut propter vniuersę Societatis bonū: cuius (quoniam multorum commune bonum est) maior sanē ratio, quā cuiuscunque boni priuati habenda est. Vt enim maius bonum, minori bono præponitur: ita cōmunis vtilitas speciali vtilitati præfertur. Quod si Religiones omnes possunt, & solent, professos etiam suos qui insanabiles videntur, & curationem non admittunt, è cœtu suo pellere; cum tamen sic eiekti, professionē suam quo ad possunt præstare teneantur: nulli sanē mirum videri debet, si Societas eos ab se dimittit, qui professionem nullam susceperunt, sed vota tantum simplicia ediderunt, quorum, cum dimittuntur, vinculis exoluti, liberam quocunque velint abeundi habent potestatem. Neque verò, si is qui Societatem ingreditur, ipsi Societati sese committit & credit, sperans se nullo vnquam tempore ab illa dimittendum, nisi magna quadā ratione: par est vt Societas illi ipsi ita confidat, vt nullam illius perseuerantiæ atque stabilitatis exigat cautionem. Nō enim partes pares sunt. Neque tamen si rectē perpendas, minor aut infirmior est cautio (vt paulò antè diximus) quam filiis suis præstat

*Inno. III.
de reg. &
transf. ad
relig. c. Li
cet.*

Societas ex instituto, ea, quam ab illis accipit ex voto. Et iis quidem vilitatibus nouū hoc institutū firmatur. Neque tamen ita nouum est, vt non multa eius vestigia in seminariis antiquis Clericorum habeamus, quemadmodum in nonnullis Toletanis Conciliis, aliisq. videre est, quæ huc adducere, & alias rationes afferre, nimis longum esset, & à nostro instituto alienum, minimeq. necessarium. Nam quod caput est, cū vniuersum Societatis institutum, tum verò potissimū hæc eius pars, multorum summorum Pontificum iudicio atque institutione, & sacrosancta œcumenici Tridentiniquæ Concilij autoritate comprobatur. Vt ergo ad quatuor illa hominum genera, quæ in Societatem admittuntur, reuertamur: Primi illi qui eruditione sunt conspicui, ad professionem quatuor votorū admittuntur. Secundi, in Coadiutorū spiritalium formatorum gradum, per tria illa vota similiter publica, sed simplicia, in superioris manibus emissa, adsciscuntur. Eodemque modo, qui ad domesticā munia obeunda sunt admissi, certum suum temporalium Coadiutorū formatorum gradum, & ipsi consequuntur: vtrique autē formati Coadiutores, nullius postea hæreditariæ successionis sunt capaces, vt in constitutione Gregorij x i i i. (quam paulò post subiciam) videre est. Spirituales Coadiutores, quasi subsidiarij milites adiuuāt professōs & subleuant, & ad omnes excursions parati sunt. Temporales verò Coadiutores,

reli-

Tol. 2. c. 1.

Tole. 4. c.

23.

Cabil. c. 3.

sub Ludo.

Tio A-

quisia.

c. 135.

reliquos domesticarum rerum cura leuant. Scholastici literas discunt, & cū spiritu quem in Nonitiatu hauserunt, doctrinam coniungunt: totoque studiorum tempore, ita literarum disciplinis vacant, vt pietatem teneant, suique mortificationem non omittāt: immò verò in multis se Professorum & Coadiutorum spiritualium muneribus exercent (pro facultate cuiusq. & ingenio) vt consuetudine bene agendi paratiores sint, & tanquam exercitiores, ad illorum ministeria suo tempore obeunda. Hoc in Collegiis fit. Habet enim Societas Domos & Collegia, quæ ita distinguuntur. Domus aut probationis sunt, in quibus eo quo diximus modo, ad religionis disciplinam cōformantur Nouitij: aut Professorum, in quibus scilicet, qui Nouitiatus, ac studiorum laboribus perfuncti sunt, confessionibus, prædicationibus, aliisque pietatis ministeriis, ad proximorum vtilitatē se exercent. Collegia Scholasticorum sunt, in iis quamuis nonnulla Professorū vsurpētur munia, propria tamen illorum sunt, quæcunque pertinent ad discendas vel docēdas eas disciplinas, quæ ad Professorum ministeria rectè obeūda sunt necessaria. Domus professorum redditus nullos habere possunt (ne ad ædificationem quidē Templi, aut cultum eius, ac ornatum) nec possessiones vllas, priuatim vel in communi: nec ius petendi vllas, perpetuas eleēmofynas, sed quotidie vīuunt. Domibus probationis & Collegiis bona in cōmune

habere licet: vt & nouitij oneri ne sint popu-
lis, antequam vsui esse incipiant, & Scholasti-
ci victum quærendi sollicitudine expediti, li-
berius in rerum cognitionē incumbāt. Eius-
modi autem redditus, vel à ciuitatibus publi-
cè constituuntur, vel priuatim à primariis vi-
ris ac copiosis, qui facultates suas rectè se
collocare hac ratione putant, & præclarè de
hominibus mereri, vt **xxiiii. capite** dicam,
Collegiorum bona professa Societas admini-
strat: ex quibus tamen ad ipsam nulla perue-
nire potest utilitas, sed in victu Scholastico-
rum & vestitu penitus consumuntur. Ita fit,
vt quorum est fructus, ij sub sint imperio, ne-
que bonis abutendi habeant facultatem: qui
præsumunt, ex suis laboribus utilitatem nullam
propriam percipiant, sed eam in certos vsus
fratrum suorum, præstitutosque conuertant.
Scholastici studiis confectis ad incudem rur-
sus reuocantur, ac veluti excoquuntur, vt in
Professorum, aut spiritualium Coadiutorum
formatorum adsciscantur numerum. At verò
Professis magna est in primis autoritas, & ius
Societatem gubernandi. Ex illis, Assistentes,
Prouinciales, Commissarij, Visitatores creā-
tur, & Præpositus ipse Generalis. Ex quo etiā
conuenit, vt spectatæ virtutis ac eruditionis
laude, rerumque vsu præstent, cum omnibus
tamen æqualiter (vt faciunt) viuant, & humi-
litate ac modestia exæquēt, quæ poterant vi-
deri inæqualia. Edunt autem professi solen-
nia vota tria, cæterarum Religionum more,
Pau-

Paupertatis, Castitatis, & Obedientiæ (iis enim tribus votis, vis Religionis & natura continetur) addunt quartum peculiare, ac proprium Societatis, de Obedientia ad missiones Romano Pontifici fideliter præstanda. Quod quidem his temporibus luctuosis ac perditis, quibus sacrosanctæ Sedis autoritas ab hæreticis acerrimè impugnatur, diuinum planè inuentum fuit. Nam præter alias vtilitates, quas continet multas & magnas, quæ in ipsa Instituti formula tanguntur, certè arctius adstringit, quod hæretici laxare student. Sed ut non solum in præsens optimè Societas gubernetur, verum etiam in posterum, & cupiditati atque ambitioni, religiosi status certissimis pestibus, quantum in ipsa est, occurratur: alia vota simplicia professi emittunt, promittuntque se non consensuros, ut Constitutiones de paupertate, quæ nunc est in Societate, immutentur, nisi fortè ut magis illam contrahant & arctent, nullam in Societate dignitatem, neque apertè neque occultè quaesituros: si quem verò abiisse sciuerint, fideliter prodituros: extra Societatem verò, nullam admissuros dignitatem, nisi eius qui præcipere possit, obedientia compellantur.

GVERNATIONIS porro forma & ratio hæc est: Vniuersæ Societati cum summa potestate præest Præpositus vnus generalis. Is Præpositorum Prouincialium suffragio adlegitur, & duorum prætereà Professorum, qui in congregatione Prouinciali electi, vnà cum Pro-

uinciali ex singulis Prouinciis ad generalem conuentum veniunt, perpetuusque est, ac maximam inter omnes habet autoritatē. Ipse ex cognitione rerum omnium & personarum Societatis, quā habet permagnam, Rectores Collegiorum, Domorum Præpositos constituit: Prouinciales, Visitatores, ac Commissarios creat. Quæ ratio commodissima est, & ad pacem, modestiam, humilitatemque conservandam aptissima: tollit enim ac rescindit perturbationes animorum, dissensiones, inuidias, odia, quæ Prælatorū electiones ferè consequuntur eas, quæ ex multorum pendēt iudicio ac voluntate. Præpositus item Generalis per se, vel per suos Prouinciales, Collegia moderatur: facultates à sede Apostolica Societati datas, & priuilegia suis dispensat, eorum vsum adstringit, relaxat, concedit, reuocat: admittendi in Societatem, atque ab ea dimittendi, in Professorū numerum cooptandi, Conuentus generales (quibus ipse præest) indicendi, ac peragendi, plenissimam potestatem habet: denique ad eius arbitriū iudiciumque, summa omnium rerum, consiliorumque redit. Qua potestate ne ille forrè abutatur, præter eam curam, quæ in optimo Generali Præposito eligendo, atque ad id munus aptissimo adhibetur (quæ summa est, parique religione seruatur) quorū suffragio Præpositus Generalis creatur, ab eisdem quatuor spectatissimi Patres eliguntur, qui Assistentes appellantur, suntque Præposito Generali à consilio.

Illi victum eius ac vestitum moderantur, labores definiunt, de erratis in humilitate admonent: ad eamque rem Admonitor (sic enim vocatur) ab ipsa Societate est constitutus. Si quid grauius accidat, si acerbus ille plus æquo ac violentus, si bonorum Collegiorum profusus aut præposterus distributor fortasse sit, si doctrina deprauatus, vel moribus (homines enim sumus) congregationem generalē (quæ quoniam vniuersam Societatem repræsentat: ipso etiā Præposito Generali superior est) indicendi penes Assistentes ius est, in qua veritas eorum rerum, & pondus examinatur; & pro modo culpæ, pœna imponitur. Priuari enim Generalatu Præpositus Generalis potest, si res exigat, & grauioribus etiā supplicis affici. Ex quo Societatis gubernatio, cum proximè ad Monarchiam accedat, multum etiam habet Aristocratix. Virato enim quod viriosum esse potest, id quod in utroque genere est optimū, Societas sumpsit. Nam vnum esse in gubernatione Principem, præclarum quidem est, & ad conseruationem firmū: sed si ille sit moderatus & sapiens. Verū tamen periculosum est, ne honore elatus, libidinem suam, non rationem sequatur: & quod traditum est ad salutem, in perniciem multorum conuertat. Et vt hoc quidem absit, utque maximè sapiens sit, omnia certè scire vnus non potest, ac propterea, Ibi salus populi, vbi consilia multa. Quod enim quisque præ aliis scit, id in commune confert. At verò illud subest

Preuer.

11.

in multitudine periculi, ne quot capita, tot sint sententiæ, & illud vnū, quo maximè hominum conuentus, ac consociatio continetur, distractum in varia dissoluatur. Quæ pericula in vtroque genere vt vitaret, & vnitatem hæc Societas à Monarchia accepit, & ab Optimatibus consilium, & ita vtrunq. temperauit, vt Præpositus Generalis & præsit omnibus, & ipse quodammodò subsit, eiusq. Assistentes Consiliarij, non Iudices sint. Hæc est instituti Societatis huius species quædam, ac gubernationis forma, quā Ignatius expressit, ac nobis reliquit. Quæ quidem, vt ex superioribus liquet, quanquam multa cum reliquis Religionibus coniuncta atq. communia, nonnulla tamen propria habet ac singularia. Nam cum hæc Societas Religio sit, ea habeat necesse est, quæ ceteræ habent Religiones, & quæ ita propria Religionis sunt, vt ab ea diuelli, distrahiq. non possint. Ea autem sunt vota tria, Paupertatis, Castitatis, ac Obedientiæ, in quibus vis ac natura religionis posita est, & quæ si absint, religio esse, diciue non possit. Sed cum etiam Religio Clericorum sit (quemadmodum Tridentina synodus testatur) à religionibus omnibus Monasticis differat, oportet: in iis quidē, quibus illæ à Clero distant, dissidentq. Et quamuis religiones omnes eodem spectent, & ad perfectionem Evangelicam tanquam in vnum eundemq. finem vltimum referantur: vnaquæque tamen finem suum præcipuum ac peculiarem

fiarem habet, quem respicit ac sequitur. Qui finis cum alius alibi sit, etiam ea quæ ad finem illum diriguntur, diuersa, diuersis in Religionibus sint, necesse est. Pendent enim ex extremo media; & ex fine, ea quæ finis gratia quærantur. Neque vlla Religio reperiri potest quæ tantam habeat cum vlla alia religione similitudinem & affinitatem, vt non multa etiã habeat dissimilia, & propria. Nam si nihil omnino inter vtramque intersit, non duæ similes, sed vna, eademque sit Religio. Habet præterea Religio quælibet sua priuilegia, & iuris communis dispensationes, quas Christi in terris Vicarius, quasi ipsius iuris communis autor, interpret, ac dispensator sua autoritate facit, ad vtilitatem atque ornamentum Ecclesiæ sanctæ. Quæ quidem admirabili hac varietate circumamicta est, & tanquam castra Dei, habet plurimas atque inuictas armatorum militum acies, in commune quidem fortissimè dimicantium, sed non eisdem omnes, sed singulas apris, suis, propriisque armis vtentium. Quæ quidem armorum genera, tam inter se differunt, quàm milites, qui armis vtuntur. Denique Deus, qui sapientissimè omnia gubernat, ad morbi naturam medicinam accommodat, & pro temporum varietate, ad Ecclesiam suam vel excolendam, vel illustrandam varias Religionis præfinitis à se ætatibus mittit.

*Constitutio, & Instituti Societa-
tis Iesu confirmatio.*

CAP. XXIII.

CUm hæc scripsissem, & publicare ac prælo mandare vellem, noua Constitutio felicitis recordationis Gregorij XIII. in manus meas venit. In qua cum vniuersum Societatis Institutum declarat, omniaque eius priuilegia, constitutiones, atque statuta approbat, & denuò confirmat: tum verò præcipua quædam ex iis quæ à me in proximo capite explicata sunt, ita definit & statuit, vt rem totam qua de agimus, maximè illustret. Atque etiam excommunicationis lætæ sententiæ anathemate eos constringit, qui iis contraria dixerint, docuerintve. Et temerariam quorundam frænat audaciam, qui de hoc instituto, & de aliis Apostolicis eiusdem Gregorij literis, illud similiter confirmantibus detrudere ausi sunt: omnesque illorum assertiones huic Constitutioni repugnantes, falsas & temerarias esse pronuntiat. Nam cum hæc religio, Iesu Societas sit, effugere certè calumnias non potest, quas quidem ipse Dominus Iesus, & omnes aliæ religiones, quæ Societates item Iesu, ac vera membra sunt, nusquam non pertulerunt. Id quod Sacri Ordines Diui Dominici, ac Diui Francisci abundè testantur, quī grauissimè initio ab improbis exagitati sunt, atque omnibus machinis pertinaciter oppugnati. Sed Deus qui

qui & institutor sanctarum Religionum, & propugnator est, Vicarios suos, Pontifices Maximos diuinitus permouit, vt illarū protectionem atque defensionem susciperent: & clarissimos atque sanctissimos Doctores Thomam Aquinatem, & Bonauenturam, eo ipso tempore prouidentissimè illis auxilio misit, vt hostium conatus retardarent, calumnias obtererent, audaciam frangerent atque contunderent, & doctrinæ cælestis splendore, offusam animis caliginem discuterent. Sed vt hæc omnia Lector magis etiam perspiciat, partem ipsius Sanctissimi Domini N. Constitutionis hic subiiciendam existimaui.

GRE-

GREGORIUS EPI- SCOPVS, SERVVS seruorum Dei, ad perpetuam rei memoriam



SCENDENTE Domino & Saluatore nostro in nauiculā, ecce motus magnus factus est in mari, ipse autem à discipulis rogatus, ventis imperauit, & facta est tranquillitas, quam nos in Petri nauicula collocati, turbinibus excitatis, ab eodem Domino asiduis precibus postulantes, nostram interea operam & laborē in frangendis procellosis fluctibus impendere non desistimus: cumq; tanti laboris socios, & validos remiges diuina nobis prouidentia preparauerit, eorum opera in superandis saeuientis pelagi tempestatibus nos maximè subleuat, qui pro communi fluctuantium animarum salute propria commoda nihili pendūt, seq; ad omnia discrimina exponunt. In quo cum aliarum Religionum studia, tum Societatis Ie-
su

*su assiduus pro Christo labor, nec non usque
 ad finem perseuerantia, promptam se osten-
 dit, cumq; prolem Catholica Religioni valde
 proficuum, & ad omnia periculâ pro vni-
 uersali Ecclesia subeunda paratam procrea-
 uerit, aliam atque aliam à prima non dege-
 nerẽ, præstante gratia Dei, quotidie substi-
 tuit, vt nobis eorum alumni per multiplices
 probationum gradus altius prouecti, semper
 præsto sint: quos in rebus arduis suscipiendis
 fructuosos operarios adsciscamus: eos autem,
 vt firmiorem nobis opem ad prædicta nauare
 possint, ab omni non modò iniuria, sed etiam
 calūnia studemus intactos conseruare. Quod
 vt à nobis efficiatur, ipsius instituta tanquam
 fundamenta eius præsidij, quod Catholica
 Religioni impendunt, immota atque incon-
 cussa, aliorum etiam Romanorum Pontifi-
 cum exẽplo debemus Apostolica auctorita-
 te tueri, quorum felic. recor. Paulus III. &
 Iulius etiam III. Constitutiones, & lauda-
 bile dictæ Societatis institutũ confirmarunt;
 Paulusq; idem eã ipsam ab omni quorum-
 cunque ordinariorum iurisdictione exemit,*

*Societa-
 tis con-
 firma-
 uones
 alia.*

Exem-
ptio So-
cietatis.

Societas
mendi-
cans de-
clarata.

Finis.

Media.

quo instituto per Paulum IIII. examina-
to, & à Synodo Tridentina commendato,
Pius V. item prædecessor noster, Societatem
ipsam ordinem esse mendicantem declara-
uit. Quæ omnia non immerito ab eis sunt
concessa ob egregias virtutes, & dona So-
cietati antedictæ diuinitus-elargita, cuius
præcipuus finis Catholica est Religionis de-
fensio ac propagatio, animarumq; in Chri-
stiana vita & doctrina profectus. Gratia
quoque eius vocationis est proprium, diuersa
orbis terrarum loca ex Romani Pontificis,
seu Præpositi generalis eiusdem Societatis
directione peragere, vitamque in quauis
mundi parte agere, ubi saluandarum sua ope-
ra animarum copiosior prouentus ad Dei
gloriam speretur. Ad quem finem Spiritus
sanctus bo. me. Ignatij Loiola, Societatis ip-
sius Institutoris, eiusq; sociorum excitator,
media quoque prædicationum ac cuiuscunq;
ministerij verbi Dei doctrinaq; Christiana,
& spiritualium exercitiorum, aliorum item
charitatis operum, & Sacramentorum ad-
ministrationis, ac præcipuè Pœnitentiæ, &

Eucha-

Eucharistiæ, horumq; frequentioris vsus accommodavit. Ad quæ sufficienter & pro dignitate præstanda, difficultates superandas, periculaq; adcunda, quibus dictæ Societatis Religiosi in huiusmodi discursionibus & ministeriis exponuntur, necesse est vt ipsi talia obituri, magno virtutis & deuotionis præsidio muniantur, quod illis gratia in primis omnipotentis Dei, simulq; educatio ipsa, longa item in Societate probatio, nec non regularum & constitutionum obseruantia præstare noscuntur. Quibus Cõstitutionibus, vt tanta ponant rudimēta virtutis ad quam aluntur, statutū est, vt Nouiti in Societate biennio probentur; quo expleto, si ipsi perseuerare voluerint, & Societati fuerit ab eis satisfactum (quoniam Societas ipsa non solis Nouitiis, & Professis, vt reliqui regulares ordines, constat) tria substantialia vota simplicia (nisi quis interdum ad professionem, vel gradum Coadiutorum formatorum admittendus videretur) Paupertatis, Castitatis, & Obedientiæ, in eadem Societate ex Apostolico indulto, ac iuxta vouendi formulam in eis-

Longa
proba-
tio.

Nouiti
biennio
proban-
tur.

Tria
substan-
tialia vo-
ta sim-
plicia.

dem Constitutionibus expressam emittunt, ac secundum illas promittunt se eandem Societatem ingressuros, hoc est, vltiorem aliquem illius gradum, prout Praeposito videbitur Generali. Quibus votis emissis, Novitijs esse desinunt, & in Societatis corpus, qui literis operam dederint vel daturi sunt, ut Scholares approbati: alij verò ut Coadiutores temporales nondum formati cooptantur, ac quantum est ex parte ipsorum, perpetuò; ex parte verò Societatis, iuxta Apostolica indulta, & Constitutiones praedictas tamdiu obligati sunt, quamdiu Praepositus Generalis eos in Societate retinendos esse censuerit. Quod ad Societatis conservationem maxime esse necessariū, idq; ab illius exordio prouisum, & post experimento comprobatum est, idq; initio ingressus illi explicitè manifestatur, atque ipsi conditionem hanc amplectuntur, quæ eis (si quos dimittere oporteat) multo est commodior, ut liberi potius, quam votis obligati dimittantur, alijsq; iustis & rationabilibus de causis. Coadiutores temporales non formati, qui non ad studia literatorum,

Schola-
res ap-
probati.
Coadiu-
tores tē-
porales.

Coadiu-
torū tē-
poraliū
forma
torū tria
sustātia-
lia vera
publica,
& in ma-
nibus,
sed sim-
plicia.

rarum, sed ad domestica munia curanda destinantur, post aliquot annos, quibus Generali Præposito, & Societati satisfecerint, per tria item Paupertatis, Castitatis, & Obedientiæ vota, licet publica, & in manibus Superioris emissa, non tamen solennia, sed tum ex Constitutionum præscripto, tum ex vouentis & admittentis intentione simplicia existunt, in Coadiutorum temporalium formatorum gradum admittuntur. Scholares verò, studiis in Societate absolutis, antequam professi, vel Coadiutores spirituales formati fiant, non solum tertium adhuc ulterioris probationis annum, in deuotionis & humilitatis exercitiis impendunt, ut si qua fortasse in re, harum virtutum feruor per literarum occupationem intepuerit, per eandem virtutum frequentiore exercitationem ardentiorēq; Diuini auxilij inuocationem recalescat; sed etiam in verbi Dei sacrarum & scholasticarum lectionum, pœnitentiæq; & Eucharistiæ Sacramentorū Societatis ministeriis tamdiu probantur, quamdiu Præposito Generali vide-

Tertius
proba-
tionis
annus.

Qui nā
ad pro-
fessionē
quatuor
votorū
admit-
tendi.

tur, nec antequam ipsi Præposito sint planè
perspecti, eiꝯ in omnibus satisfecerint, ad
huiusmodi gradus promouentur. Qui enim
ad professionem quatuor votorum admittē-
di sunt, eos iuxta Constitutiones easdem, &
Apostolica decreta & indulta viros omninò
humiles ac prudentes in Christo, & in vitæ
puritatē ac literis conspicuos, diuturniqꝫ ac
diligentissimis experimentis probatos, atque
Sacerdotes, & in ministeriis huiusmodi prius
diu multumqꝫ versatos, vocatio hæc requirit,
ut potè quos ardua maneant ministeria. Quo
fit, ut non omnes ad eandem professionē ido-
nei esse, nec tales sine longa exercitatione at-
que experimento fieri, aut etiam cognosci
possint. Quapropter Societatis corpus in sua
membra & gradus idem Ignatius diuino in-
stinctu ita duxit disponendum, ut præter eos
quos Præpositus Generalis ad professionem
quatuor votorū idoneos esse cēsuērit, & non-
nullos, quos interdū ad professionem triū ad-
mittere potest, reliqui etiam Sacerdotes,
quorum vita & doctrina in Societate diu
probata esset, ac Præposito Generali perspe-
cta,

Professi
triū vo-
torum.

Et, & de ipsius licētia in Coadiutorum spi-
 ritualium formatorum gradum, per tria il-
 la vota similiter publica, sed simplicia, in su-
 perioris manibus emissā admitteretur. Qui-
 bus emissis, tam hi qui spirituales, quā qui
 tēporales Coadiutores formati fuerint, cer-
 tum in Societate gradum habent, suntq;
 omnis hereditaria successione incapaces, ni-
 hilq; omnino proprij iuxta Constitutiones
 easdem habere possunt. Nec propter emissā
 huiusmodi vota publica, aut per mortem ab
 intestato in illorū sicuti nec in Professorū bo-
 nis Domus vlla, aut Ecclesia vel Collegiū di-
 ctæ Societatis succedere potest. Qui verò
 quatuor votorum Professi futuri sunt, ij tri-
 bus illis solennibus substātialibus votis quar-
 tum similiter solenne addunt specialis Sum-
 mo Pontifici obedientiæ circa missiones præ-
 standæ ob certiores Spiritus sancti in misio-
 nibus ipsis directionem, ac maiorem ipsorum
 mittendorum Sedi Apostolicæ obedientiam,
 maioremq; deuotionem, humilitatem, mor-
 tificationem ac voluntatum abnegationem.
 Post emissam verò professionem siue qua-

Coadi-
 tores spi-
 rituales.
 formati.

Coadi-
 torū for-
 matorū
 certus in
 Societa-
 te gra-
 dus, &
 pauper-
 tas.

Quartū
 votum
 solenne.

Alia vo-
ta sim-
plicia
Profes-
sorum.

tuor, siue trium votorum, Professi ad Pau-
pertatis, quæ regularis instituti murus est &
propugnaculum, perfectionem tuendam,
omnemq; ambitionis occasionem excluden-
dam, nonnulla alia simplicia vota emittunt:
quibus promittunt se nunquam quacunque
ratione acturos vel consensuros, vt quæ in
Constitutionibus Societatis circa paupertatem
ordinata sunt, immutentur, nisi quando
ex iusta rerum exigentium causa pauper-
tas magis restringenda videretur: neq. præ-
tensuros ne indirectè quidem, vt in aliquam
prælationem vel dignitatem intra vel extra
Societatem eligantur: nec extra Societatem
in sui electionem, quantum in eis fuerit, con-
sensuros, nisi coacti obedientia eius, qui id ip-
sis possit sub pœna peccati præcipere. * Item
Societati vel eius Præposito manifestaturos,
si quem sciât aliquid huiusmodi moliri. Por-
rò non solùm Professi, & Coadiutores forma-
ri, sed ex aliis, quicunque absoluto probatio-
nis biennio prædicta tria substantialia vota
etiã simplicia emisserint, si absque expressa
licentia à Societate discedant, etiã si præ-
textu

* Qui e-
missis
votis
etiã sim-
plicibus
fineli-
centia
disce-
dūt, apo-
stati, &
excom-
munica-
tionis
pœnas
incur-
runt.

textu melioris frugis, & transitus ad alium quēmcunque ordinem (Carthusiēsum dun-
taxat excepto) id faciant, apostasia & ex-
communicationis ex Apostolica sedis de-
creto pœnas incurrunt, à quibus non nisi à
Summo Pontifice, vel à Generali Præposito
absolui possunt. Iniquè enim cum Societate
ipsa ageretur, si viris multo labore ad ardua
ministeria eruditis, cum religionis Catholicae
& huius Sedis detrimento priuaretur, præ-
sertim cū Societatis Cōstitutiones, & pri-
uilegia quæ supradiçta continent, in separa-
ta, antequam ad nouitiorum conuictum ad-
mittantur, habitatione eis maturius consi-
deranda tradantur. Biennio Nouitiatus cō-
pleto, & emissis votis simplicibus, vna est
omnibus omninò viuendi & obediendi ratio,
debent enim omnes in omnibus obedire, & in
communi viuere, non secus alij, atq. ipsi Pro-
fessi & Coadiutores formati, idq. in Domi-
bus quidem Probationum & Collegiis ex
reditibus; in Domibus verò Professorum,
quæ nullos omninò redditus habere possunt,
ex eleëmofynis tantū. Et licet qui ad gradus

Pœnæ
reserua-
tæ.

Omnibus vna
est viuē-
di, & o-
bedien-
di ratio.

Domus
proba-
tionum.
Collegia

Domus
profes-
sorum

Alia vo-
ta sim-
plicia
Profes-
sorum.

tuor, siue trium votorum, Professi ad Pau-
pertatis, quæ regularis instituti murus est &
propugnaculum, perfectionem tuendam,
omnemq; ambitionis occasionem excluden-
dam, nonnulla alia simplicia vota emittunt:
quibus promittunt se nunquam quacunque
ratione acturos vel consensuros, vt quæ in
Constitutionibus Societatis circa pauperta-
tem ordinata sunt, immutentur, nisi quando
ex iusta rerum exigentium causa pauper-
tas magis restringenda videretur: neq. præ-
tensuros ne indirectè quidem, vt in aliquam
prælationem vel dignitatem intra vel extra
Societatem eligantur: nec extra Societatem
in sui electionem, quantum in eis fuerit, con-
sensuros, nisi coacti obedientia eius, qui id ip-
sis possit sub pœna peccati præcipere. * Item
Societati vel eius Præposito manifestaturos,
si quem sciât aliquid huiusmodi moliri. Por-
rò non solùm Professi, & Coadiutores forma-
ri, sed ex aliis, quicunque absoluto probatio-
nis biennio prædicta tria substantialia vota
etiã simplicia emisserint, si absque expressa
licentia à Societate discedant, etiã si præ-

Qui e-
missis
votis
etiã sim-
plicibus
sine li-
centia
disce-
dunt, apo-
stati, &
excom-
munica-
tionis
pœnas
incur-
runt.

textu

textu melioris frugis, & transitus ad alium
 quēmcunque ordinem (Carthusiēſium dun-
 taxat excepto) id faciant, apoſtaſia & ex-
 communicationis ex Apoſtolica ſedis de-
 creto pœnas incurrunt, à quibus non niſi à
 Summo Pontifice, vel à Generali Prapofito Pœnæ
reſerua-
ta.
 abſolui poſſunt. Iniquè enim cum Societate
 ipſa ageretur, ſi viris multo labore ad ardua
 miniſteria eruditis, cum religionis Catholica
 & huius Sedis detrimento priuaretur, præ-
 ſertim cū Societatis Cōſtitutiones, & pri-
 vilegia quæ ſupradicta continent, in ſepara-
 ta, antequam ad nouitiorum conuictum ad-
 mittantur, habitatione eis maturius conſi-
 deranda tradantur. Biennio Nouitiatus cō-
 plecto, & emiſſis votis ſimplicibus, vna eſt Omni-
bus vna
eſt viuē-
di, & o-
bedien-
di ratio.
 omnibus omninò viuendi & obediendi ratio,
 debent enim omnes in omnibus obedire, & in
 communi viuere, non ſecus alijs, atq. ipſi Pro-
 feſſi & Coadiutores formati, idq. in Domi-
 bus quidem Probationum & Collegiis ex Domus
proba-
tionum.
Collegia
 redditibus; in Domibus verò Profeſſorum,
 quæ nullos omninò redditus habere poſſunt, Domus
profef-
ſorum
 ex eleēmoſynis tantū. Et licet qui ad gradus

Promissio di-
stribuē-
di bona
in pau-
peres.

Qui ex-
pleto
biennio
noui-
tius tria
substan-
tialia So-
cietatis
vota sim-
plicia e-
miserint
verē &
proprie
religiosi
existūt.

Professorum, & Coadiutorum formatorum
nondum peruenerunt, bonorum suorum ius
atque dominium tum alias ob iustas causas,
tum etiam vt maiorem Societas habeat li-
bertatem, illos, si opus fuerit, cum minori of-
fensione dimittendi, ad tempus Generalis
Praepositi iudicio praescribendum valeant re-
tinere, vt in pauperes tandem seu alios pios
usus pro ipsorum deuotione distribuunt iuxta
Euangelicum consiliū ac promissionē, quam
initio Nouitiatus faciunt, interim tamen
quantum ad illorum vsum, religiosam pau-
pertatem seruant, nec vlla re tanquam pro-
pria, & sine Superioris facultate vti possunt.
Et quamuis ij omnes qui post bienniū Noui-
tiatus dicta tria vota Simplicia, vt praefertur
emiserint, ac in corpus Societatis cooptati,
illiusq; meritorum, & priuilegiorum non se-
cus atque ipsi Professus participes effecti, quiq;
quantum in eis est, & professionem emitte-
re parati, si ipse Praepositus Generalis id pra-
dictae Societatis instituto congruere iudica-
uerit, & in perpetuū Dei seruitio votis sim-
plicibus consecrati, ac sua sorte, prout lauda-
bile

bile Societatis institutum exigit, contenti,
 verè, & propriè religiosi existant; & si à So-
 cietate deficiat, excommunicationis & aliis
 Apostatarum pœnis sint subiecti: tamen cum
 non ita pridem intellexissemus nonnullorum
 animos, qui p̃ij alioqui & viles operarij
 existebant, sollicitari interdū & affligi, quasi
 non essent religiosi, eo quod non essent Pro-
 fessi, nec etiam deesse qui Religionis prate-
 xtu, transfigurante se in angelum lucis Sa-
 tana, non solum ea occasione inquieti existe-
 rent, sed etiam aliorum pacem & vocatio-
 nem disturbare, eosq; in fraudem & defe-
 ctionem deducere conarentur, vnde fructuo-
 sa hac religio gravissima potuisset accipere
 detrimenta. Idcirco cum diuina providentia
 pro temporum necessitate, varia & salutaria
 Ordinum instituta in Ecclesia sua produxe-
 rit, nouisq; subinde in ea nascentibus morbis
 noua remedia; nouisq; emergentibus hostium
 impugnationibus, noua regulariū Ordinum
 auxilia excitarit; & cuiq. illorum, iuxta cu-
 iuslibet peculiaris gratie vocationem, pecu-
 liares quasdam notas, propria insignia, ac
 oppor-

Si a So-
 cietate
 deficiat,
 excom-
 muni-
 cationis
 & aliis
 Aposta-
 tarum
 pœnis
 subia-
 cent.

opportuna ad finem quem intendit, media
 suggesserit, & nunc maximè (vt felicissimi
 toto orbe successus testatur) mirificos in agro
 Dominico fructus predicto Societatis Iesu
 instituto proferat: quæ Societas (quemadmo-
 dum & alia nascentium regularium Ordi-
 num exordia) à spiritu contradictionis im-
 pugnatur, cùmque ipsi Ordines Romano-
 rum Pontificum propterea constitutionibus
 circummuniri consueuerint: cuius rei san-
 ctorum Dominici & Francisci præclarissimi
 Ordines exempla abundè suppeditarunt: ita
 nos licet alias institutum predictum, Priui-
 legia & Cõstitutiones ipsius Societatis con-
 firmauerimus & declarauerimus, motu pro-
 prio: statuentes eos, qui biennio Nouitiatus
 peracto, tria vota tamen si simplicia emise-
 runt, esse verè, & propriè Religiosos: cum
 præcepto, ne quis hac in dubiũ renocare au-
 deat, ac cum irritante, & aliis decretis, prout
 in nostris super hoc confectis literis plenius
 continetur: quia tamen non defuit temera-
 ria quorundam audacia, qui post declara-
 tionem, decretum, præceptum, & interdi-
 ctum

Societa-
 tis exor-
 dia im-
 pugna-
 ta, vt &
 aliorum
 ordinũ.

Alia in-
 stituti
 declara-
 tio &
 confir-
 matio
 refertur.

Etum nostrū huiusmodi non solum multa ex
 predictis, et fortasse alia ad Societatis institu-
 tum, ac viuendi formam spectantia labefa-
 ctare, sed & ipsa Apostolica decreta, ac præ-
 cepta, publicè, & ex cathedra, ausu temera-
 rio impugnare, mentemq; nostram peruerse
 interpretari non erubescunt, disputantes, &
 predicta in dubium reuocantes: omniaq; ex
 aliorum regularium Ordinum communibus
 rationibus, formis, ac statutis metientes, So-
 cietatis Institutum, peculiare Constitutione-
 nes, ac vim votorum simplicium illius, à Sede
 Apostolica, in eadē Societatis Religione pro-
 batā admissorum, penitus ignorātes, ac non-
 nulli iure antiquo, quæ post illud successu
 temporum huius Sedis autoritate, approba-
 tione, & confirmatione, ac peculiaribus pri-
 uilegiis, sancita, & roborata esse dignoscun-
 tur, perperam interpretantes, conuellere ni-
 tūtur. Hęc Pontifex; & infrā: Nos vni-
 uersalis Ecclesiæ utilitati, quam ex inuiola-
 to & inconcusso dictæ Societatis instituto,
 & religioso sobolis educatione sentimus, &
 maiorem in dies speramus, prospicientes, &
 præ-

Impu-
 gnan-
 tiū ob-
 iectio-
 nes.

Nova
instituti
ac præ-
missorū
omniū
Consti-
tutio-
numq.
& priui-
legiorū
Societa-
tis Con-
firma-
tio.

præterea eiusdē Societatis indemnitati, paci,
quieti, & incremento consulere volentes:
Motu simili, & ex certa scientia nostra, de q̃
Apostolica potestatis plenitudine laudabile
ipsius Societatis institutum, & quæ illud con-
cernunt præmissa omnia, & singula prædi-
ctaq̃ illius ac quæcunque alia priuilegia, fa-
cultates, exēptiones, immunitates, gratias,
& indulta, à prædictis prædecessoribus no-
stris, & à nobis etiam per communicationem
concessa, Constitutiones quoque, ac statuta,
& decreta qualiacunque, ac si ad verbū præ-
sentibus infererentur, pro expressis habentes,
tenore præsentium approbamus & confir-
mamus, suppletes omnes iuris & facti de-
fectus, si qui interuenerint in prædictis Con-
stitutionibus & Statutis. Ad hæc dictā Socie-
tatem firmo sedis huius præsidio communire
volentes, hac nostra perpetua Constitutione,
motu, scientia, & potestatis plenitudine si-
milibus statuimus atque decernimus tria vo-
ta huiusmodi, etsi simplicia, ex huius sedis
institutione, ac nostra etiam declaratione &
confirmatione esse verè substantiaalia Religio-
nis

nis vota, ac in dicta Societate tanquam in Religione approbata, per sedem eandem admissa fuisse, & esse, ac per nos admitti, nec in illis à quoquam præter nos, & sedem huiusmodi dispensari, nec ea vlllo alio modo quam per legitimam dimissionem à Societate cessare posse, & non modò eos, qui in Coadiutorum formatorum, siue spiritualium, siue temporalium gradus & ministeria, vt præfertur, admittuntur: sed & Scholares ipsos ac supradictos alios omnes, & quoscunq. qui in ipsam Societatem admisi, biennio probationis à quolibet eorum peracto, tria vota substantialia prædicta, tametsi simplicia, emisierint, aut emittent in futurum, verè & propriè religiosos fuisse, & esse, ac fore, & ubique semper & ab omnibus censeri & nominari debere, non secus atque ipsos tū Societatis, tum quorumvis alicui Regularium ordinum Professos, suisq. Præpositis in omnibus & per omnia obedire, & huic Sedi immediatè subiectos, & à quorumvis ordinariorum, & delegatorum, seu aliorum iudicum iurisdictione omninò exemptos, pro-

Huiusmodi tria vota, & simplicia, vere tamē sunt Religiosis substantialia vota.

Huiusmodi vota, et si simplicia, emittentes vere & propriè sunt religiosi.

Nova exemptio.

Pœnæ
aposta-
tarum
innouā-
tur.

Earundē
pœnarū
absolutio de-
nuo re-
serua-
tur.

Nouum
matri-
monij
impedi-
mentū
dirimēs.

Præci-
tur sub
excom-
munica-
tionis,
& inha-

ut nos etiam vigore præsentium eximimus,
denique ut omnium Societatis priuilegiorum
iuxta Generalis Præpositi dispositionē sunt
participes, ita quoque excommunicationis
maioris latæ sententiæ, & aliis Apostatarum
pœnis, si qui à Societate deficiant, subiacere,
ac tanquam veros apostatas puniri posse, nec
à quoquam, nisi per nos, & sedem prædi-
ctam, aut Generalem Præpositum ab eisdem
pœnis absolui, nec ante huiusmodi absolutio-
nem, & à Societate dimissionem, matrimo-
nium contrahere, quinimò eos omnes ad cō-
trahendum inhabiles, ac contractus huius-
modi nullos, & irritos esse, prout irritos faci-
mus, & annullamus. Et ut cōtradicientium au-
dacia cōerceatur, præmissas omnes & quas-
vis alias illis similes assertiones contra dictæ
Societatis institutum, vel quomodolibet in
illius præiudicium ponuntiaras, aut scriptas,
falsas omninò & temerarias esse, & censerī
debere. Præcipimus igitur in virtute sanctæ
obedientiæ, ac sub pœnis excommunicationis
latæ sententiæ, nec non inhabilitatis ad qua-
vis officia, & beneficia secularia, & quo-

*rumuis Ordinum regularia, eo ipso absque
 alia declaratione incurrendis, quarum abso-
 lutionem nobis, & successoribus nostris reser-
 uamus, ne quis cuiuscunque status, gradus,
 & praeeminētia existat, dicta Societatis in-
 stitutum, Constitutiones, vel etiam prae-
 sentes, aut quemuis earum, vel supradictorum
 omnium articulum, vel aliud quid supradi-
 cta concernans, quouis disputandi, vel etiam
 veritatis indaganda quasito colore, directè
 vel indirectè impugnare, vel eis contradicere
 audeant: districtius inhibentes, ne quis siue
 extra, siue intra dictam Societatem, nisi de
 illius Generalis, aut inferiorū Praepositorum
 licentia notationes, declarationes, glossas,
 vel scholia vlla super praemissis facere, vel ea
 nisi quantum verba ipsa sonant interpretari,
 aut de eis disceptare, seu scrupulū cuiquam
 iniicere, vel in controuersiam aut dubiū re-
 uocare audeat quoquo modo; nec glossas, aut
 interpretationes siue impressas, seu scriptas
 ad id pertinentes, legere, docere, aliūq; tra-
 dere, vendere, vel apud se retinere prae-
 sumat: si quid verò dubij de eisdem oriri conti-*

*bilittatis
 poeniseo
 ipso in-
 currēdis,
 ne quis
 audeat
 Societa-
 tis insti-
 tutum
 & cæte-
 ra im-
 pugna-
 re.
 Nec nisi
 de Prae-
 posito-
 rum li-
 centia
 inter-
 pretari.*

*Nec in
 contro-
 uersiam
 reuoca-
 re.*

Nec glos-
fas lege-
re, doce-
re, aliis
tradere,
vel apud
se reti-
nere.

Sic iudi-
cari &
definiri
debere.

Manda-
tur om-
nibus
Ordina-
riis, vt
presen-
tes lite-
ras ob-
seruari
faciant.

gerit ad sedem prædictam, vel ad Generalem
Præpositum dictæ Societatis, aut ad eos qui-
bus id ipse cõmiserit, referatur. Sicq; in præ-
missis omnibus & singulis per quoscumque
Iudices & Commissarios etiam causarum Pa-
latij Apostolici auditores, ac S. R. E. Cardi-
nales in quauis causa & instantia sublata
eis & eorum cuilibet quauis aliter iudicandi
& interpretandi facultate, & autoritate,
iudicari, & definiri debere, nec non irritum
& inane quidquid secus super his à quoquã
quauis autoritate scienter, vel ignoranter
contigerit attentari. Mandantes vniuersis
& singulis Patriarchis, Archiepiscopis, Epi-
scopis, & cæteris Ecclesiarum & locorum
etiam Regularium Prælati per vniuersum
orbem constitutis, vt præsentem literas in suis
quisq; Ecclesiis, Prouinciis, Ciuitatibus, diœ-
cesibus & iurisdictionibus ab omnibus inui-
olatè obseruari, quin etiam Præpositum ac per-
sonas Societatis huiusmodi defendant, eosq;
præmissis omnibus & singulis pacificè frui
faciant, & gaudere, non permittentes ipsos
per quoscunq; quomodolibet molestarì, Con-

tra-

tradictores per cēsuras Ecclesiasticas, & alia iuris & facti remedia opportuna, appellatione postposita, compeſcēdo. Inuocato etiam ad hoc, si opus fuerit, auxilio brachij secularis.

Non obstantibus recol. mem. Bonifacij Pa-
pæ VI I I. quæ incipit: Quod votum & aliis

Nō ob-
stanti-
bus.

Apostolicis constitutionibus, ac etiam aliorum ordinum, iuramento, confirmatione Apostolica, vel quauis firmitate alia roboratis statutis, & consuetudinibus, priuilegiis quoque, indultis & literis Apostolicis quibuscunque huiusmodi ordinibus, Vniuersitatibus, locis vel personis per quoscunq. Romanos Pontifices prædecessores nostros, ac nos, & sedem prædictam etiam motu proprio & ex certa scientia, ac de Apostolica potestatis plenitudine, & cum quibusuis irritatiuis, annullatiuis, cassatiuis, reuocatiuis, modificatiuis, præseruatiuis, exceptiuis, declaratiuis, mentis attestatiuis, ac derogatoriis de-rogatoriis, aliisq; efficacioribus & insolitis Clausulis irritantibusq;, & aliis decretis in genere, vel in specie, ac alias quomodolibet etiam pluries concessis, confirmatis, & in-

nouatis. Quibus omnibus & singulis, etiam si
 in eis caueatur expresse, quod illis nullatenus,
 aut non nisi sub certis modo & forma
 in illis expressis derogari possit, pro illorum suf-
 ficienti derogatione de illis eorumque totis te-
 noribus specialis, specifica, & expressa men-
 tio habenda, seu aliqua alia exquisita for-
 ma ad hoc seruanda foret, tenores huiusmo-
 di presentibus pro sufficienter expressis ha-
 bentes, illis alias in suo robore permansuris,
 hac vice dimittat specialiter & expresse
 derogamus. Contrariis quibuscunque, aut si
 aliquibus communiter vel diuissim ab eadem
 sit Sede indultum, quod interdicti, suspendi,
 vel excommunicari non possint per literas
 Apostolicas, non facientes plenam, & ex-
 pressam, ac de verbo ad verbum de indulto
 huiusmodi mentionem. Presentis autem
 Constitutionis & gratie communicationem
 omnibus aliis, qui sua priuilegia cum ipsa
 Societate copiose participant, participareque
 poterunt quomodo libet in futurum, fieri om-
 nino prohibemus. Caterum volumus, ut pre-
 sentium transsumptis etiam impressis manu
 Secre-

Praesens
 concessio non
 commu-
 nicatur.

Transsum-
 ptis ha-
 beatur
 fides.

Secretarij dictæ Societatis, vel Notarij publici subscriptis, & sigillo Præpositi Generalis eiusdem Societatis, vel alterius personæ in dignitate Ecclesiastica constitutæ munitis eadem omninò fides habeatur in iudicio, & extra illud, quæ literis ipsis originalibus haberetur, si essent exhibita vel ostensa. Nulli ergo omnino hominum liceat hanc paginam nostræ approbationis, confirmationis, supplementationis, decretorum, statuti, præcepti, interdicti, derogationis, & voluntatis infringere, vel ei ausu temerario contraire: si quis autem hoc attentare præsumpserit, indignationem omnipotentis Dei, ac Beatorum Petri & Pauli Apostolorum eius se noverit incursurum.

Datū Romæ apud Sanctum Petrum, Anno Incarnationis Dominicæ 1584. octauo Kalend. Iunij, Anno Pontificatus nostri triodecimo.

M. Card. S. Stephani.

Cæsar Glorierius.

A. de Alexiis.

Registrata apud Cæsarem Secretarium.

INter alia munia & ministeria, in quibus ad Dei obsequium, Ecclesiæque sanctæ utilitatem, hæc Societas, autore Ignatio, atq. institutore, se exercet, vnum (vt diximus) idque in primis vtile Collegiorum est, in quibus ad pietatem atq. ad doctrinam adolefcētes conformantur. Quod docendi munus sunt nonnulli, & quidem viri graues ac prudentes, qui ea ex parte quę pueros attingit, & prima Grāmatices continet rudimēta, tanquam nouum, & à religiosa grauitate alienum minus probant, causasque perunt, quamobrem Ignatius Collegia instituit, & ludum literarium pueris aperiri iussit, suosq. ea occupatione distineri, quæ laboriosa ac permolesta est, & abiecta in speciem videtur, & nō satis propria religionis? Horum ego quæstioni, Deo adiutore respondebo, rationesque aperiam, quibus id quod fit, rectè ac sapiēter fieri intelligatur.

Sunt igitur Collegia nostra ipsius Societatis, quasi seminaria, in quibus scilicet nostri Scholastici, postquā in virtutis studio, ac domandis prauis animi affectionibus, biēnium nouitij posuerunt, ad pietatem literas etiam adiungunt, vt pro mensura gratiæ sibi à Domino traditæ, vtilis esse eius Ecclesię aliquādo possint. Sed eiusmodi Collegia ita sunt Societatis seminaria (vt diximus) vt in eis nostri interdū literas nō doceāt alios, sed ipsi addiscant.

cant. Plerunq. tamen ita instituuntur, ut nostri sciētiās omnes profiteantur ac doceant, Theologo quidem necessarias, & à primis Grammatices principiis, tanquam ab incunabilis incipientes, ad summum Sacrae Theologiae fastigium, auditores suos gradatim, sensimq. perducant. Non tamen omnia hæc Collegia æqualia & paria sunt, neque in omnibus omnes, sed in quibusdam omnes, in omnibus quædam, in aliis aliæ facultates ac disciplinæ explicantur. In omnibus tamen aut in plerisque omnium, pueri Grammaticorum præceptis, ac primis literis instituuntur. Et hanc quidem partem tanquam puerilem, & gravitati religiosæ ac tranquillitati haud satis congruentem, nonnulli reprehendunt.

Multæ sunt igitur causæ, ex quæ gravissimæ, quæ Ignatium ad constituendum huiusmodi scholas impulerunt: sed illa vel maxima, quæ ex propria vocatione, ac præsentī Ecclesiæ statu pendet. Nam videmus (neque sine ingenti animi dolore) quàm sit calamitosa, & perditā nostrorum temporum conditio: quanta brevī tempore rerum omnium sit facta conversio: quanta ruina, perniciēs, ac bonorum omnium strages sit secuta. Maximam enim orbis terrarum partē, aut infideles occupant, aut heretici: & quæ nobis reliqua pars est, in qua quidem, doctrina sincera, atq. Catholica adhuc vigeat (quæ est sanè per exigua) ea tamen moribus est inquinatissima, vitiisque usque cō contaminata, ut timendum sit, ne

corrupti ac perditī mores viam (vt solent) erroribus etiam atq. hæresibus aperiant: & hoc quantulumcunque est quod nobis restat in Europa, eodem labefactatum motu concidat.

1. Tim. 1.

1. Tim. 6.

Multi, inquit Apostolus, repellentes bonam conscientiam, naufragauerūt circa fidem. Et alibi, Radix omnium malorum est cupiditas; quam quidam appetentes, errauerunt à fide. Peruersa igitur vita, peruersam doctrinā parit. Cor enim à vitiis occupatū, & virtuti inimicum, eam doctrinam quærit semper ac sequitur, non quæ vera, sed quæ blanda ac suavis sit, & quæ iucunda præbeat, iniucunda rejiciat. Et voluntas per se cæca, & perturbationum tenebris cæcata magis, lumen veritatis obscurat, aciemq. intellectus perstringit, ac hebetat, & secum impetu quodam rapit mentem, facileque persuadet, eam vt doctrinam & fidem abiciat, quæ tanquam parens quædam, custosq. virtutis, vt bonorum cōscientiæ blanditur semper, sic malorum sceleribus grauiter aduersatur. Obstandum igitur principiis est, & arbor in radice sananda. Quod quò commodius fiat, danda est opera, vt extinctis vitiis, radicibusque euulsis, virtutum omnium fructus efflorescant. Vt autem hoc assequamur, nihil facilius, præstantius, diuinius, recta & accurata puerorum institutione reperiemus: vt videlicet, cum lacte nutricis virtutē sugāt, Dei timorē imbibāt, eosq. mores ab incunabulis discāt, quib⁹ robusta ætate victuri, & Rempublicā administraturi sunt.

Hec

Hoc spectauerunt, hoc sibi proposuerunt
 omnibus sæculis, nationibus, Regnis, quicūq.
 de optima Republica leges scripserunt. Hæc
 fermè est summa præceptorum omniū. Hūc
 referuntur, in hoc consumuntur dicta, facta,
 scripta penè omnia, quæcunque apud autores
 omnes, virosque sapientissimos legimus, ad
 constituendam præclaram quandam civilis
 gubernationis formam. Nam vt qui inseritur
 surculus coalescat, & quæ plantatur arbor ra-
 dices agat, tenella sit oportet: citiùs enim frā-
 gas quam corrigas, quæ in prauum indurue-
 runt. Adeò (inquit ille) à teneris assuescere, *Virgil. 2.*
 multum est. Et quidam alius: Quo semel est *Georg.*
 imbuta recens, seruabit odorem Testa diu. Et *Hor.*
 illud Philosophi: non parum differt à iuuen- *Arist. 2.*
 tute, sic, vel sic, assue fieri, sed multum. Quem *Ethic.*
 imitatus Poëta quidam ait, Plurimum enim *Iuue. Sat.*
 intererit, quibus artibus, & quibus hunc tu *14.*
 Moribus instituas. Et paulò antè: Nil dictu
 fœdum, visuque, hæc limina tangat, Intra quæ
 puer est, procul hinc, procul inde puellæ Le-
 nonum & cantus pernoctantis parasiti. Ma-
 xima debetur puero reuerētia, si quid Turpe
 paras, nec tu pueri contempseris annos, Sed
 peccaturo obsistat tibi filius infans. Sed lon-
 ge illustriùs atque sapientiùs hoc idem Spi- *Prov. 22.*
 ritus sanctus, per Salomonem testatur: Pro-
 uerbum est, inquit, Adolescens iuxta viam
 suam ambulans, etiam dum senuerit, non re-
 cedet ab ea. Et Salomone antiquior dixit Iob: *Iob 20.*
 Ossa eius implebuntur vitiis adolescentiæ suæ.

*Plato.**August.
in Psal.*

127.

*Lib. 21.
& de le-
gib. 2.*

Plato quidem, nihil sibi videri scribit, in quo magis sit elaborandum, quam ut filij à tenebris (ut ita dicam) vnguiculis rectè instituantur. Et Beatus Augustinus maiorem etiã curam adhibendam esse præcipit in educatione, quam in procreatione liberorum. Magis (inquit) cogita, quomodo nutrias qui nati sunt, quam ut nascantur. Non enim iam felicitas est habere filios, sed bonos habere. Et idem ille ipse Plato, in libris quos de Republica & de legibus conscripsit, nihil accuratius præcipit, quam optimam ac diligentem puerorum institutionem, ex qua vna salus pendet Reipublicæ. Atque optimis legibus scriptis, optimos magistratus præfert, quasi legibus inanimatis, leges animatas. Nam lex scripta, si magistratum nullum habeat, qui ad obtemperandum legi ciues pro suo iure cogat, etiam si vel maxime salutaris ac præclara sit, tamen lex mortua, iaceatq. necesse est. Optimus autem magistratus, tametsi lege scripta careat, ipse tamen sit lex. Quantum igitur quæ vita prædita sunt non viventibus, & animata inanimatis præstant, tantum optimus Reipublicæ gubernator, quasi lex viua, legi in æs incisæ antecellit, quæ per se quidem mortua est. Addit Plato, Magistratus optimos haud posse fieri, nisi ciues viri sint optimi, ex quibus magistratus creantur. Viros porro nunquam fore tales, nisi adolescentes, pueriq. tales sint. Ex pueris enim viri existunt, qui Rempublicam, iis ferme moribus atq. opinionibus gerunt,

runt, quibus à puero imbuti sunt. Hinc fit, ut nisi rectam puerorum educationem in Republica sapienter administranda, quasi fundamentum ieceris, quidquid ædificij superstruxeris, corruat necesse sit. Platonem secutus Plutarchus, Philosophus prudentissimus, atque Traiani Principis quoddam præceptor, aureum libellum de liberorū educatione scripsit, in quo rē totam accuratissimè persequitur. Cuius hæc ipsa verba sunt: Sicut infan- *Plutar.*
 tium mēbra, simul ac nati sunt, formari, cō- *lib. de pue-*
 poniq. debent, ut recta minimeque obliqua *rorum e-*
 fiant: ita puerorum mores principio, aptè cō- *ducatione*
 ciēneque fingere conuenit. Illa namque nouella ætas, ad fingendum facilis & tenera est, & ipsorum animis, dum molles adhuc extāt, disciplinæ melius instillantur: difficilibus autem quæ dura sunt molliuntur. Quemadmodum enim sigilla mollibus imprimuntur cæcis, ita & doctrinæ, dum puerilis animus est, insculpuntur. Aptissimè igitur diuinus ille Plato, nutrices admonuisse videtur, ut ne friuolas ac turpes pueris fabellas mandent, ne illorum animos ex initio, stultitia & corruptis imbuant moribus. Pulchrè igitur Phocylides Poëta monuit: Dum tener est gnatus, generosos instrue mores. Hæc ille, & paulò post: Maximum omnium (inquit) longèque primarium dicturus accedo. Inquirendi filiis præceptores, quorum vita nullis obnoxia criminibus, irreprehensū mores, & optimum experimentum, Honestatis enim fontem simul

ac radicem esse liquet, legitimam consequi disciplinam. At veluti coloni sepes arbusculis circumponunt: ita & æquissimi præceptores, consona pueris instituta, & admonitiones inserunt, unde rectissima morum genera pullulent. Nunc verò respuendi, stomachandi que nonnulli sunt genitores, qui prius quàm vllā ex præceptoribus experientiam sumpserunt, hominibus aliquando improbis, imperitisque ac ignorationis insignis, liberos commendāt. Hæc Plutarchus. Docet prætereà, nihil esse in rebus humanis, quod tanti æstimandum sit; neque opes, copias, genus, gloriam, honores, formam, sanitatem, robur, cætera que quæ in bonis numerantur, vlla ratione esse cum exquisita liberorum educatione comparanda: eos verò paterna appellatione indignos, qui plus studij atque temporis ponunt in comparandis pecuniis quàm in filiis, quibus pecunias relinquunt, ad virtutem effingendis. Neque hoc aliud esse ait, quàm magnam calceorū sedulitatem habere, pedem verò ipsum parvipendere: esse autem perdidiculus atque absurdum, liberos, si læua manu cibos capiant obiurgare, & grauiter reprehendere, distortis verò atque prauis si moribus sint, patienter ferre. Eandem cum Plutarcho sententiā habet B. Chrysost. iis verbis: Magnum habemus pretiosumque depositum filios, ingenti illos seruemus cura; atque omnia faciamus, ne fur id nobis astutus auferat. At verò nunc, contra penitus facimus. Nam vt fundus quidem sit

Chrysost.
in 1. Tim.
meth. 2.
2. cor. 9.

sit optimus, cuncta molimur, eumque fidelis viro magno cum studio tradimus, & agasionem, atque malionem, procuratoremque ac dispensatorem, qui nobis magna beneuolentia afficiatur, inquirimus: ceterum quod nobis charissimum omnium est, omnino negligimus, neque curamus quo pacto filium nostrum fideli cuidam viro permittamus, qui ipsius rueri ac conseruare pudicitiam possit. Et certe nulla nobis possessio, nullus fundus æquè nobis gratus atque charus esse debet: quippe hæc omnia filiis quæritur. Igitur maior nobis possessionum cura est, quam eorum, quorum illæ gratia comparantur: quod perfectò absurdissimum atque stolidissimū est. Exerceamus igitur ad virtutem atque pietatem molles filiorum animos, cætera omnia secundo loco quæramus. Nam si quid illi improbi fuerint, nihil iis pecuniæ proderunt: sin autem probi, nihil ex paupertate lædentur. Hætenus Chrysostomus. Xenophon quidem Philosophus, & Historicus excellens, docet: *In patria Cyri.* Cyrum Persarum legibus educatum, qui foram habebant in partes quatuor distributum, quarum vna erat puerorum, altera puberum, tertia virorum qui perfectam ætatē iā agunt, quarta verò eorum qui sunt emeriti. Et præerant cuique harum partiū, duodecim Principes. Hi verò inquit pueris præstant, qui selecti ex senioribus, eos videantur reddituri quàm optimos. Et leges, studia atq. eas exercitationes puerorum diligentissimè persequitur,

*Lib. de
Repub.
Lacedæ-
moniorū.*

*6. Polit.
41.*

*Aulus
Gel. l. 9.
c. 3.*

tur, quæ absque admiratione legi nō possunt. Idem ille ipse Xenophon alibi tradit, Lycurgū pro servis pædagogis, quos priuatim pueris suis quisq. præficit, virum præesse illis voluisse ex eorum numero, qui Rempublicam gerunt, qui quoniā pueros moderaretur, Pædonomus appellabatur. Deinde eius officium atq. instituta commemorat. Atque hoc quidem Lacedæmoniorum institutum, Aristoteles vehementer laudat, docetq. eius qui civitatem legibus constituere velit, primam ac maximam curam esse oportere in erudienda iuuentute; qua sublata, pereat Respublica necesse est. Negatq. vbi pueri educantur, pictas tabulas, in quibus aliquid insit turpitudinis, aut imagines nudas Deorum collocandas, aut comœdias lasciuas, illis præsentibus exhibendas. Et merito sanè. Multi enim ad perpetuas inferorū tenebras damnantur, quorū pessima vita ex mala educatione ortū habuit, atq. ex parentum incuria: quibus præstandū certè est, quicquid in re tanti momenti per imprudentiam, aut socordiam deliquerunt. Philippus Macedonum Rex, nato Alexandro filio, epistolā scripsit ad hunc ipsum Aristotelem, qui sapientiæ laude, ea tempestate florebat; in quā minus se gaudere ait, quòd Regni hæredem suscepisset, quàm quòd eo tempore suscepisset, quo tantus vivebat Philosophus, cuius curæ Alexander rectè cōmitti posset: rogatq. vehementer Aristotelem, ut filium formandum, atque in omni genere virtutis atq.

offi-

officij erudiendum suscipiat. Neq. enim tantum est Regem esse, quam sapientem ac præstantem Regem esse. Poëta quidam Græcus: Beatus (inquit) est, qui beatus est in liberis instituendis: significans cætera, quæ in humanis bona existimantur, non tantum esse momenti ad veram felicitatem. Romanæ eloquentiæ parentis illa verba sunt: *Cic. 1. de*
Nullum munus Reipub. efferri maius, meliusve posse, quam si doceamus atque erudiamus iuventutem, iis præsertim moribus atque temporibus, quibus ita prolapsa est, ut omnibus opibus refrænanda atque coercenda sit. Et Quintilianus, ut perfectum & *Quint. li. 1. c. 1. & deinceps.*
omnibus suis numeris absolutum oratorem fingat, ab ipsis incunabulis præcepta tradere aggreditur, & magnam curam adhiberi vult, in ipsa nutrice deligenda, cuius etiam mores, & verba diligenter spectari iubet. Hieronymus, ea sanctitate atque autoritate vir, inter *Hier. to. 1. Epist.*
maximas occupationes atq. grauissimas, quibus distringebatur assidue, puellam instituendi curam suscepit: itaq. ad Gaudentium Epistolam optimis referam præceptis scripsit, de Pacatula infantula educatione: & alteram ad Lætiam de institutione filia, qua carptim breuiterque perstringit, quicquid de hoc argumento vsquam est: & multa minuta, & penè puerili grauissimè persequitur, quæ absque admiratione legi non possunt: propter summam, quam maximus vir in minimis rebus exigit curâ. In hac igitur epistola ita ait: Magister

gister probæ ætatis, & vitæ, atque eruditionis est eligendus: nec puto erubescet vir doctus id facere in propinqua vel nobili Virgine, quod Aristoteles fecit in Philippi filio, vt ipse librariorū vilitate initia traderet literarum. Non sunt contēnenda quasi parua, sine quibus magna constare non possunt. Ipse elementorum sonus, & prima institutio præceptorum, aliter de erudito, aliter de rustico ore profertur: & post paululum: Difficulter eraditur, quod rudes animi perbiberunt. Lannarum conchylia, quis in pristinum candorem reuocet? Recens testa, diu & saporem retinet, & odorem quo primū imbuta est. Græca narrat historia, Alexandrum potētissimum Regem, orbisq. domitorem, & in moribus, & in incessu, Leonidis pædagogi sui, non potuisse carere vitiis, quibus paruulus fuit infectus. Et infra: Legi quondā in scholis puer, egrè reprehendas quod finis consuescere Hæc Hieronymus. Cū Sancta quædam femina vehementius oraret Dominum, vt Ecclesiam suam deformatam & oblitam reformaret, ac pristino splendori restitueret, quæsitum ex ea est: quānam ratione, ex malo quodam corrupto penitus & putrido, possent mala, & ad aspectum pulchra, & ad gustū suauia procreari? audiuitque tandem, id nulla alia ratione fieri posse, nisi corrupti mali, incorrupta & integra adhuc semina, terræ molli ac subactæ mandarētur, ex quibus malus nasceretur, quæ ex se optima & suauissima mala proferret.

Neque

Neque secus esse faciendum in Ecclesiæ reparatione: itaque ut ea quæ vel aruerunt, vel infecta sunt reuirescant, in semine esse excitanda, atque sananda. An sine causâ factû putamus, ut ea Virgo, quæ Dei Patris sponsa, Filij mater, atque Spiritus sancti templum futura erat, triennis in Dei templo præsentaretur? aut Ioannes Baptista præcursor, vox, tuba Domini nostri, à prima ætate se in desertum abderet usque ad diem ostensionis suæ? Aut alij sancti permulti, qui vitæ exemplo præluere aliis, atque anteire debebant in Dei Ecclesia, à puero expressæ præbere inciperet sanctitatis documenta? quorum ex numero sunt Nicolaus & Hildefonsus, sanctissimi Episcopi: Benedictus, & Dominicus, clarissimarum Religionû institutores: Thomas Aquinas sacræ Theologiæ decus: Ludouicus Frâciæ Rex, Regum specimen, & alij non pauci: qui suo exemplo nos docent, quantum habeat ad virtutem ponderis, sancta ac diligens à teneris educatio. Prudentissimè D. Basilius animaduertit, D. Paulum, cum laudare vellet Timotheum discipulum, ad alias laudes hanc etiam adieciisse: quòd ab infantia sacras literas nosset. Hærēt enim tenacius (ut D. Thomas scriptum reliquit) & perfectius conseruātur, quæ ex illa ætate memoriæ commendantur. Quæ itē causâ fuit, ut sanctissimi Apostoli (quem admodū à D. Dionysio Arcopagita præclare traditum est) instituerint, ut infantes baptis-
mi aqua tingerentur, & cælestis gratiæ splen-

*In reg. la-
tius disp.
c. 15.*

*2. Tim. 3
Tho. quod-
li 4. art.*

23.

*Eccles.
Hierarch.
c. 12.*

dorem reciperent. Ut puri videlicet, sancti, & omnis erroris foeditatisque expertes, ad obedientiam veri summique Dei ab ipso matris utero educarentur, pietatemque cum lacte nutricis sugerent, & renati in Christo, nihil aliud scaperent ac discerent, quam Christum quem simul atque editi in lucem, ac suscepti fuissent, per Baptismi sacramentum induissent. Crudelissimi Imperatores, qui Christi Ecclesiam omni diritate atque immanitate diuexarunt, ut religionem nostram funditus delerent, atque ex animis hominum fidem Domini nostri Iesu Christi, veramque pietatem radicitus reuellerent, eam rationem inierunt, ut molles puerorum animos peruerterent, & Christi odio imbuerent. Nam Maximinus Imperator, tyrannorum omnium teterrimus, cum omnibus tormentorum ac mortis generibus, nihil aduersus Christi fidem profecisset, astu & calliditate perficere cogitauit, quae violentia & crudelitate efficere frustra tentauerat. Librum enim conscribi iussit (ut ab Eusebio Caesariensi literis proditum est) cui acta Pilati titulus fuit, infinita mentis acia, & detestabiles in Dominum nostrum Iesum Christum contumelias continentem. Praecepitque, ut praeptores omnes, ac puerorum magistri, discipulis illum suis explicarent, & ipsi discipuli memoriter addiscerent: ut videlicet pueri, impietatem à prima infantia combiberent, & depruari Christi odio, & sensim pestifera opinione infecti, Christianos homines per
totam

*Euseb.
 hist. lib. 9.
 43.*

totam vitam detestarentur; quos execrabiles, ac pestilentes esse, à teneris didicissent. Hoc nefarium impietatis exemplū secuti sunt nostra tēpestate hæretici Lutherani in Germania, & Hugonoti in Gallia, vt errores suos longè lateq̃ue disseminarent, & in hominum animis infingerent. Multa enim & soluta oratione, & astricta numeris ab oratoribus poëtisq̃ue eruditis illis quidem, sed impiis, contra summum Pontificem, atque Ecclesiasticos homines, & recepta Ecclesiæ dogmata, eleganter, facetè, falseq̃. conscripta in vulgus emiserunt, quæ in scholis pueri edicerent, vt dulciter venenum haurirent, & in totam vitam seruarent, quæ ineunte ætate credenda, & seruanda in animum induxissent. Almirallus certè Colinius (quem perduellionis, & diuinæ atq. humanæ maiestatis læsæ reum & omnibus probris notatum, Carolus nonus Franciæ Rex interfici iussit) vt in Galliā hæreses inueheret, ac certissimam pestem in Regnum florentissimum inferret, multis in ciuitatibus illius Regni atque oppidis, puellarum magistras, ac puerorum magistros sui simillimos constituit, hoc est, hæreticos & pestilentes, vt illorum animos corrumpere, & cæcos, & in omnem partem sequaces fingerent ad impietatem. Qua in re tantū (vt audio) curæ, studiiq̃ue ponebat, instigante, & oleum camino addente generis humani hoste, vt vix credibile videatur. Quod si Sathana ministri, ad nostram perniciem ita inui-

gilât, quid causæ est, quo minus Dei ministri pro sua virili connitantur, omnesq. industrie atque ingenij nervos ad salutem multorû intendant? Hoc idem sibi proposuerunt, atque spectauerunt sanctissimi Patres nostri, qui in Conciliis multis, præclara & salutaria de institutione puerorum decreta ediderûnt. Nam & magistros moribus atque eruditione spectatos scholis præfici iubent, qui iuuentutem instituunt: & stipendia eis constitui; & quod docere debeant præscribunt: quamq. viam tenere, vt discipuli sanctissimæ fidei nostræ instructi rudimentis, ad expressam virtutis effigiem, & certissimam bene viuendi regulam conformetur. Et in Cathedralibus Ecclesiis, Scholastici nomen & dignitas est instituta, vt honore atq. vtilitate inuitati (quæ fermè homines sequuntur) non deesset qui in hoc maxime vtili atque necessario docendi munere se exerceret. In canonibus qui sextæ synodi nomine (quæ sexta est vniuersalis, & tertia Constantinopolitana) in quibusdam exemplaribus circumferuntur, præcipitur vt Clerici scholas aperiant, & filios fidelium admittant, & cum charitate doceant, nihilq. pro suo labore, vel petant, vel accipiant, nisi si quid fortè parentes ipsi sua sponte offerât: memores illorum Danielis verborû, Qui ad iustitiam erudiunt multos, quasi stellæ in perpetuas æternitates. Denique huc spectant seminata, quæ nouissimè Concilium Tridentinum in Cathedralibus Ecclesiis institui iubet,

Cœt. Lat.

sub Alex.

3. p. 1.

c. 18. &

sub Inno-

cen. 3. c. 11

& sub

Leon. 10.

Ses. 9. c. 7

Concil.

Valen. tē-

pore Lota

ry. c. 18.

Synod. Pa

ris. l. 1.

c. 30. &

l. 3. c. 12.

-

Sexta syn.

cap. 5.

Dan. 11.

Cœci. Tri-

d. ses. 23

c. 28.

bet, in quibus qui Clerici futuri sunt, Ecclesiæque Dei ministri, ad Religionem ac Dei cultum omnemque pietatem à pueris instituantur, iisque moribus & disciplinis ornentur, quæ Sacerdotes, verosque Dei ministros decent. Et quod tantopere referat in re omnium utilissima maximam diligentiam adhiberi, quales esse debeant in seminariū admittendi, quas artes discere, ac totam gubernationis formam diligentissimè sacrosancta synodus præscribit. Accedit eodem, Religio- num sacrarum omnium exemplum, quæ ad nouitios suos probandos formandosque, tempus, & locum, & modum designant: quod nimirum intelligant vix fieri posse, vt ex malo nouitio, bonus professus existat. Quemadmodum ex dissoluto ac perdito adolescente, honestus Sacerdos & grauis, aut utilis Reipublici, sapiensque gubernator vix vllus euadet. Est enim rara avis in terris, nigroque simillima cygno. Nam quæ seminauerit homo in adolescentia sua, eadem meret in senectute. Vt ad propositum igitur reuertamur, hæc causa est, quamobrè Societas nostra, hoc pueros docendi, instituendi que munus suscepit. Quod quidem neque nouum, neque Religionem indignum, neque vile abiectumve dici debet, sed perantiquum, & in sanctissimis sacrorum Ordinum institutis vsitatum, & laudabile iam primis, atque honorificum. Nā ipso nascentis Ecclesiæ exordio, eximij atq. excellentes vita & doctrina viri deligebantur, vt

catechesim, & fidei nostræ rudimenta populis traderent : & Alexandria (autore Eusebio Cæsariensi) schola ea de causa instituta est, cui præfuerunt, Pantenus, præclarus Philosophus, & Clemens Alexandrinus, vir eruditissimus, Origenis præceptor; & ipsemet Origenes Clementi successit, & sociū sibi ad eā rem asciuit Erachlæū virū sapientissimū . Et Protogenes vir sanctitate & miraculis clarissim⁹, ludū aperuit scribēdi, puerosq; hac quasi esca, ad Christi cognitionē atq. amorē pellexit, vt autor est Theodoretus, semperq̃ue hoc etiam Grammaticā docēdi munus, in laudatissimis Ecclesiæ Dei officiis habitū est. Quod vt perspicuū magis fiat, referā quod D. Basilus, monachorū in Oriēte lux, institutor, & pater, de hac re tradit. Is igitur quærit, nunquid conueniat vt inter fratres magister sit puerorum seculariū? cui quæstioni ita respōdet: Cū Apostolus dixerit: Patres nolite ad iracundiā prouocare filios vestros, sed educate illos in disciplina & correptione Domini, si qui eos adducunt, hac mente adducunt, & qui suscipiunt, tales sunt, qui plenissimè confidunt, posse se qui sibi adducantur in disciplina & correptione Domini educare : seruetur quod præceptum est à Domino, qui dixit: Sinite paruulos venire ad me, talium est enim regnum cælorum. Remoto autem huiusmodi proposito ac spe, hoc neque Deo gratum, neque ex decoro aut vtilitate nostra esse existimo. Hæc ille. Atque hoc quod Diuus scribit

*Euseb.
hist. eccle.
lib. 5. c. 10
& 11. b
lib. 6. c. 12*

*Theo. li. 4
c. 16.*

*Basil. in
regu. bre.
dispn. q.
292.*

bit Basilii, vſu poſtea receptum eſt. Nam & in Eccleſiis, & cœnobiis gymnafia literaria habebantur, vt ex ſextæ Synodi vniuerſalis Canonibus, qui (vt diximus) circumferuntur, 6. *Syno.* manifeſtum eſt: quo facultas datur Laicis, ad 4. ſcholas in templis monaſterii: quæ conſtitutas ventitandi. Et idem ipſe Baſilius, non ſolum pueros, ſed puellas etiam admittendas, & ſeparatim inſtituendas docet, & ritu cœtæ *Baſil. in regu. lat. diſp. q. 15* rum animos conſeſtim ab ipſo initio, omni rerum bonarum fingi exercitatione. Quod præclarum inuentum imitatus eſt D. Benedictus, monachorum & ipſe in occidente pa- *D. Greg. in vita S. Benedicti.* reos, qui pueros in cœnobiis educabat, inſormabatque ad pietatem (in eum fermè modum quo Societas noſtra quibuſdam in Collegiis ſeparatim nunc facit) ſic Placidum & Maurum puerulos à Benedicto receptos legimus, & in omni genere virtutum exultos atque perfectos. Quæ conſuetudo diu poſtea *Ioã. Diacon. l. 2. n. 46, in vita Grego. In vita S. Tho.* tenuit. Nā D. Gregorius, Anglos pueros magna diligentia conquiri iubebat, & in ſui ordinis cœnobiis ali, atque educari. Et D. Thomas Aquinas longo poſt tempore, in Caſiſinenſi monaſterio à puero inſtitutus eſt. Neque verò pueros fingebant monachi ſancti Benedicti ad omnem tantummodo virtutis laudem, ſed etiam diſciplinis, & omni ſcientiarum genere inſtruebant. Nam & in Germania, & in Gallia, & in Anglia, magna cum laude docuerunt: autore & principe huius inſtituti venerabili Beda, qui ante annos 800. in

Anglia docuit, & scholæ præfuit: in cuius locum, postea successit Albinus Caroli magni præceptor, & in locum Albini, Rabanus Abbas Fuldenſis, qui postea etiam Archiepiſcopus fuit Maguntinus. Et monachi Sancti Benedicti, Collegia (quemadmodum nunc nos habemus) habuerunt, in quibus docebant, ſcilicet, quæ nunc nos docemus, ut videre est apud Ioannem Tritemium monachum & Abbatem eiusdem ordinis, qui rem totam diligentissimè persequitur. Atque ea re tantopere floruit ordo D. Benedicti, & sanctissimis doctissimisque viris abundavit, quorum doctrina uniuersam Ecclesiam illustrauit, inflammavit vita. F. Ioannes Vercelensis, qui Ordinis Dominicani sextus fuit Magister Generalis, in cōuentu quodam totius Ordinis statuit, ut Religiosi fratres ex sua familia ubiq. designarentur, qui pueros instituerēt, ac docerent, cōfessiones eorū audirēt: quod etiam in conuentu Generali anno 1251. Mettis habito, antea decretum fuerat, atque librum & statuta quædam Ordo ille sanctissimus conscripsit, ad eam rem pertinentia, ex qua mirificus percipiebatur fructus, ei omnino similis quæ nunc in Societate videmus. Ticini etiam publicum gymnasium in conuentu S. Augustini collocatum est, à cuius Ordinis viris disciplinæ omnes tradebantur: ut quidam eiusdem ordinis monachus scriptum reliquit. Et in Belgio vsque adhuc, nonnullos sacrorum hominum conuentus videmus, in quibus vi-

get

*Tritem. in
Chro. Hiv
saugienſis
monaste-
rij anno
Domini
854. &
890. &
952. &
alibi.*

*F. Ferdi. à
Castillo.
l. 2. c. 70.*

get scholarum pueriliū disciplina. Quæ cum ita sint : quis rem antiquissimam nouam existimabit? aut à Religionis vsu discrepantem, quam ij viri qui Religiones nobis pepererūt, suo exemplo confirmarunt? An feliciora fortè sunt nostra tempora, quàm in quibus illi vixerunt? An hoc pueros docendi munus minus est nunc necessarium, quàm olim fuit? Nihil minus. An coniunctius fortasse ac congruentius professioni monachi est, qui plangentis habet officium, non docentis, quàm eius Societatis instituto, quam Deus calamitosissimis hisce temporibus labenti Ecclesiæ suæ auxilio misit, & ad hoc opus mirabiliter vocauit?

Itaque videmus, cum ex reliquis Societatis ministeriis multa & magna in Dei Ecclesiam emolumenta redundare, tum ex scholarum nostrarū vsu, plurima & maxima. Nam vt omittam discipulorum nostrorum in literis progressus haud sanè pœnitendos: & de eo tantū loquar, quod omnium est maximū: hac certè docēdi ratione in octo Prouinciis, quas in Regnis hæresi contaminatis Societas nostra habet, Francicas nimirum duas, Aquitanicam, Belgicam, Rhenanam, Sueuicam, Austriacam, Polonicam, incredibiles commoditates & fructus est consecuta. Siquidem, eorum qui in Catholica adhuc fide perseverant filij, lacte veræ Apostolicæq. doctrinæ à nostris nutriti, & ipsi veritatem fidei retinuerūt, & parentes suos ne ab ea discederent, suo exemplo,

emplo, & ingenito amore confirmarūt: & innumerabiles hæreticorum filij, hac eadem ratione, & per filios parentes ab errore reuocati sunt. In aliis verò prouinciis integris atque synceris, magna in primis puerilium emendatio morum consecuta est. Sunt enim pueri quā antea domi tractabiliore, parētibus obsequentes magis, modesti erga æquales, erga maiores natu reuerentes, Dei cognitione imbuti, timore solliciti, amore incensi. Ciuitas fuit, quæ cūm pueros haberet intractabiles ac contumaces, ad illorum frēnādā audaciam, & licentiam coërcendam, multis rebus frustra tentatis, Societatis demum Collegiū instituit, idque felici successu. Nam blandā nostrorum magistrorum pueri sequentes manum, & Christianæ disciplinæ præceptis instructi, magna ciues suos admiratione affecterunt, & præclaro exemplo docuerūt, quantum valeat à teneris vnguiculis ad virtutem, Dei que timorem consuescere. Sed aliū etiam fructū Dei Ecclesia ex nostris Collegiis percepit. Habet enim multos, bonos, doctos, graues ministros, in nostris scholis educatos, atque ab ineunte ætate Ecclesiasticis officiis instructos, & ad omnem propēsos pietatem. Et ipsi sacrarum Religionum conuentus vtilitates maximas ex nostris scholis ceperunt. Ex quibus permulti discipuli nostri, carnis abdicatis illecebris, mundi que omni vanitate reiecta, ad sanctissimas Religiones, quasi in portum confugerunt, tanto Euangelicæ perfectionis desi-

desiderio atque amore inflāmati, sic in orandi, suiūque vincendi studio exercitati, vt nouitiorum magistri, ad illos sua sponte incitatos atq. currentes confirmandos, frāno potius, quā calcaribus indigeant Neque tamē adhuc perspicitur, quā latē pateant harum scholarum fructus; efferent se aliquādo, & per omnes partes breui se larius fundent, ac tunc demū intelligēt homines, quid boni iis in scholis lateat, cū hæc semina adoleuerint, & sanctissimos Episcopos Ecclesiæ Dei, optimos atque sapientissimos Gubernatores Christianæ Reipublicæ suppeditabunt.

Dicat aliquis, Vnde iste tantus & tam eximius ex scholis vestræ Societatis fructus? Nōne aliis etiā in scholis, præceptores sunt modesti, probi, eruditi, vigilantes & strenuē suo fungentes munere? sunt sanè permulti; non inficior; sed tamen egregij huius atque vberioris fructus, quem scholæ Societatis præ cæteris afferunt, multæ sunt causæ. Quarum prima est ac præcipua, Dei voluntas, quæ vt Societatem ad hoc opus elegit, ita gratia sua illam prosequitur, vt munus quod eius inductu suscepit, laudabiliter expleat. Deinde etiā alia sunt, quæ hūc conducunt. Nam vt discipuli in virtute proficiant, ea adhibentur à nostris, quibus virtus ipsa generatur, conseruatur, augeſcit. Ea sunt, Matutina oratio, ad petendum à Deo gratiam, ne in peccatum labāre: oratio etiam Vespertina, diligēsq. commemoratio eorum quæ eo die cogitaueris,
dixit.

dixeris, feceris, ut culpas quas admiseris, dolore ac fletu diluas: quotidiana, attenta, ac deuota Missæ auditio: frequēs atq. humilis peccatorum confessio apud Sacerdotem: & si per ætatem liceat, & magna suadeat deuotio, & confessarij etiam consilium accedat, reuerens Domini nostri Iesu Christi corporis & pia susceptio: rudimentorū Christianæ fidei traditio atq. explicatio, quibus ad bene beateq. viuendum, pueri animentur atq. accendātur. Magna prætereà cura adhibetur, cum omnibus puerorum vitiis inuestigandis, cognoscēdis, emendandis, tum verò iis præcipuè, quæ illi ætati insita & ingenita quodāmodò sunt. Ad quæ euellenda atque extirpanda, syndici, quasi communis boni defensores ac patroni creantur, decurionesq. curiosi, pueris in decurias distributis, præficiūtur: qui mores singulorum diligenter obseruent, & si quid perperam à quoquam dictum, factūve sit, deferant ad præceptores. Adde honoris gradus, quibus qui virtute modestiaq. magis excellūt, cæteris anteferuntur, & tanquā in medio ponuntur in exemplū. Sodalitates prætereà constituuntur, in quas admittitur atque cooptatur nemo nisi studiosus atq. probatus, idque magno delectu. Iis autem cū congregantur, virtutum omniū proponuntur exempla, mutuoque se iuuant, & ad omnē probitatis laudem impellunt. Suntque sua singulis distributa munia, onera, officia, quibus obeundis implicātur: & in hac exercitatione, tanquam

in

in umbra meditantur quodammodo ea, quæ ætate iam confirmata, postea in Repub. præstaturi sunt. Illud prætereà cauetur diligentissimè, ne quem librû discipuli legant, quantumuis eruditum atq. elegantem, qui illibatam puerorum castitatem, atque animorum integritatem possit corrumpere. Ex lectione enim leuium & turpium amorem turpificatus animus, earum rerû quas legit, sensim affectu tingitur, & libidine tandem incensus, ea incipit appetere, quæ antea nesciebat. Quamobrem sanctissimi quique atq. grauissimi viri, libellos omnes de amoribus, de leuitate, atq. corruptione morû, tanquam inimicos virtuti, & perniciem, pestemque adolescentiæ detestantur, & à Rebus publicis bene constitutis arcent, eorumq. usu pueris interdicunt. Serpit enim venenum cõtagine, & blande epotû vi sua enecat hominẽ. Quod cum Societas nostra animaduerneret, videretque nonnullorum auctorum libros, ad fingendam poliendamq. linguam propter summam elegantiam esse aptissimos, propter lasciuiam autem cum elegantia coniunctam moribus esse perniciosos: dedit operam, fecitq. prudētissimè, vt libros illos castigaret; & amputatis iis quæ moribus perniciosa videbantur, ea retineret, quæ linguam acuere atq. expolire possent. Hisce igitur rationibus, maximè verò, optimo vitæ exemplo, quod præceptores nostri tanquam Deo penitus dicati homines, ipsis præbere student, puerorum fingun-

guntur animi, & ad sanctissimā disciplinam conformantur. Et hæc quidem ad mores formandos: ad eruditionem verò augēdam, non desunt alia etiam adiumenta doctrinæ. Ex quo plus nostris in scholis videmus brevi tempore pueros proficere, maioresque in literis progressus facere, quàm longo tempore in aliis; idque accidere, tum propter modū quo vtuntur, tum propter magistrorum assiduitatem ac vigilantiam. Nam alibi, vnus fermè magister multos ordines ducit, & discipulis infimis, mediocribus, summis, suam operam simul impendit, quibus singulis satisfacere vix potest. At verò in Societate distinctos habemus discipulos, & in suas Classes Ordinesque diuisos, singulisque Classibus, singuli præceptores præficiuntur. Nam tametsi non omnia Collegia sint æqualia, sed in nonnullis plures, in aliis pauciores sunt præceptores: in quibusdam maiores scientiæ traduntur: in aliis minores tantū: in aliis omnes disciplinæ, in nonnullis aliquæ explicantur, pro cuiusque Collegij institutione & copia, vt dictum est: tamen omnia fermè Collegia, tres minimum habent Grāmatices præceptores ad erudiendam iuuentutem, alia etiam quinque, alia verò plures. Et quoniam hæc cura laboriosa, pro Christi tantū amore suscipitur, in illumque omnia nostrorum studia in instituendis pueris, laboresque referuntur: multa excogitantur, multæque exercitationes adhibentur, ad illorum animos magis etiam excitandos, disci-

pu-

putationes videlicet assiduæ, cōtentiones ingeniorum variæ, præmia iis proposita qui cæteris præstant, & ingenij atq. industriæ laude antecellunt. Hæ enim prærogatiuæ & virtutis quasi testimonia, magnopere commouent scholasticorum animos, & vel dormientes excitant, vel excitatos & sua sponte currētes incitant magis, atq. impellunt. Nam vt pœna & ignominia, quasi fræno quodam à malo coërcent: ita honos, lausq. ad decus virtutis & gloriam mirabiliter accendunt. Vt issimeque *Lib. Tufæ* ait Cicero: Honos alit artes, omnesque incēduntur ad studia gloria, iacentque ea semper quæ apud quosq. improbantur. Et poëta quidam: laudataque virtus Crescit, & immēsum gloria calcar habet. Et Quintilianus noster *Lib. 1. c. 2* exercitatissimus ac peritissimus pueros erudiendi magister, magnam vim ad acuendum alendumque iuuentutem hæc honoraria (vt ita dicamus) præmia habere docet. Pueri enim non ratione (quæ illi ætati infirma adhuc est atque imbecilla) sed affectibus plerunque feruntur. Et ambitio ipsa, atque immoderatus honoris appetitus, quamuis in vitio sit, in virtutem tamen interdū ducit: multaque facinorosa & fœda euitantur, quòd illis sit turpitudine coniuncta, multa præclarè fiunt, quòd honori atq. laudi futura sint. Atque hæc quidem potissimæ sunt causæ, & magistrorum imprimis cura, studium, opera, quamobrem tantus ex nostris scholis, quantum videmus, fructus colligitur. Nam quod præceptores

res nostri molestiis multis carent, & negotiis, sollicitudinibusque familiarum alendæ, quibus ir-
reriti sunt alij, ipsi liberi sunt, plus temporis
in hac puerorum institutione ponunt, & in
illam sæculi vinculis expediri, toto (vt dici-
tur) pectore incumbunt. Prosequitur autem
Dominus gratia sua nostrorum conatus pro
ipsius gloria susceptos: & qui dedit velle, dat
& perficere. Ipse enim fons est, ex quo omne
datum optimum, ac donum perfectum deri-
natur: cui maximè, imò soli, fructus omnis
qui ex scholis nostris proficiscitur, tanquam
bonorum omnium auctori, tribuendus est. Qui
etiam pro sua benignitate grauissimos Pa-
tres, & in Societate nostra peregregios ita
permouit, & rei magnitudine atque utilitate
incendit aliquando, vt in hac pueros docendi,
instituendique palæstra, se diu exercerent, &
operam suam atque industriam optimè hac
vna in re positâ esse existimarent. Quos imi-
tati sunt alij etiam Patres graues, ingeniosi,
eruditi, & ad quauis maiora munera habiles,
qui cum hoc docendi genus degustassent, rem
non vulgi trutina, sed prudentium statera pon-
derantes, elegerunt, petiuerunt, impetrauerunt
à superioribus, magnique beneficij loco
duxerunt, in hac exercitatione vitam omnem
traducere, & in ea consensescere. quod vide-
licet sperarent, vberiores ex ea fructus se pos-
se colligere ad Dei gloriam, quam ex quouis
alio Societatis ministerio, quamuis præstanti,
specioso, præclaro. Magnâ nimirum vim amor
Dei

Dei habet, in omnes partes versat agitq. animum eius, quem verè fortiterq. possidet: & ita luce sua cõplet, atq. iis facibus incendit, vt omnia tanquã stercora arbitretur, vt Christũ lucrifaciat: & quicquid in mũdo nobis blanditur, quicquid vsquam est vel autoritatis, vel honoris, & gloriæ, id totum pro nihilo ducat, vt vel minima re Deo placere, & eius nomen amplificare possit. Docet hoc suo exemplo B. Gregorius Nazianzenus cognomento Theologus, quo Doctore D. Hieronymus sacras literas didicisse gloriatur. Qui cũ Apostata Iulianus, omnium Philosophorũ, Oratorum, atque Poëtarum lectione Christianis interdixisset, ne eloquentia, verborumq. elegantia nostris deesset, animũ ad scribendum versus omnis generis appulit, comœdiasque ac tragœdias de rebus honestissimis, & ad mores rectè instituendos aptissimas edidit, tanta grauitate, ornatu, atque elegantia, vt Christiani pueri nihil amplius desiderarent, neque prophanos autores requirerent. Atque hoc idem fit etiam illustrius, Gregorij Magni Summi Pontificis, & Sanctissimi Doctoris exemplo, de quo Ioannes Diaconus memoriæ prodidit, illum ad instaurandum cantum Ecclesiasticum, & animos hominum ex cantu ad pietatem magis excitandum, ædes duas Romæ ædificasse, ad D. Petrum alteram, alteram ad D. Ioannem Lateranensem, in quibus puerorum cœtus cantabant. Intererat autem canentibus ipse Summus Pontifex, ac

*In eius
vita à
Greg.
presbytero & N.
ceph. Ca-
listo.
Lib. 10.
c. 25.*

*Lib. 2.
num. 6.*

veluti præsidebat, flagellumque manu tenēs errantes pueros corrigebat, magna autoritate atque grauitate. Addit autem Ioannes Diaconus, suo adhuc tempore extitisse domum illam ad D. Ioannem, quam Gregorius ædificarat, & in ea lectulum ostendi solitum, in quo beatissimus Pontifex cantillans iacebat, flagellum item, & Antiphonarum librū, quibus utebatur. Quem igitur non summopere commoueat hoc tam rarum atq. inauditum diuini amoris exemplum? Quem non admiratione afficiat? Quæ enim vel grauitas, vel personæ dignitas, Pontificis Maximi maiestati æqualis? Vbi nam vel occupationes plures, quàm in summo Pontificatu? vel negotia grauiora? omnia tamen Dei amor vincebat. An minus fortasse Reipub. interest, pueros bonis moribus, ac literis imbui, quàm modulis institui? An Deo gratiores sunt concentus musici, quàm animi moderati, pietatēque flagentes? & suauior vocum modulatio, quàm laudabilium morum harmonia? Haud ita. Maior enim & melior actionum, quàm sonorum concensus est. Per charitatem quippe, vitæque sanctitatem homo viuum Dei templum efficitur: Musica verò, Deus in visibili templo laudatur. Neque minorem sanè adfert admirationem, quod beatus Hieronymus in epistola illa (cuius supra mentionem fecimus) ad Lætiam de filia educatione scribit. Nam hortans Lætā, vt filiam Paulā Romæ Bethlehē vsq. ad Eustochium amiram,

&c

& Paulam auiam mittat, à quibus ab infantia ad sanctitatem omneque genus virtutis educaretur: tandem hæc verba subiecit: Ipse si Paulam miseris, & magistrū, & nutricium spondeo, gestabo humeris, balbutientia senex verba formabo: multo gloriosior mundi Philosopho, qui non Regem Macedonum Babylonio periturum veneno, sed ancillā & sponsam Christi erudiam, regnis cælestibus inferendā. Haftenus ille. Quid hoc exemplo admirabilis? Quid fortius? Quid sanctius? Nā si Diuus Hieronymus vniuersæ lumen atque ornamentum Ecclesiæ, ad quem tanquam ad oraculum, ex omnibus fermè orbis terrarum partibus, Doctores, Episcopi, ipsi denique summi Pontifices quæstiones suas explicandas deferebāt, infantulæ se magistrum & nutricium pollicetur; si summa sua gravitate, ætate, autoritate, sapientia indignum nō ducit, infantulā gestare humeris, & balbutientia verba formare, immò verò vtilius & gloriosius operā suam se positurum arbitratur in puellulæ educatione, quā posuit Aristoteles in Alexandri Macedonum Regis institutione: quis erit tam rerum rudis atq. imperitus, qui hominibus religiosis, & Deo in perpetuum consecratis indignum putet, eos pueros erudire, qui Cōcionatores, Canonici, Pastores, Episcopi, Rerum publicarum gubernatores futuri sunt? Quandoquidem certissimum est, hæc omnia officiorum munera obituros aliquando, qui nunc pueri scholas fre-

quentant, eosque in senectute tales se exhibi-
turos, quales fuerint in adolescentia. Sed ut
finem dicendi faciam, hæ sunt potissimum
causæ, quamobrem Societas nostra ludū ape-
rit, & collegia instituit.

*Lib. 3.
c. 22.*

In iis autem Collegiis nullum omnino à
discipulis stipendium accipiunt præceptores,
sed gratis & absque vlla mercede docent: quod
in reliquis etiam Societatis fit ministeriis,
quemadmodum dictum est. Viuunt autem
non ex quotidianis eleëmofynis (hoc enim
proprium est domorum professorum) sed ex
reditibus. Nam ut scholastici vni sapientiæ
studio diligentius nauent operam, & præce-
ptores in puerorum eruditionem strenuè in-
cumbant, aliis molestiis sint expediti neces-
se est, maximeque earum conquirendarū re-
rum sollicitudine, sine quibus vita trāsigi non
potest. Ne à victu, videlicet, ac vestitu pen-
deant, & in sui alēdi curas distracti, à docen-
di cursu, & laboriosa contēntione retarden-
tur. Friget enim sapientiæ studium in sum-
ma mēdicitate, & minor alios instituendi cu-
ra, maiori viuendi cura plerunque obruitur.
Reditus porrò huiusmodi Collegiorū Fun-
datores constituunt, alii que homines liberales
ac benefici, qui rectè suas facultates colloca-
re se putant, iis Dei ministris alendis, qui eius
gloriam amplificaturi, & pro sua virili, in rem
maximè vtilem labores suos collaturi sunt.
Et meritò quidem. Omnes enim eleëmofynę
nostræ Deum spectare debent, eiusque ma-
iorem

ïorem gloriam intueri : maior autem Dei gloria in animarum quàm in corporum salute videtur posita. Ex quo eleëmosynę eæ quę ad eos Dei ministros procreandos, sustentandosque referuntur, qui se totos proximorum vtilitatibus ex instituto dedicarunt, & salutē animarum procurant, gratiores Deo proculdubio sunt, iis quibus corporum tantum necessitati, atque indigentię subuenitur. Pertinet etiam ad omnes fructus hic, vniuersamq. Rempubli. complectitur, & iccirco priuatis commodis est præferendus : præsertim cū solidior ac certior sit. Præciduntur enim (vt diximus) morborum radices hac puerorum institutione, & mala antequam eueniant præcauentur : idque nunc quidem propter nostrorum temporum calamitates, si vnquam aliàs, summopere certè est necessariū. Quod cū viri multi præstanti prudentia, copiis, opibusque abundantes, & Dei glorię cupidi sapienter animaduernerent, ad Collegia Societati exædificanda, stabiliendaque animū adiecerunt. Collegium Romanum, quod primum locum non tempore, sed dignitate atque vtilitate inter vniuersa nostrę Societatis Collegia obtinet, Beatissimus Romanus Pontifex Gregorius x i i i. summa beneuolentia, atque liberalitate fundauit. Atque alterum in Iaponnēsi insula à nobis remotissima inchoauit. Tanto enim Catholicę Religionis conseruandę atque amplificandę studio incensus sanctissimus hic Pontifex fuit, vt in

omnibus penè Proninciis hæresi contami-
natis, seminaria passim ædificauerit, ad reti-
nendam vel restituendâ fidei Catholicæ in-
tegritatem. Et vt illam etiam longè lateque
propagaret, & in regiones disiunctissimas dif-
funderet, idem præstitit in Iapone, ad alen-
dos atque instituendos Iaponios adolescen-
tes, ad Christi fidem nuper conuersos. Socie-
tati præterea nostræ Collegium instituit, vt
nostri operarij, qui ad messem illam copiosis-
simam & iam maturâ & albescentem deme-
tendam proficiscuntur, sine sumptu illorum
apud quos ponunt Euangeliû, viuant, & alios
Iaponios in Societatem ingressos habeant
successores. Quod quidem præclarum incœ-
ptum S. D. N. Xystus Quintus benignissimè
prosecutus est, & Gregorij (cui ipse successit)
beneficentiam sua liberalitate cumulauit, &
perpetuis redditibus stabilivit, Iaponiosque
Oratores (de quibus supra mentionem feci-
mus) amplissimis muneribus atque honori-
bus auxit & ornauit: eosque Sedis Apostoli-
cæ & tantæ vrbis regionis, maiestatis, ma-
gnificentiae admiratione affectos, lætos in
patriam alacresque dimisit. Lauretanû item
Collegium atque Auinionense, duo alij Pon-
tifices Maximi instituerunt. Panormitanum
verò Carolus v. Imperator. Viennense, Pra-
genſe, atque Oenipontanum eius Germanus
frater Ferdinandus item Imperator. Conim-
bricense, Goense, Vlysiponense, Eborenſe, &
in insulis Matera & Tercera (quas vocant) in
India

India etiam, Iapone, Brassilæa, Ioannes Tertius, Sebastianus, & Henricus Lusitaniæ Reges, multa alia, non minori pietate quàm magnificentia Societati Collegia fundarūt. Stephanus Battorius, Poloniæ Rex, Claudiopolitanum in Transyluania Collegium, Rigen-
se in Liuania, Poloscense in Moscouiæ finibus nostris erexit; Hallense Magdalena Ferdinandi Imperatoris filia; Greciense Carolus Archidux Austriæ, eius frater; Ingolstadiense, & Monachiense Bauariæ Dux Albertus; Ciameri (quæ ciuitas Allobrogum caput est) & Taurini (quæ sedes est principibus Pedemontanis) Philibertus Princeps & Sabaudia Dux; Florientiæ verò, ac Ferrariæ, & Mantuæ, & Parmæ, & Niuernij, & Guisij, & Arci Duces, suis in diuionibus Collegia constituerunt: alijque permulti Principes sæculares idem præstiterunt. Et vt ad Ecclesiasticos veniamus. Alexander Farnesius, S. R. E. Cardinalis, Montereuali in Sicilia; Ottho Trusses Card. Episcopus Augustanus, Dilingæ in Germania; Card. Turnonensis, Turnoni in Gallia; Card. Carolus Loringus, Ponte Mossonii in Loringia; Card. Osius, Bransbergæ in Polonia; Mediolani Carolus Borromeus, Card. & Archiepiscopus Mediolanensis; Fuluius Corneus Card. Perusiæ, & nouissimè Gaspar Quiroga Card. & Archiepiscopus Toletanus, Toleti, ac Talabricæ; Maguntia verò, & Treueris, illarum ciuitatum Archiepiscopi, qui iidem sacri imperij sunt

Electores, Collegia nostris ædificarunt. Et in Hispania Petrus Guerrerius Archiepiscopus Granatensis, Granatæ: & Franciscus Blancus Archiepiscopus Compostellanus, Compostellæ: & item Malacæ, vbi prius fuerat Episcopus: Murcianum item, Placentinum, Legionense, illarum ciuitatum fundarunt Episcopi. Omitto reliquos breuitatis causa. Quin ciuitates nonnullæ publicè suis ipsæ sumptibus in commune Collegia fundarunt, qualia plæraque sunt quæ habemus in Sicilia. Neq. pauca vel exilia sunt, quæ à priuatis quidem hominibus, sed familiæ splendore, opibus ac pietate nobilissimis fundata habemus Collegia. Eiusmodi est Collegium Complutense, quod D. Maria Mendotia Mõdeiaris Marchionis filia, pietate etiam ac religione quàm sanguine illustrior, insigni Societatis nostræ, & Complutensis Academiae beneficio fundauit. Barcinonense item, quod perpetuis redditibus firmavit D. Maria Manrique de Lara, Naiaræ Ducis filia, tum generis nobilitate, tum eximiæ virtutis, atque integerrimæ vitæ exemplo clarissima. Collegium etiam Villagarziæ, quod D. Magdalena Vlloa, Ludouici Quixadæ, viri belli pacisque artibus spectatissimè, eius oppidi domini coniunx, præstanti liberalitate à fundamentis ædificauit. Neq. verò hoc vno collegio satis suæ pietati se fecisse arbitrata, alterum etiam in vrbe Ouetensi adiecit: vt ipsa facultates suas (quas habet copiosas) in Dei gloria

gloria amplificāda cōsumeret, & ex Ouetensi illo Collegio, doctrinæ Christianæ splendor se latius funderet, & ad aspera atque inculta illius regionis loca penetraret. In hoc etiā numero ponitur Collegium Villaretanum à Ioanne Pacheco, viro egregia in Deum religione excellenti quē prudentia, erectum atque ædificatum. Alii quē permulti sunt Collegiorum nostrorū Fundatores, ex pietate & præclaro de re Christiana bene merenti studio nobiles: sed non omnia sigillatim persequenda sunt, ne nimium crescat oratio. Porro autem quamvis Collegiorū Fundatores à Deo potissimum suæ benignitatis ac beneficentiæ præmia expectent, Societas tamen quibuscumque potest rebus ostendit, quam gratum habeat hoc quod à Fundatoribus accepit beneficium. Itaque illis gratificari, obsequi, atque satisfacere studet quā maxime potest, & accepti beneficii memoriā in perpetuū conservare. Illos meritorum omnium suorū participes facit, plurimas Missas hebdomadibus, mensibus, atque annis singulis, pro ipsis constituit. Quo verò tempore Collegij possessio traditur, tria per vniuersam Societatem, quā longe late quē diffusa est, singuli Sacerdotes Missarum sacrificia pro Fundatore offerunt Deo, tria item simul atque illum è vita excessisse cognitum est: quo ipso tempore qui Sacerdotes non sunt, preces certas statas quē persoluunt, ac Deum pro illo deprecantur. Alia quē sunt præscripta diligenter (&

magna, ut par est, religione seruantur) ad memoriam accepti beneficij declarandâ, & grati animi pietatem. Quamobrem omnes qui in hac Societate versantur, fundatoribus deprecatores apud Deum sunt. Quorum preces, quod Deo in perpetuum sint consecrati, probæque viræ ac famæ, verisimile est plus promereri apud Deum, magisque esse ad impetrandum efficaces, quàm aliorum qui eiusmodi non sunt. Adde quod Societas ab alijs est Missarû obligationibus libera, utpote quæ eleëmofynas nullas accipit ad Missas celebrandas: atque ideo fit, ut solutior sit & ditior quodam modo, atq. locupletior, pluraque in bonis habens, quæ in fundatorum, atque hominum de se benemeritorû vsum conferre possit. Multa ergo eis tribuit, propterea quod multa se eis debere agnoscit, & multa habet unde referat gratiam. Quod quanquam ita est, optimè scit tamen, fundatores suos non ea maximè causâ moueri ad fundanda Collegia, quod gratâ se illis atq. accepti beneficij memorem Societas præbeat: sed quod planè intelligunt, accuratam puerorum institutionem apprimè esse necessariam, magnosq. ex ea fructus in Dei Ecclesiam redundare. Et ideo hunc docendi laborem acceptum esse Deo Optimo Maximo, à quo ipsi integram suæ benignitatis, plenamque mercedem expectant.

VITAE

VITÆ IGNATII

L O I O L Æ

LIBER QVARTVS.

ABDICARE SE GENERALATV
conantem Ignatium, Socij prohibent.

CAPVT PRIMVM.



CONFIRMATA igitur à Iulio III. Põtifce Maximo rursum Societate, & ipforerũ successu firmitus stabilita, an. 1550. primarios omnes Patres, qui commodo Societatis venire poterāt, Romam Ignatius ex variis prouinciis ad se conuocauit: quibus in vnum congregatis, epistolam manu sua Hispanicè scriptam, in hæc verba misit.

CARISSIMIS IN DOMINO

Fratribus Societatis Iesu,

Salutem.

QVOD mihi de officij mei ratione, sine perturbatione vlla interiori aut exteriori sæpe numero consideranti visum est, id scribam: aperiamque coram Creatore, ac Domino meo, qui me iudicaturus est, quod ad maiorem laudem ipsius, & gloriam futurum intelligo. Equidem me ipse circum-

spiciens,

spiciens, ob peccata mea multa nimis, imperfectiones multas, atque animi & corporis egritudines, sepiissime iudicaui, & verè atque ex animo iudico me infinitis partibus abesse ab eo gradu, qui ad sustinendum hoc regende Societatis munus, eius mihi voluntate impositum, est necessarius. Quocirca maximopere desidero, & à vobis queso, ut tota re diligenter expensa, à vobis eligatur alius, qui melius quàm ego, vel minus certè malè hoc munus gerat, & uniuersam Societatem administret. Neq. verò ut meliori hac provincia deferatur, tantùm peto, verùm etiam, ut pari, & equali. Quod quidem ut ritè atq. ex ordine fiat, Ego in nomine Patris, & Filij, & Spiritus sancti, unius Dei, ac creatoris mei, depono Generalatum simpliciter & absolutè, meque abduco hoc officio, & priuo, petoque. & omnibus animæ meæ viribus obsecro Professos omnes, quosque Professi sibi adiungere ad hanc deliberationem volent, ut hoc meum tam iustum desiderium admittant, & pia oblationi suffragentur. Quod si quorum est iudiciũ, ferre de hac mea postulatione, minimè inter se consentient; per charitatem, & reuerentiam Christi Iesu, illos ipsos rogo, atque oro, ut precibus seriò incumbant, Deoq. hanc rem accuratissimè commendent, ut in omnibus, & per omnia sanctissima eius voluntas fiat, idq. omnino quod ad eius gloriam, & communè animarum salutem, ac Societatis bonum magis pertinebit. Illud etiam queso, ut meam hanc petitionem, atque obsecrationem, optimam in partem accipiant.

Perlecta hac epistola, Patres qui conuenerant, omnes vno ore laudare factũ Ignatij, ac voluntatem: admirari eius humilitatem, qui
cum

cum maximè in gubernatione excellat, se tamen minimè idoneum ad gubernandum iudicer, Negant tamen se quod postulat, salua conscientia, posse facere: neque ipso viuo, Præpositum alium Generalem experiri, idq. Ignatio renunciare iubent. Ipsum esse Societatis parentem, ipsum magistrum omnium, ac ducem, atque à Deo electum, vt huius spiritalis ædificij quasi sapiens architectus fundamentum poneret, super quod ipsi, reliquique eius filij, tanquam viui lapides superædificati ipso summo angulari lapide Christo Iesu, crescant in templum sanctum in Domino. Nullo modo ipsis esse committendum, vt huius tanti beneficii aut ignari reperiantur, aut ingrati. Eodem tempore grauissimum in morbum incidit, & cum se expeditum iri ex huius mortalitatis vinculis speraret, sic afficiebatur animo, vt præ lætitia, fluentes vberim lacrymas cohibere non posset, cogereturque, & suorum precibus, & medicorum seueram admonitione animum aliò transferre, & minus diu de suo desiderio, ac spe, minusque sæpe cogitare.

CONSTITVTIONES AB IGNATIO præscribuntur CAP. II.

IGNATIUS ergo spe illa deiectus, onus quod sustinebat deponendi, & nouo morbo liberatus, quod Deum velle intelligebat, ad Societatem gubernandam, & inchoata perficienda, se totum conuertit, imprimisque vt certis illam

illam vinceret legibus, iisdem Patribus Constitutiones à se conscriptas ostendit, ac discutiendas tradidit: quas ipse compulsus est precibus torius Societatis perscribere. Extat cōmentarius eius ipsius manu scriptus, in arcula quadam post eius mortem repertus, in quem, dum constitutiones scriberet, assidua Dei beneficia illustrationesque eas, quibus à Deo perfundebatur, & memoriæ, & deliberationis causa, quasi in ephemeridem referebat. Quo ex scripto planè perspicitur Ignatij virtus, & diuinæ erga illum largitatis plenitudo, pondusque ipsarum constitutionum, & autoritas. Omittam reliqua: de vna paupertate dicam. Quadraginta continuos dies Deo Opt. Max. sacrificauit: & diuinis precationibus, solito se dedit ardentius, ob id vñum, vt statueret, expediret ne nostris professarū domorum Ecclesiis reditus aliquos esse, ad ipsarum Ecclesiarum vel fabricationē, vel cultum & ornatum. Et vt ego quidem existimo, vt superiora illa, quæ dixi, illustriora fierent; & diuina dona, quæ Ignatius humilitatis studio intra se occultabat, in lucem exirent, & foras ad nostram vtilitatē proferrentur: Deus ipse afflatu illum suo, instinctuque incitauit, vt quid illis quadraginta diebus in matutina oratione, quid in præparatione ad Missæ sacrificium, quid in ipso sacrificio, quid post, sibi accidisset, breuiter planeque conscriberet. In eo videre est, illi quanta fuerit sui examinandi, & conscientiæ perscrutandæ cura, quàm

quàm incensa & accurata oratio, quanta lacrymarum, & continua penè effusio: quã sæpe consolationis magnitudo redūdaret etiam in corpus, & vox, intercluso spiritu hæreret, ac fari nō posset: & totius corporis venæ, sensibilibiter (vt ita dicam) commouerentur. Illic cernitur, quàm assiduus eius mens, atque eximiis de sanctissima Trinitate illustrationibus impleretur, de diuina essentia, de processione, de proprietate diuinarū personarum, & operatione; deq. sacratissimo illo mysterio, tum occultis intelligentiis, tum externis doceretur imaginibus. Neque verò breues illæ erant, aut fugaces, sed prolixe interdum, ac diuturnæ, & quæ in cubiculo, in mensa, dormi, foris illum comitarentur, & suæ magnitudinis æstu quodã absorberent. Singula persequi non est necessarium, hoc attingendum fuit, vt intelligamus, quo loco constitutiones nostras habere, qua veneratione suscipere, quo studio curaq. obseruare debeam⁹. Quamquam Ignatius, qua erat animi modestia præditus, post tot cognitiones supernaturales, & diuinæ voluntatis testimonia, sibi non sumpsit, vt constitutiones firmæ essent ac ratæ, donec vniuersa Societas, suo eas iudicio comprobaret. Quod quidem Romæ anno 1558. ipso mortuo factum est, in publico vniuersaliq. Societatis conuentu: in quo constitutiones omnes, vt fuerant ab ipso conscriptæ, magna veneratione susceptę sunt, & summa omnium patrū cōsensione ac volūtate cōfirmatæ.

EX eorū numero, quos hoc anno ab Ignatio euocatos, Romam venisse diximus, Franciscus Borgia Dux Gandiæ fuit, qui quidem Societatis tertius fuit Præpositus Generalis. Is cū intelligeret, quantas commoditates Collegium Societatis, in ea Vrbe quæ caput orbis terrarum est, esset allaturum: minimeque decere existimaret, eam, quæ Societatem prima omnium complexa est, & ex qua vniuersa Societas gubernatur, eo fructu carere, quem multæ aliæ ciuitates, ex nostrorum opera atq. eruditione perciperent, Ignatij hortatu atque consilio, Collegium Romæ instituendum curauit: cuius initium factum est anno Domini 1551. 18. Februarij, ad radices Capitoli, per angustis ædibus. Quo tēpore fuerūt in Collegio quattuordecim, quibus præerat Rector P. Ioannes Peletarius Gallus: ad hunc enim fere numerum alendum, pecuniam tunc Franciscus suppeditauerat. Deinde mense Septēbri, duplicato penē numero, in ampliorem domum nostri cōmigrarunt. Et tunc quidem trestantum linguas, Hebraicam, Græcam, Latinā, atque Rhetoricam, nostri præceptores suis auditoribus explicabant, non sine magna ludimagistrorum Urbis offensione, & ea indignatione, vt discipulorum suorum stipati caterua, in scholas nostras aliquando irrumperent, & nostris præceptoribus docentibus obstreperent,

rent, atque intemperantius insultarent: donec anno 1552. 28. Octobris, in æde D. Eustachij, maxima Cardinalium, Episcoporum, eruditissimorumque virorum, atque studioforum frequentia, orationes habitæ à nostris ac disputationes sunt, quibus illorum insolentia compressa est. Multo vero magis cum anno 1553. à nostris theses propositæ publicè sunt, non solû de Rhetorica, & tribus linguis, vt fieri superioribus annis consueuerat; sed etiam de vniuersa Philosophia, ac Theologia. Quæ quidem disciplinæ, tû primûm in hoc Collegio tradi cœperunt: cui tum præerat D. Martinus Olaius, vir excellentis doctrinæ, atque integritatis opinione nobilis, qui multûm per id tempus, Collegium Romanum illustrauit. Creuit hoc anno nostrorum numerus ad sexaginta: sequenti verò ad centû, quos, cû domus capere cõmodè nō posset, in latiores ædes anno 1556. immigrarunt. In iis per annos ferme quattuor habitarunt, donec anno 1560. Pij 1111. Pont. Max. autoritate & hortatu, nobilissima atq. integerrima femina Victoria Tolsia, Pauli 1111. Põt. Max. sororis filia, nec expectantibus nobis, nec opinantibus, sedem tamen Collegio certam in Vrbe quærentibus, locum commodum, amplum, salubrem, ac maximè celebrem præstanti liberalitate donauit. Quem, nihil minus quàm de nobis cogitâs, in pium vsum, ex viri Camilli Vrsini Guardix Marchionis testamento parauerat: multisque ædibus Pau-

li IIII. Pont. Max. imperio, ac potestate coniunctis, in Insulā omninò redegerat : in quibus & ipsius Victoriæ domus est , & ea quam ipse Paulus IIII. emit, & multis annis Cardinalis cū esset, habitauit. Hoc in loco vehementer multiplicatus est nostrorum numerus : fuit enim nonnunquam ducentorum & viginti, isq. conflatus ex omnibus penè Christiani orbis prouinciis . Eodem enim tempore, ex sexdecim , aut eo amplius diuersissimis nationibus fratres nostri in hoc Collegio sæpe reperiuntur, linguis quidē inter se, ac sermone distincti, sed summa cōcordia animorum, fraternoq. amore sociati. Quos diuina benignitas in magna etiam antiquæ caritate, supra hominum fidem, sed non supra fiduciam ac spem Ignatii , hætenus sustentauit. Ab hoc autem Collegio reliqua fluxerūt, quæ in Italia, Germania, Bohemia, Polonia, Flandria, Gallia cōstructa Collegia sunt. Quæ causa fuit vt Ignatius (cuius cogitationes omnes & vigilæ in hominum salute consumebantur) tantopere de hoc Collegio laboraret: cuius utilitates non ad vnā aliquam ciuitatem, sed ad multas nobilissimasque prouincias, ad nationes etiam hæreseos erroribus deprauatas , maximè pertinere iudicaret. Quod quidē cū re ipsa Beatissimus. Pōt. Gregorius XIII. expertus esset, videretq. latissimè patere Collegij Romani fructus, & ad seminarium Romanum, & ad Germanicum, & Anglicanum, aliaq. Collegia diuersarum
natio-

nationū à se ædificata corroboranda atq. augēda esse necessarios; opus & Pastore vigilā-
 limo, & Principe liberalissimo dignum ag-
 gressus est, Collegiumque Romanum funda-
 re, amplificare, atque stabilire constituit, ma-
 gnifico in primis atque sumptuoso ædificio,
 & redditibus magnis atque perpetuis: vt in
 eo ex omnibus nationibus magnus nostrorū
 Scholasticorum alatur numerus, ad propagā-
 dam Catholicam Religionem, & reliqua se-
 minaria tuenda & conseruanda. Atq. vt hoc
 eius sapientissimum in fundando Romano
 Collegio consilium magis eluceret, sub pri-
 mo fundamenti lapide, hæc verba incidi ius-
 sit: Gregorius Pont. Max. Collegium Socie-
 tatis Iesu, omnium nationum seminarium,
 pro sua in Christianam Religionem & Ord-
 nem illum pietate, à fundamentis extruxit &
 dotauit, anno salutis, millesimo quingente-
 simo octuagesimo secundo. Pontificatus sui
 decimo. Romæ.

COLLEGIA ALIQVOT IN HI-
*spania nostri instituunt: ab Archi-
 episcopo Toletano vexantur.*

CAP. IIII.

I Actis Romani Collegij fundamentis, dis-
 ccessit Franciscus Borgia ex Vrbe, atque in
 Hispaniam rediit: ibi ditionem suam filio
 natu maximo cedit: sæcularem cultum exiit:
 in Cantabriam remotam Hispaniæ partem
 se recipit: sacris initiatus concionatur: ostia²

tim mendicat, magna hominum admiratione. Eius rei fama atque exēplo commoti nobilissimi quidam viri, ad illum veniunt, & se ad nostram Societatem adiungunt. Ognatense præterea Collegium ab eodē Patre habitati cœpit, cui Petrus Araoz possessiones quasdam suas, & fructus antea legauerat. Burgenſe eodem item tempore est inchoatum. Nam cūm Franciscus Mendoza Cardinalis, creatus eius ciuitatis Episcop⁹, ad diœcesim suam perlustrandam, & verbum salutis ouibus ministrandū, duos ex nostris ab Ignatio impetrasset: illi, imposito sibi munere expleto, præclaram Collegij instituēdi occasionem dederunt, quod Franciscus Strada multum deinde suis concionibus illustrauit.

Metinēſi etiā Collegio Rodericus Duegnas, vir copiosus, & pius initium attulit: qui Petri Fabri, & Antonij Araoz familiari sermone permotus, ad suam, & ad publicam eius ciuitatis vtilitatem, aliquot ex nostris expetiuit. Auxit verò ciuium studium, nostrorum præsentia, & in plateis habitæ conciones. Itaque Anno 1551. nostri ad constituendum Collegium Metinam primū missi sunt: quod postea Petrus Quadratus, eiusq. vxor Francisca Manson, opibus ac religione præstantes exædificarunt, & certis redditibus stabilierunt.

Sed vt lætis aduersa succederent, & Societas nunquā nō exerceretur vtiliter, sub idem tempus grauis in Hispania, ab Archiepiscopo Tole-

Toletano Ioanne Siliceo procella in nostros est excitata. Hic aliter quàm res est, de Societatis instituto sentiens, Sacerdotes omnes, qui exercitationibus spiritalibus eruditi à nostris erant, confessiones audire Toleti vetuit: Cōpluti verò, ubi solū in eius diœcesi, tunc commorabantur, publicis edictis populum à nostris Sacramenta percipere prohibuit: qui secus facerent, his sacris interdicit. Neq. vt sententiam mutaret, adduci prius potuit, quàm Archiepiscopi factum contra summi Pontificis auctoritatem (de cuius voluntate diplomatis ipsis Pontificiis constabat) esse iudicās, Regium Consilium nostrum nobis institutum voluit liberū esse. Et Pontifex ipse Maximus Iulius III. certior de re factus ab Ignatio, grauitè ad Archiepiscopum scripsit: mirari se, & molestè ferre, quòd susceptam, & probatam à Sede Apostolica Societatem, minus ipse probarer, & in omnibus penè Christiani orbis Prouinciis magna cum utilitate versantem, meritoq. proinde ab optimo quoque expetitam, solus ipse repudiaret, ac reiiceret. Quibus literis, & Regio edicto factum est, vt Archiepiscopus decreta sua renocaret, nostrisque suā facultatē integram esse permetteret. Cū primū autem hanc ab Archiepiscopo Toletano in Societatē cōmotam tempestatem Ignatius audiuit, blando ac tranquillissimo, vt solebat semper vultu, mihi dixit: In magnæ felicitatis parte hæc nobis aduersitas est numeranda, cū nulla no-

stra culpa contracta sit. Est enim evidens argumentum, quòd Dominus noster magnos fructus faciet Toleti per Societatem. Nā illud compertum est, ibi nostros vberiores fructus atque suauiores attulisse, vbi grauiora passi sunt. Atque etiam illud adiecit: Archiepiscopus senex est, Societas iuuenis, itaq. naturaliter plus viuet Societas, quàm Archiepiscopus. Porro quàm vera fuerint Ignatij verba, quæ Toleti postea consecuta sunt, atq. in præsens fiunt, facile ostendunt. Idq. ab ipsa statim Archiepiscopi Silicei morte manifestè cognitum est. Nam cùm illo mortuo, nostri Toletum accersiti primùm sunt, & ad habitandum certum in nobilissima atque amplissima ciuitate domicilium ingressi: in his ædibus habitauerunt, quas Archiepiscopus ipse Siliceus exedificauerat in Clericorum vsum, & instruxerat. Notatumque est à multis, & animaduersum, omnes magni illius Archiepiscopi aduersus Societatem conatus, eò demum recidisse, vt domū illis ædificasse videretur, quos bono forrasse zelo, sed non secundum scientiam, suis ipsorum domibus cupiebat eiectos.

PROVINCIALIS IN ITALIA
declaratur Laines: Viennæ moritur Iaius.

CAP. V.

ET hæc quidem in Hispania. In Italia vero eodem anno 1551. Collegium Florentinum, Leonoræ Ducis benignitate, initium habuit.

habuit. Neapolitanum item , ac Ferrariense. Et ad Neapolitanum quidem collocandum ac stabiliendum, magnum adiumentum attulit Magister Alfonsus Salmeron, ob eā ipsam rem ab Ignatio Neapolim missus. Ferrariense verò inchoauit Hercules I. Ferrariæ Dux, qui & Nicolao Bobadilla, & Claudio Iaio familiariter vsus fuerat, nascentemque fouerat Societatem: ad quē Paschasius Broer, constituendi Collegij causa, ab Ignatio tunc missus est. Quibus quidē Collegiis, reliquisq. per Italiam factis, præfecit Ignatius, & Præpositum Prouincialem constituit Magistrum Iacobum Lainem, qui sub annum 1550. ex-
euntem, redierat ex Africa: vbi Christianis militibus egregiā nauauit operam in eo bello, quod Duce Ioanne Vega Sicilia Prorege, aduersus Christiani nominis hostes, expugnato Aphrodisio, feliciter gestū est. Ad cuius capri iam oppidi defensionem, animādos milites qui in præsidio erant, & in pietate iu-
uandos, profectus Hieronymus Natalis, euasit ex naufragio diuinitus, socio nauigationis Isidoro Sbrando in fluctibus extincto, anno 1551. Sed etiam in Germania, eodē tempore Societas creuit. Nam Ferdinandus Romanorum Rex, vt Viennēsis Academiae studia instauraret, & hæreticorum passim grassantium furorē compesceret, Claudiū Iaium ad se accersuit, & aliquot Theologiae professores ab Ignatio postulauit: qui Viennam eodem anno 1551. profecti, apud Dominicanos

sunt in seposita Monasterij parte diuersati: postea verò ne religiosis Patribus impedimento essent, in Carmelitarum Cœnobiū relictum, ac ruinosum, Præfectis eius Ordinis libentissimis, commigrarunt.

In hoc Collegio anno 1552. 6. Augusti. ipso Dominicæ Transfigurationis die, P. Claudius Iaius Ignatij socius, vnus ex primis decem, natione Allobrox excessit è vita: vir de Christiana Religione optimè meritus, quam in Italia, Bauaria, Sueuia, Austria, Germania tota, magnis suis laborib^{us} amplificare nō destitit. In comitiis potissimū Augustanis peregreiam Catholicæ Religioni atque Societati nauauit operam, tanta hominum approbatione, vt præteritorum laborum pro Germaniæ salute susceptorum fructus haud pœnitendos collegisse videretur. Nomen, originem, progressum Societatis & institutum sic explicauit, & Germanorum animis infixit, vt autoritatem nostris & fidem conciliauerit. Inuitatus est à Saxoniae Ducis Oratoribus, vt in Saxoniam sese conferret, ac de Religione cum eorum magistris disceptaret, sed à Ferdinando Romanorum Rege ad Collegium Viennæ constituendum (vt diximus) euocatus, profectiōem illā distulit. Fuit vir mitissimo præditus ingenio, & naturæ iucunditate quadam religiosa grauitate condita: paupertatis amore insignis; orandi assiduitate excellens; temporis parcus, & tenax; animi modestia atque humilitate eximius. Tergestinum

stinum Episcopatū tam grauitē firmiterq̃.
repudiāuit, vt multos dies in continuo penē
luctu iaceret, quod illū effugere se posse di-
fideret: sed illo metu liberatus, ad pristinā re-
diit iucunditatem.

COLLEGIJ GERMANICI IN-
stituendi initium, & cause.

CAP. VI.

NEque verò de Germaniæ salute in Ger-
mania solum nostri laborabāt, sed etiam
in Italia: quorum opera Collegium Germa-
nicum à Iulio tertio, Pont. Max. Romæ co-
dem anno 1552. institutum est. Quod utique
Collegium etsi Societatis nostræ proprium
non est, tamen quod à Societate gubernatur,
ac pendet multiplex eius vtilitas, ea ex parte
in nostris numero. Eius initiū eiusmodi fuit:
Erat Ignatius cū ad curandas pro virili parte
omnes vitiosas Christianæ Reip. partes in-
tentus, tum verò ad eam, quæ maximè labo-
rabat, Germaniæ Prouinciā. Illi igitur de
medicina cogitanti, Ioānes Moronus S. R. E.
Cardinalis, vir prudētiæ laude excellens, hāc
vnam proposuit, quam cognitis atque explo-
ratis Germanicis rebus ex legatione Aposto-
lica qua functus in Germania fuerat, magnā
vīm habituram sperabat: autorq̃ue in primis
fuit Germanici Collegij in vrbe constituen-
di. Etenim animaduertit, quòd inscitia quo-
rundam Sacerdotū in Germania, & vita non
satis probata perditum & profligatum fuerat,
doctorum ac pastorum erudita probitate re-

stituendū. Eſſe autē percommodū, Doctores
ac Paſtores Germanorum Germanos eſſe: ſic
enim fore, vt eiſdem nationis legibus, mo-
ribus, natura inter ſe, atque amore deuincti,
facilius in eorum animos influant: & mater-
na lingua inſtructi, vim maiorem ad perſua-
dendum habeant. Eiſmodi porrò magiſtro-
rum ea in Prouincia inopiam ſummam eſſe:
eamque fieri quotidie maiorem, iis qui ſu-
perſunt, paulatim deficientibus: hæretico-
rum verò magnum eſſe numerum, & noua
ſemper prole copioſiorem. Ex quo conſilium
ſalubrius excogitari nullum potuit, quàm Se-
minarium inſtitui, quo, antequam omnino
exareſceret, ſtirps ipſa excitaretur in ſemine:
& præclari iuuenes, ingenij ac virtutis ſpe
commendati, ab ea ætate quæ flexibilis eſt,
moribus, literis, atque inſtitutis Catholicis
ad omnem pietatem informarētur. Hoc Se-
minarium in Germania ſanè fieri vix pote-
rat: nam vt maximè integrum locum, atque
incorruptum eligas, inter venenatos tamen
hæreticorum morſus, facilis cōtagio eſſet: ne-
que vſpiam à callidis hōſtibus ſatis tuta ado-
leſcentia. Extra Germaniam verò, neque lo-
cus ad eam rem aptior, neq. Academia com-
modior, neque ciuitas, quàm Romana, op-
portunior eſſe potuit: in qua nimirum do-
ctrinæ Catholicæ integritas, loci ipſius ſan-
ctitas, hominū in Urbē conſuentiū multitu-
do, ac deuotio, Religionis auitæ atq. Apoſto-
licæ reuerentia, benefica ſummorum Ponti-
ficum,

ficum, ac prolixa liberalitas, procreare in ipsis adolescentibus pietatem, atq. alere, & à fraude hæreticorum facile possunt auertere. Hæc maximè fuit ratio instituendi Germanici Collegij, inita primùm, vt diximus, à Cardinali Morono, cum Ignatio deinde, aliisque grauissimis viris communicata, à Iulio III Pont. Max. ac vniuerso Cardinalium Senatu suscepta, & confirmata. Atque vt certo res ac stabili fundamento niteretur, in victum illorum & cultū summus Pontifex pecuniam de suo promissam quotannis benignè persoluit: eiusque exemplum Cardinales omnes, pro sua quisque facultate, cupidè sunt secuti. Quo ipsi Germani adolescentes rerum ad vitam necessariarum molestia liberati, de pietate tantummodò, ac doctrina cogitarēt. Data igitur Ignatio cura est, iuuenes ex omnibus Germaniæ partibus ad eam rem euocandi, moderandi que. Quā ille Prouinciā, tum rei magnitudine, tum Pontificis Max. per motus imperio, libentissimè suscepit. Spectatos viros Collegio præposuit, optimis illud legibus temperauit; & vt Germani idoneos haberēt in nostro Collegio Romano præceptores, magna cura perfecit. Illud nequaquā suscepit, vt rationes pecuniarias nostri attingerent, aut iis, quæ ad sumptus pertinent, vel exigendis, vel distribuendis implicarentur. Mortuo tamen Iulio III in eo bello quod ad Urbem postea gestū est, cum videret Ignatius propter annonæ caritatem, bellicosq. rumul-

multus Collegium Germanicum periclitari:
ne præclarum opus ac necessarium omnino
dissolueretur, partem ipsorum iuuenum id
volentium in varia Societatis Collegia dimi-
sit, in quibus dum nimbus ille transiret, com-
modius alerentur: partem Romæ retinuit, &
conquisitis pecuniis magno suo labore su-
stentauit, suamque obligauit fidem. quam
pulchrè Dominus liberauit, debitum ad num-
mum postea persolutis. Quo ipso tantæ ino-
piæ tempore palam dixit Ignatius, quod alias
sæpè dixerat, diem illum aliquando futurum,
cùm Germanicum Collegiū, non modò nul-
lis rei familiaris premeretur angustiis, sed
etiam abundaret rebus necessariis, atq. afflue-
ret. Et cum Otho Trusses, S. R. E. Cardina-
lis, Episcopus Augustanus, acerrimus Catho-
licæ fidei propugnator, atque eximius Ger-
manici Collegij patronus, principio subuere-
ri videretur difficultates, quæ in illo consti-
tuendo multæ & magnæ aliæ ex aliis subin-
de nascebantur, ipsum bono animo esse Ignatius
iussit, & in Deo bene sperare. Addiditq.
si Prouinciā Cardinalis recusaret, se illam
Dei benignitate confisum, magna animi ala-
critate suscepturum, depositumque ab aliis
onus subiturum. Neq. Ignatiū fefellit spes.
Deus enim, vt impulsor præclarissimi operis
atque autor fuit, sic adiutor eiusdem, fautor-
que esse non destitit. Nam Gregoriū x i i i.
Pont. Max. sapientissimum afflatu suo, instin-
ctuque diuino permouit, vt collapsum penè
Colle-

Collegium Germanicum erigeret, augetet & in domo certa magnis prouentibus atq. perpetuis stabiliret, & de nobilissima atque amplissima Germanica natione bene mereretur; & omnes animi neruos contenderet, vt Catholicam Religionem ea in Prouincia vel conseruaret, vel restitueret, quam alij Gregorij sanctissimi Pontifices luce Euangelica illustrassent, amplificassent, & muneribus amplissimis Imperij ornata, longè aliis orbis terrarum prouinciis præretulissent.

FRANCISCI XAVIER

obitus. CAP. VII.

Eodem anno P. Franciscus Xauier profectus ex India ad illustrandos Euangelij splendore Sinarū populos, in ipso primo aditu illius Prouinciæ decessit è vita. Hic Pater natione Hispanus, in extremis Navarra Vasconum finibus, qui Gallos attingunt, nobili loco natus est, liberaliterque à parentibus educatus. Post primæ ætatis incunabula atq. doctrinæ, studiorum causa Lutetiâ Parisiorum se contulit, tantumque in eruditione profecit, vt Aristotelicâ Philosophiam publicè profiteretur. Quo tempore in Ignatium iisdem studiis vacantem incidit: & ad vtiliorē Philosophiam traductus, voluntatem suam cum illo societatemq. coniunxit. In Italiâ postea cum reliquis sociis venit: & multis laboribus in mendicitate, ac peregrinatione pro hominum institutione, ac salute mira patientia & charitate susceptis, anno 1540. in Lusitaniâ

Li. 2. c. 16

ab

ab Ignatio, vt in Indiam nauigaret, quo suprà diximus modo, missus est. Quo in itinere, cum non pròcul à patria transiret, eiusque còsanguinei, atq. necessarij minimè deuij essent, vt eos salutandi gratia paululum de via declinaret, adduci non potuit. Ex Lusitania, in qua se illis populis valde probauerat, septimo (vt diximus) Aprilis, anni 1541. in nauim Martini Alfonsi Sossæ Prætoris, cum duobus Sociis Paulo Italo, & Francisco Mansilla Lusitano conscendit. Qua in nauigatione & longa & periculosa ita se gessit, vt agris operam suam, sanis doctrinam impertiret, nostris nauigationis normam relinqueret, omnibus denique admirationi atque exēplo esset. In Mazanbic (quod Prasiū promōtorium olim nomen habuit) sex menses classiariis multis, nautisque ægrotantibus, operam suam diligenter dedit. Melinde Sarracenorum oppidum, ac Melindensis Regni caput præteruectus, & Zocotoram (quam veteres Dioscuriadam appellarunt) sterilem insulam Christianorum, & asperam, atque in eis suæ virtutis relinquens impressa vestigia, tandem 6. Maij 1542. Goam appulit: atque in pauperum hospiralem domum primùm diuertit, in qua egenorum animis, corporibusque curandis tempus traducebat. Mane hominum ad se venientium confessiones audiebat, pomeridianis horis eorum qui in vinculis & carcere erant: tum pueros Christianis institutionibus imbuebat. Dominicis diebus elephan-

tias

tiasi etiam, fœdoque & tetro morbo laborâ-
res extra urbem positos inuisebat, & eorū do-
lorem sua caritate mitigabat. Quibus rebus
vniuersa Goensi ciuitate commota, in eū In-
diæ tractum, qui Pescheria vulgo à margari-
tarum piscatu, vel Comurini promontorium
appellatur, deinceps contendit. Ibi magnam
hominū vim ab infidelitatis tenebris ad Chri-
sti lucem conuertit, & lacte integræ doctrinæ
nutriuit, & à quibus in posterum etiam ale-
rentur præceptores reliquit, constitutis in eo
tractu Ecclesiis supra quadraginta. In Mafa-
car deinde profectus, duos Reges, & ingen-
tem cum eis populi multitudinem, ad Christi
fidē perduxit. In vrbe Malaca in primis no-
bili, deinceps aliquandui fuit, sui omnino si-
milis: ex qua in Maluccas insulas delatus, in
ipso Malucco oppido innumeros penē infan-
tes baptizauit; reliquos ita docuit, vt femi-
næ, mares, pueri, senes, diuinæ legis præcepta
passim cantarent: & piscator in mari, colo-
nus in agro, Christianæ fidei decantarent ru-
dimenta. Ipse verò, præter occupationes, qui-
bus interdum assiduus distringebatur, ac per-
petuis, de nocte tintinnabulo populum vica-
tim excitabat, & voce monebat, vt animis
quæ in Purgatorio expiantur suis opem pre-
cibus ferrēt. Posthac septem in Amboino pa-
gos Christianorum nomine potius, quam re,
circumlustraui, & ad veræ pietatis formā in-
stituit. Cū autē intellexisset, in insula Mo-
ri Malucco proxima, magnam indigenarum
copiam

copiam esse, quorum maiores olim Christi
baptisma suscepissent, & mortuis iis, à quibus
fuerant initiati sacris mysteriis, deserti ab
omnibus remansissent, atque ex eo tempore
propter truculentam ipsorum hominum bar-
bariem, & certum vitæ periculū, ad illos ac-
cedere ausum fuisse neminem, eò Franciscus
ire constituit: tum vt eorum, tum vt suæ salu-
ti consuleret. Nanque iudicabat, magnam es-
se illorum spiritalem, atque adeò extremam
necessitatem, cui ipse subuenire atque opitu-
lari deberet, etiam si vita ei esset in eā re po-
nenda. Illud enim meditabatur attēius Do-
mini verbum: Qui amat animam suam, per-
det eam; & qui perdiderit animam suam pro-
pter me, inueniet eam. Quæm Euangelij lo-
cum legentibus apertum videri, experiēti-
bus affirmabat obscurum. Est autem insula il-
la aspera, horrida, rebus ad vitam necessariis
planè destituta; stremitu, & horribili fragore
remugiens; maximis terræmotibus, iisq. pe-
nè quotidianis contremiscens. Indigenarum
porrò non mores hominū, sed monstra quæ-
dam ferarum immanium, quibus nimirum
nullus ludus iucundior est, quā cædes homi-
num, & trucidatio. Si alienis nequeunt mor-
tem inferre, non mariti vxoribus parcut, non
parentes filiis, non filij parentibus: eosq.
ipsos senio iam confectos filij interficiunt,
eisq. vescuntur, & in eum vsum sibi vicis-
sim accommodant. Cū autem plurimi eius
amici in apertum ipsum iudicarent se con-
iicere

ficere vitæ discrimen, & propterea precibus illum, & lacrymis retinere conarētur, in cuiusque vita multorum salutē repositam esse dicerent: ille tamen, qui summum in Deo præsidium suæ vitæ constitutum arbitrabatur, & sua morte multorum vitæ prodesse optabat, ab instituto cursu reuocari non potuit. Varia antidoti genera, quibus si opus esset, uteretur, amicis eisdem offerentibus (nam etiam venenis homines illi utuntur) ne quid de excellenti illa sua in Deū spe amitteret, eadem animi virtute remisit. Eò profectus insulam peragrauit, incolas, vel feras potius belluas inuisit, Christi fide collustravit, doctrina mansuefecit, admirabili securitate mētis, & tranquillitate. Sciebat enim se Deo esse curę, apud quem omnes capilli capitis nōstri numerati sunt. *Mat. 10.* Qua de causa illam non insulam Mori (ut vulgo) sed insulam Spei appellandam esse dicebat: in qua tam copiosas à Deo, ex miasque consolationes accepit, ut maximos corporis labores non solū mitigarent, verum etiam exhaustirent: negabatque hominem in ea insula vivere posse diutius, quin cōsolatoriis lacrymis oculos amitteret. Dum in iis versatur insulis, Iaponius quidam, Anger nomine, illum ut quæreretur Malaccā venit. Hic vir prudens atq. honestus, magnis pungebatur consciētiae stimulis ex recordatione peccatorum, quæ admiserat in iuventute. Rebus multis tentatis ad eam depellendam molestiā, Bonzis (sic enim Sapientes & Sacerdotes suos

b appel-

exorta Malaccam refert: ibi Franciscum ex Maluccis redeuntem offendit: fit Christianus in Goensi Collegio, & Paulus appellatur. A quo maximè, & Christiano iâ, & in nostram Societatem admissò, & viro peracuto, ac prudenti, & Iaponensium sectarum perito, didicit Franciscus, Iaponenses insulas multas numero esse: eam verò quæ principem tenet locum, sua magnitudine ac celebritate in primis nobilem, & hominum ipsorum ingeniis, cultu, doctrina, sectarum diuersitate, Sacerdotum frequentia, atque varietate præstantem. Iaponios verò vsque adeo dociles esse, & rationi obsequentes, ut facilè eam Religionem sequantur, quam neque à ratione abhorrentem videant, neque ab eius qui illam profiteatur, moribus discrepantem. Quæ cum sermonibus Lusitanorum, & amicorum valde congruerent, in Iaponem nauigare constituit: & Paulo ipso, duobusque etiam Iaponiis eius famulis Christianis, ac nonnullis præterea sociis comitatus, eò penetrauit, superatis magnis & nauigationis periculis, & Gentilium insidiis. Insula magna parte peragrata, Meaco vrbe maxima atq. amplissima adita, hominibus plus minus 1000 Cangaximæ, Bungi, Amangutij conuersis ad Christi fidem, sociis ad nouellas plantas excolendas, regendasque Ecclesias ab se iam constitutas relictis, in Indiam reuertitur: inde noua auxilia in Iaponem nostris mitit. Ipse verò, quod intellexisset Iaponios omnem discipulatum, ac Religionem à

exorta Malaccam refert : ibi Franciscum ex
Maluccis redeuntem offendit: fit Christianus
in Goensi Collegio, & Paulus appellatur. A
quo maximè, & Christiano iâ, & in nostram
Societatem admissio, & viro peracuto, ac pru-
denti, & Iaponensium sectarum perito, didi-
cit Franciscus, Iaponenses insulas multas nu-
mero esse: eam verò quæ principem tenet lo-
cum, sua magnitudine ac celebritate in pri-
mis nobilem, & hominum ipsorum ingeniis,
cultu, doctrina, sectarum diuersitate, Sacerdo-
tum frequentia, atque varietate præstantem.
Iaponios verò vsque adeo dociles esse, & ra-
tioni obsequentes, vt facillè eam Religionem
sequantur, quam neque à ratione abhorren-
tem videant, neque ab eius qui illam profite-
tur, moribus discrepantem. Quæ cùm sermo-
nibus Lusitanorum, & amicorum valde con-
gruerent, in Iaponem nauigare constituit: &
Paulo ipso, duobusque etiam Iaponiis eius
famulis Christianis, ac nonnullis præterea so-
ciis comitatus, eò penetrauit, superatis ma-
gnis & nauigationis periculis, & Gentilium
insidiis. Insula magna parte peragrata, Mea-
co vrbe maxima atq. amplissima adita, ho-
minibus plus minus 1500 Cangaxima, Bun-
gi, Amangutij conuersis ad Christi fidem, so-
ciis ad nouellas plantas excolendas, regenda-
que Ecclesias ab se iam constitutas relictis, in
Indiam reuertitur: inde noua auxilia in Iapo-
nè nostris mittit. Ipse verò, quod intellexisset
Iaponios omnem discipuli nam, ac Religionem à

Sinis (quorum est latissima prouincia) quondam esse mutuos & instituta viuendi accepisse: tum vt ipsis Sinis Euangelium afferret, tum vt illa quasi arce expugnata, victisq. ipsis ducibus atque errorum magistris, facilius Iaponij sub Christi iugum mitteretur, in ipsam Sinam proficiscitur, nullo ex nostris socio, duobus tantum pueris Sinis comitantibus. Cum in Insulam Sangiam, Sinæ proximam peruenisset, & aditus in Sinam sibi haudquaquam pateret, per Sinarum leges (quibus cauetur ne quis peregrinus eò ingrediatur: neque quis Sinam aduenam inferat, aut admittat: qui secus fecerit, vel neci deditur, vel seruituti addicitur) ipse tamen piper quod ex eleemosyna acceperat, & aureis coronatis trecentis aestimabatur, Sinæ cuidam se daturum est pollicitus, si ille in oppidum Canthonem, quod Sinarum primum occurrit, de nocte ipsum quam occultissimè inferret, atque in aliqua vrbi platea collocaret. Atque illum hæc parantem, remunerari Dominus voluit, voluntas eius metiens, rem integram aliis ex Societate, qui postea eò sunt ingressi, seruans. Nam pridie Kalend. Decembris in naui cum adhuc esset, morbo oppressus, intra cubiculum obseratum, cibi omnis expers, totum diem se continuit, suspiriis crebro ductis identidem repetens: Fili David, miserere mei, tam clara voce, vt à nautis etiam, vectoribusque exaudiretur. Postridie, breui se ex hac vita migraturum significans, in præalta rupem, & asperam se deponit.

deportari iussit: ubi ad mediam noctem sequentis diei familiariter cum Deo loquens, ac suauissime, de huius mortalitatis ergastulo feliciter euolauit ad Dominū 2. Decemb. 1552. Et hæc quidem de eius obitu sic ad Ignatium ex India tunc scripta sunt. Ij tamen qui morienti adfuerunt, & vita functum humarunt, Franciscum ad 12. Kalend. Decemb. in morbum incidisse, postea narrauerunt, & in insulæ portusque Sangian humili quadam atque straminea casa sanctissimam (vt diximus) animam efflasse 2. Decemb. Neque mirū in tanta terrarum ac nationum diuersitate, initio quædam minus fuisse comperta.

Fuit vir admirabilis, neq. Christianis tantū, sed ipsis etiam gentibus venerabilis. Virgo prorsus, & impollutus: humilitatis studiosissimus, quam cum omnibus in rebus retineret, mirificè tamen occultabat: victus, cultusque tenuissimi: amictu utebatur vilī, victum ostiatim mendicabat. Si quid ipsi ab amicis mitteretur, in egenorum vsus conferbat quàm poterat occultissimè. Semel in die capiebat cibum, carnibus raro vesccebatur, vinum vix bibebat, nisi fortè apud amicos, inuitatus: tunc enim appositis epulis, nullo delectu utebatur. Insigni erga proximos caritate, quibus vt subueniret, ac præsto esset, nullis parcebat laboribus. In facinorosis hominibus ad meliorem frugem reuocandis, dexteritate singulari. Si quem aut flagitioso amore irretitum esse intelligeret, aut perdi-

b 3

tum,

rum,artificio quodam mirifico, in eius se insinuabat familiaritatem: deinde consuetudine iam implicato, vltro se etiam ad prandium offerebat: cū intimus esset, concubinas illi detrahebat, & pellices. Quod si plures haberet, & vnā simul omnes non possēt, ita tractabat hominē, vt gradatim, sensimq. omnes abiiceret: acciditq. aliquādo, vt octo cuidā concubinas ademerit, admirabilis prudētia, ac sermonis iucūditate. In aduersis infractus omninō, ac robustus: in diuina prouidētia semper defixus, cuius fiducia, & alieno tēpore nauigabat, & vitā suā magnis obiiciebat periculis, à quibus se penumerō ereptus est. Ter naufragiū fecit, duos aliquando, trēsve dies iactatus vndis, in tabula seruat⁹ est: diu postea in syluis abditus, manus se insequentiu Barbaroru, & crudelitatem vitauit: aliās arbore tectus, in eaq. pernoctans, mortem à Gentilibus sibi paratam, euasit. In summis sæpe molestiis Deum precabatur, vt dura semper duris succederent, neque sibi labores vnquam minueret, sed potius augeret. Orationis spiritu excellens, in qua totas frequenter ponebat noctes, easque coram sanctissimo Domini nostri Iesu Christi corpore, cū poterat, vel coram imagine Crucifixi in somnes traducebat. Si naturę imbecillitate opprimeretur, sæpe vel saxum capiti, vel cervical durum subiiciebat, atque ita humi cubans, leuem capiebat somnū, & breuem, quem frequenter tamen interrompebat gemitu. Consolationibus diuinis mirificē abun-

abundabat. Solum cum se putabat esse, manu
pectori admota, sublaris in cælum oculis, ad
Deum sæpe clamabat, Satis est Domine, satis
est. In Iapone verò, suis pedibus iter faciens,
ita accipiebatur interdum, ut vepribus se in-
dueret, in lapides offenderet, pedes laceraret,
sine dolore, sine sensu: tanta erat diuini æstus
magnitudo. Orantem illum Diabolus graui-
ter aliquando verberauit: sed non idcirco ora-
tionem intermisit. Obedientiæ studiosissi-
mus fuit: cui virtuti negabat ullam terrarum
longitudinem obstare, ullam maris immensi-
tatem. Erga Episcopos, & sacra aliqua digni-
tate ornatos homines reuerentissimus: eosque
colendos omni officij atque obsequij genere
docebat. Addam illud, Qui Christi fidem in
ipsa insula Iapone primus suscepit, Iaponius
quidam fuit ex oppido Cangaxima, qui non
solū in Baptismo nomen Christo dedit, sed in
nostra etiā Societate, cuius se votis deuinxit:
& nouo miraculo, homo Iaponius, Christia-
nus, ac Religiosus, à Francisco Xavier mis-
sus ad Ignatium, Romam venit, anno 1554.
eo videlicet consilio, ut Romanæ Ecclesiæ
perspecta maiestate, & cognitis Christianorū
institutis, in patriam reuerteretur, & suis ci-
uibus à se visa renunciaret. Cum Bernardo
ergo, (sic enim vocabatur) magna mihi Romę
consuetudo fuit: cuius ego exemplis ad vir-
tutem inflammas, quippe qui primitiuos
illos Christianos, vita sua mihi representaret.
Narrabat is mihi de Francisco tria. Primum,

rum,artificio quodam mirifico, in eius se insinuabat familiaritatem: deinde consuetudine iam implicato, vltro se etiam ad prandium offerebat: cū intimus esset, concubinas illi detrahebat, & pellices. Quod si plures haberet, & vnā simul omnes non posset, ita tractabat hominē, vt gradatim, sensimq. omnes abiiceret: acciditq. aliquādo, vt octo cuidā concubinas ademerit, admirabilis prudētia, ac sermonis iucūditate. In aduersis infractus omninō, ac robustus: in diuina prouidētia semper defixus, cuius fiducia, & alieno tēpore nauigabat, & vitā suā magnis obiiciebat periculis, à quibus sepe numero ereptus est. Ter naufragiū fecit, duos aliquando, trēsve dies iactatus vndis, in tabula seruatus est: diu postea in syluis abditus, manus se insequentiu Barbaroru, & crudelitatem vitauit: aliās arbore tectus, in eaq. pernoctans, mortem à Gentilibus sibi paratam, euasit. In summis sæpe molestiis Deum precabatur, vt dura semper duris succederent, neque sibi labores vnquam minueret, sed potius augeret. Orationis spiritu excellens, in qua totas frequenter ponebat noctes, easque coram sanctissimo Domini nostri Iesu Christi corpore, cum poterat, vel coram imagine Crucifixi in somnes traducebat. Si naturę imbecillitate opprimeretur, sæpe vel saxum capiti, vel cervical durum subiiciebat, atque ita humi cubans, leuem capiebat somnū, & breuem, quem frequenter tamen interrompebat gemitu. Consolationibus diuinis mirificē abun-

abundabat. Solum cum se putabat esse, manu
pectori admota, sublaris in cælum oculis, ad
Deum sæpe clamabat, Satis est Domine, satis
est. In Iapone verò, suis pedibus iter faciens,
ita accipiebatur interdum, ut vepribus se in-
dueret, in lapides offenderet, pedes laceraret,
sine dolore, sine sensu: tanta erat diuini æflus
magnitudo. Orantem illum Diabolus graui-
ter aliquando verberauit: sed nō idcirco ora-
tionem intermisit. Obedientiæ studiosissi-
mus fuit: cui virtuti negabat vllam terrarum
longitudinem obstare, vllam maris immensi-
tatem. Erga Episcopos, & sacra aliqua digni-
tate ornatos homines reuerentissimus: eosq̃,
colendos omni officij atque obsequij genere
docbar. Addam illud, Qui Christi fidem in
ipsa insula Iapone primus suscepit, Iaponius
quidam fuit ex oppido Cangaxima, qui non
solū in Baptismo nomen Christo dedit, sed in
nostra etiā Societate, cuius se votis deuinxit:
& nouo miraculo, homo Iaponius, Christia-
nus, ac Religiosus, à Francisco Xavier mis-
sus ad Ignatium, Romam venit, anno 1554.
eo videlicet consilio, ut Romanæ Ecclesiæ
perspecta maiestate, & cognitis Christianorū
institutis, in patriam reuerteretur, & suis ci-
uibus à se visa renunciaret. Cum Bernardo
ergo (sic enim vocabatur) magna mihi Romę
consuetudo fuit: cuius ego exemplis ad vir-
tutem inflammabar, quippe qui primitiuos
illos Christianos, vita sua mihi representaret.
Narrabat is mihi de Francisco tria. Primum,

septem se menses cum illo vna in eodem cubiculo fuisse, & in leui, perexiguoque sonno quem Frācisus capiebat gemitus sæpe illius, & voces, Iesu nomen subinde vsurpantis, audiuisse: atque de ipso Frācis nonnunquam quæsiuisse, quid suspiraret tam crebrò, quid gerneret? illumq. sibi respondisse, nihil se scire, nihil omnino sentire. Alterum, in magna disceptatione cum Bonzis, & graui altercatione, multis quæstionibus, iisque diuersissimis à multis ipsi Francisco propositis, frequentissimè (cùm ipse quoque Bernardus adesset) ita illum omnibus vna respōsione satisfecisse, vt omnibus omnes dubitationes scrupulosq. eximeret: idq. multo etiam euidentius atque illustrius, quàm si singulatim cuique respondisset. Tertium, permultos variis morbis oppressos, suis oculis se vidisse, qui ad Frācis cum deportati, confestim ab illo vel Crucis signo, vel aquæ sacræ aspersione sanabantur. Quapropter Iaponiis illum, quasi aliquē de cælo lapsum, ac supra hominem aiebat visum. Neque mirum: multis enim claruit miraculis & in vita, & post mortē, quibus in hodiernum vsque diem illustratur. Morbos omnis generis ab humanis corporibus depulit: energumenos liberauit, illuminauit cæcos, mortuos denique vitæ restituit. Prophetiæ dono maximè excelluit: multa occulta patefecit, plurima longè posita vidit, eaque populis accidisse nuntiavit, quæ, repetitis atque enumeratis diebus, compertum est in eum ipsum diem

diem incidisse, quo fuerant ab ipso procul posito, diuinitus cognita, atque aliis declarata. Eius mortui corpus integrū, ac solidum, domesticis, sacrisque vestibus, quibus utebatur, obuolutū, à Lusitanis mercatoribus qui morienti adfuerant, calce contextū, & humi conditum est, ut exesa vi calcis ossa, in Indiā deportarent. Sic enim ille piorum suffragia spectans, & piē de resurrectione cogitās fieri iusserat. Post tres menses sarcophago effosso, vestes integræ omnino reperiuntur: corpus solidum prorsus, atque incorruptum, naturali colore, ac viuido, humida carne, ac succosa: nihil tetri odoris, aut fœdi. Rei miraculo permoti mercatores, corp⁹, ut erat, in nauim imponunt: Malaccam, magnis periculis liberati, inusitata celeritate perueniunt: ibi duodecim alios item menses asseruatur, eadem prorsus integritate. Goam deinde perlatum, omnium ordinum, & totius ciuitatis concursu in nostri Collegij templo collocatur, & conditur. Magnaque est vniuersi populi erga illum veneratio, magna de sanctitate eius opinio. Miracula illius, & in vita, & post mortem edita enumerare, nimis longum esset, & ab nostro instituto alienum. Neq. enim huic narrationi propositum est, ut quæ in India per Franciscum gesta sunt, ea omnia persequar: sunt enim multa, magna, testata, & quæ iusto volumine explicari, non perangustē coarctari debent. Typis excusus prodiit libellus de eius vita, & de rebus Iaponensibus, sed brevis, &

qui magis commentarius sit, quam plena historia. quæ ampla sanè erit, si totam Francisci vitam complectatur, & ea quæ multis & grauissimis testibus comprobata, & in publicas tabulas, iussu Ioannis 111. Lusitaniæ Regis relata sunt, diligenter persequatur. Quædam tamen breuiter fuerunt nostro more perstringenda.

CORSICA LVSTRATUR
à nostris. CAP. VIII.

MVtinæ Collegium per idem tempus inchoatum est: Perusiæ item, Rectore Euerardo Mercuriano, viro graui ac prudenti, qui anno Domini 1548. & Philosophicis & Theologicis disciplinis eruditus, & politioribus literis excultus, & in tractandis iam tum hominum animis laudabiliter versatus, Luteriæ Parisiorum Societate nostram ingressus est. In Perusina autem ciuitate Iacobus Laines fuerat paulò antè concionatus, qui Republica Genuensi postulante, Genuam deinceps profectus est, vehementerque ciuitatem illam commouit, & omni genere doctrinæ atque virtutis, ad pietatis studium excitauit. Quæ causa fuit, vt eadem Respub. à summo Pontifice magnis precibus peteret, vt ex nostris aliquot in Corsicam mitteret, qui populos illos incultos ac rudes, multisq. propterea vitiis contaminatos obirent, ac docerent. Missi sunt duo cum magna summi Pontificis potestate, qua ad multorum salutem

tem vñ sunt, ea abſtinentia, atque integritate
vitæ, vt homines cùm multum verbo, pluſta-
men exemplo mouerent. Multum illi in per-
agrandâ Inſula laborarunt, in controuerſiis
componendis, viriis tollendis (quæ innume-
ra in coniugium illorum, ac nuptias irrepſe-
rant) reſciendis ædibus ſacris, atque ornan-
dis: commonendis Sacerdotibus, & ad tuen-
dum Sacerdotale munus cohortâdis: audien-
dis peccatorum confeſſionibus: in concioni-
bus denique, & omni pietatis officio, multum
ſtudij operęque poſuerunt. Sed hunc illorum
curſum Diabolus impedire conatus eſt. Nam
anno proximo 1553. Religioſi quidâ, & Sa-
cerdotes (quibus fortè ſeuerior diſciplina
odioſa erat) multa contra illos tum falſa, tum
acerba Romam pertulerunt, ac diſſiparunt, &
iniquis criminationibus Cardinaliũ ac Prin-
cipum aures complerunt. Quibus vt occur-
reret Ignatius, Sebaſtianum Romeũ in Cor-
ſicam miſit, à quo breui multa præclara testi-
monia, atque graniffima ſunt allata: quæ Gu-
bernator Corſicæ reliquiſque magiſtratus, ac
ciuitates, veritati, innocentiaque noſtrorum,
libentiſſimè tribuerunt: eaſque Romam ad
Pontificem Max. virosque clariſſimos ſcri-
pſerunt, quæ propter ſummam laudem,
audire noſtri non poſſent ſine verecundia.

IN EXERCITIA SPIRITUALIA
inquiritur. In Hispania distribuuntur
Prouinciae. C A P. I X.

IN Hispania eodem anno 1553. & probabatur Societas, & augebatur. Nā exercitiorum spiritualium ratio (quorum vsus florebat in Hispania, & vberrimos Christi Ecclesiæ fructus adferebat) eodem tempore grauiter agitata est: & à bonis illis quidem viris, sed rerum nostrarum rudibus, multa contra libellum illum scripta ac notata sunt, & ad fidei Inquisitores delata. Sed veritas tandē omnes tenebras dispulit, & cū suis se viribus defendit, tum verò sacrosanctæ Sedis auctoritate, aduersariorum impetus facilè propulsaui, ac fregit. Itaque suum cursum Societas tenuit. Namque Eborense Collegiū ab Henrico Cardinali Emanuelis Lusitaniæ Regis filio, & Ioannis Regis sanguine, & pietate germano fratre, propter eximiam eius religionem, & in Societatem beneuolentiam, eodem tempore est inchoatum: & ita deinceps amplificatū, & noua Academia, & certis redditibus ornatū ac perfectū, vt permagno auditorū numero, ac frequētia disciplinæ in eo omnestradantur. In Conimbricensi verò, ad Nouitios probè instituēdos, & ad normā Societatis erudiēdos, dom^o Probationis est instituta. Vlyssipone etiā, & Professorū domus instituta, & collegiū superiore anno informatū, nouis lectionibus locupletatum est. Abulense præterea Collegium eodem anno 1553. initium

tium habuit. Iis adde Cordubensē : cui quidem P. Antonij à Corduba introitus in Societatem principium dedit. Is enim Laurentij Figueræ Comitis Feriæ & Plieghi Marchionis filius, postquam nostrum institutum complexus est, nihil habuit antiquius, quàm res nostras, quibus ignotæ erant, notas efficere: & per suos copias, & clientelis faciliè principes Cordubæ Societatem collocare. Ad eam rem, cum Magistratu transigendum, Franciscus Villanoua cum socio, Cordubam profectus est. Qua in vrbe erat opibus, atque autoritate præstans D. Ioannes à Corduba, Cordubensis Ecclesiæ Decanus, & in nostros tunc quidem nō optimè affectus. Hic ubi nostros Cordubam venisse audit, indagandi, explorandi quæ cupiditate perquisitos, domum ad se inuitat, cogit, hospitio excipit: curiosè atq. assiduè, furtim etiam obseruat, excutit diligenter: admiratione vitæ nostrorum se ipse colligit: consuetudine illorum, ac sermonibus capitur: veritate cōperta amare eos incipit, quos odissè antea videbatur. Intra paucos dies, ædes in quibus ipse habitabat, amplas in primis & magnificas nostris donat: multam præterea vestem pretiosam, vasa aurea, atque argentea ad Dei cultum non pauca: annuos fructus ad victum cultumque constituit: tam studiosè & ardentè, vt se neque dormire, neque vigilare posse diceret, neque aliud, quàm de Collegio nostro cogitare. Itaque quod dixi, breui effecit, magnam.

gnamque apud omnes ea voluntatis erga nos, & vitæ ipsius mutatio admirationem habuit. Neque enim ille, quo esset antea in nos animo tolerat obscure: neque ignorari poterat quod faciebat, propter hominis dignitatem.

Atque ad hæc quidem conficienda, non parum contulit Magister Hieronymus Natalis, quem Ignatius hoc ipso anno Commissarium generalem in Hispaniam misit, ut nostris constitutiones à se perscriptas promulgaret: ordinem Collegiorum atque disciplinam inspiceret: eaque quo gubernarentur commodius, in plures quam antea, Prouincias distribueret. quod & fecit; & Castellæ Antonium Araoz, Bæthicæ Michaëlem Torrensem, Aragoniæ Franciscum Stradam, Lusitaniæ Iacobum Mironē (ut fuerat iussus) Prouinciales constituit. Omnibus verò præfecit, & Commissarium generalem in vniuersa Hispania instituit, P. Franciscū Borgiam, cuius erat apud omnes magna in primis autoritas.

VARIA COLLEGIA.

CAP. X.

HVnc in modum, res in Hispania compositæ, mirificum progressum habuerunt. Nam Cordubensis Collegij exemplo fructuque inuitati, Hispalenses multi ciues nostros experirunt. Itaque in sequenti anno 1554. Hispalense Collegium, P. Francisci Borgiæ eam in urbem aduentu & concionibus est informatum.

Gra-

Granatense præterea institutū est, ad quod stabiliendum multum iuuit Petrus Guerrierius, eius Urbis Archiepiscopus: qui in Concilio Tridentino, ex Iacobi Lainis, & Alfonsi Salmeronis sermonibus, nostrum institutum probauerat, & Patrum illorum vita atq. eruditione commotus, nostris omnino fauebat: instituti verò iam Collegij amplificator idem semper dum vixit, ac denique fundator fuit. Placentinus etiam Episcopus D. Gutterius Carauaius, Tridenti eorundem Patrum consuetudine, in reliquam Societatem bene animatus rediit in Hispaniam, & Placentiæ Collegium à fundamentis præclare magnificeque construxit, & annuis prouentibus confirmauit.

In hac serie atque ordine pono Conchen-
se Collegium, quod hoc item anno, Francisci Villanouæ consilio, Petrus de Puteo Conchen-
sis Canonicus, ad valetudinem nostrorum qui Compluti commorabantur, æstiu-
is caloribus tuendam, tunc quidem inchoa-
uit: postea verò auxit, ac perfecit Petrus Mar-
china, Conchen- & ipse Canonicus, Ignatij
dum viueret, postea verò vniuersæ etiam So-
cietatis amicissimus. Propter eorū verò mul-
titudinem, qui eo tempore nomina Societati
dabant in Hispania, vt ad nostrū institutum
aptius formaretur, Bartholomæo Bustaman-
tio moderatore, Nouitiorum domus Siman-
cæ est constituta.

In Italia, orō Genuense Collegiū P. Ia-
cobi

cobi Lainis opera collocatū est : in quod cū aliorum ciuium , tū verò maximè Pauli Dorriæ , insignis extant liberalitatis officia , & beneuolentiæ.

Lauretanum verò, Rodulphi Pij Carpenfis Cardinalis , & Lauretanæ domus protectoris consilio conditum est. Qui quidem ad conferuandum cultum sacratissimi loci, & fundendam peregrinorum eò confluentiū pietatē, ratus suis laboribus aliquid nostros posse conferre , impetratos ab Ignatio aliquot primum Lauretum misit: quorum fructus, vbi nihilo spe minor fuit , postea Collegium nostris Pontifex Max. Apostolica autoritate confirmauit.

Sed etiam in Sicilia per idem tempus Societas creuit . Nā & Syracusani Collegij posita sunt fundamenta à Suero Vega Ioannis Vegæ Proregis filio , eius vrbis Governatore : & in oppido Montis Regij sumptibus Alexandri Farnesij Cardinalis, eius vrbis Archiepiscopi, coempris domibus, nouoq. templo ædificato , domicilium nostris constitutum. Et Sicilia ipsa , creato Hieronymo Domeneco Prouinciali , in Prouinciæ formam redacta.

SORBONENSIS COLLEGII

in Societatem decretum.

C A P. XI.

HAE c in Italia , Hispaniaque. In Gallia verò eodem anno 1554. Societas nostra certas sedes habere cœpit. Nam quamuis ab ipso

ipso primo eius exordio, aliqui ex nostris
semper fuerint, qui in Academia Lutetiana
operam studiis literarum darent: priuatim ta-
men illi, & nullo certo loco, nullo suo colle-
gio ea in vrbē cōmorabantur. Donec D. Gu-
glielmus à Prato Claramontanus Episcopus,
qui nostrum Tridenti institutum cognorat,
& Patribus Iacobo Lainé, Alfonso Salmero-
ne, Claudio Iaio familiariter vsus fuerat,
Collegia nobis duo ædificare constituit: alte-
rum in sua Diœcesi Bigliomi, Luteriæ alte-
rum, quod & fecit. Ad quæ Collegia, & res
nostras in Gallia gubernandas, magistrum
Paschasium Broetum Prouincialem Præpo-
situm Ignatius fecit. Sed nostris à Rege pe-
tentibus, Societatem vt admitteret, eiusq. fi-
lius Regni iure donaret: res ad Parisiensem
Senatum reiecta est. Senatus (quod ea res ad
religionem spectaret) Facultati Theologiæ
mandat, institutum nostrum vt examinet,
Pontificia diplomata diligenter inspiciat: de-
nique quid videatur, ad ipsum referat. Erat id
temporis inter Doctores Theologos, quidam
autoritate princeps, nostris offensus, quod
adolefcentem quendam sanguine sibi con-
iunctum, ipso repugnante, in Societatem re-
cepissent. Erant alij Religiosi Doctores, qui
suis rationibus ducti, minus nostræ causæ fa-
uebant: nonnulli qui de re tota nihil labora-
bāt: multi, qui popularibus opinionib⁹, ac per-
uulgatis contra Societatem rumoribus occu-
pati, acriter nostræ Religionis, propter religio-

nem ipsam aduersabantur. Ij ergo iudices conueniunt: consultant inter se: Decretū illud demum scribunt, quo Theologiæ Facultas quid de Societatis instituto sentiat, apertè declarat: ei decreto omnino perlimile, quod eadem Theologiæ Facultas, in Religionem B. Dominici, ipso eius principio traditur scripsisse. Est enim seuerum, & graue, ac peracèrbum, & quod à legentibus, eiusque sententias cum re ipsa conferentibus, omnino incognita, atque inexplorata veritate, factum esse iudicetur.

Quo decreto facto, magnis fluctibus Luctiæ, & turbulentis iactati sunt nostri. Nam recenti negocio, à scholasticis in gymnasiis, à monachis in concionibus, à populo in circulis concidebantur; à Senatu in curia, ab ipso denique Episcopo, magnas in templis molestias perferebāt. Quo Romam allato, optimi quique, atque doctissimi Societatis Patres, in ea erant sententia, vt decreto respondendum dicerent, ne qui fortè veritatis ignari, insignis Facultatis auctoritate, & grauissimo de nobis præiudicio commoti, à veritate alienas opiniones acciperent. Neque verò esse timendum, ne Facultas, veritatis hanc defensionem & iustam, & necessariam, non optimā in partem acciperet. Nam quæ eius est modestia, ac veritatis amor, si rem, vti est, cognitam haberet, antiquaret certè suum illud ipsa decretum, atque induceret: quod nō odio, sed veri ignorance fecisset. Verum Patribus ita sentien-

nientibus, æquissimo animo Ignatius, & vul-
tu, vt solebat hilari, Pacem, inquit, meam do- *ican. 14.*
vobis: Pacem, ait Dominus, relinquo vobis.
Neque scribendum est, inquit, quicquam, ne-
que faciendum, ex quo vel odium, vel acerbi-
tatis aliquid nascatur. Neque verò vos Theo-
logiæ Facultatis cõturbet autoritas, quæ quan-
quam magna est, illa tamē nihil valebit con-
tra veritatem: quæ premitur quidem sæpe, sed
nunquam opprimitur. Aliud minusq. peri-
culosum, si opus sit (quod equidem non spe-
ro) huic vulneri medicamentū adhibebimus.
Ergo nostris mandat, vt ab omnibus Princi-
pibus, Episcopis, Magistratibus, Rebus publi-
cis, Academicis, Ciuitatibus, apud quas versa-
bantur, vitæ suæ testimonium petant: testi-
monia perscripta, & obsignata ad se mitti
curent, vt ea, si opus sit Parisiensi decreto ob-
iiciat, & paucorum hominū sententiis, iu-
diciū orbis terrarum & approbationem op-
ponat. Fit quod Ignatius imperauit: ex om-
nibus ferè Prouinciis, in quibus nostra Socie-
tas est, omnium penè Magistratuum literæ
breui ad ipsum perferuntur: omnes sui iudi-
cij, firmum, graue, præclarum nostris testimo-
nium dant. His testimoniis Ignatius tamē non
vititur, quòd videret decretum ipsum conci-
disse sua sponte, atq. ita euauisse intra pau-
cos dies, vt eius vix nomen extaret. Falsitas
enim cadit ipsa per se. Porro in Hispania,
quod Sorbonense decretum contra sacrosan-
ctam Sedis Apostolicæ esset autoritatē, à qua

Religio nostra probata & confirmata est: fidei Quæsitores illud tanquā falsum, & quod pias aures offenderet, suo decreto legi prohibuerunt. Atque illud etiam consecutū est, ut cum ante decretum Societas nostra nullum Collegium haberet in Gallia, post decretum, intra annum, duo habuerit.

PETRVS CORREA, ET IO-
annes Sosa à Barbaris trucidantur.

CAP. XII.

QVo tēpore Societas iis modis exercebatur in Gallia, eodē, pro Christo sanguinem in Brasilea fundebat. Nam Petrus Correa, & Ioannes Sosa Lusitani, Societatis filij, ad Euangelium Ibiragiaris populis prædicandum profecti, à Carigis feris hominibus, ac barbaris, sagittis transfixi, & genibus flexis orantes, interfecti sunt. Erat Petrus vir nobilis, & fortis, qui in Brasilea, antequā Societatem esset ingressus, Christiani nominis amplificandi studio quodam incitatus, ut à Christianis vim barbarorum auerteret, barbaris ipsis quæ poterat damna inferebat. Societati deinde nostræ, in Brasilea omnium se primus adiunxit: & ut præteritæ vitæ culpas redimeret, & illatum illis populis damnum, quoad posset resarciret, vitam suam Brasileorum salutis, laboresque dicauit. Itaque annos quinque quos postea vixit, exin iam humilitate, obedientia, perfectionisque desiderio, prudenter in ipsorum utilitate, strenueque consummavit: multumque & vitæ exemplo, & Brasileæ

sileæ linguæ cognitione , & rerum vsu profecit: quoad exeunte anno 1554. quo suprâ diximus modo, necatus est. Alter Ioânes Sosa & ipse inter primos, qui nostrû ea in Prouincia institutum secuti sunt, simplex, & rectus, excellentique pœnitentiæ, humilitatis, & charitatis virtute præditus, à foco, & culina, in qua fratribus ministrabat, ad tam gloriosum exitum assumptus est. Res autem nostræ ita sunt apud populos illos amplificatæ, vt in pagis oppidisque Saluatoris, Sancti Vincentij, Paratiningæ, Portus securi, Spiritus sancti, Illeos, Pernambuci, & aliis nonnullis domicilia habeamus: ad quæ constituenda, & nostros moderandos, Emanuelem Nobregam Ignatius præpositum Prouincialem creauit.

IOANNES NVGNES AETHIOPIÆ Patriarcha creatur, & in Indiam mittitur. CAP. XIII.

Flebant hæc in Brasilia, cû Ioannes Nvgnès Patriarcha Aethiopiæ designatur. Eius rei ratio fuit huiusmodi: Sunt Aethiopes inter Christianos veteres in primis, qui partim à Beato Matthæo Apostolo, partim ab Ad. 8. Eunuchò Candacis Reginae Aethiopum, à Philippo baptizato, Christi fidem acceperunt. Sed Moysis legem vel primi illi retinuerunt, vel abiectam repetiuerunt eorum posterì: & Christianæ fidei sinceritatem, Iudaicis cæremoniis inquinarunt. Nam & baptizantur, & circumciduntur, & Iudaismum cum Chri-
c 3
stiana

stiana religione ita confundunt, vt cum vtrique esse velint, neque Christiani, neque Iudæi planè sint. Et à Patriarcha Alexandrino, variis Neotericorum Græcorum erroribus infecto, credendi regulâ petunt. Propter longinquitatem porrò terrarû, & interfusas Barbarorum nationes, iampridem nullo cōmercio cum nostris hominibus, aut communicatione iungebâtur: donec Lusitani nauigatione in Aethiopiam delati, ad Regem (Preste Iannem vocant) peruenerunt, eumque consuetudine, & præclaris rebus gestis ita demeruerunt, vt aditum in Aethiopiâ suis aperirent, & commercij locum darent. Quibus rebus permotus Dauid Aethiopiæ Rex, Emanuelis Lusitaniæ Regis (qui clarissimis victoriis Christianâ Religionem ad Orientem magnopere amplificauit) amicitiam appetit: ad Clementem v r i. Pont. Max. per Lusitanos homines feribit, agnoscere se Romanû Episcopum, vniuersalis Ecclesiæ pastorem. Optare idcirco atque omnibus precibus ab ipso petere, vt, qui omnium magister est, eos in Aethiopiam doctores mittat, à quibus ipsi ad rectâ sinceræ fidei normâ instituantur: Regem ipsum Lusitaniæ rogat, vt suam auctoritatem apud Pontificem interponat. Acta res est à Lusitano Rege diligenter sanè, sed perturbatione temporum impedita, & ad Iulium r i r. vsque protracta. Qui rei magnitudine adductus, & Ioânis tertij Lusitaniæ Regis, qui patri Emanueli non magis in regno, quàm

quàm in amplificandę Religionis studio iam
successerat, precibus, Ioānem Nugnem Lusitanum (cum quę superioribus annis in Mauritania Christianis captiuis redimendis operā nauasse diximus) Aethiopię Patriarcham *Lib. 3.*
cum summa potestate constituit. *c. 18.* Andream
Quiedum Castellanium, Melchiorēmq; Carnerium Lusitanum, Episcopos creat, & Patriarchę adiutores, & successores adiungit.
Quos honores Societas postquam humiliter modestęque repudiavit, accipere demū coacta est: & quidē magna ipsius Societatis commendatione, quod amplissimis honoribus repudiatis, eos tamen diceret Pontifex Societatem accipere; qui præter labores pro Christo, capitisq; pericula, nihil haberent splendoris aut fructus, quo allicere ad se homines possent. Patriarchę, & sociis Episcopis, nouē alios comites Ignatius addidit, Italos, Flandros, Lusitanos, Castellanos. Quos omnes Ioannes idem optimus Rex perbenignē cōplexus, cum aliis muneribus, tum vestibus sacris, iisque omnibus, quę ad pontificium cultum, & cæremonias pertinent, regio sumptu donatos, cum magna classe in Indiam misit, vt inde ad Claudium Regem, Davidis iam mortui successorem in Aethiopiam traicerent.

CAESARAUGUSTAE SEDITIONE
*ne ab aduersariis concitata, nostri vrbe cedunt:
 mox honorificè reuocantur.*

CAP. XIII.

SVb idem tempus, Cæsaraugustæ grauis in nostros tempestas concitatur. Eam, quòd omnium, quibus ad hunc diem Societas defuncta est, maximâ iudico, exitu verò etiam lætissimam, paulò latius explicabo. In vrbe enim Hispaniæ nobilissima, atque amplissima, cognita iam multis, & probata Societate, per viros professione religiosos gesta res est. Cæsaraugustæ igitur ædes amici quidam suo & ciuitatis etiâ ære nostris emerunt, ad Collegium Societati constituendum. Magnus eò concursus fieri cœpit ciuium, qui ex consuetudine nostrorum egregium fructum percipere videbantur. Per molestum hoc accidit Monachis Augustinianis (qui per id tempus laxius viuebant, nunc verò obseruantiores sui instituti sunt) tametsi eorum cœnobium à domo illa nostra longius abesset. Curio item D. Magdaleniæ grauiter admodum tulit, nostros suæ parœciæ esse vicinos. Archiepiscopus autē Cæsaraugustanus vir professione religionis, genere, autoritate clarissim⁹, minus nobis propitius existimabatur: cuius potestate, quā habebat amplissimā, suo ad omnia arbitrato eius Vicarius utebatur. Qui quidem propter Curionem (quē diximus) D. Magdaleniæ, quocum non solū amicitia, sed sanguine etiam esse coniunctus vulgo credebatur, à nobis

nobis erat alienior. Ergo Augustiniani illi
Patres, nostros illa in ciuitate esse grauiter do-
lent. Vicarius doloris socius adiungitur. Ali-
quorum Ordinū viri religiosi sollicitari cum
illis sese coniungunt: denique communi con-
silio contra nostros conspirant. Causa hone-
sta quaeritur: optima visa est sacelli institutio,
quæ in parte quadam ædium parabatur à no-
stris, vt eo videlicet vterentur, tantisper dum
nouum illis templum Deus ædificaret. Hoc
sacellum aduersarij institui posse negāt, quod
intra certos fines (canas vocant) illud conti-
neri dicerent, & ipsorum priuilegiis à Sede
Apostolica impetratis nostros excludi. Re
diligenter inuestigata, compertum est sacello
nihil obstat. Nam & nostra priuilegia po-
sterius impetrata illorum priuilegiis deroga-
bant: & reuera lōgius domus nostra distabat,
quā vt limitibus illis ac finibus comprehen-
deretur. Itaque ratione vbi nequeunt, de pos-
sessione nostros vi & potestate deturbare cō-
tendunt. Nostri Archiepiscopum ad eunt, ora-
torium aperiendi facultatem petunt, priui-
legia Apostolica, quibus id fieri liceat, osten-
dunt, sacellum ornant atque instruunt, Pro-
regem ac primam nobilitatem inuitant. Pa-
ratis omnibus, in ipso sacrosanctum myste-
riū peragēdi articulo, Augustinianus quidam
monachus Augustinianorum Conseruator,
quod contra priuilegium suorum esset, ne in
sacello sacrum faciant nostris interdicit. Viris
pijs, Deum timentibus, prudentibus, literatis

ea de re consultis visum est, & prohibitionem eiusmodi esse inanem ac nullam, & multis aliis de causis haud pertimescendam. Cū ergo nostri in incepto perseverarent, Archiepiscopi Vicarius edictum proponi, & nostris valuis affigi iubet, quo omnibus Curionibus ac illius ciuitatis Vicariis mandat, ne suos nostro in sacello Missam, aut diuina officia audire permittant, excommunicationis poenam in rebelles atq. inobedientes ferant. In summa, eò demum progressa res est, vt nostris diras omnes atque execrationes publicè imprecarentur: in numero impiorum ac sceleratorum eos haberent: ab iis omnes decederent: aditum eorum, sermonemq. defugerent. Nam & sacrificiis populo interdictum est, si quis aditu nostris aut congressione iungeretur: & homines nobilissimi atque amplissimi, quod Vicarij decreto non stetissent, eiekti de templis, atque extrubati sunt. Quibus quidem in templis omnibus ferè concionatores nostrorum nomen dilacerarunt: Archiepiscopus sua potestate damnauit: omnes omniū Ordinum conuentus, Sacerdotum item cœtus, publicè anathemathizarunt: eo ritu, atque iis cœremoniis, quæ in huiusmodi rebus adhiberi solent grauissimæ. Interdictum etiam publicatum est, quod tamdiu vim obtineret, quamdiu nostri in illa essent ciuitate. Quibus rebus fiebat, vt vulgus nostros quasi piacula quædam diffugeret, atque exterminatos ex sua ciuitate cuperet, quos tot diris execrationibus

nibus videbat notatos. Præsertim cū aduersarij inuidiæ flammam ventilarent, & rudibus atque imperitis religionem obicerent, si quis fortè sermone nostros, & comuni salutatione non indignos existimaret adhuc. Denique detestationem nostrorum proscribunt, publicè in cippis, ac vrbis triuiis proponunt: expingunt nostros ea specie, atq. habitu, agnoscere vt faciliè possent. Error quo omnis absit, ipsorum nomina adscribunt. Cacodæmones horribili forma ipsos raptantes adpingunt: flammam subiiciunt: probrosas appellationes addunt: plura etiam affingunt, quàm fieri solent in perditissimos Ecclesiasticæ disciplinæ contemptores. Immò verò longius prouecta est impudens, ac cæca quorundam temeritas, atque eò vsque prolapsa, vt Petrum Augustinum, Oscensem Episcopum, virum nobilitate atq. virtute eximium, ciuem Casaraugustanum, eodem habitu, atque forma expingerent, quod nostrorū esset Conseruator. Nostri domi se continere; pueri cateruatim irruere, ianuam, tecta & fenestras saxi impetere; omnia clamoribus replere. Si quem verò domo exire grauis aliqua causa compulisset: illum quasi monstrum aliquod inuisum, insequebatur puerorum turba insultantium. Et hæc quidem vulgo: quæ tamen hominibus prudentibus, & suo momento res æstimantibus, graui videbantur, & Christianis moribus indigna. Intelligebant enim, ex nullo suo peccato conflatam esse nostris inuidiam: neque

que tamen vt contra Archiepiscopi niti auctoritatem audebant: aut furenti se multitudini obicere: aut Religiosos viros sui officij admonere, & concitatae seditionis coarguere. Erat enim tumultus seditiosæ plebis, & imperiti vulgi clamoribus concitatus, non cordatorum virorum ac nobilium in nostros conspiratio, aut in Societatis nostræ perniciem consensus. Nam nobilissimi quique viri atq. grauissimi à nobis stabāt. Quamobrem, cum ad ædes nostras magna manu petditi homines aliquando cateruatim irruerent, rumorq. increbuisse, nostros in discrimine versari, itque ad multos nobiles atque egregios ciues, qui pilæ palmaria lulum vel exercebant, vel spectabant, esset perlatus, repente illi ludo relicto, nonnulli etiam seminudi, vt erant, domum nostram armati conuolarunt: vt nostros & ab iniuria defenderēt, ac periculo eriperēt, & auctoritate, atque armis etiamsi opus esset, imperitæ plebis clamores atque imperum sedarent, vimque operarum, vi depellerent. Ergo cum armatam nostri in se ciuitatem viderent, & in contentionem, atque discrimē adduci, coniuere Archiepiscopum, ardere eius Vicarium, Monachos instare, vulgus vrgerē, turbari omnia, ac misceri: neque Pontificiam auctoritatē, quā Sedis Apostolicæ legatus, neq. Regiam, quā seuerè interposuerat Serenissima Ioanna Caroli v. filia, Hispaniarum Gubernatrix, neq. vlla ratione tantam tempestatē sedari, aut mitigari potuisse: quod Diuum

Gre-

Gregorium Nazianzenum, Constantinopoli, *Rufin.*
minori causa tecisse legimus, in tanta rerum *hist. eccles.*
perturbatione, facere ipsi statuerunt: & ea vr- *lib. 1. c. 9.*
be decedere, quā nulla quidem sua culpa, sed
propter se tamen videbant turbatam. Ergo in
Senatum veniunt: cum vnus suo & sociorum
nomine alloquitur: docet nostros ciuium ro-
gatu, & Patrum suorum iussu Cæsaraugustam
venisse: in ea tot annos ita esse versatos, vt,
quantum in ipsis fuerit, offenderint nemi-
nē: pro Societatis instituto curasse se, ne pie-
tatis vllum officium ab ipsis, aut obsequiū de-
sideraretur. Negligenter quidem, & minus
strenue se laborasse (quod & agnoscerent, &
dolerent) sed bona certe fide, ac volūate, ma-
gnoq. salutis illorum desiderio. Quoniā ve-
rò neq. omnium vna mens sit, neq. idem de
rebus iudicium, hoc suum studium probare
se multis non potuisse, quorum opera tanti mo-
tus sint concitati: rem eum in locum venisse,
quem vident: sibi nefas esse, id committere, vt
propter se discordia, aut perturbatio vlla in ci-
uitate sit. Non est, inquit, dissensionis Deus, *1. Cor. 14.*
sed pacis. Si propter nos orta est tēpestas, tol- *Iona 1. 5*
lite nos, & mittite in mare. Quod in nobis
est, pacem cum omnibus habere volumus: pa-
cem inquirimus, pacem persequimur: quam
vbicunque gentium, Deo duce, nos consecu-
ruros, & facultatem pro Christo laborandi, no-
bis non defuturam speramus. En ædium ve-
strarum clauēs. Vrbe hac cedimus, ne qua ra-
dix amaritudinis sursum germinās, caritatem
impe-

Heb. n.

impediat, & per illam inquinentur multi: loci enim perexigua iactura est, permagna caritatis: quā ne amittamus, libenter ciuitatē amittimus. Neq. tamen (nisi nostra nos fallit opinio) vestram omnium in nos beneuolentiam amitemus: quā tam benignam, tam paratam experti sæpe sumus, eamque & agnoscimus, & grata memoria conseruabimus. Et quoniā ad remunerandum, nobis nihil aliud suppetit, Deum assiduē precabimur, vt cuius in nos caritatis ipse autor fuit, eius vobis fructum quā cumulatiuissimē retribuatur. Nobis stat abire. A vobis, qui publicam personam geritis, etiam atque etiā petimus, vt quæ nostra culpa contracta sunt in vestra salute procurāda, nobis ignoscatis: consilium nostrum probe-
tis; ac persuasum habeatis, mutare nos solum, non voluntatem. Quæ quidem, vbi placatis fluctibus licebit vti (quod breui futurū in eo confidimus, qui post tempestatem tranquillū facit) nihilo minus quā hactenus fuit, vestris commodis obsequens erit. Ad hæc Magistratus, sibi & perturbationem ciuitatis molestam esse, & nostrorum voluntatem gratam: palam esse, quorum opera plebs tumultuetur, nostros velle sui similes esse: vt quorum mansio ciuitati plurimū vtilitatis attulerit, eorum ex vrbe discessus, nō minus admirationis adferat. Cōseruatuos se huius beneficij memoriam, & haud ita multo post testificatuos, quod fuerit ipsorum de nostris iudiciū. Dimisso Senatu, domum nostram Senatores aliquot

quot veniunt, nostrā pauperiā adspiciūt: quæ de abundantia nostrorum, ac deliciis acceperant, eorum falsitatem re cōproban: quidam etiam, quod auditis fidem habuissent, sue facilitatis, erroris quæ veniam lacrymis petūt: supellectilem scribunt, proficiscentes nostros prosequuntur, pecuniam offerunt, gratias nostri agunt, & repudiant. In oppidum Pedrolam, quod in Ducis Villæ formosæ ditione est, se recipiunt. Porro Iona præcipitato de naui, stetit mare à feruore suo. Hoc enim factum, non nihil aduersarij mitigantur: multum de contentione remittunt: amici Societatis animos sumunt: qui nostros vexandi vel auctores fuerant, vel ministri, cū pœnæ metu, tum verò conscientie angore cruciantur, quod intelligerent se longius progressos, quā æquitatis & religionis ratio patiebatur. Ad summam (quoniam posteriora consilia, ut est in proverbio, sapientiora sunt) Archiepiscopus sua ipse decreta refigit, & mutat: quā nostri habeant à Sede Apostolica facultatem, in templis promulgari iubet. Per certum hominem nostri euocantur: venientibus Magistratus vult obuiā procedere. Quod cū appropinquātibus renunciātū esset, viros quosdam pernobiles, suiq. amantiſsimos (per quos res agebatur) nostri multis, & supplicib⁹ verbis rogant, obsecrant quæ, ne se tanto pudore afficiant, & præterita ex ignominia gaudium quod cœperint, præsentis honoris dolore cōmutent. Vbi ne tertio quidē recusantes, quicquam

Iona 2.

quam proficiunt (quòd illi publicas cõrume-
lias, publico honoris testimonio oblitterandas
dicerent) obediẽtiæ iure compulsi ad Urbem
accedunt. Fiunt eis obuiam ad portã omnes
magistratus, Senatus, & ex præcipua nobili-
tate viri clarissimi, magna hominum vis, ipse
denique Archiepiscopi Vicarius. Eos in mu-
las paratas cogunt ascendere: ciues facilè pri-
mi latus eorum cingunt: celeberrima atq. fre-
quentissima via domum deducunt, in qua à
Prorege, fideiq. Inquisitore expectabantur.
A Petro Augustino Oscensi Episcopo (quem
& Augustinum à Castello, virum grauem,
doctum ac prudentem, in iis rebus præcipuos
Societas propugnatores habuit) Missæ sacri-
ficio Pontificali ritu peracto: summa bono-
rum lætitia, suis sedibus postliminio resti-
tuuntur. Hic tempestatis Cæsaraugustanæ
finis fuit: quo ex tempore, magnum hoc
Collegium incrementum accepit, & tam
propensum totius ciuitatis studium, & er-
ga se beneuolentiam semper deinceps ex-
pertum est, vt crebritate ac magnitudine
beneficiorum, nobilissimi ciues testari vel-
le viderentur, non sua culpa sed vulgi, flu-
ctus illos tunc fuisse excitatos. Consecu-
ta porrò tranquillitas votis Ignatii atque
verbis respondit. Nam simul atque procel-
losum illum in nos turbinem commotū au-
diuit, gaudio exultauit: & singulari quadam
cum lætitia significauit, tanto vberiores atq.
suauiores fructus Cæsaraugustæ Societatem

nostram producturam, quanto per patientiam & malorum tolerantiam, altiores egisset radices.

IN BELGAS NOSTRIS PATE-
fit aditus. Variis Collegiis Societas augetur.

CAP. XV.

Reditus nostrorum in Cæsaraugustanam urbem, eam in Hispania de nobis suspicionem compressit, quā exitus mouerat. Itaque à tempestate & procella illa, & quidem tam turbulenta, non solum imminuta non est de Societate bonorum opinio, verum etiam aucta, & confirmata: ex quo Collegia nonnulla per id tempus constituta sunt. Murcia in primis D. Stephani Almeidae, eius urbis, novaeque Carthaginis Episcopi: in Monte Regio (quod oppidum est in Gallecia) eius ipsius oppidi Comitis beneficentia: Ocaniae Ludouici Calataudij benignitate: in oppido praeterea Montilla, institutum Collegium est ab optima atque clarissima Catharina Fernandez à Corduba Plieghi Marchione, quae tanta beneuolentia Societatem complexa est, ut eius tuendae atque ornandae, proprias partes sibi desumpsisse videretur. Itaque praeter hoc Collegium, quod suis sumptibus edificauit, & Cordubense, quod eius opera atque authoritate inchoatum est in oppido etiam Marchenae integerrima femina D. Maria à Toledo, eius filia, Arcidux matrem imitata, praclarum nobis Collegium constituit.

In Belgica verò prouincia, Germaniaque,
d cresce-

creſcebat Societas, & fundebat ſe quotidie
latius. Nam iam inde, ab illo noſtro diſceſſu
Lib. 3. c. 7 Pariſienſi, de quo ſuprà commemorauimus,
ſemper aliqui ex Societate Galliam Belgi-
cam coluerunt: qui & Louanij Adriano ab
Adriano, & Colonia Agrippinæ, Leonardo
Keſelio Rectore, literatum ſtudia, ac pietatis
exercebant officia, multiq̃ue animos ad no-
ſtrorum inſtitutum applicabant. Ciuibus ve-
rò Tornacenſibus per Bernardū Oliuerium,
& Quintinum Karlat, nota eſſe Societas cœ-
pit: multiq̃ue vel noſtris ſe adiungere, vel no-
ſtros apud ſe habere cupiebant: non ſine ma-
gno hæreticorum dolore, quorum venenum
multis locis iam tum ſparſum, longius in dies
progreſſiebat. Quod Ignatius animadu-
erens, Petrum Ribadenciram cō miſit, vt Cō-
ſtitutiones noſtris communicaret: & quòd
nulla religio per illius Prouinciæ leges, abſq̃.
Regis conſeſſu, nouas in ea ſedes obtinere
poſſet, cum Philippo Rege de Societate in ea
Regione conſtituenda tranſigeret. Ille verò,
multis licet repugnantibus, Societatis appro-
bationem à Rege, & Collegiæ ædificandi po-
teſtatem impetrauit, clariffimi Principis Go-
mezij Figueroæ, Feriæ Ducis ſtudio atque
auctoritate. Qua facultate expeditior noſtris
patuit via: impedimentis, quæ obiciebantur,
ſublatis. Ei Prouinciæ Ignatius Bernardum
Oliuerium Prouincialem præfecit: qui ta-
men mortē interceptus, munus illud ſuum
ſuſtinere non potuit.

Et

Et hæc quidem in Germania inferiori: in superiori verò, propagata Societas est. Nam hoc ipso tempore, Pontificis Maximi imperio, in Poloniam Magister Alfonsus Salmieron Societatis nomen primus inuexit. Et Ingolstadiense Collegium auctius factum est, & Pragæ (quæ vrbs totius Bohemiæ Regia est) Ferdinandus Romanorum Rex, Viennensis Collegij fructu permotus, Collegium nostris constituit: vt Hussitas, V Vicleffistas, & alios hæreticos, qui Regnum Bohemiæ depopulantur, suis laboribus propulsarent, & Societatis exercitiis, ad Catholicæ fidei veritatem conuerterent. Eius Collegij fundamenta posuit Petrus Canisius, quem Ignatius in Germania Præpositum Prouincialem instituit.

Porro in Italia Senis Collegium inchoatum est, Francisci Mendozæ Cardinalis opera: cuius rogatu, Ignatius quattuor ex nostris in eam urbem misit, vt ciuitatem luctu & mœrore confectam consolarentur, & belli ruinis prostratam, piis laboribus recrearent.

Vibonæ etiam (quod oppidum est in Sicilia) Isabella Vega, Ioannis Vegæ Proregis filia, Vibonensis Dux, præclarum nobis ædificauit Collegium, & certis fundis stabiliiuit. Germanus etiam eius frater Ferdinandus Vega, Catinam (quam ciuitatem pro patre gubernabat) nostros accersiuit: eosque patris autoritate, & benignitate ciuium, in certo domicilio collocauit. Tan-

ta enim fuit patris Vegæ, & filiorum eius pietas, & in Societatem benevolentia, ut inter se de ea augenda certarent.

IGNATIVS OB DORMIT IN
Domino. CAP. XVI.

Hic erat Societatis status, cum Ignatius Annis grauis, morbis sæpe vexatus, perturbatione temporum, & nouis Ecclesiæ calamitatibus mœrens, euolandi ad Christum desiderio languens, perere à Domino vehementius cœpit, ut educeret de custodia animam suam, ad confitendum nomini eius. Nam etsi corporis infirmitatem, animi robore sustentabat, & magna patientia, constantiaque, peregrinationis suæ molestias perferbat: tam incenso tamen Deum videndi, & eo fruendi tenebatur desiderio, ut de sua migratione (ut suprà demonstraui) non posset, præ gaudio, sine lacrymis cogitare. Cum autem in Vrbe castra essent, & propter bellum, quod gerebatur inter Paulū 11 11. Pont. Max. & Hispaniarum Regem Philippum, armorum strepitus exaudirentur, & tumultu ac trepidatione plena essent omnia, in vineam secessit paulò remotiorem, vbi absque interpellatione, tantum malum liberius defleret. Ibi cæli grauitate, caloribus maximis, solito cœpit habere deterius: cognouitque velocem fore tabernaculi sui depositionē. Paucis certè antè mensibus ad Leonoram Mascarenā ipsemet Ignatius epistolam scripsit, in qua illud erat:

erat: Hæc est postrema epistola quã ad te scribam, rogabo Dominum pro te in cælo breui (vt spero) ardentius. Ex vinea domũ reuertitur, quo ipso tẽpore multi ex nostris ægrotabant grauior. Ignatius igitur, cum nudius tertius sacratissimũ Christi corpus antea suscepisset, ac nihil inesse periculi suspicarentur medici, 3. Kalend. Augusti, hora à meridie tertia, Ioanni Polanco (quo in omni genere, vel scribendarum literarum, vel negotiorum, nouem annos fuerat vsus) ad se vocato, ac nihil minus suspicanti, solus soli, maxima animi tranquillitate, instare ex hac vita ait suæ migrationis diem. Ei mandat, vti Pontificem Max. conueniat: benedictionem ab ipso, & peccatorum indulgentiam petat, qua confirmator ex hac vita, lætior quẽ discedat. Se, si vt sperat, Domini misericordia, in montem sanctum eius venerit, non commissurum, vt eam curam Deum pro Pontifice deprecandi intermitteret, quam in carne positus, & de se ipso sollicitus, diligenter sancte quẽ coluerit. Benedictionem suam libentissimẽ impertitus est Pontifex, cum magna amoris ac doloris significatione. Sed quod neque morbus grauis videbatur, neq. vllum acciti medici nuntiabant vitæ periculum, ipse autem Pater de sua consuetudine nihil immutauerat, & familiariter de negotio quedam cõficiendo ea ipsa nocte cum nostris egerat (quanquam Ignatij verba ipsos habebat sollicitos) vt cõsultius tamen aliquid facerent, posterũ diem

Patres expectare constituunt. Qui ubi illuxit, suauissimè illum animam agentem offendunt: accurrunt, iusculum porrigunt, negat fumen-
di tempus esse, & manibus iunctis, oculis in
caelum defixis, Iesum corde, Iesum ore implo-
rans, placido vultu sanctissimè migravit ad
Dominum pridie Kalendas Augusti, 1556. ho-
ra post solis ortum prima. Vir verè humilis,
qui cum obitum suum præsciret, neque Vica-
rium generalem creare, neque filios suos ac-
cerere, neque monere, neque hortari voluit,
neque benedicere: ut illi spes omnes suas in
Deo constitutas haberent, ab illo penderent,
ipsum nihil fuisse, nihil esse arbitrentur.
Quod quamvis pugnare videatur cum quo-
randam aliarum Religionum Fundatorum fa-
ctis, qui sub mortem filios suos ad se vocarunt,
& ad omne genus virtutis cohortati sunt:
haud tamen pugnat cum Spiritu diuino, qui
illos ad eiusmodi exempla edenda permouit.
Diuerſa ergo ac dissimilia sanctorum gesta,
non aduersa atq. contraria inter se sunt. Deus
enim qui illos instinctu suo incitauit, ut cha-
ritatis suæ affectum erga filios suos demon-
strarent, idem afflatu etiā suo Ignatium im-
pulsit, ut humilitatis studio paternū affectum
silentio premeret: ut in illis magis charitas, in
Ignatio humilitas magis eluceret. Cuius ta-
men mortui, vel verè potius viuentis patroci-
nium, filij eius omnes senserunt. Nam eius
ex obitu, suauissimus quidam in vniuersa So-
cietate doloris sensus est consecutus, lacrymae
cum

cum læticia, desiderium spei plenū, vigor spiritus passim excitatus: sic ut omnes ubiq. laborandi pro Christo, patiendiq. graua & difficilia, nouo quodam desiderio aidere viderentur. Vir etiam (quod facile iudicari possit) Dei munere, ac prouidentia, iis temporibus datus Ecclesiæ, ad resistendum conatibus hæreticorum. Itaque eo ipso tempore, quo Lutherus per summum scelus ab Sedis Apostolicæ obedientia desciiuit, & functum Catholicæ Ecclesiæ bellum indixit, Dominus noster (ut supra demonstratum est) fortissimum hunc du-^{Lib. 2.} cem excitauit, atque nefariis eius conatibus ^{ca. 18.} opposuit: ut exercitum per vniuersum orbem terrarum conscriberet, atque eos milites cogeret, qui nouo ac salutari voto summi Pontificis obedientiæ se obstringerent, & vita atque doctrina Lutheranorū impetus propulsarent. Nam illi quidem pœnitentiā oppugnant, Sanctorum inuocationē ē medio tollunt, sacrosancta Ecclesiæ Sacramenta subuertunt, delent imagines Sanctorū, reliquias illorum & beatissima ossa disijciunt ac persequuntur, euertunt templa, indulgentias peccatorum irident, fidelium animas, quæ igne purgatorio expiantur, piorum suffragiis priuant, denique quasi furia quædam cælū terræ miscent, & quantum in eis est, iustitiam, pacem, Christianam omnem religionem extinctam cupiunt. Ignatius verò eiusque filij iis omnino contraria, dictis, factis perleueranter docent: hortanturq. omnes ad dignos pœ-

nitentiae fructus, ad orationem, ac rerum
diuinarum iugem meditationem, ad pium
frequentemque Sacramentorum usum, ad
honorem Sanctorum imaginibus ac reliquiis
habendum, & tum se ipsos, tum alios iuuan-
dos condonationibus peccatorum ac indul-
gentiis, quæ ex locupletissimo meritorum Iesu
Christi D. N. & Sanctorum thesauro in Ec-
clesia recondito, per eius Vicarium dispensan-
tur. Deniq. omnia eius consilia & studia, vel
ad conseruandam, vel ad reuocandam per se &
sup. fidei Catholicæ sinceritatem spectasse,
compertum est. Eius corpus Kalend. Augusti, in
templo nostro, ad dexteram aræ maximæ, hu-
mili tumulo conditum est. Mortuus est æta-
tis sue anno 65. post conuersionem verò suam 35.
Quod omne tempus in summa paupertate tra-
dixit: in pœnitentiis, peregrinatione, studiis
literarum, persecutionibus, carcere, vinculis,
laboribus maximis, quos pro Christi amore,
& animi excellenti virtute suscepit, & admi-
rabili constâtia peruenit: Societatis verò à Se-
de Apostolica confirmatæ, anno 16. quâ toto
propemodum terrarum orbe propagatam vi-
dit. Duodecim Prouincias constitutas reli-
quit, Lusitaniam, Castellam, Bæticam, Arago-
niam, Italiam, Neapolim, Siciliam, Germaniam
tum superioris, tum inferioris, Galliam, Brasili-
am, & Indiam quæ ad Orientem est: in iis
nostrorum vel Collegia, vel domicilia fe-
re centum.

DE IGNATIO VIRI GRA-
uissimi quid senserint.

CAP. XVII.

QUO tēpore Ignatius sanctissimè migra-
uit è vita, Iacobus Lainez æger Romæ
sic erat, vt de eius vita medici diffiderēt. Mor-
tuo igitur Ignatio, ingressi sunt Iacobi cubi-
culum ex primis Patribus aliqui, vt illū inui-
ferent, & Ignatij obitum celarēt, ne ex eo vi-
delicet grauiori aliqua mœstitia amantissi-
mus filius afficeretur. Ex vultu tamē (qui in-
dex est animi) facilè Iacobus cōiecit, quod Pa-
tres illi occultabant. Itaque ad eos conuersus:
Est ne mortuus (inquit) sanctus Pater? est ne
mortuus? Vbi mortuū audiuit, sublati illico
manibus, oculos in cælū coniecit, & se Igna-
tio ardentissimè commendauit. Et simul: Te
Pater eterne (inquit) supplex ego, humilis, at-
que abiectus homuncio oro atque obsecro, vt
qui nobis Ignatium seruum tuum, Patrem,
Magistrum ac Ducē dedisti, & minimæ hu-
ius Societatis fidelem ministrum atque in-
stitutorem, quique hodie purissimam illius
animam ex miseræ carnis ergastulo miseri-
corditer collegisti, eius precibus me quoque
ex vinculis huius mortalitatis eripias, vt in-
dignus filius sanctissimum Patrem sequar, &
cū illo vnà (vt spero) te fruam in perpetuum.
Sed res secus longè accidit. Nam statim me-
liusculè habuit, & redditus est sanitati: quam
Ignatius illi à Deo impetrasse creditus est, vt
pro ipso Societatem gubernaret. Quod multo

antè ipse Ignatius Iacobo futurum prædixerat. Nec mirum sanè, Iacobum Lainem in eo articulo temporis, Ignatio se ita commendasse, de cuius adhuc viui sanctitate tam præclaram habebat existimationem. Memini enim cum de principiis, propagatione, & fructu nostræ Religionis, deq. Dei benignitate, qui tam liberaliter Societatem ornasset, auxisset, ab innumerabilibus & maximis periculis defendisset, familiariter loqueremur, sæpissimè Iacobum mihi dicere solitum : Quid mirum Petre? *Complacuit sibi Dominus in anima serui sui Ignatij*. Quod scilicet aiebat, significans nimium, copiosam hanc gratiam à Domino propter Ignatiū in filios eius deriuari. Idem Pater Iacobus, quo tempore ad Conciliū Tridentinum à Paulo Tertio Pontifice Maximo primū missus est, vehementer oprauit, & cum nonnullis grauissimis viris, & autoritate ac dignitate clarissimis egit, vt Ignatius ad Cōcilium mitteretur : non vt cum hæreticis disputaret, aut controuersas de religione quæstiones differeret: sed (vt mihi ipsemet Pater Iacobus dicebat) vt Concilium ipsum precibus apud Deū, & eximia apud homines prudentia sustineret. Ille idem pater Lainez magni semper fecit Petrum Fabrum; eumque quasi cælestem quendam ac verè spiritalem magistrum, & ad regendas, atq. ex scrupulorum angustiis explicandās animas, apprime eruditum suspiciebat. Et meritò quidem. Sed tamen aiebat Iacobus mihi, talem quidē esse

Fabrum, si per se, ac seorsum spectaretur: sed tamen si cum Ignatio componeretur, balbutientem puerulum sibi videri, præ sene sapientissimo. In quo certe nulla Fabio fiebat iniuria. Ipse enim Faber hoc & agnoscebat & prædicabat; & Ignatium tanquam patrem ac magistrum suum, de interioribus animi sui moribus ac difficultatibus consulebat, & interrogabat: ab illius ore, tanquam infans ab vberibus matris pendeat: illum quasi perfectissimum omnium virtutum exemplar omnibus proponebat, si qui ab ipso consiliū peterent, de perfectione consequenda. Monebat enim omnes, & seriò ac grauius hortabatur, vt si celeriter & compendio (vt ita dicam) perfectæ vitæ excellentiam assequi cuperent, vnum Ignatium sibi ante oculos ponerent, in illum intuerentur, illum imitarentur. Sic enim breui futurum, vt omnes perfectæ virtutis numeros explerent. Et quoniam, quod istorum Patrum de Ignatio esset iudiciū dicere cœpi, alios etiam testes addam grauissimos atq. certissimos. Claudius Iaius (viventē adhuc Ignatio) acerbissimo stomachi dolore in itinere correptus est; & cum nulla medicina, nullum præsens adesset remedium, Deum rogare cœpit, vt per merita serui sui Ignatij, ipsum molestia illa liberaret, & simul atque preces fudit, liberatus est. Hoc idē Nicolao Bobadillæ accidit. Hic cum ardentissima febris repenti aliquando æstuarer, Ignatio iam mortuo sese cōmendans, statim morbo

Lib. 1. c. 9

bo leuatus est. Simoni Roderico vitam precibus Ignatij prorogam supra scripsimus. Itaque eam de Ignatio habebat opinionem Simon, quam de vitæ suæ parente habere par erat. Franciscus Bergia Societatis nostræ tertius Præpositus Generalis, atque illustre humilitatis & totius sanctitatis exemplum, vim verborum Ignatij admiratus. *Loquebatur* (aiebat mihi) *tanquam potestatem habens*: Longum esset persequi cæteros, ac recensere quid optimi quique atque sapientissimi totius Societatis Patres, qui vel vitam cum morte cōmutarunt, vel superstites adhuc sunt, & intimam consuetudinem habuerunt cum Ignatio, de eius sanctitate senserunt ac prædicarunt. Vnum cerrè Franciscum Xauierum (ut alios omitam) præterire nō debeo, virū omninò Apostolicum, & ad illustrandas luce Euangelij tot barbaras ac feras gentes à Deo missum, & miraculorum numero & magnitudine admirabilē. Bernardus igitur ille Iaponius (de quo supra mentionem fecimus) narrabat mihi, à Francisco Xauierio, cum de Ignatio loqueretur, sæpe se eas voces audiuisse: Magnus Sāctus est, Bernarde, Pater Ignatius, magnus omninò Sanctus. Quasi Sanctum certè Frāciscus ipse venerabatur Ignatium. Itaque epistolas in genua procumbens præ reuerentia ad illum sæpè scribebat: consilium petebat, & documēta ad Indorū conversionem: & quibusdam in literis ait, se quidem hæc ab Ignatio petere, ne se id facere

præ-

prætermittat, grauitèr à Deo puniatur, propterea quod spiritu illo, & luce consilij sanctissimi Patris sui ac Magistri, ad tot gentium salutem non esset usus. Contra verò omnium tempestatum vim, & periculorum incursum, nomine se atq. Ignatij intercessione muniebat: appendebatq. collo quasi scutum firmissimum Ignatij nomen, manu ipsius Ignatij scriptum, & suæ professionis vota. Et ne restes domesticos tantum proferre videar (quam ij certiores sunt) paucos aliquot externos adducam locupletissimos, atq. auctoritate singulari. Marcellus secundus, Pont. Max. Ignatij semper cupidissimus, tanti semper fecit eius cum aliis de rebus, tum de pertinentibus ad Societatem iudicium, ut in iis quidè, plus apud se ponderis habere diceret solam Ignatij auctoritatem, quam omnes in contrarium rationes, ut Libro tertio demonstratum est. *Lib. 3.*
Ioannes tertius Lusitaniæ Rex eximius, & *c. 15.*
iis virtutibus quæ Regis propriæ sunt cumulatissimus, qui ab ipso initio, Societatem & ornavit munificentissimè, & defendit acertimè, magnam curam adhibuit ut res omnes Societatis cognosceret, & erga Ignatium studium suum testaretur. Itaq. Ludouico Gonzali (qui Ioanni Principi filio suo à confessionibus fuerat) in Urbem proficiscenti mādatur, ut omnia Ignatij dicta factaque curiose obseruet, & ad se diligenter perscribat: & quid de toto homine ipsi videatur, ipsum Regem certiorè faciat. Fecit Ludouic⁹ quod fuerat iussus,

sus, & post exquisitam rerum omnium peruestigationem (vt ab ipsomet accepi) scribit Regi; Se quidē circumspexisse omnia, & diligentissimè Ignatium obseruasse, prout Rex iusserat, & ita virtutū illius magnitudine atq. excellentia captum esse, vt vel aspectus tantummodo ipsius, & oris compositio, ac corporis motus vehementer ipsum Ludouicum ad Dei amorem inflammaret. Quocirca vel ex solo Ignatij intuitu, permultum ad virtutem se capere adiumēti. Gaspar Quiroga, qui viuit adhuc, S. R. E. Cardinalis, Archiepiscopus Toleranus, & fidei supremi consilij Præses, summa fuit amicitia cum Ignatio, necessitudineque coniunctus, multaque cum illo Romæ, & grauia tractauit negotia. Is laudandi Ignatium finem non facit, à religione, sanctitate, atque prudentia, cæterisque præclarissimis virtutibus: tantam verò animi, vultusque constantiam, & tam æquabilē ac perpetuum tenorē in omni vita, quātus in Ignatio fuit, se in nullo mortalium vidisse affirmat. Multi principes viri, & tum Ecclesiastica, tum saculari dignitate præstantes, ad Societatem post Ignatij obitum literas scripserunt: in quibus & mortuum Patrem laudabant, & viuentes ac mœrentes filios consolabantur. Ex iis vnus Ioannes Vega fuit, qui tunc quidem pro Philippo Rege Siciliā gubernabat, postea verò Regij Consilij Præses, in Hispania decessit è vita. Is (vt diximus) Romæ legatus Caroli v. Cæsaris apud Pontificem

ficem Maximum cum esset, magnam cum Ignatio contraxerat familiaritatem, summaque beneuolentia illum deinceps persecutus est. Mortuo igitur Ignatio, ad Iacobum Lainem, Vicarium iam tunc Generalē literas scripsit, quarum caput vnum de Hispano sermone in Latinum translatum hic subiiciā, quod tanto viro dignum, & à nostro proposito non alienum esse iudicauit:

TRIDVO (inquit) aut quadriduo antequā mihi reddita est epistola, quā Pater Polancus tuo nomine de Beati Patris Ignatij obitu ad me misit, nuntiatum erat nobis illū ē vita migrasse, sed obscure. Itaque magno tenebamur desiderio, omnia certius cognoscendi, & intelligendi, quis fuisset sanctissimi viri exitus, quis status sit sanctæ vestræ Societatis ac Religionis. Non enim dubitabam (quod in hac epistola vidi, & in ea etiam quā ad Patrem Hieronymum scripta est) quin & illius vitam finis gloriosus clausisset, & vos vestramque. Sodalitatem diuina protectio prouehat. Sed tamen permagnam ex hac exacta & diligenter rerum gestarum narratione, consolationē atque ædificationem accepi, quæ tamen cum certo quodam doloris sensu fuit coniuncta. Non enim possumus non dolere eorum obitum ac iacturam, quos in hac vita dileximus. Benedictus Deus, qui seruum hunc suum ē custodia corporis eductum ad se vocauit eo tempore, quod ipsi opportunius iudicauit: qui que illum ita instruxit, & gratia sua communiuit,

ut tot suæ virtutis monimenta, tot sanctitatis trophæa relinqueret, quæ nulla consumeret vetustas, non dies, non aër, nō aqua corrumpet, nulla vis labefactabit atque conficiet, quemadmodum alia videmus diruta & absumpta, quæ vanitate & ambitione fuerant constituta. Ego verò mecum ipse cogito, qua pompa, quo triumpho, in cælo à beatissimis illis mētib⁹ exceptus is sit, qui tot clarissimas victorias de gentib⁹ immanitate barbaris, multitudine infinitis reportauit, qui vel per se, vel per milites suos, lumē fidei ac religionis iis populis ac nationibus inuexit, qui sedebant in tenebris ac vmbra mortis: qui mortuorum plurimorum infidelitatem vicit, feritatem emolliuit, ignorantiam depulit, perditam vitam profligauit. Itaque merito sanè atq. iure optimo, illius vexillum apud vexilla Sancti Domini, ac D. Frācis, & aliorum Sanctorum in cælo collocabitur, quos Deus elegit, ut non solū carnis illecebras, & mundi blandimenta ipsi vincerent, sed vincere alios docerent, & innumerabiles animas ab inferno liberarēt. Quàm sincera porrò erit ista Ignatij gloria? quàm sine aliorum Sanctorum inuidia iste triumphus? quā dispar, quàm dissimilis, quàm contrarius speciosis, sed fallacibus huius mūdi triumphis, quos fugaces & breues, miseria & inuidia plenissimos videmus, ac Reipub. vehementer perniciosos? Quæ omnia magnam nobis consolationem afferre debent, & tristitiam, quā ex morte Ignatij pro naturæ

nostræ imbecillitate cœpimus vel mitigare
vel tollere: nostrosq. animos mœrore percul-
sos excitare, atq. spe erigere: vt cōfidamus il-
lum iam regnantem, & verè viuentem cum
Deo, neque suæ religionis, neque amico-
rum oblitum, manum nobis porrecturum, fi-
liis suis promptius etiam opem laturum; de-
nique eos apud Deum habiturū cōmendatissi-
mos, qui Deū ipsum in Ignatio agnouerunt
ac venerati sunt. Hæc ille. Ioannes Auila, vir
excellenti virtute, prudentia, doctrina, & cum
in vniuersa Hispania, tū potissimum in Bæ-
tica Prouincia (quā verbo Dei illustrauit) no-
tissimus, cum Patrē Ignatiū cū sociis in mun-
dū à Deo missum primū audiuit, eiusq. pro-
positū atq. institutū intellexit, se quidē dixit
hoc idē quod ille afferebat, iā diu animo con-
cepisse, & magno labore atq. studio conqui-
suisse atq. indagasse, sed peruestigare tamen,
atq. deprehēdere haud potuisse. Itaq. euenis-
se sibi aiebat, quod puero ad radices montis
agenti, qui onus aliquod magni ponderis diu
multumq. versat, & in fastigium montis
toto conatu subuehere molitur, neque tamen
præ virium infirmitate potest: quod onus si
vir aliquis, corporis mole & robore Gigas, su-
stineret, minimo negotio transferet scilicet
quò volet, & in cacumine montis collocabit.
Atque hac similitudine, pro sua modestia, vir
excellens, se quidem pusillum, Ignatium ve-
rò Gigantem nominabat.

Statura fuit modica, vel potius breui, cum-
 Seius fratres procera fuerint, & quæ iustam
 excederet. Facie honesta: fronte lata, atq. ex-
 porrecta: depresso vi lacrymarum oculis: pal-
 pebris contractis, corrugatisque: auribus me-
 diocribus: naso & à summo eminentiore, &
 ab imo diductiore: colore viuido, ac tempe-
 rato: caluitio, totoq. ore venerabilis: vultus il-
 li iucundè grauis, & seuerè incundus: quiq.ue
 tranquillitate quadã, ac serenitate exhilararet
 intruentes, grauitate cõponeret. Ex altero cru-
 re nonnihil claudicabat, sed honestè, & quod
 ambulandi moderatione tegeretur. Callosos
 pedes, & nuditate, crebrisq. itineribus ex-
 asperatos habuit: & crus alterũ ex vulnere (ut
 diximus) imbecillum semper, ac tenerum: ve-
 llem leuẽ contactum absq. dolore non fer-
 ret. Quo magis mirandum est, tantum terra-
 rum pedibus illum obire potuisse.

Lib. I. c. 1

Principio maximis fuit viribus, prosperaq.
 valetudine: quã seiuuorum, pœnitentiæque
 magnitudine afflixit, & perdidit. Itaque sæpè
 morbo tentatus est, maximeq. stomachi do-
 lore per omnem vitam grauissimo, inedia &
 vacuitate contracto. Fuit enim tenuissimi vul-
 garisq. victus, & ita sobrius, ut tres interdum
 dies, integram aliquando hebdomadam om-
 ni cibo potuq. caruerit. Gustatum ita ami-
 serat, ut nullam ferè ex cibo delectationem
 perciperet. Qui propter egregij medici ne-
 gabant.

gabant illum naturaliter ea corporis affectio-
ne, tamdiu potuisse vivere. Vestitus eius vilis,
& neglectus, sed mūdus: cultus ipse, sine cul-
tu. Nam quod de sanctissimis viris Nicolao,
ac Bernardo memoriæ proditum est, pauper-
tas semper ei placuit, sordes nunquam.

Et quoniam staturam Ignatij atque oris &
totius corporis habitum constitutionemque
descripsimus, non erit alienum preposito no-
stro illud etiam adijcere, Nullam nos habere
imaginem, quæ ipsum ad viuū referat: quod
non oblivione tamen aut incuria factum est.
Sed cū Ignatius neque pictam, neque fi-
ctam imaginem suam pati posset, neq. quip-
piam quod vanitatem haberet, aut vanitatis
vmbra, vt hoc fieri permetteret, qui ab ipso
petere auderet, ex omnibus nostris inuentus
est nemo. Ignatio incio aliqua ad eam rem
tentata sunt, sed frustra. Itaque imagines eius
quæ circumferuntur, ex quadam ductæ sunt
post ipsius mortem efficta. Quarum tanien-
omnium (meo quidem iudicio) proximè ad
veritatem accedit ea quam Ildesonsus San-
ctius, Philippi 11. Regis pictor (q. ui expri-
mendis ad viuū rebus maximè excellit) me
præsentē & commonente, ex prototypo Ro-
mano Mantuæ Carpentanorum depinxit,
hoc ipso anno salutis nostræ M. D. LXXV.

VITÆ IGNATII

L O I O L Æ

LIBER QVINTVS.

Præfatio.



ACTENVS de vita Ignatij, & morte diximus, quæ nobis ad continuationem quandam historię, seriemq; contexendam pertinere visa sunt. Nūc operapretium me facturum arbitror, si aliqua de eius virtutibus separatim dixerō. Quanquam enim in iis, quæ de Ignatio explicata à nobis sunt, omnium virtutum illius eminent insignia, & probatissimi integerrimiq; animi lumē elucet: interdum tamen ipsa rectē facta, aliarum rerum narratione obscurantur: & ut maximē appareant, implicata tamen cum aliis & coniuncta minus delectant & permouent, & agendi verissimam rationem docent, quam cū seorsum spectantur, neque

que pondere solū, sed numero etiam lectorem excitant. Tenuia verò quædam cur recensuerim, dicerem, nisi religiosis hominibus, & parentem nostrum Ignatium imitandi cupidissimis, hæc scriberem. Quibus persuasum nimirum est, parua nō esse, sine quibus maiora constare nequeunt: & in perfectionis acquirendæ studio, Qui spernit modica, paulatim decidere: contraq³, iuxta Christi Domini nostri sententiam, Qui fidelis est in minimo, & in maiori fidelem esse. Eccle. 19.
Et quoniam vos ego, fratres, intueor, vos meus hic, qualiscunque est, conatus spectat, commemorandis Ignatij virtutibus, illum ordinem sequar, quem Ignatius ipse in Constitutionibus tenuit, cū perfectam Præpositi Generalis formam describeret. Nam nihil minus quàm de se cogitans, suis coloribus se mihi videtur pinxisse. Neque tamen omnia persequar, quæ mihi comperta sunt, sed pauca quædam ex multis excerptam, quæ vel illustriora, vel ad exemplum commodiora videbuntur. Sic enim & breuitati, & lectorum vtilitati seruiam. Luc. 16.

CAPVT PRIMVM.

VT igitur de ea, quæ primo loco in Cōstitutionibus ponitur, deuotionis virtute dicamus, quæ Deo hominē iungit, & ex perenni illo diuinitatis fonte haurit, quæ in alios effundat: singularem quandam orationis gratiam Ignatius habuit.

Ex quo primū diuina luce illustratus est, & à sæculi vanitate ad Deum conuersus, omnes contendit neruos, vt iugiter cum Deo ac familiaritèr versaretur, & in oratione totus omninò esset.

Sacris initiatus, cūm rēcitandis horariis precibus, diuinoque officio persoluendo occuparetur, tanta diuinæ consolationis copia perfundebatur, tanta lacrymarum affluentia, vt in singulis penè verbis hære, ac preces interrompere, & in Psalmis legendis multum dici tempus pōnere cogeretur. Ergo, præ lacrymis, excæcatus ferme est. Quæ de causa socij, vt omittēre diuinum officium Ignatio liceret, à summo Pontifice impetrarunt.

In rebus grauioribus, etiam si rationes probabiles multas haberet, nihil tamen consueuit prius constituere, quàm rem Domino in oratione commendasset. Hoc tamen studiosius faciebat, cūm scribebat Cōstitutiones ac Regulas Societatis.

Conscripserat aliquando Regulas quasdam Ignatius, ad modestiam religiosam, & totius

corporis motum decorumque pertinentes. Eos ut promulgaret, Romanæ domus Ministro iussit: cessavit ille aliquantulum, ac fuit negligentior. Et mihi Ignatius hac ipsa de re agens: Ego, inquit, in meditandis regulis, scribendisque diutius laboro, Ministri autem ut obseruètur, remissiores sunt, quasi paruo mihi constent. Certè vel hæc quas publicare iussi, anteaquam perscriberè, sepius & cò amplius orationem Domino, & lacrymas fudi. Quid de constitutionibus, aliisque maioris momenti regulis credere par est? Has ipsas regulas postea domi nostræ promulgare P. Iacobum Lainem Ignatius iussit, & ad obseruationem earum nostros adhortari: atque exhortationi Iacobi Patres fratresque qui domi erant antiqui & noui, ut ad vnum omnes interessent præcepit. Quod nouum admodum atque insolens fuit. Dum concio fit à Iacobo, ingens exauditur fragor, domus tota concutitur, tetum sub quo ea ipsa hora considerare in horro primarij Patres à cœna cõsueuerāt (erat enim Augustus mensis, & calores maximj) repente cõcidit: quos sine dubio ruina oppressisset, nisi præter morem, consuetudinemque in cõcione illos adesse Ignatius voluisset. Qui rectum collapsum videns, Deo, quòd omnes domesticos seruasset, gratias egit: Mibi que videtur (inquit) Deus hoc factò significare voluisse, istiusmodi regulas sibi esse non ingratas.

In constitutionibus scribendis, aliisque magni momenti rebus statuendis, Deum seipso

(vt diximus) consulebat. Consulendi autem modus hic erat: Exuebat imprimis se omni affectu, qui tollit sincerū de rebus iudiciū, abdicabatque à se omnem propensionē animi: deinde auxilium Domini, ac gratiam vera videnti ac persequendi petebat: tum rationes vtraque ex parte considerabat per attentē & grauitē, earumque momentum ac pondus æstimabat, atque inter se etiam componebat. Postremo recurrebat ad Deum iterū; & quæ cogitasset atque inuenisset, eius in conspectu ponebat: vt ipse confirmaret, quæ in ipso operatus esset.

Patrem Iacobum Lainem qui omniū Sanctorum vitas, ortus omnium Ordinum, progressionēque legerat, sciscitatus est aliquādo Ignatius, quod eius esset de regulis illorū Patrum, constitutionibusque iudiciū, qui auctores ipsarum Religionum atq. parētes extiterunt: num scilicet, quæ literis mandassent, posterisque suis tradidissent, ea omnia per reuelationem accepissent; an ex his suo sensu quædam, iudicioque statuissent? Cui Iacobus proprius fidei esse respondit, grauiissima quæque & maxima instituti cuiusque quasi fundamenta à Deo, qui omniū Religionum fons est, Patribus illis tradita fuisse diuinitus: reliqua quæ minora sunt, & naturā ipsam Religionis propriē non attingunt, Deū prudentiæ eorum qui leges condiderunt, iudicioque reliquisse. Sicuti etiam fecisse videmus cum Pastoribus ac Principibus Ecclesiæ, in iis qui-

dem

dem quæ ad eius pertinent gubernationem. Tunc Ignatius, tecum planè sentio. Ex quo conicere licet, quæ propria sunt, ac præcipua nostræ Societatis firmamenta, ea Ignatium diuinitus accepisse: cum verò de re aliqua leuiori deliberabat, in qua diuinam lucem non haberet, P. Lainem sciscitatum fuisse, vt videlicet illius consilium exquireret, & apud se statueret, vtrum posset pariter rem illâ præscribere absque Dei reuelatione, atque alias cælesti lumine collustratus scripisset.

In horas singulas sese colligebat, & à reliquis animum in Deum auocabat: conscientiamque suâ discutiebat diligētissimè. Quòd si negocium intercederet grauius, vel occupatio aliqua tanta, quæ piæ consuetudini impedimentum adferret: proxima hora, vel certè primo quoque tempore, interpositam moram compensabat. Non tamen externarum rerum occupatione vsque adeò distringebatur Ignatius, vt deuotionis illius cursus retardaretur.

Vidimus frequenter illum ex tenuissimis rebus ad Deum, qui in minimis etiam maximus est, ascendentem: ex plantulæ, frondis, floris, fructus vnus aspectu, ex vermiculi alieuius, aut bestiolæ consideratione, supra cælos attollentem se, & ad ea, quæ à sensibus remota sunt, penetrantem: capientemque è singulis vtilissima documenta, ad totius informationem vitæ.

Atque hoc familiare nostris optabat esse, vt Deum in rebus omnibus præsentem cerne-

rent : & mentes suas non in oratione tantum ad caelestia attollerent : sed vniuersas res, atque actiones singulas in Deum referrent : neque minorem deuotionis spiritum in actione, quam in ipsa meditatione sentirent. Et hac quidem orandi consuetudinem assiduam, cum in aliis, tum verò in hominibus pie occupatis, tanquam magis expeditam probabat.

Tam feruenter orabat, ut ex intentione animi morbum aliquando contraheret. Anno verò, 1550. quod ipso Christi Domini nostri die natali, duo sacra continenter fecisset, in extremum vitae discrimen adductus est.

Neque verò, in sacrificio Missae solum ita intendebat animum, sed in minimis etiam rebus, quae ad Deum pertinerent: cum mensae benedicebat: cum, confecto prandio, gratias Deo agebat: in reliquis demum rebus, ita seruocabat animum, seseque colligebat, ut Deum veluti praesentem cernere videretur: semperque ante orationem preparabat animam suam, & quasi in cubiculum cordis intrabat : & ita mens inflammabatur interior, ut facies etiam accenderetur, & tora (quod saepe animaduertimus) quodammodo ignesceret.

Deum saepissime alloquens, ex intimo corde dicebat, Quid ego, Domine, extrate volo, aut quid velim? Et quoniam voluntatem suam ad diuinam voluntatem accommodabat, idem volebat omnino, quod Deus, idem nolebat: in omnibus rara quadam illum consolatione, atque aequabili mulcebat Dominus.

Præ-

Præsentem diem cum hesterno conferens, & cum profectu profectum, longius se quotidie progressum, & ardentioribus inflammatum studiis in dies reperiebat: ut suum illum, quem Manresæ habuit statum (quemque primiciam suam Ecclesiam studiorum tempore solitus est appellare) extrema iam ætate, prima fuisse rudimenta diceret: & ea quotidie in se Deum expolire, quorum Manresæ lineamenta duxisset.

Cum in singulis precationibus vberissime fletet, & continua lacrymarum fluxio, lætitiā spiritui eximiam, magnam corpori debilitationem adferret, & suauitatem spiritus potiorē longē corporis sanitate duceret, verereturque ne si lacrymas cohiberet, aliquid de excellenti illa consolatione, & spiritali fructu detraheretur: ratione tandem, cōsilioque medicorum victus, à Deo petiit, ut liceret sibi lacrymis imperare. Cuius rei tantam à Deo facultatem accepit, ut lacrymas ad arbitrium suum regeret, & illarum habenas vel adduceret, cum veller, vel remitteret: tam constanti & æquabili diuinæ consolationis gratia, ut cum arefcerent lacrymæ, deuotionis tamen viret fructus: & cohibitus fletus, circumfluentem visitationis diuinæ copiam nihil omnino reprimeret.

Ardenti desiderio tenebatur, ex hoc carcere & vinculis euolandi ad Christum, ut quoties de morte sua cogitaret, temperare sibi à lacrymis, præ leuitia, nō posset. Dissolui enim,
&

Philip. 1. & esse cum Christo, multò magis melius sibi existimabat. Neq. verò, vt summum suū bonum consequeretur tantū, & in beatissima illa visione conquiesceret, Christi videndi desiderio flagrabat: sed (quemadmodum amici expetere præsentiam amicus solet) vt iucundissimo, multoque felicissimo illius perfrueretur aspectu.

Atque ex hoc fortasse moriendi desiderio, iugique meditatione mortis, admiratio illa nascebatur, quā Ignatio cuiusvis hominis sermo mouebat, qui se post tres quattuorve menses aliquid facturum diceret: cui (si quem nactus esset eiusmodi) tacita quadam, beneuolæque reprehensione admirans, aiebat, *I E S V* bone, tam diu te victurum putas?

Dum ægrotaret, admonitus à medico, ne se angoribus daret, néve tristioribus rebus occuparetur: cogitare attentè secum cœpit, num res tam nouæ & acerba sibi posset accidere, quæ se molestia aliqua afficeret, & perpetuam animi securitatē perturbaret. Hæc cogitanti, illud (quod maximè insidebat animo) solū occurrit: si quo modo Societas nostra dissolueretur. Progressus est longius, & vt se excuteret ac diligentius pertentaret, quæsiuit ex se, quam diuturna hæc molestia futura esset: Statuebatque, si hoc nulla sua culpa euenisset, post quartam horæ partem, quam in oratione posuisset, seseque collegisset, se, si quid ex ea re cepisset molestiæ, facile depositurum, etiam si vniuersa (inquit) Societas delea-

deleatur, & tanquam sal aqua dissoluatur.

In diuinis rebus P. Iacobo Laini aliquoties dixit, habere se passiuè magis, quàm actiuè: qui supremus gradus ab iis traditur ac perfectissimus, qui de contemplandi ratione scripserunt. Itaque Areopagita Dionysius de magistro suo Hierotheo loquens, Erat (inquit) patiens diuina.

*De diuini nom.
c. 2. p. 1.
in fine.*

Obseruauit aliquoties illum idem P. Iacobus orantem in hunc modum. Ascendebat in solarium, vnde liberè in cælum posset suspicere: ibi aliquantisper corpore immotus, fixis in cælum oculis stabat: tū genu flexo, Deum adorabat: deinde capite aperto, in scabello humili sedebat, propter corporis imbecillitatē: continuo lacrymarum riuuli profluebant: idque suauiter, moderateque, & sine vllō vel singultu, vel strepitu, vel corporis motu.

Nullus quantusuis strepitus (si nulla eius culpa accideret) Ignatium obturbabat orantem: leuissimus interpellabat, si vitari diligētia potuisset. Ita non strepitus, sed negligētiæ culpa, quam sustinere sibi videbatur, molesta erat precanti. Orātem in cubiculo Ignatium, ostio clauso, importunè ianitor interpellauit aliquando, cui semel atque iterum pulsanti nihil respondit Ignatius: cū molestus esse pergeret, & perseueranter obtunderet, ostium aperuit, Et quid (inquit) tibi vis? Cui ianitor: En, inquit, Pater literæ, quas qui reddidit, tua ex patria allatas dicit, simulque literas in manus Ignatio tradit: qui recluso ostio, literas in
lu-

lucentem caminum (erat enim hiems) cre-
mandas coniecit , & continuo ad intermis-
san orationem rediit.

Defectus suos, culpasque quantumvis le-
ues agnoscens, deflensque dicebat, eupere se,
vt pro pœna, sibi Dominus abundantis illius
consolationis copiam adimeret, quo cautior,
solicitorque esset: sed tantam misericordiam
Dei in se esse, gratiæque suauitatem, vt quo
plus ipse deficeret, atque emendationem hac
ratione perciperet, eo Dominus liberalior in
ipsum esset, & dulcedinis suæ thesauros lar-
gius effunderet. Itaq. dicebat: Persuaderi sibi
non posse, hæc duo simul coniuncta, in vlllo
hominum tam valde reperiri, quàm in se: vt in
Deum videlicet æquè quis esset ingratus, &
à Deo tam multa tamque magna beneficia
quotidie acciperet.

Propter magnam suâ imbecillitatem, do-
natum se à Deo gratia deuotionis dicebat, &
ad nullam rem, ingrauescente iam ætate, &
corpore grauiter affecto, idoneum, nisi vt vni
Deo vacaret, & deuotioni sese penitus daret.

Illam in primis consuetudinem tenuit, vt
Reges eosque Principes, ex quorū felici gu-
bernatione vniuersæ trāquillitas pendet Ec-
clesiæ, diligentissimè Deo, assidueque com-
mendaret: id, quæ mox subiiciam, exēpla de-
monstrant. Anno Domini 1555. 21. die Mar-
tij, cū Iulius 111. Pont. Max. eo morbo
affectus esset, quo etiam extinctus est, oratio-
nes pro salute Pont. domi instituēs Ignatius,
dixit

dixit se quidem pro Pont. antequam agrotaret, semel quotidie preces cum lacrimis Deo fundere solitū esse: post morbum verò, semel atque iterum id se in dies singulos præstitisse. Leonora Mascarena, femina primaria atque clarissima, & de Ignatio ipso optimè merita, Ignarium per literas rogavit, ut Philippum 11. Hispaniarum Regem, quem ipsa educauit à puero atque eduxit, suis precibus apud Deum haberet commendatissimū. Cui respondit Ignatius: Se quidem, pro Philippo adhuc Hispaniarū Principe semel orasse quotidie: postquā verò Carolus pater noster in illum reiecerat, & tot Regnorum clauum tenere, & gubernacula tractare cœperat, ad quotidianas statasque preces, alteras etiam sediebus singulis addidisse.

Illud etiam minimè prætereundum videtur, quòd quamvis ipse tam excellenti esset orationis spiritu ornatus, plurius tamen interdum facere videbatur spiritum mortificationis quam spiritum orationis, etsi ita connexi spiritus, iugatiq̃ue inter se sunt, ut seiungi, distrahiq̃ue difficulter possint. Ex quo, cū religioſum quēdam virum ut laudaret quidam ex nostris Patribus Ignatio diceret, Vir est multæ orationis; Ignatius, voce commutata, Vir est (inquit) multæ mortificationis. Eam porrò mortificationem intelligebat, non modo quæ in corporis afflictatione posita est, sed multò etiam magis, quæ in propriæ voluntatis ac iudicii expugnatione consistit. Quo-
circa,

circa in hominibus potissimum honoratis, atque splendidis, sui contemptum, omnisque fastus, existimationis, atque excellentiae conculcationem, ac victoriam, corporis macerationi longè anteferebat: quod videlicet sit difficilius spiritum comprimere, quam carnem affligere. Quanquam rebelis caro sæpè affligenda est, ut spiritus comprimatur.

Qui prolixiori oratione utuntur, & multas horas in rerum diuinarum meditatione collocant, iis magnopere cauendum esse sentiebat, ne præfracti nimis ac duri fiât, & in proprio sensu pertinaces: nève ex re omnium fructuosissima, & Dei cōmunicatione præstanti virtutum ipsi contrahant, fiatque sua ipsis culpa venenū, quod præsens animæ est omnium morborum medicina. Solent enim quidam difficili admodum ingenio esse, & in proposito obfirmati: ad quorum naturam, si orandi studiū nudum accefferit, & meditandi tantum quædam assiduitas, absque mortificatione, suique vincendi cura, ita capite exsiccantur interdum atque obdurescunt, ut dimoueri de sententia, flectique non possint. Sunt rursus qui quicquid in oratione sentiunt, sibi à Deo immissum putent, sensumque suum, sensum esse Dei, à quo discedere nefas sit: itaque & sentiendi regulam & agendi, sensum quem habent in oratione certissimam statuentes, ad eam omnes vite actiones dirigunt. In quo falluntur sæpè. Ipsi enim non raro iudicium sequuntur suum, atque animi impetum pro instinctu diuino habent: vitiumque naturæ speciosa

ciosa quidem, sed falsa excusatione tegunt: prolabunturque frequenter in maximos errores, quibus orationi, rei præclarissimæ, ac mortalibus vtilissimæ; infamiam inferunt apud imperitos, existimantes rei id esse, non personæ vitium. Neque enim ad sensum nostrum (quantumuis pius videatur ac diuinus) detorquere quæ certa sunt, sed contrà, sensus cogitationesque nostras (tanquam dubias & fallaces) ad rectissimam fidei & sanctorum partum normam, atque exploratissimam, debemus exigere. Non enim dubiis perspicua tolli, sed illustrari perspicuis dubia & confirmari par est.

DE CARITATE ILLIUS

erga proximos. CAP. II.

EX iis quæ hactenus diximus, facile elucet, quibus diuini amoris facib⁹ arderet Ignatius: quo erga proximos fraternæ dilectionis igne esset inflammat⁹. Vbiq. enim suæ charitatis argumēta, & cælestis incendij certa vestigia relinquebat: Cum eius omnia consilia, studia, labores in Dei gloriam, & hominum salutem referrentur, & in eo vno consumerentur, vt vitia radicitus è Christiana Republica reuellerentur, virtutes infererentur, conseruarentur, augerētur. Sed hoc iis exemplis fiet magis perspicuum, quæ hic apponam.

Lutetiæ, cum quidam pellicis amore nefario teneretur, neque ab illo Ignatius hominem posset vlla omnino ratione diuellere, aliquando rescivit, illum extra oppidum iturum,

edò fortasse, vbiturpes eius deliciæ erant. Ignatius igitur in lacum frigidissimum, viæ qua transiturus erat, adiacentem sese coniicit: corporeq. gelidis aquis immerso, capite tantū extans, ad illum iam appropinquantem, Perge, inquit, miser, perge ad tuas foetidissimas voluptates: impendentem capiti tuo ruinam non vides? instantem pestem non perhorrescis? Hic ego pro te tamdiu me macerabo, donec iustissimum Dei furorem in te paratum auertam. Exterritus homo, & hoc tam insigni charitatis exemplo perculsus, resistit, pedem refert, familiaritatem illam scelere copulatam statim discindit.

Dicebat se, si quid ad animarum salutem pertineret, paratissimum esse, nudis pedibus, cornibusque onustum per plateas incedere: nullum denique recusare habitum, aut ridiculum ac probrosum vestimenti genus, quod esse utile hominibus posset: quod reipsa comprobauit, si quando sese occasio obtulit.

A Etate iam affecta nominatim rogatus, ut moribūdum hominem iuaret, tamen si corpore erat morbis fracto, peneq. consumpto, essentq. permulti, qui labore illū leuare possent: tamen operam suam ei, qui peteret, negandam non existimauit. Ergo totam noctem homini adfuit, in extrema illa pugna, & ancipiti contentione dimicanti.

Religiosè, sancteq. morē illū retinuit, ut nulli malū pro malo redderet, sed vinceret in bono malo, & malefacta benefactis nō tantū
ex-

exæquaret, sed etiam obrueret. Quæ de causa cum sæpius appetitus esset à multis, & ad iustam indignationem prouocatus: ne minimam quidem commoti animi significationem dedit: neque eos à quibus grauiter est laceratus, vel leuiter, cum facillè posset, est vitus: quod quidem iis exemplis quæ mox subiiciam, planum fiet.

Romæ anno 1546. Religiosus quidā eruditus, ex amico inimicus factus, inuidia exstimulante, grauiter in Ignatium exarsit: qui etiam iactare cœpit, omnes nostræ Societatis homines, qui in Hispania essent, à Perpinniano Hispalim vsque, igni se traditurum: idque Ignatio, qui suis verbis renūtiaret, misit. Cui Ignatius per eundem, scripto ita respōdit: Tu quidem quotquot nostri in Hispania sunt, cremandos te curaturū dicis: ego verò id dico, & opto, vt & tu charitate flagres, & amici tui, ac necessarii, non solū qui in Hispania, sed qui in vniuerso orbe terrarum sunt, Spiritus sancti igne inflammentur, & ardeant: vt perfectionis culmen adepti, diuinam gloriam augeant magis, & illustrent. Quod si q id, contra me (bone Pater) habes, Iudices Romæ sunt, Gubernator & Vicarius, qui nunc, summi Pontificis imperio, res nostras cognoscunt, vt sententiam de illis ferant: ad illos referas, quæso, antequā sententiam pronuntiēt, vt ego, si quid debeo, solus exoluam, & corpore meo potius satisfaciam (quod mihi quidem erit iucundissimum) quàm alij, qui in

Hispania sunt, nulla sua culpa, poenas indebitas pendant. Romæ apud S. Mariâ de Strata, 10. Augusti 1546.

*Lib. 2.
c. 1.*

Lutetiæ contubernalem Ignatij quendam fuisse dixim⁹, qui cōmissa sibi pecunia Ignatium defraudauit, & in eas angustias hominem coniecit, vt magno studiorum suorū incōmodo, quotidie mēdicare cogeretur. Huic igitur pecuniæ fraudatori gratiam hunc in modum Ignatius retulit. In Hispaniam ille Lutetia decedens, dum opportunam Rhotomagi nauigationem expectat, in morbū periculosum incidit. qui vsque adeo mitem Ignatiū, ac singulari præditum charitate esse intelligebat, vt ad illum de sua aduersa valetudine amicè scriberet: & quasi esset beneficio à se aliquo affectus, opem ab illo sibi auxiliumque postularet. Oblatam occasionem Ignatij charitas auidè arripuit, vt libenter se impenderet, ac superimpenderetur ipse, pro anima illius, & carbones ignis non quidem vindictæ, sed diuinæ caritatis in caput eius congereret. Rhotomagum quærendi iuandique hominis causa confestim ire statuit, & magna spiritus alacritate, ac robore animi, tridui iter, nudis pedibus, atq. ita ieiunus percurrit, vt ne aquam quidem gustaret. Porro in hac Ignatij deliberatione, & Rhotomagensi profectione, eximia quædā acciderunt. Quorum aliqua, breuitatis studio in priori editione prætermissa, nūc exponā. Primū illud: deliberanti Ignatio profectionem, & cum in
mo-

*2. Cor. 12
Rom. 12.*

modum quem diximus, Rhotomagum abire
statuenti, magnus repente metus, magnaque
est iniecta religio, quasi hoc esset tentare
Deum. Sed cum in templo Diui Dominici
feruentius orasset, Deumque esset precatus,
ut vias suas dirigeret, timore illo atque anxie-
tate liberatus est: & nouo diuini spiritus ro-
bore, mirum in modum animatus. Alterum
est, quod eo ipso, quo profectus est die, cum è
lecto surgeret, & se in viam dare vellet, tanto
subitò horrore correptus est, ut neque satis pe-
dibus consistere, neque vestimenta induere
posse videretur: sed hanc perculsi animi tre-
pidationem diuina virtute vicit, & ante lu-
cem ex vrbe Parisiensi egressus est: sic tamen
ut tres ipsas leucas ad oppidum Argēueil vs-
que tam lentè atque grauatè conficeret, ac si
pedes haberet plumbeos. Sed hæc tentatio, &
totius corporis grauitas eaten⁹ durauit, quo-
ad superato quodam collis iugo, & aspero ad-
scensu, in planum atque spatiosum campum
tandem euasit. Vbi mirificè à Dominore-
creatus est, & tanta, tamque noua & subita lu-
ce perfusus, & spiritus ardore incēsus, ut om-
ni prorsus molestia, corporisq. grauitate de-
pulsus, quasi ceruus quidam, per laram illā pla-
niciem sic curreret, ut volare magis quā am-
bulare; magis rapi, quā se mouere videretur.
Deumque suauissimè alloquebatur, & tā va-
lidis clamoribus, ex vulnerato amore corde,
interpellabat, ut satis liqueret, Deum ipsum,
à quo ita tractabatur, illius profectionis Igna-

tio fuisse autorem . Et quamvis dæmon impedire voluit hanc profectiorem, & vano metu discutere ; Deus tamen & Ignatium ad repugnandum illius conatibus virtute sua communiuit, & victoriæ præmiis etiã in hac vita benignissimè affecit. Rhotomagi debilitatum hominem offendit, iacentē erigit, confirmatumque iam, ad primos illos suos socios in Hispaniam cum literis cōmendatitiis mittit, infidelitatem suam detestantem, admirantem Ignatij charitatem, gratias Deo agentem, quod in terris is vir esset, sibi que eum ostendisset, qui beneficiis maleficia vlcisceretur, officio cum offensa certaret.

Lutetiæ item Parisiorum, quidam vsque adeo in Ignatium concitatus, vt scalas iam ad eum occidendum ascenderet, vocē audit dicentem sibi: Infelix, quid facis? qua voce perterrefactus, à proposito destitit . Hic autē exfusciator eius accusationis postea fuit, quæ contra Ignatium, eiusque socios Romæ primum conflata est. Quem vt beneficiis vinceret, ipsis Societatis inimicis deprecantibus, in Societatem admisit . Neque tamen in sancto proposito ille diu permansit. Quoniam adulterinæ plantationes, non dabunt radices altas, nec stabile firmamentum collocabunt.

Quominus est mirādum, ita in suos fuisse beneuolum, qui alienorū etiam fuerit amantissimus. Nam cum frater quidam grauissimè agitato, tentationi inconstantiae succubuisset, & Deum fontem aquæ viuæ relinquere,

&

Sap. 4.

Ier. 2.

& ad cisternas dissipatas quæ continere non valent aquam, redire omnino statuisset, neque huius mortiferi vulneris causas aperire vellet: Ignarius peccatum aliquod in sæculo admissum causam arbitratus, quod explicare frater verecundia prohiberetur, ipsum conuenit, & vitam suam, quam degisset in vanitate sensus sui, familiarissimè exposuit, ut illum sui minus puderet, & de Deo sentire in bonitate *Sap. 1.* disceret. Est enim confusio adducens peccatum, & est confusio adducens gloriam. *Ecc. 4.* Alias item, cum ex primis nouem sociis molestissima tentatione quidam, periculosissimaq. laboraret, & cò res esset adducta, ut non multum ab extrema perniciè abesse videretur; tres integros dies nihil omnino gustans, lacrymisque Deum pro illo assiduè orans, hominè in Societate seruauit. Acerbior itè extitit alius quidam Pater, imperu quodam animi abreptus in Ignatium, ac còtumacior: pro quo in Missa orans Ignatius instatius, & magnam vim lacrymarum profundès, clamabat ad Dominum: Ignosce Domine: parce Domine: Cui Dominus: Sine me, ego enim pro te vindictam sumam; ego (ni resipiscat) ultor existam. Accidit autè postea, ut ille Pater in templo quodam, Sanctorum reliquias aliquando venerabundus intueretur: & inter beatissima ossa, quasi hominis aspectum videret, truci vultu flagellum intentatis, nisi Ignatio paruisset. Quod ille ipse Ignatio, Ignatius mihi narrauit. Eo viso, quanquam homo tumorem

compressit, animosque submisit, multis tamen postea, magnisque molestiis affectus est, ut verissimum fuisse constaret, quod Ignatio fuerat à Deo significatum.

Ex multis virtutibus quæ in vita illius eminent, iucundissima fuit acceptorum beneficiorum memoria, atq. remuneratio. Fuit enim non in Deum tantum, sed etiam in homines propter Deum re ipsa animoque gratissimus. Nam cum Societatis per vniuersum orbem terrarum propagatæ vnum sit corpus, coagmentatum ex diuersis membris, & diuina charitate cōglutinatum, cuius corporis ipse caput erat, quidquid beneficij in singula eius corporis membra vbiuis gentium conferbatur, id totum ad vniuersum corpus pertinere iudicabat, suiq. muneris esse ducebat, id pro sua virili remunerari, & parē, quoad posset, gratiā referre: præsertim nascentis Societatis initio, quando neq. tā nota erat hominib⁹, neq. tā probata quā nūc est, nec ex suis in nostros beneficiis, vllā remunerationē, nisi à Deo sperare homines poterāt. Multa sunt, eaq. præclara, quæ à me afferri possunt ad virtutē hanc Ignatij declarandam, & grati animi pietatem: sed ea pro meo instituto summam attingam. In omnes de Societate benemeritos singulare eius erat studium ac beneuolentia, in maiores maior. Quos nostrorum orationibus vbiq. esse voluit quā commendatissimos: de felici nostrarum rerum successu singularem faciebat certiores: inuitabat, inuisebat, consi-

consilio, opera, reſq. iuuabat per ſe & ſuos. Denique multa faciebat, ſibi alioquin inſuauiā, atque etiam moleſta, eam vnā ob cauſam, vt illis gratificaretur. Et quamuis plura præſtaret, quā acciperet, & beneficia accepta gratiſſima viciffitudine exæquaret beneficiis, atque interdum etiam vinceret, tamen datorum immemor, memor acceptorum, in rependenda gratia nunquā ſatis ſibi feciſſe videbatur.

Vt pacem cum omnibus charitatemq. cōſeruaret, à litibus quantū licuit, & plus etiam fortāſſe quā per alios liquit, atque ab omni contētiōe forenſi maximē abhorruit: multa multis de iure ſuo cōcedebat, immō verō iniuriā ſæpē accipiebat, fraudemq. patiebatur, ne litigare cogeretur. Dicebat enim, nō ſolū hoc liberale eſſe, & Chriſtiano homine dignum, verum etiam fructuoſum: quōd rerum temporalium iacturam, ſi quam pro eius amore feceris, ſoleat Dominus abundanter compenſare. Itaque cū reſectorium Romanæ domus eſſet obſcurum, neque vicinus in medio comuniq. pariete fenestrā ſine vilo ſuo detrimento aperiri pateretur, quam ius noſtrū erat perſpicuū, ne tamē Ignatius iudicio contenderet, ac in ipſo Societatis naſcentis initio litigioſus videretur, cæco potius ac perobſcuro triclinio octo aut eo amplius annos vſus eſt, nullumq. verbum cum homine commutauit, donec emptā ea illius domo, quæ cœnaculo luminibus officiebat, impedimentum ſublātum eſt.

MIrum sanè est, quàm ardens ac cupidè Ignatius humilitatem, ab ipso suæ conuersionis initio, tanquam virtutum omnium matrem ac fundamentum cõplexus sit. Itaq. vilissimo habitu ac seminudus incedebat, & tanquam mendicus cum mendicis hospitabatur: ignotus, abiectus, contemptus vivebat: lucem, honorem, hominumq. æstimationem fugiebat: laceffitus iniuriis, calumniis oppugnatus, carcere & catenis pro Christo vexatus, incredibili lætitia replebatur, vt tota eius in vita videre est. Cui sanè vitę, doctrina etiã illius de humilitatis virtute, omni ex parte respondet.

Rom. 12. Summa spectantibus ab imis censebat: incipiendũ, ne alta saperent, sed humilibus consentirent. Itaque quos aliquò primũ mittebat ad vineam Domini, suis laboribus excolendam, eos sic instituebat, vt humilitate ac cõtemptione sui, viam sibi ad ardua atque excelsa munirent: quòd tum demũ reliquum ædificium stare posse diceret, si humilitatis esset fundamento constitutum.

Sic Franciscum Xauier, & Simonem mittens in Lusitaniam, monuit vt ostiatim mēdicarent, perq̃ue contemptionem ac desipientiam sui, aditum sibi ad fructum animarum, & Dei gloriam patefacerent. Alonsum Salmeronem, Paschasiumq. Broetũ in Hyberniam proficiscentes, vt Sedis Apostolicę
Lib. 3. c. 4 nomine, Nuntiorum personam sustinerēt; vt dictum

dictum est, pueros erudire, & Christianæ vitæ documenta rudibus populis tradere iussit. Et Iacobum Lainem atque eundem Salmeronem à Paulo 111. Pont. Max. ad Concilium Tridentinum destinatos, ut sententias suas in theatro illo orbis terrarum grauiissimo atque eruditissimo dicerent, ita instituit, ac cōmonescit Ignatius, ut initio xenodochia obirent, miseris hominibus ægrotantibus inferuirent, egenorum haberent curam, pueros Christianis institutis prius imbuerēt, & tum demum vocati iussique maiora capefferent, & ad sententias dicendas aggredierentur. Quod ita ut iussit, factū est, & tam felici quā scimus successu.

Paupertatem, matrem nostram vocabat: ignominiosumque affirmabat esse atque indignum, si religiosi homines aut pecuniosi essent, aut haberentur.

Illud Dei misericordia est consecutus, ut per multos annos antequam à vita decederet, nullam inanis gloriæ cogitationem habuerit. Immo verò vsque adeo erat diuina luce perfusus, sui que perfectè cognitor atq. contemptor, ut nullum se vitium diceret minus extimescere, quā vanitatis & gloriæ inanis: quæ ex ignoratione plerunque, & cæco amore sui ortum habet, & vel cedros ipsas libani solet euertere.

Observauit aliquoties ego illum, cū de propagatione Societatis, vel fructu, in sermone familiari mentio incidisset, vel de alia re qua-

quacunque, quæ cùm virtute illius, ac laude implicata videretur, colligentem statim se, oboriscq. lacrymnis pudore quodam suffundi.

Cùm P. Laines à quodam ex nostris audiuisset, in tutelam Ignatiũ Archangelo à Deo datum; ipsum & Patrem, verumne esset, familiariter interrogauit: à quo verbis responsum nullum accepit, sed vultus mutatione, ac rubore oris. Sic enim est verecūdatus (vt verbis Lainis vtar) sic expauit, vt virgo solet castissima, à viris sola deprehensa. Idemq. sæpè accidit, vt de iis rogatus, quæ cū eius laude coniuncta essent, non aliter quàm verecundia, silentioq. responderet.

Illum dicentem audiui, domesticos omnes, exemplo sibi ad virtutem, atque incitamento esse, neq. quenquam præter se vnum, sibi displicere.

Mihi aliquando dixit, illud sibi à Deo petendũ esse, vt eius ipsius mortui cadauer volucris & feris laniandum abiiceretur. Nam cùm ego, inquit, sterquilinum & detestabilis omnino sim, quid aliud meis criminibus dignum expetam?

Vbi perspicua res non esset, atque euident, facile aliorum iudiciũ sequebatur, & se, cum superior esset, inferioribus exæquabat.

Ludibrio omnibus se cupiebat esse: etsi animo indulgere suo voluisset, nudus, despicatus, & oppletus sordibus, vt insanus haberetur, per vicos ambulasset. Sed hunc humilitatis affectum, proximorum vtilitas reprimebat,

bat, & charitas: cui ut fructuosius deferuiret, autoritatis etiam suæ, ac personæ rationem habuit.

De rebus suis rarò loquebarur, idque magna aliqua causa excitatus: vel ad sanandos eorum animos, & mœrore liberandos, qui ab ipso consilium peterent, ac medicinam: vel ad acuendos socios, & aduersus omnes difficultates suo exemplo confirmandos, idque parçè, & nascentis Societatis initio: qua iã constituta, mira taciturnitate sua omnia cõtexit.

Sed eius humilitas cùm in multis alijs se ostendit, quæ narrata à nobis sunt, tum maximè in illa honoris fuga elucet, & dignitatis recusatione, quã summa omnium consensione electus, ne vel Præpositus Generalis esset, adhibuit, vel cùm iam esset, ut honorem deponeret. Quod certè eo admirabili⁹ est, quòd Ignatius tam graniter & asseueranter se ex animo, & coram Deo, non esse idoneum ad regendum alios, testatus est, longissimeq. ab iis virtutibus abesse, quæ in eo, qui cæteris præsit, necessariæ sunt. Cùm tamen constet, omnibus virtutibus ita illum fuisse cumulatum, ut qui ad alios gubernandos accesserint, cum iis præclare agatur, si sint eas virtutes, quas ille, consecuti.

Et quoniã Obediẽtia, Humilitatis filia est, & custos religiosarum omnium, ac Regina virtutum, illiq. Ignatius in Societate primas deferabat, ut arbitror, nõ erit inutile, quid de Obedientia ille senserit, hoc loco exponere.

Perfectæ obedientiæ Ignatii haud multa sanè habemus exempla: neque enim obtemperare aliis Societatis Præpositis poterat, qui Societatis ipsius autor, & quoad vixit, primus Præpositus Generalis fuit. Illa tamen apertè ostendunt, quàm excellenter omnes obedientiæ expleisset numeros Ignatius, si aliorum subditus fuisset imperio. Paruit confessario suo semper in rebus grauissimis. Dedit operam, quantum salua conscientia potuit, vt munus Præpositi Generalis aut non susciperet, aut susceptum deponeret. Summo Pontifici obsequentissimum semper se præbuit, & in rebus arduis ac periculi plenissimis itidem se præbuisse. Admirabilem nobis de obedientiæ virtute atque præstantia doctrinam reliquit. Denique multis argumētis docuit, hanc præclarissimam virtutem maximè sibi cordi esse, & intimis eius sensibus insitam penitus, atque infixam.

Optabat filios suos cùm omnibus virtutibus excellere, tū maximè obediētia, in eamq. omnem operam studiumq. conferre. Hanc enim aiebat, præclarissimam esse virtutem ac nobilissimam, omni victima, sacrificioq. præstantiorem: humilitatis filiam, nutricem charitatis, iustitiæ comitem, religiosarum omnium virtutum ducem ac magistram: inimicam propriæ voluntatis; fraternæ beneuolentiæ, & concordie matrem; tranquillitatis portum,

tum, & securæ mentis iuge conuiuium. Dicebatque, vt nonnullæ Religiones, aliæ aliis rebus Societati præstât, sic optare se, vt hæc Societas, obedientiæ virtute, cæteris antecellere niteretur. Eius porro dignitatem atque præstantiam sic explicabat: Quemadmodum in hominum vita, duæ sunt hominibus propositæ ad beatitudinem viæ, altera peruulgata & communis, quæ diuinis præceptis seruandis continetur: altera illorum tantû, qui Christi consilia toto pectore complectuntur, quæ via Religionis est: sic in ipsa Religione duo sunt obedientiæ genera, quorum alterum imperfectum est, alterum perfectum, & omnibus absolutum numeris; in quo vis obedientiæ elucet, hominisque Religiosi virtus maximè apparet. Imperfecta obedientia, malè oculata est; perfecta, sapienter cæca: illa iudiciû suum de imperatis rebus sibi seruat; hæc iudicium proprium non habet: illa in alteram propendet partem, hæc in neutram potius mouetur: illa mandatis paret, iudicio repugnante; hæc iudicium iudicio, voluntatem superiorû suorum subiicit voluntati.

Quocirca docebat Ignatius, eam obedientiam imperfectam esse, quæ præter executionem, non habet voluntatis & iudicij consensum. Nam obedientia quæ in executione solû posita est, obedientiæ nõ meretur nomen: quæ verò ad actionem voluntatem adiungit, efficitq. vt ille qui obedit, id ipsum velit quod qui iubet, nondum perfecta est, si eò non
pro-

progrediatur ut id ipsum non solum velit, sed
 etiam sentiat, quod superior sentit, & quod
 iubetur, bene iuberi existimet: sic, ut præter
 executionem, sit eiusdem voluntatis & sen-
 tentiæ, inter eum qui iubet, & qui obedit, con-
 sensio. Hæc obedientia rectissima est, & om-
 nibus expleta numeris, maximeque excellens,
 qua veluti captiuamus intellectum in obse-
 quium obedientiæ, & id rectum credimus,
 quodcunque sit à superioribus nostris præ-
 scriptum: neque rationes præscripti exquiri-
 mus, aut sequimur, sed obediētiā auidē ar-
 ripimus, nulla alia de causa, nisi quia obediē-
 tia est. Tunc mortui nobis sumus, ut Deo vi-
 uamus: neque in ullam partem impetu ani-
 mi, atque inclinatione ferimur, sed indiffe-
 rentes sumus, & ut mare, nullo vento mouen-
 te, tranquillissimi. Nam illi alij, quorum vel
 voluntas obmurmurat, vel ratio obstrepit,
 obediētiæque contradicit, nondum sunt il-
 lud consecuti, quod Dominus in Evangelio
 ait, Nisi granum frumenti cadens in terram,
 mortuum fuerit, ipsum solum manet: si au-
 tem mortuum fuerit, multum fructum ad-
 ferr. Isti enim adhuc moriuntur, nec dum pla-
 nè mortui sunt: & quia cæci non sunt, pecca-
 tum interdum habent: & videntes cæci fiunt,
 Affirmabatque Ignatius, eos qui voluntate
 tantum obediunt, ratione repugnantē, vnum
 tantummodo in religione pedem habere: at-
 que in magna plerumque incommoda incide-
 re, & grauissimis perturbatæ conscientiæ mo-
 lestiis

Galat. 2.

Ioan. 12.

Ioan. 9.

lestiis implicari, multumque ab eo spiritu de-
 generare, quem in ipso Religionis ingressu
 primùm habuissent, qui nisi studiose tenea-
 tur, labitur sensim, & effluit. Quapropter om-
 ni contentione elaborandum esse dicebar, ut
 id quod sequimur, assequamur: & perfectio-
 nis viam ingressi, perueniamus ad id, quod in
 Religione perfectissimū est. Id adipisci haud
 fore difficile, iis rationibus: Prima, si nos Deo
 toto; penitusque commiserimus, & diuinæ
 illius prouidentiae, vniuersum orbem terra-
 rum gubernanti, habuerimus fidem: qua vni-
 cuique dat gratiam secundum mensurā do-
 nationis Christi: & superiori, ut regat; inferio-
 ri, ut obediat, facultatem tribuit. *Ephes. 4.* Altera, si vo-
 cationis nostrae ductum sequemur, ac spiri-
 tum; & non quis sit, sed cuius personam ge-
 rat, quicumque tandem sit qui nos regit, per-
 spexerimus. Tertia, si fallacibus argumentis,
 quæ contra obedientiam obiiciuntur, prudenter
 exclusis, ea exquirem' diligenter quæ sunt ve-
 rissima, & pro superioris faciunt voluntate.
 Quarta si eorū exēpla, qui in simplici perfe-
 ctāq. obedientia, præter cæteros excelluerunt,
 ante oculos semper habuerimus: maximeq. il-
 lius, qui propter nos Patri factus est obediens *Phil. 2.*
 vsq. ad mortē, mortem autem crucis. Si deniq.
 oratione instructi, humilitate ornati fueri-
 mus: neque opinionibus inflati, neq. amoris
 proprii, neque existimationis (quæ veræ obe-
 dientiæ pestes sunt) cupidi, sed demisse de no-
 bis sentientes, nostrique iudicii atque inge-
 ni

Rom. 12.

nij agnoscetes infirmitatem, nō plus sapiamus, quā oportet, sed sapiamus ad sobrietatem. Hæc sunt Ignatij præcipua quædā de virtute obedientiæ præcepta, quibus erudiebat suos, & ad omnem præclarissimæ virtutis excellentiam splendoremque conformabat. Sed quoniam vno anno antequam moreretur, hac ipsa de re quid sentiret, expressit, illud minimè prætermittendum videtur: Nā admirabili illa de obedientia, atque diuina epistola non contentus, quam ad fratres nostros Lusitanos scripsit, scribæ qui exciperet, ad se accersito, Scribe, inquit, quid ego de obedientia sentiam, vt hoc ipsum testatum Societati relinquam: vndecimque breuissimis capitibus rem vniuersam complexus est, quæ ego de Hispanico sermone in Latinum ad verbum penè conuersa, hic attexam: vt res vtilissima, maximeq. Religiosis hominibus necessaria, ex ore tanti viri planius intelligatur. Sic igitur habent:

1. In ingressu Religionis, vel post ingressum, resignatus (hoc est, propria exutus, atque ab aliena pendēs voluntate) omnino esse debeo in conspectu Dei, ac Domini nostri, eiusque qui loco Dei mihi præest.

2. Optare debeo, vt ille me gubernet, ac regat, qui abnegationi mei proprii iudicij, & intellectus inuigilet.

3. In quibus rebus peccatum non est, in iis omnibus voluntatem illius sequi, non meam debeo.

4. Tres

4. Tres sunt obedientiæ gradus: primus est, cum fit obediëntia, propterea quòd aliquid in virtute sanctæ obedientiæ præcipitur: & hic quidem bonus est. Alter, cum fit quod simpliciter mādatur: & melior est. Tertius est, cum obedientiam præuenimus; & id facimus, ad quod superiorem propensum cernimus: tametsi nihil ille præcipiat: & hic quidem cæteris longè perfectior est.

5. Non debeo cogitare, qui me gubernat, summusne, an medius, an infirmus sit, sed deuotionem meam omnem in obedientia collocare, & illud magni pendere, quòd loco Dei Domini nostri præsidet. Nam personarum si distinguas gradus, perit obedientiæ vis.

6. Si quando rēpus inciderit, quo mihi videatur à Superiore meo quid præcipi, quod contra consciëntiam meam sit, Superiori verò aliud videatur, illi potius quā mihi credā, si quidem aperta ratio non repugnat. Quod si hoc in animum inducere nō possum, at certè meum iudicium, sensumq. relinquam, & ad vnius, aut duorum, triumve iudicium rem totam reiciam, vt quod ab illis iudicatū sit, id sequar. Hoc si recuso, longissimè à perfectione absum, & ab iis virtutum officiis, quæ veri Religiosi sunt maximè propria.

7. Denique meus esse non debeo, sed eius, qui me creauit, quiq. illi us locum tenet, vt me duci tractariq. instar mollissimæ ceræ suam, quæ sequitur fingentis manum. Vt in

scribendis, accipiendisque literis, & contra, in colloquio cum fratribus, aut silentio, id mihi salutare credam, quod iussus fuero; deuotionemque meam in eo quod præcipitur, totam constituam.

8. Ita me instituam, quasi corpus mortuum, quod neque voluntatem neque sensum habet. Secundo, non aliter quam paruulam quandam statuam, quam quoquouersum velis, haud repugnantem vertas. Tertio, talem me fingam ac præstabo, qualis baculus in manu senis est, ut me ad arbitrium suum vratur, ibique ponat, ubi eum adiuuare maximè possim: sic ego paratus ad omnia sim, ad quæ mea opera Religio vti velit, nihilque recusem, quod sit imperatum.

9. Neque petere, neque rogare, multò minus flagitare debeo à Superiore, ut me aliquò potissimum mittat, ut in hoc potius, quam in illo munere exerceat: sed cogitationes meas siue desideria simpliciter exponere, atque ad illius pedes abiicere: ut ille constituat, atque imperet; ego, quod ab illo constitutum fuerit, atque imperatum, id optimum putem.

10. In rebus tamen leuibus, ac bonis, facultas peti potest, ut ad Stationes Urbis obeundas, ad spirituales gratias petendas, & his similiat: dum eo tamen animo sis, ut quod concessum negatumve sit, id optimum credas.

11. In his præterea, quæ ad paupertatem spectant, nihil meum ducam: sed ita me comparem, ut quarum rerum usum habeo, earum

me

me vestitu cultuq. ornatum, quasi statuam existimem, quæ ornatum detrahenti, nihil omnino aut resistit, aut repugnat. Hæc ille.

Neque verò nostrorum tantum obedientiam, ad hoc exemplum exigebat, verū etiam aliarum Religionum homines, si qui fortè de obedientia superioribus præstāda, consilium ab Ignatio peterent. Ipse verò expletæ huius, cumulatæque obedientiæ magister, mordicus illam retinebat. Nam quo tempore, Societate nondum constituta, spes omnis Hierosolymam nauigandi, nostris Patribus erepta est, P. Iacobus Laines Ignatio dixit, habere in votis se in Indiam, ad salutem syluestrium illorum hominum, atq. efferatorum, proficisci. Cui Ignatius, Ast ego, inquit, nequaquam. Causam rogatus, Nimirum, quia cum obedientiæ voto sumus obstricti, summoque Pontifici integros nos ad eius voluntatem obrulerimus, ut quocunque terrarum velit, suo nos arbitrio mittat, indifferētes esse debemus, ac medijs, & in neutram potius partem pendere. Immo verò, si me hoc tuū desiderio teneret, in contrariā partē flectere conarer animum: ut in ea æquabilitate tandem statuque consisterem, qui ad obtinendam perfectam obedientiam est necessarius.

Cum verò Præpositus esset Generalis, aliquoties dixit: Si summus Pontifex imperaret, ut ostio Tyberino scapham, vel nauigium quodcunque primū inuenisset, clauo, malo, velis, remis, cæterisque armamentis spolia-

tum conscenderet, & ita absq. vlllo cōmeatu mare traiceret, se id nō solū æquo sed etiam libenti animo facturum. Cū autem quidam summus vir, hunc illius animum admirans, Ignatio diceret, quæ isthæc esset prudentia? Respondit Ignatius, Prudētia, Domine, non tam est parentis, quā imperantis.

DE MORTIFICATIS AFFE-
ctibus. CAP. V.

Appetitus omnes sic Ignatius Dei gratia, studio, laboreque pēruicerat, & obediētes rationi effecerat, vt non quidem *ἀπάθεια* & absq. omni animi affectione esset (hoc enim hominis naturæ est alienum) sed certè, vt ab omni commotione animi, motuque turbulento vacuus videretur. Eratque id consecutus, vt cū calidus natura, corporisque constitutione biliosus esset: propter summam tamen lenitatem, quam in omni sermone, vitæque cōsuetudine adhibebat, frigidus ipsis medicis, lentusque potius videretur. Sed eo, quod in interiori affectu vitiosum erat, edomito, actio, vbi opus erat, vigeat: neque animi summa moderatio vim efficiendi vlla ex parte minuebat.

Vidimus persæpè illum affabiliter, hilareque, & magna animi æquitate colloquentem cum suis, accersere aliquem, quem obiurgare vellet: primoque illius aspectu commutare vultum, ad seueritatem componere, & quasi iratus esset, grauius hominem corripere, & casti-

castigare. Statim tamen atque ille exceſſerat, ne pūcto quidem tēporis interiecto, ad ſuam illam tranquillitatem, iucunditatemque ſermonis, ſereno vultu, explicata fronte, rediſſe; perinde ac ſi nunquam aut ille interueniſſet, aut quenquam ipſe obiurgaveſſet.

Itaque apparebat nihil animo fuiſſe commotum, ſed ſeveram illam obiurgatoris perſonam & ſuſcepſiſſe cū veller, & depoſuiſſe. Quod in reliquis eius actionibus videre fuit, ut ex illis perlucere moderatio animi, & tranquilliffimus ſecuræ mentis ſtatus.

Eundem tenorem ſemper tenuit in rebus gerendis, & perpetuitatē in omni vita. Nam quamvis corpore aliter atque aliter affectus eſſet, & propter valetudinis varietatem ad res tractandas vel magis vel minus aptus, animo tamen idem ſemper erat: ut ad aliquid ab eo impetrandum, aut conſiciendum, obſervare tempus & opportunitatem, nihil eſſet neceſſe. Nam ſive illum ſanctiſſimo Miſſæ ſacrificio peracto, ſive prandio convenire, è lecto ſurgentem, aut ab oratione, perinde erat: ſive res lætæ, ſive triftiores eſſent: denique in nulla rerum diſſimilitudine ac varietate, varius ipſe, ſuique diſſimilis fuit. Quæ animi æquabilitas, perpetuaque conſtantia in corpus etiā (ut paulò antè diximus) redundabat.

Cū in menſa, aut in ſermone aliquo familiari cū Ignatio vnà eſſemus: ſi cui noſtrū imprudētī verbum aliquod excidiſſet: ſi quid factum dictūve eſſet, quod minus probaret,

statim colligebat animum, fingebatque vultum ad seueritatem, vt vel ipso Patris aspectu admoneretur, qui deliquerat. Quod in rebus sæpè lenissimis fecit, quarum culpa propter tenuitatem, sensus nostros, aciemq. fugiebat. Neque enim solum apud se ipse erat, sed suos etiam volebat esse.

A consanguineorū molestissima cura negotiisque longissimè abfuit: & quasi esset sine patre, sine matre, sine genealogia, vt Melchisedech, vel omnino mundo, & omnibus mortuus quæ mundi sunt, nihil quod ad eorum carnem pertineret & sanguinem, ad se attinere iudicabat. Spiritum fouebat quoad poterat, & vt in virtute maiores indies progressionēs facerent, oratione, studio, opera curabat: omniaque quæ in eos conferebat officia, verè charitatis, ac religiosi spiritus moderatione definiebat. Quocirca cùm eius fratris neptem Loiolæ familiæ hæredem, multi nobiles atque locupletes viri cuperēt uxorem ducere: magni Principes atq. clarissimi, quorum multa in Ignatium, Loioleamque familiam beneficia extrabant, per literas rogarunt Ignatiū, authoritatem suam vt interponeret, & ad suos scriberet, cupere se vt fratris neptis in honestissimo matrimonio collocaretur; & certo cuidam nobilissimo viro, & necessitudine & vicinitate coniuncto, opibusque præstanti nuberet, quem illi ipsi nominabant. Ad quos Ignatius rescripsit, matrimonium illud sua nihil interesse; se iam tot ante annos sæculo

culo mortuum, curis illius omnibus nuntium remiſſiſſe: non eſſe æquum id repetere, quod pridem omiſerat, & aliena ſeque indigna tractantē, induere interum tunicam quā exuerat, rurfus inquinare pedes quos lauerat.

Sed præſtat ipſiuſmet Ignatij epiſtolam, de hac ipſa re ad Ducem Naiaræ ſcriptam apponere: vt tanti Patris verbis excitemur ad perfectionem, & admirabili exēplo magis etiam accendamus, ſic enim ait:

L I T E R A S tuas 21. Februarij ſcriptas, heri mihi reddidit D. Ioānes Gueuara. Nulla autē excuſatione vtar, quamobrem ad te hætenus non ſcripſerim. Eſt enim illa maximē idonea, & per ſe manifeſta, quòd quicumque ſæculo renuntiant, vt Chriſtum perfectius ſequantur, omnia etiam quæ ſæculi ſunt, debēt repudiare atque obliuiſci, vt cæleſtia ſtudioſius meditari, atque ardentius poſſint concuſcere. Itaq. iſta vrbauitatis officia fugiunt, vt quæ Dei ſunt, impenſè curent. Sed ſi vlla mihi ſeſe obruliſſet occaſio, tibi, ad Dei gloriam, inſeruiendi, eam verò libentiſſimē arripuiſſem: & pro mea tenuitate etiam oſtendiſſem, quā me tibi, ac vniuerſæ familiæ tuæ obſtrictum putem: quotque & quā magnis maiorum tuorum beneficiis, me deuinctum intelligam. Quod vnum mihi reliquum fuit, vt te Deo commendarem, præſtiti ſanè hætenus, & præſtabo diligēter: Deumque precabor, vt te tuaq. omnia, quā feliciffimē conſeruet, & ſingulari quadam gratiæ ſuæ prote-

g s ctione,

ctione, ad ipsius nominis gloriam tueatur ac gubernet. Quod ad matrimonium, de quo ad me scribis, attinet; illud certè eiusmodi est, & à mea minima professione vsque adeò alienum, vt ab eo, quasi meis institutis omnino contrario, ac vehementer repugnanti, mihi temperandum statuâ. Possum enim tibi omni asseueratione affirmare, totos decem vndecimve annos, ad nullum ex Loiolea familia, ne literam quidem me scripsisse. Persuasi enim mihi, cum sæculo vniuerso nuntium remissi, illam quoque propter Christum me semel reliquisse: neque debere me eam repetere, aut vllò modo propriam existimare, quâ tam certo, tamq̃. considerato iudicio reliqui. Sed si tu tamen ad maiorem Dei gloriam fore iudicas, vt duæ istæ familiæ & dominatus in vnum coëant, & coniungantur; & ad eum finē quem omnes semper ante oculos debemus habere, in rem vtriusque futurum putas, Ozaetæ Dominum, & Martinum Garziam, cōsanguineos meos, ad te euocandos censeo, & cum iis ipsis transigendū. Ab iis enim duobus, res illius quidem partis pendet, quod Ioanni Gueuaræ copiosius exposui. Itaque rem totam sapientiori tuo iudicio relinquo: Deumq̃. precor, vt nobis volūtatī suæ lumen ostendat, eamq̃. perfectè adimplendi abundantem gratiam tribuat. Romæ 26. Augusti, 1552.

Si sensum animi sui, eamq̃. voluptatem, atque adeò vtilitatem, quâ ex cantu magnam
capie-

capiebat, sequi, suoq. indulgere genio voluisset (mirificè enim recreabatur eius mēs musica, atque incitabatur in Deum) se chorum in Societate instituturū (me audiente) esse dicebat; sed illud se prætermisissè, quòd Deo magistro atque autore didicisset, præclarum quidem in choro canendi esse munus, atque sanctissimum, sed minimè ad illud nos à Deo esse vocatos. Aliam nostri instituti rationem, alia propria nostræ Religionis esse munia.

DE MODESTIA ATQVE

efficacia sermonis. CAP. VI.

SI is qui in verbo non offendit, perfectus *Iacob. 3.*
 Sest vir, potens etiam fræno circumducere totum corpus, vt beatus Iacobus ait; meritò sanè in perfectis viris haberi Ignatius debet, *Ibidem.*
 qui linguæ suæ (quam nullus hominum domare potest) frænum iniecit, maximeq. excelluit moderatione verborum.

Si quid audiret eorum quæ ad iram vel ad turbidiotem aliquem motum incitare homines solent, statim sese colligebat, iungebatq. cum Deo; & quid responderet, accuratè meditabatur. Ex quo illud consequabatur, vt neque rationem inconsiderantia vlla præcurreret, neque non retineret animi tranquillitatem. Quanquam hoc non in huiusmodi rebus seruauit solū, sed perpetuum illi in omni sermone fuit, vt nihil temerè loqueretur, sed cogitato & prudenter.

Yndecim annis antequam moreretur, amicissimo

cissimo cuidam viro ac nobili, suam operam in quodam negotio est pollicitus: postea se promississe pœnituit: & hac de re, me præsente agens, adiecit: Vndecim duodecimve sunt anni, ex quo non memini me ita verbolapsum, neque quippiam promississe, cuius postea me pœniteret.

Constat illum per triginta, & eo amplius annos, ne fatuum quidem aut stupidum appellasse quenquam, alióve contumelioso verbo affecisse. Quod in obiurgationibus sæpè obseruauimus, vt sermonis grauitate adiuncta, acerbitas tamen omnis abesset: neq. verbo morderet quenquam, sed rerum seuera explanatione compungeret. Neque enim quenquam, cum asperius etiam obiurgaret, vocabat aut non obedientem, aut superbum, aut inertem, & pigrum: sed quid cuique inesset vitij, rei explanatione ostendebat.

In laudando parcus fuit, in vituperando parcissimus. Superlatiuís (vt vocant) vix utebatur nominibus. De aliis nunquam detraxit: detrahentibus, aures nunquam patefecit. Alienorum vitia, etiam publica, & quæ in ore omnium versarentur, in sermone quotidiano ipse non vsurpabat: & in illa ne alij incurrerent, cauebat. Si quid tamen aliis excidisset, ipse vel eleuabat, vel etiam excusabat factum, aut animum certè, & volúntatem. Quod si rei atrocitas excusandi, minuēdiq. omnes aditus præcluderet, eò perfugiebat: Nolite ante tē-
 1. Reg. 16
 1. Cor. 4. pus iudicare, De⁹ solus intuetur cor. Domino quisq.

quisq. suo stat, aut cadit: cūm grauissimè,
ego quidem certè hoc non fecissem. Vt illud *Rom. 14.*
Dōmini præceptū penitus in eius animo in-
sedisse videretur: Nolite iudicare, & non iu- *Matt. 7.*
dicabimini: nolite condemnare, & non con-
demnabimini.

De erratis verò domesticorum, mirum si-
lentium: neque, si quid minus decēter ab ali-
quo admissum esset, cuiquam aperiebat, nisi
fortè vt emendaret: & tunc quidem tam mo-
deste ac mansuetè, tam existimationi illius
qui peccauerat amicè, vt si vnus testis satis ef-
set ad remediū, duos nō adhiberet: nudamq.
culpam poneret ante oculos, nulla adhibita
contentione, aut reprehensione verborum.

Audiui ego ex ipsomet Patre, Confessariū
aliquando à se quæsitum, vt vnā tantū cul-
pam confiteretur. Ea erat, quòd erratum cu-
iusdam tribus Patribus aperuisset, cūm duo
ad remedium adhibendum sufficerent: & ta-
men is erat, qui deliquerat, vt vno illo errato
diuulgato, nihil eius existimatio apud ter-
tium illum Patrem læderetur. Et ita loque-
batur de omnibus, vt singuli bonā de ipsis
opinionem illum habere intelligerent, seque
illi cordi esse.

Eius autem sermo, sententiarum erat gra-
uitate plenus, non verborum copia; simplexq.
potius, & aperta videbatur narratio, quā aut
amplificatio, aut confirmatio rerum, & con-
tentio. Res vt erant, referebat: auditoribus, vt
consequentia cernerent, rerumque momenta
ponde-

ponderarent, suum iudicium relinquebat. Atque hunc in modum, magnā habebat ad persuadendum vim eius oratio: & tamē propensionem animi suū neutram in partem aperiebat. Illud erat in sermone prudētiā, quōd quæ graua essent, & aliquid ponderis haberent, in iis multum, hærebat, eaque leuibus prætermiſſis, narratione ipsa ponderabat.

Tanta eius erat in sermone granitas atque efficacia, vt non tam humana videretur, quā diuina: quocunq. enim volebat, impellebat homines, non verborum vlla vel copia vel elegancia, sed vi sententiarum ac pondere. Peruicaces ac ferreos etiā emolliebat, flexibilesque ad omnia reddebat & tractabiles, suoq. imperio sic obediētes, vt se ipsi, suamque mutationem sæpè mirarentur. Neq. solū nostri, sed etiam alieni: neq. gregarij tantummodo homines, atque infimæ noræ, sed maximi etiam viri, ac præstantissimi: ira cū essent aut aliis turbidioribus moribus concitati, ad lenitatē eius sermone, ac mentis tranquillitatem flectebantur. In certamen verō disputationemque si quādo cū illo descendissent, superiorem in ipso vim agnoscentes, facilè illi concedebant, animosque submittebant, Domino verbis eius dante virtutem. Quod quamuis multis exēplis illustrari posset, duo tamen in præsentia adduxisse sufficiat. Quo tempore Romæ tam multa falsa in Ignatium à calumniatoribus, sociosque coniecta sunt, Ioannes Dominicus de Cuppis,
S. R. E.

S. R. E. Cardinalis, sacrique Collegij Decanus, Quirinum Garzonium, hominem nobilem, familiarem suum ac necessarium (qui Ignatium, sociosque hospitio benignè exceperat in vinea sua apud Cœnobium Sanctæ Trinitatis) seuerè monuit, ne se consuetudine Ignatii implicari aut circumueniri pateretur: nihil cum illo, illiusque sociis haberet commune, ne ex eorū coniunctione aliquid dedecoris in eius nomen, infamiaeque redundaret. Quirinus contrà, Ignatium, se, sociosque diligenter obseruasse ait, nihilque omnibus vestigiis indagantem, in eorum vita deprehendere potuisse, quod sanctitatē non saperet, quod non ad amissim quadraret Ecclesiasticæ disciplinæ. Ad quem Cardinalis: Falleris Quirine, falleris, nec mirum: neque enim tam multa tu de istis hominibus audire potuisti, quàm ad me perlata sunt: qui speciem quidem habent pietatis, sed factis eius abnegant veritatem. Lupum in specie lupi facile vites: lupum autem ouilla pelle indutum, neque agnoscas facilè, neque declines. Perturbatus homo ad Ignatium venit: quid nam à Cardinali audierit, narrat: quid sibi faciendū sit, consiliū petit. Ignatius verò læto vultu hominis mœrorem abstergit, & verbis bono animo esse iubet. Cardinalis, ait, errorem suum, optima ex mente & rerum ignorantia profectum, cognita veritate libèter deponet, offensionemque in beneuolentiam vertet. Neque existimes tantū virum, Quirine,

so-

solū in ea esse sententia, quæ tamen non propria ipsius est, sed eorum qui vel maleuolentia adducti, vel zelo fortè Dei, sed nō secundum scientiam, ea spargunt in vulgus, & in aures Principū etiam instillant, quæ aut confinxerunt ipsi, aut conficta ab aliis vera putant. Quoniam simulata & falsa, à sinceris & veris secernere atque internoscere, haud proprium illorum officium est. Orabimus Dominum, in silētio & spē erit fortitudo nostra: Nos tacebimus, ille pro nobis loquetur. Cum autem Cardinalis ea sæpè repeteret, atq. inculcaret Quirino, rogatus ab ipso est, Ignatium vt alloqueretur, & ab ipso met rationem dictorum, factorumq. omnium reposceret: & de certis atque exploratis ferret iudicium. Neque enim sapientis esse viri (qualis ipse esset) inauditum quenquam & indefensum condemnare. Audiam, inquit Cardinalis, si veniat ad me, & ita tractabo, vt dignus est. In summa, dies dicitur, Ignatius ad Cardinalem venit: remotis arbitris, ipso etiā Quirino pro foribus cubiculi expectante, duas ferme horas Cardinalis Ignatiusq. colloquuntur. Quo in colloquio, tanta spiritus Domini, verborumque Ignarij vis fuit, vt se Cardinalis ad eius pedes abiiceret, suppliciter veniam peteret, abeuntem comiter beneuolēque prosequeretur: e eēmosynam panis, viniq. certam, ipsi in hebdomadas singulas focisq. decerneret: quā etiam ad extremum vsque vitæ diem perliberaliter tribuit. Postremo ex
inimi-

inimico amic⁹, ex aduersario, eximius repēte patronus factus est. Quod Quirinus ex ipso tum Cardinali, ego ex Quirino postea accipit: qui non sine magna admiratione, & iucundissima recordatione, inter alia virtutis Ignatij documenta, hoc mihi solebat referre.

Huic persimile est illud: Compluti habitauit vir nobilitate atque dignitate excellens (cuius nomen de industria silētio prætereo) sed idem moribus dissolutis. Huius ex vita, hominis scilicet Ecclesiastica dignitate præstantis, magnā offensio erat in populo. Multi fortē præcuntem illum sequebantur ruentem in præceps. Ignatius igitur sub vespērā domum illius ingreditur, loquendi cum illo facultatem petit, quæ postquam facta est, in cubiculo, solus solū hominem aggreditur, suauiter ac fortiter admonet, arguit, obsecrat, increpat cum omni patientia, & à perditæ vitæ rationibus, ad meliorem conatur mentē traducere. Hic homo principio furere & insanire, & magnis clamoribus se exturbaturum Ignatium, & præcipitem eiecturum dicere. A quo imperterrito, cū seueritate vultus & tranquillitate, ac veritatis robore premeretur, mitius agere cœpit: iracundiam deinde temperauit, vocis contentionem remisit, aures clausas aperuit veritati. Quid verbis opus est? Famuli qui initio domini sui clāmores minaces, ac iracundiā plenos audierant (etenim Ignatij voces nō exaudiebantur) illud vnum expectabant & in id parati erant, vt iussi hominem

h minem

minem abriperent, ac deturbarent, & in malam crucem abire permetterent. Sed ita Ignatii sermo in domini animum influxit, sic illum cōstrinxit ac obligauit, vt ad cœnā etiam inuitaret, ipsisque famulis, aliisque qui aderant, & in exteriori cubiculo rei exitum operiebantur, demirantibus, blandè, amicè, beneuolè ac reuerenter Ignatiū acciperet. Qui quo plus hominem demereretur, cœnā etiam non recusauit: qua exacta, quod pluuiosum esset ac tenebrosum cælū; mulam, famulosque cum facibus præsto esse dominus iussit, vt Ignatium domum reducerent. Sed ille, mula reiecta, quos vitare nulla ratione potuit famulos, vix domo egressus declinauit, & per angiportum, & occultas vias digressus, præcuntes delusit: mirantesque quam Ignatius euauisset, ad dominum suum redire compulit: qui magna deinde beneuolentia Ignatium profecutus est.

In communi consuetudine, negociisque cum aliis contrahendis, parcè loquebatur, & consideratè: proluxè, ac libenter vsque ad finem audiebat, sine interpellatione. Neque ex vna in aliam rem fortuito, & casu deuolvebatur, sed consultò transibat, transitionemque præmunitione mollebat.

Viros graues, autoritateque præstantes, nunquā autores proferebat, nisi magnarum rerum, in quibus nihil aut dubitationis inesset, aut vanitatis.

In depellendis molestiis, animique perturbatione-

turbationibus sedandis, sermo illius familiaris valebat plurimum. Scimus quendam venisse ad Ignatium, qui adhuc viuit in Societate, ita perculsum animo, tam acerbo, coque diuturno mœrore confectum, vt nunquam respiraret, aut tranquilla mente conquireret. Et cum tristitiam animi sui aperuisset, vno Ignatij verbo in hodiernum diem omni molestia liberatum.

Alium etiam in Societate superstitem nouimus, qui inani quodam terrore correptus, vel umbram suam formidabat. Cui Ignatius paucissimis verbis, & vanum metum ademit, & mentis securitatem restituit.

Possẽ equidem alia hic exempla referre magis interiora ac propria, quibus constaret, quanta verborũ eius vis esset, ad animos hominum immutandos, trãquillandas cõscientias perturbatas, egras sanandas, afflictas consolandas, roborandas, atque erigendas infirmas & abiectas: sed malo tacere, ne de me loqui videar. Hoc est certissimum, tam excellenti à Deo Ignatium gratia fuisse donatum, vt non raro ad se venientium, paucis verbis, non solũ præsentem morbum depelleret, sed sanaret in perpetuum, neque tantũ ægritudinem animi, sed ægritudinis etiam quasi radices euelleret.

Antequam Catechumenorum domus Romæ esset instituta; domi nostræ erudiebãtur, qui ex Hebræis sacrum baptisma petebant: in his quidam Isaac nomine, insanire ita cœpit

aliquando , & quasi furiis agitari , vt è domo nostra se proripere statim vellet , & baptismi petitionem abicere: neque aut retineri à nostris verbis , & blanditiis , aut vlla alia ratione posset ad sanitatem reuocari. Cui Ignatius ad se adducto, furentique, illud tantum: Maneto nobiscum Isaac. Quibus verbis placatus omnino eius animus continuo est , sibi que restitutus , lætusque domi in sententia permansit, baptismumque suscepit.

Energumenum quendam sermone suo liberauit, qui (vt arbitror) in sanctissimo quodam cœnobio viuit adhuc, mihi familiariter notus, antequam à diabolo liberaretur, & post.

Energumenus hic de quo loquimur iuuenis quidam fuit Cantaber natione , Matthæus nomine, qui etiam si noster nō fuit, cum nostris tamen Romæ habitauit. Qui anno Domini 1541. quo tempore in cœnobiū D. Petri de Montorio se recepit Ignatius , vt diuinam voluntatem exquireret, deliberaretque, vtrum onus Præpositi Generalis susciperet, an reliceret, à dæmone correptus est, grauiterque vexatus. Nam & se vehementer collidebat, & tanto pondere veluti desigebat, vt octo aut decem homines robusti illum humi iacentem vix loco dimouere possent. Et cum esset omnino literarum rudis, & materiam tantū linguam callens, variis tamen linguis tunc loquebatur expedite, scienterque. Præterea os primum inflabat, cui signū crucis à Sacerdote impressum, confestim tumo-

rem

rem ab ea parte depellebat : sed ita vt in inferiore descenderet, gutturq. occuparet, quem idē crucis signū admotū veluti deprimebat : in pectus deinde, stomachū, ventrem defluebat. Nam omnes istæ corporis partes, alia alij succedens, repenti tangebant, tumore (quasi crucis virtutem fugeret) delabente in inferiora membra. Hic igitur adolescens, quem ego tunc obseruavi aliquoties, vel dæmon potius in adolescēte, cū à nobis audiret Ignatium breui domum rediturum, & ipsum ex obsessi hominis corpore exturbaturum, validè sese decerpens clamabat. Ne mihi nominetis Ignatium, quem ego inimicissimū habeo, omniumq. hostem infestissimum. Reuertit domū Ignatius; quod ipso absente accidisset, à nobis didicit; Matthæum accersit, remota à birris alloquitur; quid dixerit, feceritve, mihi compertum non est. Iuuenē certè illico sibi redditum constat, & ab illa dæmonis tyrannide liberatū. Qui (vt puto) in sanctissima Italiæ Camaldulensi Eremito adhuc viuit, & appellatur frater Basilius.

Et quoniā de dæmonis in Ignatium odio (quem ipse hostem suum omnium atrocissimum nominabat) mentionem fecimus, non erit abs re, illud quoq. quod est persimile, adscribere. Patauij miles fuit quidam Italus natione, homo simplicissimus, qui Ignatium de facie non nouerat, neque eius (quod sciam) nomen audierat. Hunc dæmō inuasit: qui sacris precationibus dum excantaretur aliquan-

do, de Ignatio loqui cœpit, cumque suis coloribus pingere tã scitè & appositè, vt P. Laines (de quo hæc audiuius) vehementer miraretur: addebatque diabolus frendēs ac stridens Ignatium omnium qui viuerent, sibi esse inimicissimū. Mortuo verò recens Ignatio, Drepani (quæ ciuitas est in Sicilia) puella quædam virgo quæ à dæmone vexabatur, interrogata à quodam Sacerdote (multis magnisque viris præsentibus) Ignatiūne nosset, & vbi nam ille esset? respondit, Ignatium inimicum suum, vita iam perfunctū, in cælo esse inter alios sacrarum religionum Fundatores. Quæ tamen si, quod à dæmone profecta sint, certam nō habent fidem; tamen quoniam Dominus veritatem ab illo sæpe exprimit inuito, hæc quæ & veritati, & Ignatij moribus consonant, non sunt quasi falsa repudianda. Nam homo habens dæmonium im-mundum, exclamauit voce magna dicēs: Sine, quid nobis & tibi, Iesu Nazarene? venisti perdere nos? scio te quod sis sanctus Dei. Et alibi: Exhibant autem dæmonia à multis clamantia & dicentia, Quia tu es filius Dei. Voluit itaq. Dominus, vt dæmon ipsum velinuitus agnosceret, & Dei filium esse testaretur. Atque alia iis similia legimus in Sanctorum virorum historiis, quæ ad eorum laudem pertinent.

Luc. 4.

Ibidem.

SEVERITATEM QUOMODO
cum benignitate temperauerit.

CAP. VII.

EX multis, quæ admirabilia Ignatius habuit, illud equidem haud postremo loco numero, quod difficilè illà seueritatis cum lenitate coniunctionem, tã perfectè obtinuerit. Formidabilis cõtumacibus, in obsequentes mitissimus: spõte tamen sua, ad lenitatem semper quàm ad seueritatem propensior.

Nouitium quendam vacillantem in proposito, ollasque Aegypti suspirantem, vt ab ea mente deduceret, ac firmiorem redderet, humanissimè aliquando est allocutus, sed frustra: tum vt reliqui Patres idem præstarent, iussit. Ad quorum voces cùm aures illius obsurdescerent, & nihil animus lenissimis admonitionibus, salubribusque consiliis flecteretur: renuntiatum est Ignatio, obfirmatum pertinacia illum esse, ac summo mane postridie (nox enim erat) constituisse discedere. Tũ Ignatius: Haud ita sanè, neq. enim apud nos ille pernoctabit: hominemq. dimitti cõtinue iussit: vt cui inutilis benignitas extiterat, utilis eius exemplo, cæteris esset seueritas.

Authoritatè retinebat in primis omnium virtutum exemplo, deinde maximè prudentiæ opinione, & rerum gerendarum vsu: tum in rebus periculosis, quæque vel exemplo inficiunt, vel contagione serpunt, seueritate: qua magna præcipuè in eos utebatur, qui vel obstinati & insanabiles, vel ceruicis in

obedientia duræ, vel seditiosi, & fraternæ pacis, concordiaëque perturbatores viderentur, vel opinionibus certè turgidi, atque inflati & cedere nescij. Hos omnes in religione perniciosos censebat esse. Quocirca neque illos, si tales sciret, in Societatem admittebat: neque cognitos postea retinebat, si illis curandis nihil profecisset. Atque ut quisque doctissimus erat, ac nobilissimus, ita solertissimus erat Ignatius, si quid in illo esset vitiosum, quod aut doctrinaë, aut generis opinione commendatum, ad alios manare, & corrumpere illorum integritatem posset.

Illud etiam augebat auctoritatem, quòd in leuibus erratis, grauiam interdum exempla statuebat. Nam & in nonnullos qui ad afflictam valetudinem ex morbo cõfirmandam, inscio ipso, pila palmaria in vinea luserant, grauius animaduertit: & in quendam nouitium non Sacerdotem, manus interdum sapone lauãtem: & in alios etiam, pro minimis delictis magnas nonnunquam pœnas constituit. Ne videlicet ex minimis maxima fieret: etsi minus deformitate ac magnitudine nocerent; imitatione certè serperent, atq. exemplo. Magnumque Religioni detrimentum inferri existimabat, cù quarumlibet nouarum rerum inductione, tum verò illarum potissimum quæ ipsum Religionis statum immutare possunt, sensimq. peruertere: & quidem maximè in ipso Religionis initio.

Bene uolentiam verò suorum multa Ignatio

tio conciliabant: ipsa eius sapientiæ in primis opinio, qua imbuti hominū animi, ad amandum impelluntur: deinde amor, qui naturaliter amorem procreat, & parit. Sentiebāt enim omnes, se illi filios esse charissimos. Præterea, cū singulorum & animi & corporis facultatem nosset, quantum quisque oneris ferre poterat, tantū cuiq. imponebat, vel alquanto etiam minus: ne ponderis magnitudine opprimerentur, sed potius cū gaudio illud perferrent, & non gementes.

Si quid porro ab illo nostrorū aliquis peteret, quod negandum statueret, negabat: sed si rei ac personæ ratio posceret, cur negaret, causas proferebat. Sin concederet, causas nihilominus addebat, cur negari posset: ut & qui nō acciperet, minus ferret molestè, & qui acciperet, gratius quod dabatur haberet.

Cū maximè cuperet, ut indifferentes sui essent, & in his rebus quæ ad obedientiā pertinent, neutram in partem mouerentur: explorabat tamen diligenter, acutèque perspiciebat, quò quemque natura duceret, quam in partem cuiusque propenderet animus: & ad illius se honesta cupientis, inclinationem accommodabat: cū id intelligeret laboriosum esse, quod natura sit repugnante: neque violentum quicquam esse diuturnum. Itaq. in eo sapientiæ illius splendor erat maximus, quod maximè disiuncta tam artificiosè coniungeret: & indifferentiam cum propensione cuiusque copularet: in alteroq. exigendo

clucebat seueritas, in altero præstando eminebat humanitas.

Si quid à quopiam esset commissum, quod poena expiandū iudicaret, studiose dabat operam, vt qui in culpa esset, culpam agnosceret: eamque non verbis, sed rerum pōdere exaggerabat. Tum vt poenæ modum ipse sibi statueret, qui deliquerat: de qua tamen poena, si grauis videretur, multum detrahebat Ignatius: ita fiebat, vt integra beneuolentia, nihil tamen esset impunitum. Et certè admiratione dignum est, quod in hac parte & vidimus & obseruauimus, vt in tanta hominum multitudine, nemo ferè ab Ignatio aut verbis castigatus, aut poenitentia aliqua grauiore affectus indignaretur: nemo in obiurgantē, ira, vel aliqua perturbatione incitaretur, sed in seipsum exardesceret, quod deliquisset.

Se ab errore reuocantes, æquè complectebatur ac suscipiebat, ac si nihil deliquissent: vt præsentī beneuolentia, illorum minueret verecundiam, & omnem errati memoriam sempiterna obliuione deleteret: nec vulneribus modò, sed cicatricibus etiam mederetur.

DE COMMISERATIONE.

CAP. VIII.

AD eandem benignitatem pertinet sympathia illa, & misericordia, quā ex morbis suorum capiebat. Nam in eos præcipuè, qui valetudinis imbecillitate tentarētur, aut grauius ægrotarent, eximia erat illius & charitas,

ritas, & sollicitudo. Itaque iubebat, statim ut aliquis in morbum incidisset, ad se referri: obsonatorem domus bis quotidie sibi renunciare, num præfecto infirmorum emisset, quæ ad illorum ipse usus postulasset. Quod si pecunia ad sumptus non suppeteret, stanneas lancæ, vel quadras perpaucas, quæ in domestica suppellectile fortè reperiébantur, vendi primum, deinde lectorum stragula distrahi iubebat. Et cum præclaros adolescētes summa ingenij spe, doctrinæque præditos, aut laborum magnitudine debilitatos, aut etiam extinctos in ipso Societatis nostræ exordio animaduerneret (quod spiritus quodam impetu longius nostri progredierentur, quàm moderatōnis & diuturnitatis ratio patiebatur) domum in remoto loco Romæ exædificandam curauit: in qua, qui literarum studiis inuigilarent, interdum laxarent animū, & aliquid de summa illa studendi, meditandique contentione remitterent. Sed cum inopia pecuniæ obstarer, nonnullique id dicerent, viuendi tū quidem tempus esse, non laboriose ædificandi: nunquam de sententia deduci Ignatius potuit, pluris sibi esse dicens quàm omnes thesauros, cuiusvis fratris salutem. Illudq. addebat, Cum homo ægrotat, rarò aliquid boni potest in aliorum vtilitatem facere: quando verò sanus est, potest multa bona facere.

Cum grauissimè ipse langueret, & ad illum subleuandum, Patrum, qui Romæ tum quidem eramus, precibus temporariū Vicarium admit-

admittere cogeretur: omnibus, quæ domestici Minister ad se referri ex præscripta sui officij regula deberet, in Vicarium reiectis: illa tamen excepit, quæ ad curam, salutemq. eorum qui ægra essent valetudine, pertineret. Hæc enim ad se tum etiam referri volebat.

Patrem Iacobū Lainem cum Ignatio iter vnā facientem, acerbissimus quidā dolor inuasit, quem vt leuaret & mitigaret Ignatius, quem vnicum ex eleëmofyna denariū acceperat, eo equum conduxit: in eum Lainem palliolo suo tenui, attritoq. inuolutum, imposuit: & vt magis hominem animaret, ipse, tanquam Helias alter, tanta animi alacritate, atq. pedum velocitate antecedebat, vt Laines præeuntem illum equo vix consequi posset.

Dicam quod ægoranti mihi accidit. Cū de nocte sanguis mihi ex brachio esset missus, custodesq. qui excubias agerent, Ignatius apposuisset, reliqui quieti se dedissent, ad multam noctē, aliis dormientibus, bonus sollicitusq. pater vigilabat. Bis tēve misit, qui brachium exploraret, circumligatum ne esset commodē: ne fortē, soluta vena, sanguis efflueret, & subitum (quod nonnullis euenit) interitū adferret.

Mirabili Dei prouidentia factum esse dicebat, vt tot ipse morbis esset obnoxius, vt ex suis doloribus aliorum dolores æstimare disceret.

Et hoc quidem misericordiæ erat, & benignitatis. Illud tamen seueritatis, quod ægros
vole-

volebat omnem sui curam deponere; dicto audientes esse; patientes, tractabiles, minimè querulos, aut morosos; cælū ad arbitriū suum non murantes, neque ea de re medicū consulentes: denique qui scirent, se superioribus suis curæ esse, & nihil minus sibi, quam de se, curandum. Qui secus facerent, in eos vbi cōualuissent, grauitè animaduertebat. Si quem verò cerneret difficili, immoderatoque ingenio, & propter contumaciam carnis, robustamque naturam, minus se ad spiritus, mortificationisque legem accommodantem: illum verò, vt spiritus saluus fieret, faciliè patiebatur supra vires etiam aliquando laborare: & si in morbum incidisset, haud ita grauè ferebat, adhibebatque eum medicinæ modum, quem & paternæ charitatis ratio, & illius spiritualis salutis poscebat.

DE MAGNITVDINE ANIMI.

CAP. IX.

Constantiam Ignatij, fortitudinem, magnitudinemque animi multa declarant.

Cum morbo sæpe tentaretur, & doloribus torqueretur, nullum vnquam gemitum edidit, nullum afflicti animi signum: sed placidè, vt remedia adhiberentur, admonebat: tulitque triduo aliquando sedatissimè dentium dolorē grauissimum, neq. vllam tamen doloris significationem dedit. Aliàs item, ad morbum, quo laboraret, curandum, quidā ex nostris lineum panniculum ceruicibus Ignatij circum-

circumponens, & consuens, auriculam etiam illius incautè perforauit, ac uquè traiecit. Ad quem Ignatius moderatissimè illud tantum: Vide, inquit, frater quid facias. Quanquam quid mirum, tam patienter illum Christianæ iam militiæ ducem, acus tulisse vulnus, qui vanitatis adhuc miles, secari crus sibi tã fortiter pertulit?

Romæ anno 1543. P. Petrus Codacius, magni vir animi, Christi quæ paupertate diues, ac de vniuersa Societate optimè meritis (qui primis illis, difficillimisq. temporibus, ad subleuandam Societatis nostræ tum nascentis inopiam, singulari Dei beneficio nobis donatus est) cùm in conductâ domo viueremus, extruere aliam, in qua nunc habitamus, est aggressus, magna potius diuinæ prouidentiae spe, quàm præsentis pecunia fretus. Ad ædificationem cœmenta, calcem, reliquamq. materiam comparauit. Sed cùm soluere creditoribus non posset, illosq. diem ex die iuberet expectare, missi tandem domum à magistratu apparitores sunt, qui Codacium pignoribus ablatis coercerēt, & in domesticam suppellectilem inuolarent. Ea erat tenuis sanè, ac perangusta, quæque nostram paupertatem satis per se indicaret. Minister domus cum satellitum turbam irrumpentē aspiceret, misit repentē, qui curriculo Ignatium moneret de nostræ domus exspoliatione. Cui apud viros nobiles amicissimosque sedenti, qui missus erat cùm rem ordine in aurem insusurra-

set,

set, nihil omnino commotus: Bene, inquit Ignatius, habet, sat est: sermonem quæ suum, quem fuerat exorsus, pertexuit. Quo sermone omni post horam confecto, placido vultu Ignatius ad amicos; An nescitis, inquit, quem paulò ante nunciū acceperim? Quem? illi. Cū rem subridens aperuisset, & (quasi nihil ad se pertineret) æquissimo esset animo, perturbātur illi, rem indignam dicūt, seque in omnes partes versant, vt tam graui malo remedium inueniant. Sed eadem trāquillitate Ignatius, eodemq. vultu, Nihil est, inquit, opus. Nam si lectos auferent, terra nobis cubile erit: pauperes enim sumus, & vitam pauperibus dignā agemus. Quod si ego præsens fuisset, nihil amplius ab illis certè postulauissem, quàm vt scripta mihi quædam relinquerēt, cætera suo arbitratu auferrēt: id si negassent, ne ego haud magnopere contendissem. Quid plura? Hieronymus Stalla, homo nobilis, & vicinus & amicus noster, suam autoritatē interponit: res nostras eodē loco futuras, suam fidem obligat: Satellites nihil omnino de rebus nostris attingunt. Postridie amicus Societatis quidam sacrae Theologiæ Doctor, cui Hieronymus Arzius nomen fuit, huius quidē rei omnis ignarus, sed diuino afflatus instinctu, Ignatium accersit, ducentos aureos coronatos in manum Codacio dat: illis æs alienum dissoluit, & hoc tam illustri exēplo discit, quàm sit extremis etiam rebus ac desperatis, sperandum in Domino.

Atque

Atque in hac firmissima in Deum spe, pecuniæque despicientia, Ignatii altitudo animi multum excellit. Erat enim voluntate, reque pauperimus: animo, Dei que fiducia opulentissimus. Quapropter nullum, qui ad institutum nostrum aptus, vocatusque à Deo videretur, à Societate unquam exclusit propterstrarum rerum tenuitatem. Illudque frequenter usurpabat: Nos quidem Deo serviamus: ille certissime reget nos, & nihil nobis deerit. Iactemus cogitarum nostrum in Domino, & ille nos enutriet. Speremus in Domino, & faciamus bonitatem, & pascemur in divitiis eius. Et cum quidam non ex externis modo, sed etiam ex domesticis vehementer mirarentur, qua fretus spe, tam multos Ignatius nullis certis redditibus fultus, Romæ haberet, quibus alendis, magnæ facultates vix sufficerent, idque familiariter ex ipso quærent: An nescitis (inquit) quantas vires spes in Deum habeat? vel ignoratis, parum illi esse loci, ubi omnia abundè suppetat? Quæ explorata si essent, & manu tenerentur, ubi nostra esset in Deum spes? Spes enim quæ videtur, non est spes. Nam quod quis videt, quid sperat?

Rom. 8.

Atque ita sanè evenit sæpissimè, ut nostra paupertas ex spe contra spem sustentaretur: eiusque rei multa sunt, eaque clarissima exempla, quæ si persequi omnia velim, longus nimis sim, pauca tantum subiiciam, ex quibus similia intelligatur.

Quo

Quo tempore bellum inter Paulum III. Pont. Max. & Philippum Regē Catholicum gestum est, magna erat in vībe annonæ caritas, & domi nostræ rerum omnium penuria: itaque nonnulli ex nostris suadebāt Ignatio, vt familiam suam quæ Romæ erat, diuideret: & partem nostrorum ad alia Collegia, vbi commodius alii possent, amandaret. Ignatius verò hoc ipso tempore Antonium Labacum, architectum apprimè nobilem atque excellentem, qui filium habebat in Societate, ad se accersiri iubet, cum eo, de solo eligendo ac designando & duobus Collegiis Romano & Germanico ædificandis agit diligenter; iubet vti formam exemplarq̃ue delineet, rationes sumptuum subducat, ac rem totā perscribat. Atque hoc factō declarauit Ignatius, illa Dei opera altissimis fixa esse radicibus, & supra eam petram esse fundata, quæ neq. imbrum vi, neque fluminum exundatione & concursu obrui possunt, neque vëtorum impetu labefactari.

Aliàs item, Romæ Petro Codacio nuper mortuo, & S. R. E. Cardinalibus propter obitum Pauli III. Pont. Max. in noui Pontificis electione occupatis, inopia nostri premebantur: quibus extremam etiam famem metuebant multi, humana ratione rem æstimantes. Ignatius verò, eo ipso tempore, familiam suam auxit, & intra paucos dies, plurimos Societatis candidatos in Societatem admisit: multis eius animum admirantibus, quibus quod

consecutum est, admiratione noua admirationem ademit. Nam hoc ipso tempore cum aliquando Ioannes Crucius, domesticus obsonator, homo simplicissimus, & feruens spiritu, ex Diui Ioannis Lateranensis templo, vesperi domum reuerteretur, ad amphitheatrum, quod vulgo Colosseum dicunt, in hominem incidit, qui in manū illi centū nummos aureos silētio tradidit. Eius aspectu plurimum Ioannes commotus est, & horrore quodam perfusus: tradita enim homo pecunia, ex oculis mirantis subito euauit.

Aliās etiam, dum idem item Ioānes summo mane obsonatū it, obuiam illi factus est quidam, qui marsupium aureis nummis plenum in manum dedit. Et quòd nondum planè illuxisset, quis esset, agnosci non potuit. Obsonator certè noster, dæmonem suspicatus, eiusque timens insidias, in templū Diuæ Mariæ supra Mineruā, quod proximū erat, se repentē coniecit, precatusque Deum est, ut se dolo & fraude omni liberaret. Pecuniā domum allatam, adulterinam nonnulli suspicabantur; & à diabolo, ut nobis imponeret, præstigiis quibusdā adumbratam. Sed tamen vera, & recens, & aurea fuit: eaque debita soluta sunt. Eodē penè tēpore, in alia nostris difficultate versantibus, dum in proparulo loco, apertam arculā tomento, & scrutis vilissimis refertam, Pater Ioannes Polancus domi perscrutatur, & scripta quædam diligentius inquitit; recentes nummos aureos, fulgentesq.

in

In ea, casu reperit, quibus subuentū præsenti necessitati est. Nā illud diuinæ quidē prouidentię signū, minus tamē mirandū est, in summis rei familiaris angustijs fuisse, qui nostræ necessitatis inscij, pecuniam vltro offerrent, vel etiā benignē domum deferrent: qua ratione nostram sæpe inopiam subleuarunt.

Atque hac quotidiana experientia Ignatius cōfirmator, & indies singulari in Deum spe erectior euadebat, cū tot argumentis disceret, se, suosque illi curę esse: & vbi maiores rerum ad vitam necessariorum angustię timeri poterant, ibi diuinam prouidentiam largius omnia suppeditare, & benignius sibi præssto esse. Illud propter ea quod fuit maxime insigne, & Romæ nostris omnibus vulgarissimū, addendum puto: Anno salutis nostræ 1555. 16. Septembris, Ioannes Polancus pecuniam ad sumptus Collegij Romani necessarios, neq. mutuā, neq. fœneratitiā, neque vlla alia ratione diligentissimē cōquisitam inuenerat. Rē ad Ignatium placidissimē detulit. Ille verò in cubiculum se abdedit, orationi se dedit, Deū precatus est, vt præsenti subueniret inopiæ. Post orationem Iacobum Lainem, Christophorum Madridiū, ipsum denique Polancū ad se vocat; ipsis quid à Polanco acceperit, exponit; seque rem totam Deo cōmendasse ait; & se quidem neq. Prophetam esse, neq. filiū prophetarum, sed tamen pro certo habere, Deū rebus prouidentissimē consulturum. Et ad Polancum con-

uersus; Tu (inquit) Polance, in sex proximos
 menses Collegij rescurato, & illi sumptus ne-
 cessarios suppeditato, ego te istarum rerum
 cura postea liberabo. Permirum fuit, eo ipso
 die, qui tamen iā vergebat in occasum, duo-
 bus ex locis, ab hominibus nostræ inopiæ at-
 que difficultatis ignaris, sponte pecunia mis-
 sa est, qua ex illis tunc angustiis exire licuit.
 Profectus sum ego Octob. mēse proximo in
 Germaniam inferiorem, & mense Martio in
 sequentis anni 1556. cū sex mensū spatium
 ab Ignatio definitū, aut effluxisse iā, aut ap-
 petere videretur, Romā ad Martinum Ola-
 uium scripsi, me vt de rei exitu faceret cer-
 tiorē. Ille verò rescripsit, pridie eius diei, quā
 à me literas accepisset, magnā pecuniæ sum-
 mam eleēmosynæ nomine Romā nostris al-
 latam, æs alienū penè dissolutum, Polancum
 anxia illa rerū necessariarū cura liberatū, so-
 lutiore animo esse, res omnes fluere, & supra
 opinionem omniū, quā vnquam antea co-
 piosius abundare: itaque verba Ignatij re ip-
 sa & felicissimo successu adeò esse cōprobata,
 vt ipse maiora miracula nō requireret, ad ha-
 bendā fidem Ignatio: sed cæleste tantū lum-
 en, quo illustratus mētis oculis videret, quæ
 corporeis oculis cernebat.

Quid illud, quod ex superiori narratione
 perspicui potuit? quòd antequā socios cogeret
 Ignatius, se desertū ab omnib⁹, quā cuiusquā
 patrocinio defensum, in tot, tantisq. conten-
 tionibus esse maluit? Socios autē cūm habe-
 ret,

ter, coniectas in se calumnias iudicio est persecutus: hominumq. vel imperitorum ignorantia, vel perditorum amentiam, nihil contra veritatem valere passus est? Quorum alterum, robusti fuit animi, magnæque constantiæ: alterum etiam charitatis, eximiaque prudentiæ.

Illud etiam præstantis animi signum est, quod multi obseruauerunt in Ignatio. Nā cum fracto corpore esset, morbisque confectus, & multis auxiliis necessario indigeret, ad tam multa, & magna negotia, tamq. varia conficienda, quæ in constituenda Societate, ac propaganda, quotidie noua occurrebāt: si tamen diuinæ gloriæ ratio, aliorumque id posceret maior vtilitas, libentissimè sanè optimum quemque, sibiq. maximè necessariū ab se dimittebat. Fecitq. non semel, vt quibus in Societatis administratione plurimū Romę vteretur, eos ferme omnes, aliū alio amandaret, solusque remaneret, qui tantam rerum molem suis humeris sustineret.

Infirmissima valetudine, affectaq. iā ætate, ac propemodū extremā, ipsum ego Ignatium dicentē audiui, se quidem, si ex vsu Ecclesiæ Christi futurum esset, vt Roma vel in Hispaniā vsque suis pedibus iret, non modò æquo, sed etiam libenti ac magno animo, iter illud suscepturum, & vt sperabat, etiam confecturum. Hoc, inquit, baculo innixus, pedes abibo.

In aduersis sustinendis, & magnis difficultatibus

tatibus explicandis, ita erat excelfo animo, & erecto, ut morbo sæpe oppressus, si quis nodus existeret, ad quæ expediendū, virtute illius esset ac prudentia opus, statim quodammodo conualesceret: & animo corpus regente, sanus fortisq. videretur. Ex quo illud iam nostris tritū erat, quoties ex morbo decumberet, optandum esse, ut aliquid eiusmodi existeret, ad quod explicandum Ignatius de lecto surgere, & morbum depellere cogeretur.

Adiit aliquando Ignatius ad salutandum principē virū nostrī studiosum, à quo minus officiose, quàm par erat, exceptus est. Causam Ignatius arbitratus est, quod minus eius opera, ad res Societatis, atq. patrocinio vteretur. Erat enim, aut videri volebat Societatis nostræ percupidus, molesteque forsitan ferebat, quod alios ad nostram defensionem, se prætermisso, potius adhiberemus. Tūc Ignatius mihi, Dicā (inquit) illi, & apertè dicā, me ante 30. annos à Deo didicisse, ut in iis efficiendis quæ Dei sunt, omnia auxilia conquirā: sed ita, ut non in externis adiumentis spē meam, sed in ipso Deo bonorū omniū effectore, constitutam putē. Quod si inter hæc subsidia efficiendiq. instrumenta, se vnū esse vult, libenter eo vtemur: sed ita demum, si intelligat nos ab vno Deo pendere, Deo non hominibus niri.

Erat autem ut in rebus arduis suscipiendis strenuus, ita in susceptis retinendis constantissimus,

tissimus, animique firmitate singulari: cuius constantiæ causæ multæ erant. Circumspiciebat enim omnia attentissimè, animoque collustrabat, antequàm quicquam aggredere-
tur. Orabat multùm, flebat, grariam flagitabat à Domino, cuius sæpenumero diuina luce perfusus, voluntatē intelligebat, neque se ab ea diuelli vllō modo patiebatur. Præterea adhibebat eos in consiliū, quorū curæ commissa erant, eorumq. exquirebat iudiciū, quibus illa potissimū essent cognita, atque explorata, quæ in deliberatione versabantur. Atq. hunc in modum prudenter susceptum negotium, perseueranter vrgebat.

Compluti aliquandiu habitauit in hospitali domo, quā vocāt Altozanæ, quæ quidem domus, id tēporis, lemuribus, nocturnisve laruis infamis vulgo ferebatur: eaq. pars Ignatio ad habitandū data, quæ maximè putabatur infesta. Ibi cū aliquando primis tenebris esset, horrore quodam perfusus est; quasi dæmonū truculentus aliquis, terrificusq. obijceretur aspectus. Sed continuo se recepit, inanemque terrorē animaduertens, in genua procubuit, & magna animi vocisq. contentione appellare, prouocareq. dæmones cœpit: Si tradita, inquit, à Domino, in me vobis potestas est, præsto sum: potestatē datam in me, neq. repugnantē neque verò recusantē conuertite: sin potestatē nullam haberis, quid miserique imbecilles furiris, laruisque vmbra-
tilibus, trepidos puerorū territatis animos, &

iniectione vano terrore concutitis? An quibus re non potestis, falsa rerum imagine nocere vultis? Quæ ea animi firmitate dixit, ut tunc omnem metum depelleret, & in posterum aduersus omnes diaboli impressiones ac terribula, multo etiam esset erectior.

Dormientem Ignatium strangulare diabolus voluisse, Romæ anno Domini 1541. audiui. Guttur enim quasi manu injecta stringere, præfocareque conatus est, tam fortiter, ut nullo conatu posset Ignatius Iesu sanctissimum nomen inuocare. Sed cum heruos animi corporisque omnes quantum maximè posset, intenderet, vim vi repellens, in suauissimam tandem vocem erupit, Iesumque clamauit, qua voce diaboli conatus repulsus est. Porro ex contentione Ignatius (quod postea vidimus atque animaduertimus) per dies aliquot raucè omnino ac sine voce fuit. Huic affine est quod à Ioanne Paulo, qui diu comes Ignatii sociusque fuit, accepi. Dormiebat Ioannes in cubiculo apud Ignatium proximo, & nocte intempesta aliquando è somno excitatus, audire sibi visus est plagarum crepitum, & valentissimorum hominum strepitum, quasi Ignatium diuerberantium, ipsiusque Ignatii gemitus atque suspiria. Ad Ignatium statim accurrit, in lecto sedentem offendit, stragulo ad pectus brachiis compresso, veluti erectum, atque inuictum, & ad verbera excipienda paratum. Cui Ioannes: Quid hoc, inquit, rei est, Pater? quid audio? quid video? Ad quem Ignatius: Et quid, inquit, audiisti?

diuisti? Cùm narrasset: abi inquã, dormi. Rediit in cubile Ioãnes: paulò post audiuit rursus grauitèr pulsari Ignariũ, cædique. Ad ipsum recurrit, immotum reperit, sed veluti ex magna lucta animiq. contentione anhelantẽ, à quo denuo lectũ reperere, somnũ se dedere, neque amplius surgere iussus est.

Ociosum esset persequi singula, quæ ad robur Ignatij, magnitudinẽq. animi pertinet. Etenim vir ille fuit in magnis cogitandis excelsus, in aggrediendis strenuus, in aduersis sustinẽdis inuictus, & perseuerãs, nullis periculis animum submittens: nulla hominum potentia, aut autoritate, ab eo quod rectissimum duceret, statuq. constantiã discedens.

DE RE RVM SPIRITALI VM
prudentia. CAP. X.

Singulari consciẽtias perturbatas tranquillandi gratia, ac prudentia fuit: vsque adeo vt sæpe qui medicinam ab illo peteret, cùm morbum ipse suum explicare nõ posset, Ignatius tamẽ, quasi intima & recondita illius cordis penetrasset, quæ in eius animo versarentur, clarè dilucideq. exponeret. Deinde simili aliquo exemplo, quod sibi accidisset, remedioq. quod expertus esset, breuiter explicato, facilè afflictis animis omnẽ mœrorẽ, atque ægritudinem abstergebat. Exẽpla multa sunt, quæ breuitatis causa præmitto. Cerrè liquet, initio ita fuisse à Deo exercitiũ Ignarium, ac probatum, vt probari eũ oportu-
i s tuit,

tuit, qui tot filiorum parens, qui dux tot militum futurus esset.

Lutetiæ quidam Sacerdos dignitate, professione Religiosus, vita prophanus ac perditus, Ignatio erat propter morū dissimilitudinem maximè infestus. Ad quem sanandum Ignatius, cum omnes sibi aditus videret occlusos, hanc rationem excogitavit: Dominico quodā die, ad sacratissimū Christi corpus sumendū de more profectus, quod propè templum habitaret, ubi Eucharistiā sumere volebat, bene mane ad hominē diuertit: rogavitque, ut quoniā confessariū alium non haberet ad manū, sibi peccata sua confitenti operam daret. Ille exhorruit primū Ignatij ingressu: deinde multò magis quod id peteret miratus est: postremò dedit inuitus, quod honestè negare nō poterat. In cōfessione Ignatius postquā quotidiana & leuiora errata exposuit, addidit se etiā quādam præteritæ vitæ crimina, quorum stimulis maximè vrgeretur, aperire velle, ut eorū recordatione salubri pudore suffusus, veniā à Domino facilius impetraret. Hic cœpit delicta iuuentutis suæ, & ignorantias recensere, tanto dolore ac gemitu, tam profusis lacrymis, ut suo fletu, flere hominem cogeret, vehementerque compungeret. Expendebat enim vero iudicio, ac magno verborū & sententiarum pondere exaggerabat, quāta Dei esset, quē offenderat, maiestas, quanta vicissim sua ipsius vilitas atque abiectio: quāta illius in se liberalitas & mansuetudo,

suetudo, quanta ipsius ingrati animi obliuio,
& in tam benigno Dominū scelus; prorum-
pebatq. Ignatius in lacrymas, & intimū dolo-
ris sensum deficientibus verbis explicare non
poterat. Quid multa? cū in vita præterita
Ignatij, Sacerdos vitā suam præsentem ex-
pressam, quasiq. suis coloribus expictā cerne-
ret, & alieno ex dolore, eoq. grauissimo, sibi
propter maiore causam vehemētius etiā do-
lendum intelligeret, ita cōmotus est, atq. ani-
mo commutatus, vt quem prius detestabatur,
admirari Ignatiū inciperet, vitamq. suā de-
testari, cuius sordibus hætenus impensē ob-
lectabatur. Itaque nauigationis cursu in con-
traria mutato, vela vertit, funemq. reduxit:
spiritualibus exercitationib⁹ ab Ignatio eru-
ditus, sacris peregrinationibus sese, ac pœni-
tentia asperitatibus penitus dedit, vitamq.ue
& Sacerdote & Religioso homine dignam ita
instituit, ac persecut⁹ est, vt sui Ordinis viris
admirationi æquē esset atque exemplo. Certē
ipse quasi salutis suę authorem Ignatiū, ac vi-
tæ parentem semper deinceps coluit, ac dile-
xit, idq.ue apertē non destitit prædicare.

Aliās item, erat Ignatius Lutetiæ aliquan-
do, vnā cum assiduo quodam eius comite, ac
cælestis disciplinæ discipulo (ex quo ipso hæc
audiuimus) hominem respicit quendā hor-
ridum ac luridum per viam publicam trans-
euntem, prægrandi saxo onustum, ac veluti
gementem sub pondere. Diuinitus collustra-
tus (sicut rei probauit euentus) de repente co-
mitem

mitem suum simili se habitu induere, atque hominem subsequi iubet, facereq. simulatè, quidquid illum verè facientem videret, se enim è vestigio vtrunque consecuturū. Extra ciuitatē homo ille egreditur, insequitur Ignatij discipulus, in solitarium locum se confert: quò postquam ventum est, rogatus homo à nostro, quid sibi vellet? quid quæreret? Suspēdium, inquit, volo, & acerbissimā mihi mortem consciscere. Crucior enim nimis, & tristissimis rebus ac perditissimis ad restim adi-gor. Nulla enim erit requies, nullus laborum ac dolorum finis, nisi mors, quæ meta malorum est. Hanc mihi inferre statui, & ideo huc veni. Cū autē alter se in eadē causa esse diceret, multisque vitam suam obsessam esse molestiis, ex quibus exire ipsi non liceret, nisi per mortē, Ignatius interuenit: & ad socium quasi ad ignotum conuersus, Quis inquit tu? Vnde? quò? quid tibi vis? quorsum saxum, quorsum sordidus atq. incultus habitus? Hic ille titubare, hærere, & supra modū afflictum se ac perditum dicere, nullumque desperatissimis rebus remedium esse, præter laqueum. Quem blādè consolatus Ignatius, sensim sermonis suauitate eò pellexit, vt se consilij sui pœnitere diceret, & fero atq. execrando mortis genere reiecto, spē suam magnam in Deo, vitæ ac salutis parente, atque certissimā collocare. Tunc ad hominem (cuius causa omnia ex composito fiebāt) Quid, inquit, tibi vide-rur? Ego enim consiliū huius boni viri (Ignatium

tium indicans) sequi decerno: quando hanc mortem, quã mihi inferre parabam, breuem quidem, sed miserrimam, altera sempiterna & terribilissima consequetur. Neque enim hæc præsentium eruminarum mors finis, sed principium impendentium malorum, atq. æternorum futura est. Quo exemplo animatus homo ille, & blandissimis verbis delinitus ab Ignatio, & confirmatus idem sibi placere dixit: & à detestabili illa, diraque se se occidendi voluntate discessit, Deo gratias agens, quod miseriæ suæ socium inuenisset, & communis calamitatis depulsorem.

Vituperabar gubernatores aliorum & magistros, qui in spiritali vita cæteros omnes ex se metirentur, & ad eandem, quã utilem ipsi sibi experirentur viuendi orãdive rationem renocarent. Hoc periculosum valde dicebat esse, & hominis multiformis gratiæ Dei dona, variasque Spiritus sancti distributiones ignorantis; neque satis diuisiones gratiarum, in eodem spiritu intelligentis. Vnusquisque enim proprium donum habet ex Deo, vnus 1. Cor. 7. quidem sic, alius verò sic.

Ipse verò quantum in Dei via quisq. profecisset, non fronte, ac vultu, sed animo & fructu metiebatur: neque ex facilitate quadam & bonitate naturæ, sed ex contentione, & sui cuiusque victoria, virtutum momenta ponderabat: secernebatque acutissimè naturæ motus, & gratiæ.

Itaque adolescentem quendam ex nostris,
acri

acri ingenio, & vehementi natura incitatum monens Ignatius, & ad prauos animi motus cohibendos paternè cohortās, vince aiebat te, N. vince. Si enim te viceris, splendidiorē, quā alij, qui mitiori sunt ingenio, habebis in cælo coronam. Et cū hūc ipsum adoleſcentem Miſter Romanæ domus, me coram, grauitè accuſaret apud Ignatium, & quaſi minus quietum, morigerum ac tractabilē inſectaretur: Ignatius non vulgi trutina, ſed veritate, & ſpiritualis prudentiæ ſtatera rem eſtimās, reſpōdit Miſtro: Mitius (quæſo) & blandius. Equidem iſtum ipſum, quē tu tam acriter reprehendendum putas, plus ego in Dei via paucis menſibus profeciſſe arbitror, quā duos illos integro anno. Nominauit autem duos, omnium ex fratribus candidiſſimos, & lenitate quadam ingenij, ac morum ſuauitate maximè amabiles. Ex quo apparet, non illum exteriorem tantū ſpeciem reſpexiſſe, vt de virtutis ſolido fructu iudicaret, & blandam quandam mollemque naturam, qua illi duo præſtabant; ſed rem totam perpendiſſe vera ratione, & conatu, ſtudio, ſuique perſuincendi labore definiſſe. Quæ nimirum in acriori natura perdomanda, maiorem conatum, contentionemque deſiderant.

Simplicem hominem, & Spiritu Dei atque amore plenum magis diligebat, quā eruditum, minusque perfectum. Huic tamen, reliquisque, qui vel naturæ, vel fortunæ maneribus antecellerent, maiorem curam adhibebat,

bat, propter eam, quæ ab illis in multos redundare potest utilitas.

Quæ Religiones, nullis propriis redditibus, sed quotidianis eleëmofynis viuunt, eas dicebat neque perpetuas, neque in suo instituto permanentes esse posse, nisi aut vitæ asperitate, aut insigni aliqua utilitate, hominû beneuolentiam in se alliceret, & benignitatem excitarent. Istæ enim duæ res hominum animos plurimum commouent, & vel admiratione, vel fructu ad liberaliter tribuendum inuitant.

Non temerè quolibet utebatur; sed magno delectu, quid cuique committeret, providebat: & gubernandi quidem alios, regendi quæ, aut duram aliquam prouinciam vix ulli tradebat, cuius spectata virtus, diu quæ probata antea non fuisset. Romæ tamen, ut periclitaretur ingenium, & vires aliquorum tentaret, eosque paulatim ad maiora exerceret, rudibus hominibus, atque inexercitatis in hoc genere officij, interdum est vsus.

Illud diligentissimè cauit, ne quid nostris obreperet, quod candorem fidei quoquo modo inquinaret, & peregrinis omninò, aut nouis opinionibus inficeret. Itaque cum timeret, ne ex Hebraicæ linguæ necessaria cognitione aliquid discerent, ex quo ad nouas interpretationes perquirendas, nouosque sacrę Scripturæ sensus delaberentur: statuit, ut nostri veterem, vulgatamque editionem, longo tot seculorum vsu comprobata omninò retinerent.

Sess. 5.

sub Pau-
lo 3.

tinerent: & magno etiam studio tuerentur. Quod Concilium etiam Tridentinum, suis postea decretis cauit & sanxit. Adde eodem, quod mali auctoris, aut certè dubij, ac suspecti, bonum etiam librū legi in Societate nolebat. Namque aiebat, dum mali auctoris bonus liber legitur, primo quidem placet ipse liber, paulatim deinde qui librum scripsit: qui quidem probatus, blandè in animos teneros, atque molles influit, & lectoribus iam beneuolis, sui quæ amantibus, doctrinam suam facile persuadet: ut quicquid scriptū ab illo sit, id etiam verum iudicetur. Ita quod infectum veneno est, id longissimè etiam serpit, & dum principiis caurè non obstititur, ægrè vitantur extrema. Hoc de Erasmo Roterodamo, hoc de aliis eiusdè farinae sentiebat scriptoribus: id quæ multo antè quàm Apostolicæ sedis censura notarentur. Oportet enim Monachum (ut præclare scriptum est à Divo Basilio) hæreticum hominem auersari, genuinos, ac probatos libros legere: reprobos & apocryphos penitus non contingere: nam sermo eorum (ait Paulus) ut cancer serpit.

Basil. ser-
mone 3.
de exerci-
tatione
piet.
2. Tim. 2.

Eandem etiam diligentiam adhibuit, ut studium orationis ac mortificationis ex veritate in Societate (ut par est) æstimaretur: eiusque fructus, non falsis atque speciosis titulis (qui imprudentium oculos plerunque excæcant) sed spiritali profectū, & perfecta sui cuiusque victoria, tanquam certissima regula definiretur: ut ex iis quæ mox subiiciā, fiet manifestū.

Anno

Anno Domini 1553. F. Reginaldus, Dominicanæ familiæ monachus, vir grauis, & vita, ætate, atque prudētia inter sui Ordinis viros apprimè nobilis, nostriq̃ue perstudiosus, Ignatium 23. Maij officij gratia Romæ conuenit, & me ac P. Benedicto Palmio præsentibus, inter alia, Bononiæ in Cœnobio feminarum suæ curæ commisso, virginem quandam esse dixit admirabilem, & orationis virtute præstantem: quæ sæpenumero alienaretur à sensibus, atque extra se ita poneretur, vt neque ad motum ignem, neque stimulos corpori adhibitos sensu perciperet: ad omnia denique mortuæ iacere similis, præterquàm ad vnā obedientiæ vocem. Excitabatur enim, ac veluti de leuissimo somno expergefacta surgebat ab oratione, simul atque vocem præfectæ monasterij se vocantis audiuiſſet. Hæc eadē virgo, Domini nostri Iesu Christi cruciatus ferebatur imitari, & quos ille in corpore suo pro nobis dolores pertulit, ipsa suis doloribus ita repræſentabat interdū, vt in Christum ipsum amore transformatam diceres. Nam stigmata habere in manibus videbatur, perfossū latus, caput veluti compunctū spinis atque transfixum, guttarim distillans ac cruore madidum, & id genus alia quædā: eaq̃. bonus Pater suis ipse oculis se vidiſſe aiebat, suis tetigiſſe manibus, alienis oculis atq̃. manibus fidem negantem. Hæc cū narraſſet, ex Ignatio quæſiuit familiariter, quod eius eſſet de istiusmodi rebus iudicium? quas ipse

non audebat vel probare omnino, vel improbare. Cui Ignatius illud tantum: Ex omnibus, inquit, quæ narraſti, Pater, nihil minus habet dubitationis, quàm illud promptæ obedientiæ ſignum. Reginaldo à nobis digreſſo, rogavi ego Ignatium ſolus ſolum, quæ eius recondita eſſet de propoſita quæſtione ſententia? Et ille, Propriū, inquit, Dei eſt Petre, animas hominū ſanctificare, in eas influere, ſuis eas donis cōplere: idq. tā copioſe facit nonnunquā, ut animæ Dei gratia circūfluentis plenitudo, in corpus etiā deriuetur, emineatq. foris quod intus eſt, ſed id perrarū eſt. Dæmon verò, quoniam vim ipſam non habet in animam, ſimulatis rerū atque adumbratis imaginibus, mortalium mentes vanitatis ſectatrices, & nouitatis auidas, per corpus ſæpe deludit. Idque exemplis etiam mihi notis confirmauit. Virginem autem illam Bononiensem, quam admiratione ſtupefacti homines intuebātur, peſſimum exitum habuiſſe audio, fumumque ex fulgore dediſſe.

Atque illud quoq. perſimile eſt: Anno epinor 1541 Martinus de Sāctæ Cruce (qui Conimbricēſis poſtea Collegij Rector fuit, Romæque anno 1547. feliciter obdormiuit in Domino) vir tunc nouitius Societatis, ac feruens ſpiritu, cū ſermonē aliquando cū Ignatio haberet (cui ſermoni ego quoq. intererā) incidit mentio de ſemina quadam, Magdalenæ de la Cruz nomine, quæ per id tempus Cordubæ in Hiſpania, & Religionis profec-
ſione,

sione, & opinione sanctitatis omnium ore celebrabatur. Quam cum magnopere Martinus laudaret, eamque se vidisse, cum ea se collocutum diceret, ac multa contulisse, ex quibus eius tum sanctitas, tum prudentia eluceret: Ignatius grauiter hominem obiurgauit, quod feminam illam eo loco poneret, quodq. tanti faceret exteriora quædam signa, & minimè certa sanctitatis indicia pro non dubiis atque exploratis haberet: opinionemque illam deponere iussit fallacem, hominemque nostræ Religionis indignam. Quod Ignatii iudicium, aliquot annis post, rei exitus comprobauit. Illa enim quæ ab ipsa infantia Deo sacra fuerat, quæ pœnitentiæ asperitate præclara, orationis assiduitate excellens credebatur, prudentiæ laudè singularis; à qua (tanquam futura præsentiret, & cōscia diuinæ voluntatis, mente præfaga ventura prædiceret) responsa multi petebant; quæ denique omnium virtutum opinione florebat, & veluti de cælo delapsa virgo colebatur; certis vestigiis deprehensa tandem est, cognitumque est omnibus ac compertum, fraude diaboli atque artificio egregiè illam hominibus imposuisse, eamque deceptricem & leuem, & falsa opinione errore hominum à pueritia cōmendatam, animū vultu, vitā parietibus, flagitia captiosis artibus demonis, præstigiisq. texisse. Sed hæc obstructio nec diuturna fuit, nec obducta, ita vt curiosis oculis tandē perspicere nō posset. Ficta enim fucataque omnia, celeriter decidunt.

Sacerdotem quendam ex nostris ad se (me-
coram) accersitū acriter corripuit, quod cum
nouitio de rebus ab nostro alienis institutis
loqueretur; exempla que virtutum longè po-
sita potius quam domestica afferret; eiusque
hominis spiritum miraretur, & probaret ma-
ximè, cuius sanctitas peregrino feruore, ra-
ptibus ac reuelationibus potissimū constare
videbatur. Quæ quidem omnia procul esse à
nouitiis debent, quorum animi teneri adhuc
& molles, certis, germanis, & in propria cu-
iusque vocatione, atque instituto, legitimis
opinionibus imbuendi sunt; erroribusque qui
ferè incautis animis obrepunt, omni cura at-
que diligentia detractis, ad veras, solidas, atq.
expressas virtutes studiose effingendi atque
efformandi. Nam quo semel est imbuta re-
cens, seruabit odorem testa diu. Quæque se-
minauerit tyro, metet veteranus.

Bonos bene valere cupiebat, malos malè, vt
& illi integris ad Dei gloriam vterentur viri-
bus, & isti multiplicatis infirmitatibus ac-
celerarent ad Dominum, vel leuiùs certè re-
missiusque illū offenderent, iuxta illud Pro-
phetæ, Cōtere brachium peccatoris. Si quem
ex iis, qui in ipsius potestate essent, præfra-
ctiorem esset nactus, quemque à recta obe-
dientiæ regula perturbatio aliqua animi de-
torssisset (neque enim mirandum est, in tanta
multitudine eiusmodi aliquem reperiri) cū
hoc tam prudenter beneuolentia, patientiaq.
certabat, vt vel mitigaretur omninò, & Ignatij

rij charitati succumberet, vel eò tandē erumperet, vt suam ipse contumaciam agnosceret, aut inexcusabilem certē efficeret.

Dicebat, à diabolo ita hominem aliquando tentari, atque opprimi quodammodo, vt de mētis exiisse potestate videatur: & interdum naturæ adscribi, morbo nonnunquam, quod tentationi esset tribuendum.

Diabolum item, cū adoriri quempiā, exagitareque infestius cupit, nocturnum tempus maximè obseruare, in quo ille, quem aggredi parat, è somno suscitatur: vt experrecto, fœda & impura statim obiciat, antequā à Deo sanctis cogitationibus occupetur.

Perutile sentiebat esse, cū quis grauius impugnatur, si semper aliquem habeat, à quo recta audiens sustentetur ac fulciatur: vt vbi oppugnantium dæmonum adest copia, ibi etiam propugnantiū non desit multitudo: & conatus conatu, quasi clauus clauo, repellatur.

Proprium diuinæ bonitatis aiebat esse, ea vehementius defendere, quæ à diabolo acrius oppugnantur: & firmiter communire, quæ hostis demoliri conatus est: laborisque quem repugnando ceperis, magnitudinē, consequentis consolationis magnitudine compensare.

Sanandis morbis, qui iidē videbantur omnino, diuersas, interdum etiā aduersas & contrarias adhibebat medicinas. Nam aliū blandè curabat, ac suauiter, durè alium, & seuerè: exitus tamen ostendebat, semper eā curacionem fuisse cuiq. adhibitam, quæ optima cuiq.

esset, & accommodatissima. Atq. huius excellē-
tis, diuinæq. prudentiæ ratio nō vna erat, ne-
que simplex, sed multiplex & varia.

His vitiis curandis, quæ inueterauerant,
penitusq. in animis infederant, efficax in pri-
mis fuit. Sic enim in omnes partes versabat
hominem, quem sanare vellet: tā varia, mul-
tipliciaq. remedia adhibebat, vt vix quip-
piani esset tam insitum, quod non euelleret.
Modi autem, quibus utebatur, multi erāt. In
iis, crebra examinatio sui ipsius, de ea re, quā
emendare quisque vellet: idq. statis horis, &
certis. Et ne examinatio memoria excideret,
antequam cibum sumeret, lectūmve peteret,
fido alicui, certoq. homini renunciare iube-
bat, an examinationem illā ex præscripto fe-
cisset. Obseruare alios, qui in eodē vitio sint,
illosq. admonere. Obseruari ab aliis, & mo-
neri. Pœnam certam constituere, quā sibi to-
ties infligeret, quoties deliquisset. Ipse ve-
rò Pater, initio suæ ad Deum conversionis
cū ad risum hominum aspectu commoue-
retur, verberibus risum depulit, quibus se to-
ties ad numerum afficiebat, quoties vel le-
uiter risisset.

Dicebat, innocentiam vitæ ac sanctimoniam
multum quidem per se valere, & cæteris re-
bus omnibus longè præcellere; sed nisi cum
prudētia, agendiq. cum hominibus modo
sit coniuncta, mancam fore atque infirmam,
nec satis ad alios gubernandos idoneam: plus-
q. sæpe exquisitam prudentiam cū medio-
cri

tri sanctitate in gubernatione efficere, quam cum minori prudentia maiorem sanctitatem. Et hoc quidem si de communi loquamur vsu ac lege. Nam priuilegia sanctorum extra ordinē sunt. Potest enim Deus, & solet amicis atq. electis suis beneficia magna sæpe conferre, quæ tanquam extraordinaria, in communem reliquorum ordinem cogenda non sunt.

Præterea, non Dei tantūmodo habendam esse rationē docebat, sed etiam hominū propter Deū. Quod sic explicabat: Vt quoniā in hac vita spectatōrē non solū Deū habemus & agnōthetam, sed etiam spectaculū facti sumus mundo, & Angelis, & hominibus: prouideamus bona, non solū corā Deo, sed etiam coram omnibus hominibus: demusque operam ac connitamur, ut Deo nos quidem primū ac præ cæteris omnibus probemus (de cuius vultu prodit verum iudicium) sed deinceps etiam hominibus propter ipsum Deum. Nemini dantes ullam offensionem, ut non vituperetur ministerium nostrum. Item non tantū id respiciendum quod Dei zelus per se exposcit, sed hunc ipsum zelum ad proximorum utilitates exigendum ac conformādum. Quod tunc demū verus Dei zelus ac secundum scientiam sit, si aliorum fructibus seruiat, & ad Dei gloriam, fratrum etiam salutem adiungat: eamque in Deo ipso intues ac perquirens, Deum ipsum in se, (ut ita dicam); propter Deum in proximis aliquando relin-

*Osea 6.**Mat. 5.*

quat. Misericordiam (inquit) volo, & non sacrificium. Et si offers munus tuum ante altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & vade reconciliari fratri tuo, & tunc veniens offeres munus tuum. Ex quo multa facienda, multa fugienda sunt, hominum non peruerso iudicio, vt eorum saluti consulamus. Ipse autem Ignatius nonnulla se in nostra Societate institutum fuisse dicebat, Deum tantummodo spectantem: à quibus tamen abstinebat, propter hunc quem ad homines, Dei causa, habebat respectum.

Patrem Corneliū Brughelman, Flandrum, in recitandis diuinis precibus anxie nimis laborantem, & totum ferme diem scrupulose collocantē, hac ratione sanauit Ignatius: Iussit vt preces ad horologium arenarium recitaret: & in eis vniuersē recitandis non plus temporis poneret, quàm quantum alij Patres consueuerant: quo tempore cōsumpto, si qua fortē pars ad totum officium diuinū explendum deesset, eam ille eo die prætermitteret. Cornelius verò, veritus ne quam partē omittere cogeretur, dabat operam diligenter, ne sibi tempus deesset. Vehementius enim agebatur, si quid omnino relinqueret, quàm si quid minus (vt sibi videbatur) attentē ac deuotē pronuntiaret. Ita scrupulus minor, maiori scrupulo, quasi clauus clauo, exemptus est.

Ad.

Adolescens quidam Germanus, nostræ Societatis nouitius, tam grauiter aliquando vexatus est, vt de mentis constantia deiiceretur. Ad illum sanandum, nihil non tentatum ab Ignatio est, sed nullo successu. Sic enim obfirmato erat animo, vt omnibus consiliis aures occluderet, omnibus machinis impetrabilis resisteret. Sed miserum adolescētem, fraudulentē circumuentum ab vteratore humanique generis hoste, atque irretitum vident, conatum diaboli suo Ignatius conatu, pertinaciam cōstantia, calliditatem charitate vincendam existimauit. Rogat nouitium, vt aliquot dies domi adhuc maneat, ea conditione, vt Societatis omnibus solutus legibus, suo arbitratu viuat, dormiat, vigilet, edat, bibat, in otio denique, atque in negotio ad suam voluntatem sit: idque vt ita fieret, Ministro domus præcepit. Accepit conditionem adolescens, se sibi permisit, liberè cœpit viuere, quasi exolutus regularum vinculis, quibus se dolebat constrictum. Sed hac remissione animi, hac Ignatij benignitate, quasi respirauit, atque ita immutatus est, vt illum sui puderet, pigeretque, & pœnitentiæ suæ pœnitentiam agens, ab eius Patris amplexibus deinceps nollet discedere, cuius tantam in se experiebatur charitatem.

Doctor erat quidā Lutetię egregius, quem Ignatius Christo cupiebat lucrifacere: multis rebus frustra tentatis, ipsum aliquando vno socio comitatus (à quo hæc accepimus)

domi suæ convenit. Animum relaxantem, & sese honesto quodam lusu oblectatē offendit. Erat autem lusus globulorum, qui super mensam certa quadam ratione iaciuntur. Et ille, ut laxamento suo fortè excusationē prætexeret, Opportune, inquit, Ignati aduenis, ut vnà mecum ludas. Negavit Ignatius se lusus illius consuetudinem habere, aut artem. Ille instare, urgere, efflagitare, ut vnà ludat, animi causa. Cum molestus esse pergeret, & vim propemodum afferret: Ludā, ait Ignatius, tecum, sed seriò, atque ea conditione, ut si vincas, aliquid tua causa faciam; sin vincam, tu vicissim facias mea. Placuit conditio, & ita convenit inter illos, ut victus triginta dies victoris iussu faceret: & ad voluntatē illius honesta imperātis se accōmodaret. Ludit Ignatius, rudis, novus, inexpertus; neq. enim globulos vnquam in manus sumpserat; & ita ludit, ut Doctorem sursum deorsum versaret: neque vnquam in mensa pateretur consistere, vel vnā manum lucrari. Ad quem Ignatij socius identidē dicebat, Domine Doctor, digitus Dei est hic. Victus itaque est, deditq. manus, & Ignatij voluntati se ad omnia subiecit. Ignatius verò hominem hortatus est, ut se ad tempus colligeret, & per triginta dies vacaret sibi, exercitationib⁹ spiritualibus (aliis curis abiectis) se penitus dederet: quod & fecit, magna vitæ mutatione, hominumque admiratione.

Ferventes zelo religiosos, & dissoluta omnia

nia reformatæ cupientes sic interdum reprimēbat, ut diceret: Illud in huiusmodi rebus in primis cogitandum, quid à nobis Deus in iudicio exiger: quarumnam rerum rationem reposcet, ut ad Dei iudicium, non ad nostrum sensum vitam instituamus. Exiget nimirum à nobis Deus vitā nostræ vocationi consentientem, & religioso homine ac privato dignam: ut verè contemptores mundi, spiritu feruentes, orationi instantes simus, & nostri instituti muneribus strenuè vacantes. Reliqua *Rom. 12.* quæ huc non pertinent, neque in nostra potestate sunt, quibus Deus non commisit, eorum ab iis rationem non poscet. Quamvis etiā desiderio diuini honoris ardere, & precibus instare, & si quando res ferat, homines, in quorum potestate illa sunt, etiam virgere debeamus.

Anno Domini 1554. venit Romam ex Orientis Solis India Andreas Fernâdez Lusitanus, probatæ virtutis vir, à Francisco Xauier ad Ignarium missus, ut eum de rerū Indicarum statu plenius doceret: ostiumq. magnum nostris, ad multarum gentium conuersionem, apertum esse diceret, si qui fortè Dei amore inflammati, ac diuinæ gratiæ robore, suiq. contemptione muniti in eas cras proficiscerentur. Fecit Andreas, à Francisco quod fuerat iussus, sanè diligenter, mandata exposuit, auxilia, novosq. milites postulauit ab Ignatio, responsum tamen certum nullum retulit. Tum Andreas me adhibuit deprecatorem,

torem, orans, obsecransq. eius vt causam susciperem, quā Deo fore gratissimam sperabat. Negotium suscepi; egi cum Ignatio, qui me audito, aliquantisper sese collegit, & graui serueroque vultu hæc tantū: Nō minus, inquit, Petre opus est bonis operariis atque strenuis, iis quidem calamitosissimis temporibus, ad Christi fidem in Europa conseruandā, quam ad illam ferendam in remotissimis illis regionibus. Atque vtinam hæc Ignatij verba vera esse, non tam nostro malo experiremur. Illo enim ex tempore, magnas Ecclesiæ Catholicæ ruinas videmus; multas Pronincias hæreticorum furore conquassatas: serpere quotidie magis contagionis venenum, & incorruptas atque integras etiam nationes inficere. Opprimat hanc flammam Domini misericordia, & Babylonicum incendium, nostris peccatis excitatum, vento roris gratiæ suæ flante, benignè restinguat.

Atque ex iis tot tantisque, quas Catholica Ecclesia patitur, calamitatibus ac ruinis, natum puto affectum illum pietatis in Ignatio, & incensum sanctæ Inquisitionis tribunali omnibus in rebus obsequendi seruiendique desiderium. Nam cum animaduerneret antiquā Religionē, & Catholicā fidē, Christi sanguine, & Apostolorū doctrina fundatā, à truculentis sacrilegisq. fidei hostibus nostra ætate, omnib⁹ machinis pertinaciter oppugnari; & grauissimos atq. sapiētissimos viros, qui cōsilio supremo fidei præsunt, quasi in vigilia quadam

dam stare, luporum rabiem arcere, & sanctissimæ fidei propugnationem suscipere : dabat operam, ut eius tribunalis auctoritatem ad fidem ipsam tuendam apprimè necessariam, quā maximè posset, per se & per suos conservaret. Quamobrem, quæcunque ipsi negotia sese offerebant, ad Inquisitionis officium pertinentiā, tametsi à summo Pontifice ea impetrare minimo negotio poterat : semper tamen ad ipsos fidei quæsitores reiecit, per eosque confici voluit, quemadmodū multis exemplis explicare non esset difficile, quæ brevitatis causa omitto.

Considerans varia, multiplicia, & gravissima nostri instituti ministeria, & quā plena difficultatibus ac periculis sit cum hominibus omnis generis atque ordinis tractatio ; illos sentiebat ad Societatem nostram minus habiles, qui non satis essent sæculi officiis & negotiis idonei : illos verò aptos, & nostro instituto congruentes, qui industria & dexteritate quadam etiam in sæculo florere possent, aliisque ingenij muneribus antecellere. Hæc enim illi siue adiumenta naturæ, siue ornamenta, à sæculi vanitate ad Christi veritatem transferentes, utiliores religioni nostræ (quæ multum in actione etiam sita est) atq. accommodatiores plerunque existunt. Idq. ipsa experientia compertum est.

Ut nihil est quod tranquillum religionis statum magis labefactet atque evertat, quam discordia, ita nihil est quod maiorem religio-

sis ipsis notam inurat, eosq. vulgo magis de-
spectos reddat, quàm si discordes inter se sint,
atque esse intelligatur. Nam charitas si absit,
quæ vita est religionis, mortuæ virtutes om-
nes religiosæ, ac sine vita sint, necesse est.

Coadiutorem quendâ ex nostris, qui neg-
ligentior in requapiam fuerat, me præsentem
interrogavit Ignatius: Quid spectas? quid
queris in Religione? quem ad finem actiones
tuæ referuntur? Ille Deum se spectare respō-
dit, Deum se habere finem, cuius causa om-
nia faceret. Tū Ignatius, Si Deus, inquit, pro-
positus tibi finis est, graviter certè mulctabe-
ris. Nam mundo servire ac vanitati indiligē-
ter, haud magnum sanè crimen est: Deū verò
spectantem oscitanter aliquid facere, atque
ignave, intolerabile est. Maledictus, inquit,
Hier. 48 qui opus Dei facit negligenter.

Per paucos, ac fortasse vix vllum esse dice-
bat, qui perfectè intelligat, quantum Deo vo-
lenti in eo operari, ipse impedimento sit:
quantumque Deus in nobis efficeret, nisi à
nobis ipsis impediretur.

Inter cōmoditates, quas multas ac peregre-
gias devotus augustissimum corpus Domini
Iesu percipiendi, ac frequens vsus secum af-
fert, illam esse eximiam, quod digne cōmuni-
cantem ita virtute Sacramenti confirmat, ut
ne in peccatum graue labatur, aut si humana
imbecillitate victus cadat, breui certè à pec-
cato resipiscat.

Tanti æstimabat persecutiones ac vincula,
qui-

quibus pro Christo fuerat vexatus atq. constrictus, & eo numero ponebat, vt apertè diceret, si quæ à Deo creata sunt omnia, altera in parte stateræ collocarentur; in altera, carcer, catenæ, probra; vix illa omnia, præ istis, momentum vllum apud se habitura. Neq. verò creatam vllam naturam posse lætitiā talem in anima procreare, quæ æquare possit gaudium illud Spiritus sancti, & purissimam alacritatem, quam eorum mentibus infundit Dominus, qui multa magnaq. pro eius amore pertulerunt. Ex quo interrogatus à Patre quodam, quænam esset compendiosissima ad perfectionem viæ respondit, Si multa aduersa, magnaque pro Christi amore patiari. Petite hanc gratiam à Deo. Nā cui Dominus hoc tribuit, multum tribuit: hoc enim vno beneficio, multa magnaque eius continentur beneficia. Ipse verò Pater, hanc eandem gratiam & postulasse à Domino videtur, & impetrasse. Nam cum reliqui socij separati ab Ignatio essent, & quietissimè sæpe viuerent, simul atq. Ignatius ad eos veniebat, & cū ipsis agebat, rēpestas aliqua cōtra omnes, & persecutionis procella repētē excitabatur. Quod Pater Iacobus Lainez sæpissimè obseruauit, & simul ex eo coniecturam se capere aiebat, quanta Ignatij vis animi atque constantia, quantum rursus & quā implacabile dæmonis in Ignatium esset odium, atque inuidia.

Sed quoniam spiritualis prudentia Ignatij, in Exercitiorum spiritualium, & in Cōstitutionum

tionum libris (de quibus antea diximus) maxime cernitur, è quibus peti possunt, quæ ad hunc locum pertinent: hac omiſſa, quanta fuerit in illo rerum gerendarum prudentia, videamus.

DE PRUDENTIA RERUM
gerendarum. CAP. XI.

Magnitudo illius animi cum summa erat prudentia, constantia cum egregia quadam moderatione coniuncta. Nam etsi in rebus magnis & arduis, ægrè diuelli poterat ab eo quod semel rectum iudicasset, eratq. acer & efficax in agendo, non tamen propterea aut nimias celeritates suscipiebat, aut tarditates: sed festinabat lentè; opportunitateq. temporum obseruata, res maturabat, in omnibus excellenti temperatione vtēs. Ex quo vix vllus ejus labor irritus, vix vllū non perfectum opus, in magnis etiam, atque operosis fuit.

In rebus suscipiendis, sæpissimè videbatur nulla humana prudentia vti, sed diuinā tantū niti prouidentia: in exequendis tamen, & ad finem perducendis, omnes vias tentabat, vt inchoata perficeret: ea tamē cautione, vt non in humanis subsidiis (quæ tanquam efficiendi instrumenta sumuntur) sed in Deo, bonorum omnium effectore, spem efficiendi defigeret: &, vt vt res cederet, lætissimo semper, tranquillissimoq. animo esset.

Multa instituebat, quorum consilia (quod occulta essent) aut rationi parum consentanea

neanonnullis, aut admirabilia certè videbā-
 tur: sed tamen eorum exitus, exquisitum spi-
 ritum, reconditamque prudentiam declara-
 bant Ignatij: qui ante languorem adhibuis-
 set medicinam, cuique futura tam solerter
 præuisa fuissent, & præcauta. Atque hæc qui-
 dem admirabilis atque diuina prudentia, qua
 omnibus in rebus utebatur Ignatius, ex co-
 piofo illo ac cælesti lumine deriuabatur, quo
 eius anima illustrata, non solū præsentia cer-
 nere, sed etiam futura prospicere videbatur.
 Apparet enim illi Deum ab initio vniuersæ
 Societatis progressum, cursumque diuinitus
 ostendisse: & quā suaues ac vberes fructus, ex
 arbore, quā ipse Ignatius plātabat & rigabat,
 dante incrementum Domino, sancta Ecclesia
 perceptura esset. Idq̃. tum ex aliis multis, tum
 ex iis quæ subiiciā, cōiectare licet. Anno Do-
 mini 1540. cum Petrus Mascarenas, Ioannis
 tertij Lusitaniæ Regis apud Pontificē Ma-
 ximum legatus, Ignatium vrgeret, vt ex de-
 cem sociis, sex in Orientis Solis Indiam, ad
 Regis sui voluntatem mitti pateretur: Ignatius (vt suprà scripsimus) oratori respondit: Si
 ex decem sex auferas, quotam obsecro par-
 tem reliquo orbi terrarum relinques? Quasi
 pro certo haberet, exiguum illud paucorum
 sociorum semen spargendū breui, & per vni-
 uersum terrarum orbem disseminandū. An-
 no item 1549. mecum de Societatis nostræ
 statu atque incremento loquens, hæc eadem
 verba mihi dixit: Si decem annos viuemus

*Lib. 2.
c. 16.*

Petre, mirabilem Societatis quasi cursum viderimus. Vivemus dico? immò verò si tu viues, videbis. Ego enim me tamdiu victurum nō puto. Quod ut dixit, ita certè factum est. Nam ipse celerius vitæ laboribus defunctus est, & septem tantū postea nondum integros vixit annos: & nos intra decē illos ab Ignatio definitos, mirificam Societatis augescētis propagationem, fructum, approbationem vidimus. Accedit eodem, quod me audiente anno Domini 1551. dixit. Nam cū Collegium nostrum Romanum certas sedes non haberet, sed incertis, iisque conductitiis aedibus vagaretur, & locus certus, & ad Collegiū in vrbe constituendum idoneus quæreretur: monuit quidam eius familiaris Ignatium, ut ædes vicinorū professæ domo proximas (quæ multæ erant atque amplæ) coëmendas curaret, in quibus Collegium ædificaretur: multasque artulit commoditates, quas ea res habitura videbatur. Sed Ignatius totum illud spatium vni professæ domui necessarium esse dixit. Cū ille instaret, & ingētem locum multarum domorum professorum capacem, & Collegiorum esse diceret: Ignatius, Nunc quidem, ait, ita videtur, sed erit aliquando tempus, cum hæc vna domus ampliatur, & vniuersum istum ambitum complexa, plus etiam soli requirāt: citiusque dixerim duos passus ad necessarios vsus adhuc defuturos, quàm vnum pedem superfuturum.

Neque tamen mirum est, Ignatio Dominum

num præsignificasse felicē successum eius Religionis, quā ipse, eodem Domino autore, atque adiutore fundauit: quādoquidem multa alia ei præmonstrata videmus, quæ longo post tēpore futura erant. Anno Domini 1527. quo tempore Ignatius egenus, abiectus, ac contemptus vivebat, quidam adolescens apprimè nobilis & copiosus, Ignatium intuens nudis pedibus, & vili habitu incedentem, iuuenili quadam leuitate commotus, procaciter ipsum irridens atque insultans; Ardeam, inquit, ego, & flammis incensus concidam, nisi hic qui flammis conflagret dignus est. Quod audiens Ignatius, placido ad eū vultu; Caue (inquit) ne hoc ipsum quod imprecaris, tibi eueniat. Paucis post diebus in tormentarium puluerem, qui ad publicam lætitiā paratus erat in turri domus nobilis eiusdē adolescentis, ignis scintilla forte illapsa, magnū repente excitauit incendium, quo miser adolescens ambustus, ac semiustulatus est: ardoremque nimium restringerere cupiens, in aquam se coniecit, mortemque fugiens, in mortem incidit, breuique consumptus est. Anno vero 1541. cum ægrotantis Stephani Baroëli, Itali, ac tunc nouitij nostri, salus esset à medicis omnibus desperata, pro illo in Dini Petri Montorij rem diuinam Ignatius fecit: quæ peracta, dum vterque domum redimus, mihi dixit: Nō morietur nunc quidem Stephanus. Qui quidem Stephanus & viuit adhuc, & vitam suam Ignatio planè acceptam fert. Et

anno 1543. mihi secūdo grauissimè agrotā-
ti, in morbum me tertio relapsurum prædi-
xit. Anno item 1551. mittens in Hispaniam
Hieronymum Natalem, & Ludouicū Gon-
zalē, summa hieme nauigaturos, nauim Ge-
nuæ statim conscendere iussit, ac commodam
ipso navigationem, & secundum habitu-
ros cursum Natali præsignificauit. Patri Ia-
cobo Laini prænuntiauit, illum, se mortuo,
futurum Societatis Præpositum Generalem;
& alia iis similia prædixit, antequam eueni-
rent; quæ omnia, ita vt dixit, consecuta sunt.

Cum pietatis opera, quæ ad proximorum
utilitatem pertinent, complecti omnia non
posset, magno delectu; publica priuatis; iis
quæ ad tempus fiunt, perpetua; certa semper
incertis prætulit, & secuta periculosis: neque
tam spectabat, quantæ res ipsæ essent, quàm
quantum spei ad eas conficiendas osten-
deretur.

In huiusmodi autem operibus beneficen-
tiæ ac pietatis, libenti animo operam suam
studiumque ponebat, dum in ordinem reda-
cta, legibusque essent ac ratione constituta:
postea vigilia sua aliis tradita, sensim subtra-
hebat se, & ad alia instituenda transferebat.
Negabatq. nostris, hisce finibus longius pro-
grediendum: neque committendum, vt se
istiusmodi operum ordinaria administra-
tione implicarent: quod à Sodalitatibus ferè
iis, Collegiisq. gubernetur, quibus satisfacere
(quod multorum sint capitū) sit perdifficile.

Pul-

Pulcherrimū arbitrabatur esse munus, nostræque Societatis maximè propriū, versandi cum hominibus familiariter, & agendi. Sed illud, quo plus habet vtilitatis, si rectè fiat: coetiam plus periculi, si ineptè. Nam vt moratus sermo, & modesti prudentisque hominis assiduus vsus alios ad Christum maximè allectat & inuitat: ita præcipitis atq. inconsiderati, à sancto plerunque proposito auertit: & offensio contrahitur, ex quo quærebatur vtilitas. Multas proinde cautiones censēbat adhibendas, vt illud munus officij vtiliter exerceretur: quas quidem exemplo magis tradebat, quàm verbo. Eas enumerare omnes, longum nimis esset: nonnullas referre, commodum nostris, vtileque futurum puto.

Qui aliis igitur vtilis esse cupit, in primis aiebat sibi vacare debere: & ardere ipsum charitate, si alios velit incendere: superare inanem metum: ambitionem tanquam pestem fugere: voluptatis illecebras, omniaque carnis blandimenta aspernari: & quicquid vitiosum est, à se repellere: vt omnibus turbidorum moruum radicibus euulsis, diuinos factus, & in se aptius accipiat, & in alios vtilius effundat.

Cum omnia vitia declinanda esse, tum ea cuique potissimum, ad quæ procliuior cuiusque natura sit: ab iis enim maximas impendēte ruinas, nisi diligenter sibi quisq. caueat.

Illis præcipuè, quibus corporis constitutio biliosa esset ac feruentior, magnopere cauendum

dum censebat, si cum aliis iracundis item hominibus, & natura biliosis versarentur: facile enim dissidia nasci. Proinde, qui talis est, antè se comparet, ac sæpissimè meditetur, quæ ratione huic periculo resistat.

Neque tamen in præferuida, vehementi quæque natura refrænanda, eiusmodi prouisione animi utendum censebat solum: sed in reliquis item vitiis debellandis. Multum enim cohibet, & quasi vinculis quibusdam exultantem naturam constringit meditatio, & comparatio animi, & assidua accurataque eorum quæ cogitaueris, dixeris, egeris, commemoratio. Quòd si socium habeas, quicum communicari hoc officij rectè possit, ultro & citro, & ab illo moneri liberè, & illum monere placidè velis.

Philsp. 1. Qui ita in se fuerit constitutus, & intelligentia necessaria instructus, & agendi modo, ad alios tum iuuandos, tanquàm in puluerem, aiebat, & solem posse descendere. Sed cogitandum tamen, se non cum perfectis hominibus, planeque sapientibus viuere, sed in medio nationis prauæ atque peruersæ: animumque ita suum debere instituerè, ut neque scelerum vlla, & flagitiorum immanitate perturbetur, neque vlla hominum vel fatuitate vel fraude, ipse non retineat, vel cum prudentia columbæ simplicitatem, vel serpentis cum simplicitate prudentiam.

Dicebat, quibus artibus diabolus ad perniciem hominum uteretur, iisdem nobis utendum

dum ad salutem. Nam ut ille cuiusque naturam explorans, & animi propensionem percontans, ad eam se attemperat: & ambitiosis splendida, vtilia cupidis, voluptuosis iucunda, piis quæ speciem habent pietatis, proponit; & non irrumpt subito, sed sensim irripit, & in animæ se familiaritatem insinuat, penitusque, tandem immergit: sic spiritalis, ac peritus artifex; unicuiusque naturæ conveniēter se debet gerere: & in principio multa dissimulare, in multis connuere, deinceps, parva benevolentia, ipsos quibuscum agit, ipsorum armis expugnare. Ipse verò in mores hominum, quibuscum versabatur, naturamque intrabat penitus, sagacitate quadam non tam humana, quàm diuina. Nam vel ex vno congressu, aut vno sermone, ita intimos illorum sensus perspectos habebat, atque exploratos, ut modium salis cum eis comedisse, illosque intus & in cute nosse videretur.

Omniū quidem mulierum familiaritatem, etiam earum quæ spirituales aut sunt, aut videri volunt, vitandam esse dicebat: sed earum maximè, quæ ætate, conditione, statu periculosiores sunt. Quarum ex consuetudine, plerumque aut fumus sequitur, aut flamma. De vestimentis enim procedit tinea, & à *Ecl. 41.* muliere iniquitas viri.

Factis liberaliorem, quàm verbis esse oportere: ut quod in diem crastinū promiseris, id, si fieri potes, hodierno præstes.

In omni sermone, maximeque in pacificandis

candis hominum animis ac reconciliandis, in controuersis rebus definiendis, tractandisque diuinis rebus, eam moderationem cautionēq. adhibendam, vt nihil imprudēter excidat: sed verbum quodcunque nostrum cogitemus ad multorum aures peruenturum.

Concionatoribus, & iis qui de loco superiore populum docent, scribendum diligenter, & multo antè meditandum, quā dicerent: nil temerè asserendum: à nouis, dubiisq. rebus abstinendum: & modestè hominum vitia castiganda potius, quā plausibilia, & quæ aures delectant, persequenda. Ipse verò conciones suas in detestatione vitiorum cōsumpsit, & in virtutum prædicatione: idque semper propositum habuit, vt præuaticatores ad cor redirent, & summum Dei, infinitumque in se amorem agnoscerent.

Si quis quid petat, quod tuæ personæ indecorum iudicēs, ab indignatione temperandum: & id curandum, vt & quod postulatur, neges; & amicum tamen eum, qui postulat, beneuolumque dimittas.

Religiosi hominis officium affirmabat esse, ab aulica vita (ad quam, tanquam ad Sirenum scopulos quidam adhærescunt) homines ad Christum potius abducere, quàm in illam quemquam inducere. Ipse verò operā suam ad Principum gratiam aucupandā, vel in eorum aulas intrandum petentibus, respondebat: Ego quidem præstantiorem Dominum nullum scio, quàm eum quem mihi ipse de-

legi:

legi: ad hunc vos si applicare cupitis, libentissimè meum omne studium præstabo.

Pauperibus, & egenis eleëmofynā petentibus facilè tribuebat ex nostra paupertate quod poterat. Si quis tamen apostata vel religionis desertor esset (quòd diaboli conatibus aduersandum diceret, non suffragandū) eum ne obolo quidem iuuandū putabat: nisi fortè, vt ad sanitatem rediret. Nam in hoc genere officij, & huiusmodi perfugis ad Christi castra reuocandis, magna voluntate, & suam & suorum collocabat industriam.

Si quis otiosus ad illum veniret, quicum tempus inutiliter terendum esset, vbi semel illum atque iterum admiserat, si congressum ille suum sæpius requireret, quoties ventitabat, toties ipse aut de morte, aut de extremo iudicio, aut de sempiterno supplicio, impiis parato, sermonem instituebat. Sic enim aiebat fieri, vt ille vel molestus esse desineret; vel certè si perseueraret, eiusmodi sermonibus aliquid in pietate proficeret.

Dicebat prætereà, in rebus gerendis illud in primis tenendum, vt te rebus, non res tibi submittas: hoc est, vt rei gerendæ, nō tuæ commoditatis rationem ducas, negociorūq. vtilitati diligenter seruias, & tempori.

Deniq. tam congruenter omnibus, vt omnes lucrifaciat, sapientem hominum piscatorem, Christi que ministrum se attemperare debere; vt omnia omnibus fiat, & non sibi, sed fratribus viuat in Christo. 1. Cor. 9.
2. Cor. 13.

Si quid tamen efficere in hominū salutem cupiat, vel si quem ab exitio studeat ad salutem reuocare: vbi diligenter suo perfunctus sit munere, quoquomodo res cedat, æquissime sibi ferendū statuatur. Neq. si ille, ad quem iuuandum incubuerit, respuat medicinam, demittat iccirco animum: Angelorum tutelarium exemplo (nam & hac vtebatur Ignatius similitudine) qui, quos à Deo suæ fidei commissos acceperunt, monent quoad possunt, defendunt, regunt, vrgent, ad bonū iuuant: sed si voluntatis libertate aburantur illi, & inobsequentes atque obstinati sint, propterea tamen nullo anguntur mœrore, nulla afficiuntur molestia: Curauimus, inquiunt, Babylonem, & non est sanata.

Hier. 51.

Hæc, & iis similia erāt Ignatij documenta, quibus suos informabat, vt ad spirituales nundinas, animarumque copiosam mercaturam mitteret, sed factis quā verbis illustrius.

Ruff. hist. eccl. li. 11. cap. 9.

Neq. enim (quod de Nazianzeno Gregorio scriptum legimus) discipulis aliquid imperabat, quod non prius ipse fecisset. Et cum singularis in eo prudentia fuerit, idem tamen sentiebat, in diuinis rebus, qui nimis prudentes esse volunt, haud sæpe magna præstare. Nunquam enim se, ad ea, quæ pulcherrima sunt, admovebit is, qui eorum difficultates, & ancipites euentus scrupulose cogitat, aut anxie nimis reformidat. Vnde & Sapiens, Prudentiæ tuæ, inquit, pone modum: neque enim decet, sine modo

Prov. 23.

do eam virtutem esse, quæ reliquarum virtutum modus & mensura est.

DE VIGILANTIA ET
solicitudine. CAP. XII.

Mirifica in illo sollicitudo ad res conficiendas, atque vigilantia fuit. Non enim solū efficiendi adiumenta excogitabat sapientissimè, sed magna etiam efficacitate utebatur inuentis: rem cœptam perseveranter vicens: alios, quibus utebatur ministris, rebus agendis indormire haud quaquam sinens, sed impigros reddens, atque attentos.

Cum ad Principem virum aliquando adire vellet, eiusque conveniendi copia non fieret, quattuordecim horas ieiunus expectavit, ne bene gerendæ rei occasio efflueret. Constatque per triginta quattuor, & eo amplius annos, nunquam illum quod in Dei gloriam facere statuisset, propter vllas temporis cælique iniurias, ex præstituta vel die, vel hora, in alium diem, aliamve horam reieciisse.

DE MIRACVLIS PER EVM
factis. CAP. XIII.

Exposita nobis hætenus est Ignatii vita: Ex qua sumere quisq. ad imitandum possit, quod cuique maximè convenit. Sed dicat aliquis, si hæc vera sunt, ut profectò sunt, quid causæ est, quamobrem illius sanctitas, minus est testata miraculis? & ut multorum sanctorum vita, signis declarata, virtutumque ope-

operationibus insignita? Cui ego: Quis cognouit sensum Domini, aut quis consiliarius eius fuit? Ille enim est, qui facit mirabilia magna solus, propterea quod illius tantummodo infinita virtute fieri possunt, quaecunque aut naturæ vim aut modum excedunt. Et ut solus ille hæc potest efficere, ita ille solus nouit, quo loco, quo tempore miracula, & quorum precibus facienda sint. Sed tamen neque omnes sancti viri miraculis excelluerunt; neque qui illorum aut magnitudine præstiterunt, aut copia, ideo reliquos sanctitate superarunt. Non enim sanctitas cuiusque singuis, sed charitate æstimanda est. Quod docet D. Gregorius his verbis: Probatio sanctitatis non est signa facere, sed vnumquemque ut se diligere: de Deo autem vera cognoscere, de proximo verò meliora quàm de semetipso sentire. Nam quia vera virtus in amore est, non autem in ostensione miraculi, veritas demonstrat, quæ ait: In hoc cognoscent omnes quia discipuli mei estis, si dilectionem habueritis ad inuicem. Qui enim non ait, in hoc cognoscent, quia discipuli mei estis si signa feceritis, sed ait, si dilectionem habueritis ad inuicem; aperte indicat, quia veros Dei famulos non miracula, sed sola charitas probat. Testimonium ergo superni discipulatus est, donum fraternæ dilectionis. Et ideo paulò antè idem sanctissimus Doctor dixerat, in hominibus charitatis humilitatem, non autem signa virtutum, esse venerandam. Itaque &

Ioan.

Lib. 10.

Moral.

c. 9.

Ioan. 13.

Ioannes Baptista, quo inter natos mulierum maior non surrexit, signum (vt ait Euangelista) fecit nullum: & permulti alij sanctissimi viri, lumina Catholicæ Ecclesiæ, & ornamenta, in hominum ignoratione iacuissent, & tenebris, si miraculorum lux, ad illorū gloriam illustrandam necessaria fuisset; quorum tamen vita & doctrina mundū vniuersum illuminat. Et contrā, in extremo die multi dicent: Domine, Domine, nōne in nomine tuo prophetauim⁹? & in nomine tuo Dæmonia eiecimus? & in nomine tuo virtutes multas fecimus? & tunc confitebor illis, quia nunquam noui vos. Et ne illos fortē mentiri credamus: ipse Dominus (vt notat Augustinus) ait: Surgent pseudochristi, & pseudoprophetæ, & dabūt signa magna, & prodigia; ita vt in errorem inducātur (si fieri potest) etiam electi. D. Hieronymus sic ait: Prophetare, & virtutes facere, & dæmonia eiicere, interdū non cius meriti est qui operatur, sed vel inuocatione nominis Christi hoc agit; vel ob condemnationem eorum qui vident & audiunt, conceditur: vt licet homines despiciant signa facientes, tamen Deum honorent, ad cuius inuocationem fiunt miracula. Nam & Saul & Balaam & Caiphas prophetauerunt, nescientes quid dicerent: & Pharao & Nabuchodonosor somniis futura cognoscunt. Et in Actibus Apostolorum filij Sceuæ videbantur eiicere dæmonia. Sed & Iudas Apostolus cū animo proditoris multa signa inter cæteros

*Ioan. 10.**Mat. 7.**Mat. 24.**In Mat.**c. 7. verba.*

Apo-

2. Cor. 13; Apostolos fecisse narratur. Certè ex Pat
constat, & prophetiæ donum, & omnis scie
tiæ cognitionem haberi, & montes transfe
etiam sine charitate posse. Non ergo ita ex
genda miracula sunt, quasi ab illis sancti me
nia cuiusque necessariò pendeat, sed ad vera
rationem res tota reuocanda. Nam etsi sæpe
numero Deus seruorum suorum declarat san
ctitatem signis atque miraculis: non tamen i
sempiternum (vt diximus) est, neque necessa
rium. Quæ enim miracula Diui Augustini
quæ Chrysostomi, Athanasiiq. legimus? quæ
vtriusque Gregorij Nazianzeni, & Nissen
sanè pauca: quibus tamē propterea non aude
remus Gregoriū illū anteponere, qui Thau
maturgus, hoc est, miraculorum patrator ap
pellatus est. Vnde D. August. scribens Clero,
senioribus, & vniuersæ plebi Ecclesiæ Hippo
nensis, & docens, neminem posse Dei consi
lium perscrutari, quare in aliis locis miracula
fiant, in aliis non fiant; postremò concludit:
Sicut enim quod Apostolus dicit, Nō omnes
sancti habent dona curationum; nec omnes
habent diiudicationem spirituum: ita nec in
omnibus memoriis Sanctorum, ista fieri vo
luit ille, qui diuidit propria unicuique prout
vult. Hæc dixerim, non vt miraculorum vim
eleuem, sed vt prudens lector intelligat, rem
totam Deo cōmittendam: qui dona sua uni
cuique distribuit, prout vult. Potuit ille, pro
sua occulta sapientia, nostræ hæc imbecillita
ti dare, ne miracula vnquam iactare posse

El. ist.

137.

1. Cor. 12

mus. Potuit vtilitati, vt auctore instituti nostri minus illustri, à *LES* v potius, quàm ab illo, nomen traheremus: & nostra nos appellatio sacra moneret, ne ab illo oculos vnquam dimoueremus: quem nō solū, vt communem humani generis liberatorem ac Principem, sed etiam, vt præcipuum Ducem colere, atq. imitari debemus, minimam hanc Societatem sui nominis glorioso titulo decorantem. Potuit hoc etiam tribuere temporibus, quibus hæc miracula necessaria non sunt. Mihi verò tantū abest, vt ad vitam Ignatii illustrandam, miracula deesse videantur; vt multa, eaque præstantissima, iudicem in media luce versari. Quod item videri credo, non plebi imperitæ, res populariter æstimanti, sed graui cuius homini, & certo iudicio eas ponderanti. Nam siue initia huius Societatis, siue institutum spectemus, siue propagationem, consecutasq. ex ea vtilitates, miracula certè nulla desiderabimus: cū tam multa iis rebus miracula inesse deprehendamus; per quæ Deus, & hoc opus suum esse, & radicis naturam, ex trunco ostendit, & fructu. Quid enim admirabilius, quàm militarem hominē, ferro & castris assuetum, à spiritu Dei alienum, ita immutatum, vt non solū ipse Christo militaret, sed sacre militiæ antesignanus esset, & princeps? Quid inusitatus, quàm tot homines ingenio, studio, ætate florentes, ab Ignatio egeno ac despicato, nulla magna vel literarum scientia, vel sermonis elegantia & copia, huc addu-

adduci potuisse, institutum ut vitæ cursum
 abrumperent, spes suas prodigerent, pauper-
 tatis, dedecoris, atq. ignominiae sese telis ob-
 iicerent, & tot laborum, periculorumque of-
 ferrent incurribus? Illud verò & nouum &
 mirum planè videatur necesse est, nisi ab eo
 factum intelligatur, cuius virtute, credentium
 multitudo erat cor vnum, & anima vna: Hi-
 spanos, Gallosque homines, ita inter se con-
 uenisse, atque tristissimo tempore, & in-
 ter ipsos Hispaniae, Galliaeque Reges, bellis
 infestissimo, tam amicè consociatos fuisse, ut
 quorum antea tanta fuisset nationum, volun-
 tatumque dissensio, tã singularis repentè exi-
 steret studiorum, animorumque consensus, ut
 dissimilium morum tanta esset similitudo, &
 vitæ concors atq. perpetua coniunctio. Nam
 institutum ipsum satis apertè authorē suum
 indicat: quod neq. subtilitate excogitari, neq.
 prudentia humana constitui, neque industria
 gubernari tam sapienter vnquam potuisset,
 nisi ille, qui sapientiae omnis fons est, Ignatii
 mentem afflatu suo, instinctuque diuino, &
 ad Societatem stabiliendam inspirasset, & ad
 tam salutares leges, quibus ipsam tempera-
 uit, conscribendas impulisset. Neq. verò hoc
 dubitationem vllam habet, aut habere fas est,
 cum institutum ipsum, & à summis Pontifi-
 cibus multis confirmatum, & ab œcumeni-
 co, sacroque Concilio Tridentino tam lucu-
 lenter comprobatum videamus. Quod qui-
 dem cum finito tempore nouitiatus, ut supe-
 riores

At. 4

Sessio 25.
 cap. 16.

riores nouitios, quos habiles inuenerint, ad
profutendum admittant, aut è monasterio eos
eiciant iussisset, statim adiecit: Per hæc tamen
sancta Synodus, non intendit aliquid inno-
uare, aut prohibere, quin Religio clericorum
Societatis I E S V, iuxta pium eorum institu-
tum, à sancta Sede Apostolica approbatum,
Domino, & eius Ecclesiæ inferuire possint.
Nam quid ego de propagatione dicam? quæ
tanta est, vt & admirationem omnibus rectè
considerantibus moueat, & digitum Dei hic
esse ostendat, sine quo nullo modo fieri res
tanta potuisset? Etenim ab eo tempore, quo
Societas à Paulo I I I. Pōt. Max. anno 1540.
confirmata primum est, pauci anni fluxerūt:
quo quidem tempore, non solū per vniuersa
Christiani orbis regna disseminata est, verū-
etiam his finibus egressa, disiunctissimas pro-
uincias, regiones incultas, barbaras imma-
nesque nationes peragrauit: & apud illas do-
micilia etiam cōstituit. Nam vt Hyberniam,
Angliam, Scotiam, Cyprum, Alexandriam,
Mauritaniam, Insulas Fortunatas, ad Chri-
stianā religionem pro virili portione dilatan-
dam, à nostris aditas præteream: vt de Italia,
Sicilia, Sardinia, Corsica, Gallia, Hispania,
superiori atque inferiori Germania, nihil di-
cam: vt Austriam, Bohemiam, Poloniam, Li-
tuaniam, omittam (in quibus ita hæc Socie-
tas hæctenus creuit, vt octodecim prouincias,
præter quatuor alias, vltra Oceanum consti-
tutas habeat:) certè videmus & in Orientis

Solis Indiam penetrasse nostros, & in extremis regionibus apud Malacam (quæ Aurea Chersonesus est) Maluccasque Insulas, sedes suas collocasse: & in Occidentis item indiam, quæ Hispaniarum Regi paret, esse delatos: & in Brasilea terra, latissima quidem atque salubri, sed hominum antropophagorum feritate formidabili, magna passim cum utilitate versari. Nam in Iaponē, vastissimam regionem, & permultis insulis distinctam, nostraque ætate primū à Lusitanis patefactam, & repertam, nostri omnium Christianorū (quod quidem ex veterum scriptorum monumentis constet) primi lustrarunt: & in potētissimum latissimumque Sinarum regnum, ut in illud vnus veri que Dei nomen inueherent, sunt ingressi. Ad Meridiem verò, Aethiopiā, Congum, Angolā, Mopomotapam, aliasque exterioris Africæ oras, remotissimasque provincias obierunt, ac percurserunt. Et in hodiernum vsque diem, in illarum quibusdam ita peregrinantur, & viuunt, ut neque maris interiecti immensitas, neque terrarum asperitas, neque vel sylvestris cultus, victusque inopia, neque barbaras linguas, atque horridas intelligendi, discendi que difficultas, neque indigenarum agrestis natura, & truculenta, innataque crudelitas, neque intentata supplicia, sociorumque ante oculos profusus sanguis, ab Euangelij prædicatione quicquā eos deterreat. Itaque tantus est vbique terrarum ex nostrorum hominum consuetudine atque usu fru-

fructus consecutus, ut minimè poenitendus videatur. Nam ut de India primùm loquar, Certè, quibus non est narratum de eo, videntur: & qui non audierunt, contemplati sunt. *Esa. 52. Rom. 15. Esa. 35.* Scissæ sunt enim in deserto aquæ, & torrentes in solitudine: & quæ erat arida, est in stagnum, & sitiens in fontes aquarum. In cubilibus, in quibus prius dracones habitabant, ortus est viror calami, & iunci. Et idolorum multitudine sublata, atque illudentium dæmonum præstigiis extinctis, vnius iam Dei cultus efflorescit: Crucisque trophæum in vrbibus, in viis, in desertis etiam, atque asperis locis collocatum, dæmones aspectu suo terret, homines recreat, pios consolatur, impios ad salutem inuitat. Denique habitantibus in regione umbræ mortis veritatis lumen ortum est. Ac tot miracula, & tanta per Ignatiij filios edita sunt (quippe ad plantandam in nouo atque inculto solo fidem apprimè necessaria) ut neq. maiora, neque illustriora requiramus. Siquidē & dæmonia multa, Christi tantū nomine inuocato, ab humanis corporibus eiecta, illuminatos cæcos: leprosos mundatos: omni propemodum morborum genere multos mortales liberatos: mortuos denique constat reuocatos ad vitam: fontes diuinitus repositos ad Christianorum sitim sedandam: & contrà, arefactos amnes, ad infidelium damnandam perfidiam. Apud Maluccas verò insulas, cum ab ea fide, veraq. religione, quā semel susceperant, ad superstitionem

Sap. 5.

nem multi, atque impietatem defecissent, cælum & terram, omnemque creaturam armatam scimus contra insensatos: & ignitis lapidibus, fulgure, fulmine, tonitru, turbine, & fragore ingenti perterrefactos infidelium animos: arbores radicitus reuulsas: disturbatas domos: animalia passim extincta: posita flumina in desertum, & exitus aquarum in sitim.

T/a. 106

Terram fructiferam in falsuginē, à malitia inhabitantium in ea. Et quod omnium maximum, ac præstantissimum est, multa (ut modestissimè dicam) hominum millia, qui in summa barbaria, & feritate nati, atque educati sunt, importuna illa morum feritate deposita, iugum suave Christi subierunt: & Christianæ disciplinæ legibus eruditi, ad mansuetudinem se, ac humanitati propiorum cultum reuocarunt. Ut autem nemini dubium esse possit, hoc Dei opus esse, in memoriam reuocemus illa verbera, ignominiosum illud supplicium, quod in collegio D. Barbaræ à Goucano Doctore in Ignatium fuit constitutum: & intelligamus ex serui, probrosaque illa ignominia, Ignatio magno eius desiderio flagranti parata, summā Dei Opt. Max. gloriā, cū incredibili innumerabilium populorum salute coniunctam diuinitus effloruisse. Sed quid mirum, si Deus se in omnibus Deum ostendit? cuius etiam proprium infinitæ bonitatis est, quo se quisque propter ipsius amorem magis summittit, atque abiicit, eò magis illum extollere, atque ornare.

Quam.

Lib. 2.

a. 3.

Quamobrem Deo Optimo Maximo, maximas gratias agere omnes, & habere in commune debemus, qui præsentis Ecclesiæ Catholicæ ruinas, sua benignitate refarcit: & nostrum, ex continuis illius calamitatibus dolorem, & luctum magna hac cōsolatione leuat: quod exeuntium hæreticorum iacturam, intrantium in Ecclesiam gentium reparat multitudine: estque hoc in tanto mœrore solatij, quod plus nobis Dei bonitas adiecit, quàm diaboli ademit inuidia. Sed ut ad ea veniamus, quæ collocata in omniū oculis sunt: videmus certè, & apud hæreticos, non parum per huius Societatis homines, in fide, veraque doctrina profectum esse: & apud Catholicos multum, in religione, ac pietate. Nam & in Germania, & in Gallia, & in reliquis prouinciis, quibus hæresis, certissima pestis animorum, liberius grassatur, multi, nocte falsitatis depulsa, se ad veritatis lumen ab errore reuocarunt: multos nostrorum prædicatio & doctrina nutantes in fide confirmauit: labantes sustinuit: iacentes erexit: deuios, atque præcipientes reduxit in viam: & à diluuij (quibus suffocabantur) aquis, in sacrosanctæ Romanæ Ecclesiæ (qua vna salus continetur) arcam, fidemque traduxit. Et optimorum adolescentium, qui errorem cum ipso nutricis lacte suxerunt, in nostris Collegiis institutio, & ad pietatem informatio, maiora nos etiam sperare in posterum iubet: & quotidiana Catholicorum cū hæreticis altercatio satis ostendit,

Mat. 13.

dit, multis locis, illorum vel languere animos, vel debilitatos esse impetus, atque compressos. Nec mirum sanè. Nam cum aliquorum Ecclesiasticorum vel ignorantia, vel peruersitate, vel negligentia (cum enim dormirent homines, inimicus homo superseminauit zizania) non suis lacertis & viribus fortes illi hactenus fuerint: & dum quorundam hominum vitam nobis obiciunt, dum inscitiam exprobrant, dum funestas sacrilegasque faces, veris interdum criminationibus conrectas in nos contorquent, incautos simplicium animos, nescientes discernere doctrinam à vita, fidem à persona, potestatem à moribus, venenis suis infecerint: quid mirum est, si hoc tempore veritas, inculpatæ vitæ, exquisitæque doctrinæ stipata studiis, in falsitatis castra inuadere, & perturbare importunam eius audaciam, atque temeritatem valeat, quæ vel sola & nuda, tantam semper vim & potestatem habet, ut facile se per seipsam defendat, & gloriosam reportet de hoste victoriam? Cum præsertim, & qui dormiebant, sint excitati: & qui vigilabant, facti sint etiam acriores. Itaque hoc vnum Ecclesiæ hostes propositum habent, ut iidem I E S V I T A R V M hostes sint: & bellum aduersus eos gerant, quos bellum à se Catholicæ Ecclesiæ indictum, non ignaue propulsare animaduertunt. Quorum inflammatum in nos odium, non obscurum arbitramur diuinæ in nos beneuolentiæ signum: vituperationem, laudem, insectationem, gloriam

nam & triumphum nostrū ducimus. Quos tamen diligimus, vt proximos; amamus, vt nostros aliquando fratres; vt pretioso sanguine quasi agni immaculari, & incontaminati Iesu Christi conspersos benevolentia prosequimur. Prætermitto eas utilitates, quas Catholici integriq. populi, filiorum Ignatii opera & industria perceperunt: tum quòd sint in promptu, & magis sit animaduersione opus, quàm explicatione: tum verò quòd à me sine pudore commemorari non possint quæ in hoc genere diuina bonitas per minimā hanc Societatem effecit. Ipsi soli (cuius sunt) honor & gloria.

Et hæc quidem ad alienos. Quid illa, quæ ad domesticos, hoc est, ad nos pertinent, & interiora quidem magis sunt, non minus tamen certa diuinæ virtutis sunt signa? Primum (vobis, fratres, quibus hæc nota sunt, loquor) quàm multæ, quàm variæ, quàm eximie vocationes, ex omni penè natione in nostra Societate sunt eorum, qui singulari quodam diuinoque afflatu excitati, omnium externarum rerum amputata vanitate, ad Christi crucem in hac Societate completendam, adducti sunt? Quod item de reliquis sanctissimis Religionibus credo. Deinde, quàm præclara est illa, quæ apud nos floret, dissimilium rerum similitudo? Quàm eximia hominum disparium, & vel natura vel fortuna, vel industria, & consuetudine, inæqualium æqualitas? Quàm conspirans, &

planè conflatus inter se diuersarū nationum consensus? Quam copulata omnium inter ipsos charitatis beneuolentia? Quid mirifica illa scientiæ & humilitatis, prudentiæ & obedientiæ, adolescentiæ coniunctio & castitatis? grauitatis in superioribus, comitatisque Societas? quanta alienæ salutis cura? Quantum publicæ vtilitatis studium? quanta sollicitudo, ac procuratio? Quam læti peregrè venientium nostrorum fratrum congressus? quam iucundi eorundem digressus abeuntium? vt siue manendum in aliquo sit loco diutius, siue longè gentium abeundum, lætissimo semper animo sint, & terrarum affectu, locorumque posito, eorumque, quibuscum viuunt, intemperato amore reiecto, Dei tantum gloriam, & salutem proximorum spectare videantur, Agnoscamus Dei gratiā fratres, & gratissimus: atque hosce mores in Societate hactenus fuisse gaudeamus: & futuros semper speremus: & vt sint, quantum possumus, animo connitamur.

Hæc mihi magna miracula, & certissima sunt, quæ cum attentius considero, neque plura, neque maiora ad virtutem Ignatii declarandam requiro. Nā si ex fructu arbor agnoscitur, vt ait Dominus: si neque de spinis colligi vix possunt, neque de tribulis ficus: si fons de eodem foramine, dulcem simul, & amarā aquam manare nequit: certè fateamur necesse est, & truncum, ex quo tam suauēs, tantiq. fructus percipiuntur, optimum,

ac suauissimum esse, & fontem nobilissimum, ex quo comoda in Christi Ecclesiam tam multa redundarunt. Præsertim si attendamus, quibus temporibus hæc, & locis gesta, & à quibus personis sint, quã acerbè prætereà, & grauiter impugnata. Gesta sunt enim nostris temporibus, hoc est, hæreseon numero, errorumque nouitate, calamitosis: morum leuitate, perditis: Ecclesiasticæ disciplinæ perturbatione, infelicissimis. Ex quo hæc Societas, odiosa hæreticis semper visa est: Catholicis quibusdam minus interdum necessaria: nonnullis fortè & suspecta etiam, & inuisa. Gesta sunt autem non in angulis, non in deserto loco, sed in omnium gentium oculis, in celeberrimis vrbibus, clarissimis academiis, in ore, atque luce hominum, vel potentia, & auctoritate, vel prudentia, & consilio, vel doctrina, vitæque integritate sine controuersia principum. Effecta sunt autem ab Ignatio, primisque sociis illius, ac filiis. In quos si animum paulum intendas, magna te admiratio capiet perspicientem, nihil illos ex se attulisse, quod intuentium posset in se oculos, sua specie conuertere. Neque enim illi aut stirpis ac generis opinione commèdati, aut amicorum copia fulti, aut excellentis doctrinæ præsidio subnixi, primum ad nos venerunt: sed abiecti, pannosi, obscuro, & ad speciem contemnendi, & ad sensum, cogitationemque viles. Quid de persecutionibus dicam, grauissimisque tempestatibus, quas hæc Societas

nondum nata, in parente suo pertulit? ut ve-
 rò exiit in lucem, ac primum emerfit, ab om-
 ni penè hominum genere, ad hunc vsq. diem
 passa est? Quibus iactata procellis non haec-
 nus est? quibus nō telis appetita? ut mihi qui-
 dem (quod Diuus Hieronymus de Catholica
 Ecclesia scribit) persecutionibus etiā creuif-
 se videatur. Ex quibus omnibus eam Deus
 eripuit; & victoriam dedit per Dominū no-
 strum Iesum Christum. Accidit enim illi,
 quod reliquis ferè sanctissimis Religionibus
 vsu venit, quibus donatum est, ut in mundo
 pressuram habeant, & non solū in Christum
 credant, sed etiam, ut pro illo patiantur. Sed
 ut modum huic meae narrationi ponam, iis
 miraculis, magnis, conspicuis, vtilissimis, nul-
 la alia Ignatij (meo quidē iudicio) sunt com-
 paranda. Itaque quæ narrata suprā à nobis
 sunt, quanquā sine miraculo fieri multa non
 potuerunt, & tot dierum ieiunatio, viribus
 nihil omnino debilitatis: octo dierum raptus,
 & à sensibus destitutio: tot tantæque diuina-
 rum rerum illustrationes: P. Simonis pericu-
 losè laborantis sanatio, & sanitatis futuræ
 prædictio: dæmonis expulsio, & alia quædam
 vim naturæ modumque exuperant: & illa
 etiam quæ addi possunt, quorundam, qui vel
 magnis periculis, vel morbis grauissimis ex-
 pediti ac liberati sunt, ad vestiū illius aliquā-
 do contactum: omnia hæc tamen quanquam
 magna, certa, atque admirabilia sunt, supe-
 rioribus illis cum proximorum vtilitate, &

cum

cum purissima atque sanctissima Ignatij vi-
 tra coniunctis, inferiora multis partibus iudi-
 co, & minora miracula ad sanctitatem Igna-
 tij declarandam. Idque sanctissimis Augusti-
 no atque Gregorio Magno authoribus. Ex *Aug. ser.*
 quibus D. August. sic ait: Domini nostri & *44. de*
 Saluatoris Christi Iesu miracula omnes qui *verbis*
 dem audientes & credentes mouent, sed alios *Domini.*
 atque alios, aliter & aliter. Quidam enim cor- *Serm. 44.*
 poralia eius miracula stupētes, maiora intue- *de verb. 1*
 ri non norūt. Quidam verò ea quæ gesta au- *Dom.*
 diunt in corporibus, nunc amplius in animis
 mirantur. Nemo ergo dubitet qui Christia-
 nus est, etiam nūc mortuos suscitari: sed om-
 nis homo habet oculos, quibus videre potest
 mortuos resurgere, ita vt resurrexit filius hu-
 ius viduæ, qui modò ex Euāgelio recitat^r est.
 Vnde autē videāt homines resurgere mortuos
 in corde, nō omnes habēt, nisi qui iā resurre-
 xerūt in corde. Ampli^r est resuscitare semper
 victurū, quā resuscitare iterū moriturū. Hæc
 Augustinus. Gregorius verò Augustinū se- *Lib. 3.*
 curus in lib. Dialog. Cū Petrus Diaconus di- *Dialog.*
 xisset: Quid alijs sentiāt ignoro: Ego autē præ *c. 17.*
 cunctis miraculis hoc potius existimo esse
 miraculum, quo ad vitam mortui redeūt, eo-
 rumque animæ ad carnem ex occulto reuo-
 cantur. Respondet Gregorius: Si visibilia at-
 tendimus, ita necesse est, vt credamus: si verò
 inuisibilia pensamus, nimirum constat quia
 maius est miraculum prædicationis verbo,
 atque orationis solatio peccatorem conuer-
 tere,

tere, quam carne mortuum resuscitare. In isto enim resuscitatur caro iterū moritura. In illo verò anima in æternū victura. Cū enim propono duos, in quo horū existimas maiori factū virtute miraculū? Lazarum quippe, quem iā fidelē credimus fuisse, carne Dominus suscitauit. Saulū verò resuscitauit in mente. Minus est ergo quempiā in carne suscitare: nisi fortē per viuificationē carnis, ad vitā reducat̃ur mentis, vt ei hoc agatur per exterius miraculum, quatenus conuersus interius viuificetur. Et homil. 29. tractās illa Dñi verba: Signa autē eos qui crediderint, hæc sequētur, &c. docensq. sanctā Ecclesiam quotidie spiritualiter facere, quod tūc per Apostolos corporaliter faciebat, subdit: Quæ nimirum miracula tanto maiora sunt, quanto spiritualia: tanto maiora sunt, quanto per hæc non corpora, sed animæ suscitantur. Nam corporalia illa miracula ostendunt aliquando sanctitatem, non autem faciunt. Hæc verò spiritualia quæ aguntur in mente, virtutem vitæ non ostendunt, sed faciūt. Illa habere & mali possunt: istis autem perfrui, nisi boni non possunt. Nolite ergo fratres charissimi amare signa quæ sunt cum reprobis hominibus communia: sed hæc quæ modo diximus charitatis atque pietatis miracula amate, quæ tanto securiora sunt, quanto & occulta, & de quibus apud Dominum cō maior fiet retributio, quo apud homines minor est gloria. Hactenus Gregorius. Diuus Eulogius martyr Cordu-

benſis,

*Homil.
29. in die
Ascens.*

benſis
tē pro
den
nis,
racer
ſti ſi
cula
aut
futu
den
mir.
pen
gnō
cell
pre
riſu
ma
ru
ci
co
ne
ſe
u
i
i
ſ
e


bensis, libro primo Memorialis sanctorum latè prosequitur hanc quæstionem, & respondens nonnullis tepidis ac mollibus Christianis, qui Martyres nō putabant eos qui à Saracenis pro Christi fide eo tempore interfecti sunt, propterea quod nulla edebant miracula, post multa sic ait: Miracula deniq. dum aut propter fidem credentium, aut propter futuram credulitatem astantium Dei providentia operatur, non tam nos in eorum admiratione debemus stupere, quā provida cōpensatione intueri, si eorundem effectores signorum, expulsis vitiis, morū honestate præcellant: si seculo mortui, Deo vivant: si propter illam veram charitatē quæ cuncta charismatum dona exuperat, omnes affectiones mundi pro nihilo pensant: si acceptam virtutem non ad suam gloriam, sed ad beneficium referunt collatoris: si attentis auribus cordis, veri magistri admonitione percepta, non quia dæmonia eis subiiciantur tripudiāt, sed quia nomina sua scripta sunt in cælis exultant. Et idcirco hæc dinumeratio virtutum in illis prodigiorū authoribus, potius quam ipse signorū effectus est admirandus, & quod sit magis præiū specimen eundi ad regnum quærendum, non verò quod signiferos ac notabiles nos ostendet. Quia sanctitas & timor Domini, cultusque regni cælestis non nisi ab idoneis & perfectis procedunt. Signa verò atque prodigia & sancti & reprobi faciunt. Quæ nihil aliud quam notitiam vanam etiam
ali-

aliquando hominum conferunt. Hinc prouenit, ut qui fuerit hominibus notus, nisi fuerit iustus, ad æterna supplicia perueniat cōdemnandus. Ille autem qui cælesti gratia illustratus, sub notitia sui creatoris vixerit sanctus, etsi mortalibus sit ignotus, in futuris tamen sanctorum gaudiis erit annumerandus. Huc usque Beatus Eulogius.

Hæc habui maximè, quæ de Ignatij vita moribusque conscriberem: tum ne parentis nostri (quod in omnibus humanis rebus fere fit) paulatim memoria consenesceret, tum etiam ut in perpetuum haberent nostri homines, vnde omnium domestica peterent documenta virtutum. Quod ego si assecutus fuero, erit cur Deo gratulemur, auctori bonorum omniū: sin minus, nostros certè qualescunque labores, vobis, fratres charissimi, quorum præcipuè gratia suscepti sunt, non ingratos fore confido.

F I N I S.

H VIYS



HVIVS OPERIS

CAPITA.

LIBRI PRIMI.

ORTVS Ignatij, antequam à seculi vanitate conuerteretur . CAP. I.

Pag. 19

Qua ratione à seculi vanitate ad Deum conuersus sit. I I. 22

Ex patria in montem Serratum proficiscitur. I I I. 28

In Serrato Monte vestitum mutat. I I I I. 32

De vita ab eo Manresa instituta. V. 34

Scrupulis angitur, & probatur à Deo. VI. 35

Post tentationes illustratur. V I I. 41.

De Exercitiorum spiritualium libro. V I I I. 49

In grauem morbum incidit. I X. 53

Nauigat Hierosolymam. X. 54

Hierosolymis loca sancta perlustrat. X I. 61

Reuertitur in Hispaniam. X I I. 64

Studia literarum aggreditur. X I I I. 67

Compluti in carcerem conicitur, & absoluitur. X I I I I. 71.

Salmantica rursus comprehenditur, & liberatur. X V. 76

In Parisiensem Academiam studiorum causa contendit. X V I. 82

L I.

LIBRI SECVNDI

Capita.

- Studiorum illius labor & fructus.* I. 43
Ex charitatis officiis in inuidiam vocatur.
 I I. 91
Virgarum periculo liberatur. I I I. 95
Quos socios sibi ascieuerit. I I I I. 98
Lutetia in Hispaniam, inde in Italiam disce-
dit. V. 102
Venetis accusatur, & innocens declaratur.
 V I. 108
Socij Lutetia in Italiam ad Ignatium veniunt.
 V I I. 110
Veneta ditione passim operantur. V I I I. 114
Æger Ignatius aduentu suo Simonem sanat
agrotum I X. 117
Academias Italia inter se distribuunt, & adeunt.
 X. 120
Ignatio Dominus Iesus apparet, & unde Socie-
tatis nomen inditum sit. X I. 122
Vrbem ingreditur: in Casinate montem animam
socij calum inrantem videt. X I I. 126
Roma simul omnes de Societate constituenda de-
liberant. X I I I. 128
Magna Roma in nostros tempestas exoritur, &
sedatur. X I I I I. 132
Ignatius, sociique partim in Vrbe, partim foris
Ecclesiam auuant operam. X V. 138
 Mag.

*Mag. Franciscus Xavier, & Mag. Simon in
Indiam destinantur.* XV I. 140

*Societas à Paulo I I I. Pontif. Max. confirma-
tur.* XV I I. 143

*Dei in Societate instituenda consilium exquiri-
tur.* XV I I I. 146

De fidei Christiana apud Indos propagatione.
X I X. 171

LIBRI TERTII

Capita.

Ignatius prepositus generalis eligitur. I. 188

Ignatij Generalatus initia. I I. 194

*Franciscus Xavier in Indiam proficiscitur: Si-
mon in Lusitania remanet.* I I I. 197

*Alfonsus Salmeron, & Paschasius Broet, in
Hiberniam legantur.* I I I I. 198

*De Collegiis Conimbricensi, & Goensi, ac Ro-
mana domo.* V. 199

Patauinum Collegium. V I. 204

*Confirmatur denuo à Pontifice Max. Societas,
& augendi numeri fit potestas.* V I I. 208

Collegium Complutense. V I I I. 210

*Ignatius in Vrbe pietatis opera instituenda cu-
rat.* I X. 211

Varis locis Collegia instituuntur. X. 217

De morte Petri Fabri. X I. 219

Vniuersi ordinis Carthusiensis erga Societatem

n

cla-

- charitas & benivolentia.* XII. 225
Ignatius benefaciēs malefacta recipit. XIII. 227
Ignatius Societatem feminarum cura liberat.
 XIII. 230
Ne ad Ecclesiasticos honores aditus nostris ho-
minibus pateat, Ignatius summa vi apud
Pontificem nititur. XV. 233
Varia Collegia. XV. 243
Magistri Generalis ordinis Pradicorum de
Societate publicum testimonium. XVI. 246
In varias Africa regiones penetrant nostri.
 XVI. 249
Sicilia Societatem complectitur. XIX. 251
Nostri in Brasileam nauigant: & pro Christo
Antonius Criminalis occiditur. XX. 256
A Iulio Pontif. Max. Societas confirmatur.
 XXI. 258
Societatis Iesu institutum & forma describi-
tur. XXI. 278
Nona Gregorij XIII. constitutio, & instituti
Societatis Iesu confirmatio. XXI. 302
Collegia cur habeat Societas ad instituendam
iuventutem. XXI. 326

LIBRI QVARTI

Capita.

- Abdicare se Generalatu conantem Ignatiū So-*
cj prohibent. I. 363
Constitutiones ab Ignatio perscribuntur. I. 365
 Ro.

Romani collegij institutio. I I I. 368

*Collegia aliquot in Hispania nostri instituunt:
ab Archiepiscopo Toletano vexantur.*

I I I I. 371

*Provincialis in Italia declaratur Laines: Vien-
na moritur laius.* V. 374

*Collegij Germanici instituendi initium, & cau-
sa.* V I. 377

Francisci Xavier obitus. V I I. 381

Corfica lustratur à nostris. V I I I. 394

*In exercitia spiritalia inquiritur: in Hispaniis
distribuuntur prouincia.* I X. 396

Varia Collegia. X. 398

Sorbonensis Collegij in Societatem decretum.

X I. 400

*Petrus Correa, & Ioānes Sossa à Barbaris tru-
cidantur.* X I I. 404

*Ioannes Nugnetius Æthiopia patriarcha crea-
tur, & in Indiam mittitur.* X I I I. 409

*Casaraugusta seditione ab aduersariis concita-
ta, nostri urbe cedunt: mox honorifice reuo-
cantur.* X I I I I. 408

*In Belgica nostris patefit aditus: variis Collegiis
Societas augetur.* X V. 417

*Ignatius obdormit in Domino anno 1556. prid.
Kal. Aug.* X V I. 420

De Ignatio viri grauisissimi quid senserint.

X V I I. 425

De statura corporis eius. X V I I I. 434

n 2 LI-

LIBRI QVINTI

Capita.

De orationis spiritu Ignatij.	I. 438
De charitate illius.	II. 449
De humilitate.	III. 458
De obedientia quid senserit.	IIII. 462
De mortificatis affectibus.	V. 470
De modestia, atque efficacia sermonis.	VI. 475
Seueritatem quomodo cum benignitate temperauit.	VII. 487
De commiseratione.	VIII. 490
De magnitudine animi.	IX. 493
De rerum spiritualium prudentia.	X. 505
De prudentia rerum gerendarum.	XI. 528
De vigilantia & sollicitudine.	XII. 539
De miraculis per eum factis.	XIII. 539

RE.

RERVM MEMO- RABILIVM

INDEX.

A.

A aula auocare homines, religiosi officium
est, non in aulam inducere. Pag. 53
Abdicare sese magistratu conatur Ignatius.

363

Abstinentia Ignatij. 34-39

Abundantiam nostris falso obiectam Cæsaraugu-
stani deprehendunt. 414

Accusatorum Ignatij quis finis. 138

Admonitor generalis. 299

Adriani v. i. benedictionem accipit Ignatius. 58

Aegrotorum, curandorum in Ignatio sollicitudo.
490. 491

Æthiopum religio quæ. 405

In Æthiopiam nostri mittuntur. 407

Affectuum Ignatij mortificatio. 470

Albertus dux Bauariæ duo collegia nostris consti-
tuit. 255

Albinus Bedæ in schola succedit. 344

Alexander Magnus Aristotelem præceptorem ha-
bet. 334. Leonidis vitia imitatur. 336

Alexander Farnesius Cardin. templum nostris Ro-
mæ ædificat. 203. Collegium Montis Regalis
alit. 400

Alphonfus Fonseca Archiep. Tolet. Ignatium viati-
co benigne iuuat. 75

Alphonfus Salmeron Ignatium sequitur. 100

In Hiberniam mittitur. 198. Angliæ Regis ma-
nus

INDEX.

- nus effugit. *ibid.* Pedes in Italiam rediens Lugdu-
ni in carcerem conicitur. 199. in Concil. Tri-
dent. 222. Ingolstadij docet. 254. 255. Nea-
politanum collegium promouet. 375. in Polo-
niam ex Societate primus proficiscitur. 419
- Andreas Lipomanus Patauinum collegium fon-
dat. 204. 205. & domum Venetam. 254
- Andreas Quietus Episcopus creatur, & in Æthio-
piam mittitur. 407
- Angli adolefcentes in cœnobiis à D. Gregorio alun-
tur. 342
- Angolæ Rex nostros humaniter accipit, & in carce-
rem trudit. 251
- Antonius Araoz Pintæ. 218. Barcinone. 244.
Prouincialis in Hispania. 244. Prouincialis Ca-
stellæ. 398
- Antonius à Corduba collegium Cordubæ institui
curat. 397
- Antonij Criminalis mors & virtutes. 256. 257
- Antonius eremita Bassani. 117. De Ignatio hu-
militer sentiens à Deo castigatur. 118. 119
- Apostatas pecunia non iuuandos, sed ad religionem
reuocandos censet Ignatius. 537
- Apostoli propter Dei verbum, viduarum curam in
Diaconos relinunt. 283
- Archiepiscopus Maguntinus & Treuerensis colle-
giorum nostrorum fundatores. 359. 360
- Aristoteles de puerorum educatione. 334
- Assistentes Generalis qui, & quod eorum officium.
298. 299
- Authoritatem Ignatio quæ concilient. 487. 488
- Augustinus à Castello Casaraugustæ nostros de-
fendit. 416
- Augustinus Pedamontanus hæreticus Romæ à no-
stris refutatur. 132. Positalarua se prodit. 138
- Augustiniani publicum gymnasium Ticini ha-
bent. 344

INDEX.

B.

- B**artholomæus Bustamantius nouitiorum moderator 399
- Bartholomæus Guidicionius Cardinalis principio Societatis confirmationi repugnat, postea fauet. 144
- Basilii monachos puerorum magistros esse vult. 342. eosque in Cœnobiis educari. 344
- Beda scholam habet. 343. 344
- In Belgicam Prouinciam qua ratione nostri primum ingressi. 207
- in eadem Belgica nostris constituendi collegia fit potestas. 418
- S. **Benedictus** pueros suis in cœnobiis instituit. 343
- Benedictini monachi docendo florent. 343. 344
- Bernardus Iaponius Romam ad Ignatium venit. 391
- de Francisco Xauier testimonium. 392
- Bernardus Oliuerius inferioris Germaniæ primus Prouincialis moritur. 418
- Beneuolentiam suorum Ignatio quæ conciliabant. 490
- S. Bonauentura opportuno tempore datus Ecclesiæ. 303
- In Brasileam nostri nauigant. 256
- In Brasilea nostrorum domicilia. 404. 405
- Brasileæ Emanuel Nobrega Prouincialis. 405

C.

- C**æsaraugustæ magna in Societatem tempestas excitatur. 408
- Cæsaraugusta nostri excedunt, & reuocantur. 415
- Cæsaraugustana tempestate Societas crescit. ibidem.

INDEX.

Casaraugustanus Archiepiscopus edicta sua in Societatem reuocat.	415
Caluinistæ orbis terrarum incendium.	168
Cardinalibus tribus Societatis confirmandæ negotium datur.	143.144
Carolus Archidux Austriæ Græciensis Collegij author.	159
Carolus Borromeus Cardin. Mediolanensis Collegij fundator.	159
Carolus Lothoringus Cardin. Pontemolsonij Collegium constituit. ibid.	
Carolus Quintus Augustus Panormitanum collegium stabiliiuit.	254.326
Carthusianorum in nostros charitas.	215.226
Castellanorum in Indiam nauigatio.	176
Castellanorum nauis totum orbem circumdedit.	177.178
Castitatis votum Ignatij.	31
Catharina Fernandez à Corduba Plieghij marchio Montillæ collegium ædificat.	417
Catechumenorū domus Romæ Ignatij opera ædificata. 112. S. Marthæ. item. 215. & S. Catharinæ de Funariis.	216
Catholicorum Regum in noui orbis inuentione fecit.	177
Charitas Ignatij eiusque exempla. 449. erga peccatores ibid. aduersus inimicos. 451. erga tentatos. 455. in homines de se benemeritos. 456. in ægrotos. 490. 491. in omnes fugiendo lites. 457.	
Charitas verā proximi etiam propter Deum rationem habet.	97.519
Chorus ad constituendam religionem non necessarius.	182
Chorum non habuit ordo S. Dominici suo principio.	282
Chorū non habet Societas, & quare. 281. 283. 284.	

INDEX.

Chorum instituisse Ignatius, si animo suo indulgere voluisset.	474. 475
Christus Dominus Ignatio apparet.	59. 64. 122
Christus Ignatio se fore propitium spondet.	123
Christi Ascensionis vestigia in monte Oliueti.	63
Claudius Iaius Ignatii socius.	101. Brixiz. 139
Ingolstadij.	255. Viennæ. 376. moritur, eiusq. virtutes. ibid.
Clemens Alexandrinus Catechista.	344
Coadiutores Societatis.	294. 295
Cocum agit Ignatius	194
Cogitationum Dei & mundi differentia.	21. 23
Collegia Ignatio viuentē erecta.	Abulense. 396.
Barcinonense.	399. Bibonense. 419. Billo-
mienne.	401. Bononiense. 244. Burgense.
372. Casaraugustanum.	244. Catinense. 419.
Coloniense.	418. Complutense. 210. Con-
chense.	399. Conimbricense. 200. Cordu-
bense.	397. Eborensē. 396. Ferrariense. 375.
Florentinum.	ibid. Gandiense. 219. Genuense.
400. Germanicum.	377. Goense. 201. Gra-
natense.	399. Hispalense ibidem. Ingolstadien-
se.	256. Lauretanum. 400. Louaniense. 418.
Luterianum.	401. Messianense. 253. Metinen-
se.	372. Montillanum. 417. Montis Regij in
Gallecia.	ibidem. Montis Regalis in Sicilia. 399.
Murcianum.	417. Mutinense. 394. Neapolita-
num.	375. Ocaniense. 417. Ognatense. 372.
Panormitanum.	253. Parisiense. 401. Pata-
uinum.	204. Perusinum. 394. Pistorianū. 218.
Placentinum.	399. Pragensē. 403. Roma-
num.	366. Salmantinum. 244. Senense. 419.
Syracusanum.	400. Tyburtinum. 214. Tor-
racense.	418. Valentinum. 218. Viennen-
se.	375. Vlyssipponense. 396
Collegia alia.	Avinionense, Bransbergenſe, Chame-
	n 3 rita-

INDEX.

stianum, Claudopolitanum, Dilingense, Græciense, <u>Hallense</u> , <u>Legionense</u> , <u>Maguntinum</u> , Malacense, Mantuanum, Materense, Mediolanense, Monachiense, Plosciense, Pontemessolanum, Rigense, Talabricense, Taurinense, Tercerense, Toletanum Treuerense, Turnonense, Villagarcien- se, Villaretanum.	359.360
Collegij Germanici instituendi causæ.	377
Collegium Marchetanum.	406
Collegium Romanum multorum collegiorum quasi fons est.	370
Collegia ad instituendam iuuentutem cur habeat Societas. 326. latissime. eorum fructus.	345.
causæ huius fructus.	347
Collegia Societatis redditus in communi habent, & quare.	295.356
Collegiorum Societatis fundatores. 356. & deinceps.	
Collegiorum fundatoribus quam gratiam Societas referat.	361
Collegia Societatis fundare vtilissimum & Deo gra- tum.	356
Collegia seminaria olim à conciliis instituta. 340. & nouissime à Concil. Trident.	340.341
Colloquium Ignatij cum Sum. Pontif. 235. cum quodam Cardinali. 479. cum ecclesiastico vi- ro.	480
Compendiosa ad perfectionem via quæ.	527
Concionator quidam hæreticus Romæ tempesta- tem in nostros commouet. 132. Parmæ Socie- tatis amicos vexat.	108
Concio prima Ignatij.	103
Conciones Ignatij quales.	116.195
Concionatoribus quid tenendum ex Ignatio.	536
Concordia nihil valentius ad res arduas.	130
Con-	

I N D E X.

Constitutiones condendi autoritas.	266
Constitutiones Ignatii scribens mirifice illustratur à Deo.	366
Constitutionum præcipua diuinitus Ignatius accipit.	440
Constitutiones Ignatii in primo generali conuentu comprobantur. 365. à sede Apostolica confirmantur.	317
Consuetudinis nostrorum cum externis præcepta ex Ignatio.	533
Conuersio Ignatii ad Deum ex lectione bonorū librorum ortum habet.	22
Corficani lustrant nostri, & vexantur.	394
Crucis Christi thesauri.	81

D.

D ecretalis Innocentij LII. Cū infirmitas, Ignatii opera renouata.	211
Decretum Sorbonicum in Societatem. 400. 401. euanesce. 403. ab Inquisitoribus Hispaniæ damnatur. ibidem.	400. 401.
Defectus suos Ignatius quomodo deploret. 446. 506	446. 506
Dæmon Ignatium terrere conatur. 503. suffocare item. 504. verberat. 505	503. 505
Dæmon Ignatio apparet, & qua specie. 44. illustrationes falsas immittit & repellitur. 68. 86	44. 68. 86
Dæmon Ignatium timet, & quid de illo dicat. 486	486
Dæmon qua hora maxime infestus. 517	517
Dæmon verbo Ignatii expulsus. 485	485
Dæmon cum Luthero disputat. 167	167
Dæmonem se nosse ait Lutherus. ibidem.	
Dæmonis arte quomodo ad salutem aliorum vitandum. 534. 535	534. 535
Deus Ecclesiæ suæ defensores semper mittit. 150. copiose.	150.

Deus

I N D E X.

Deus hæreticorum iniurias interdum dissimulat, & quare.	160
Dei prouidentia religionibus instituendis maxime elucet.	147
Dei in Societate instituenda consilium.	148
Deus vehementius defendit, quæ diabolus acrius oppugnat.	517
Discordia religiosum statum evertit.	57
Doctrinæ Christianæ explicandæ votum.	192
Doctrinam Christianā in patria tradit Ignat. 103. & Romæ.	195
Doctrinæ nouitas vitanda nostris ex Ignat. 511. 512	
Dominicani patres chorum initio non habent. 282. pueros instituunt.	344
Dominicani ordinis Magistri Generalis de Societate testimonium.	246
Domus nouitiorum & professorum.	295
Domus probationis prima Messanæ.	253
Domus probationis Conimbricæ. 396. Simancæ.	399
Domus professorum Romana mater Societatis.	202
Domus professorum Pinciar. 218. Toleti. 374. Venetiis. 254. Vlyssipponæ. 201. & 376.	

E.

Eucharistiæ sumendæ frequenter vsus à nostris reuocatur.	128
Eucharistiam percipiendi crebro utilitas maxima, ex Ignatio.	526
Edmundus Campianus Societatis martyr.	125
Eleemosynam ad Hierosolymitanum iter acceptam integram nostri restituunt.	129
Eleemosynam sæpe nostri diuinitus accipiunt.	497

I N D E X.

- Eleëmofynis conquisitis ingentem egenorum tur-
bam Romæ noſtri alunt. 139.
- Elifabetha Angliæ Regina. 169
- Elifabetha Roſella Ignatiũ in templo refulgentem
videt. 56. victu benignè alit. 68. Romam ve-
nit. 231
- Epiftola Ignatij ad Ducem Naiaræ. 473. ad Elifa-
betham Roſellam. 232. ad patres Societa-
tis. 364. ad religioſum quendam minas inten-
tantiem. 451. de obedientia. 464.
- Epiftolas expatria allatas Ignatius in ignem conii-
cit. 445. 446
- Epiftola P. Fabri ad Iacobum Lainem. 223. Ioan-
nis Vegæ de morte Ignatij. 163
- Epiftolas ſcribit Xauierus ad Ignatium in genua
procumbens. 428
- Eraſmi Roterodami libros reliquit Ignatius & in So-
cietate legivetat. 69. 512
- Euerardus Mercurianus Peruſiæ. 394
- Examen conſcientiæ Ignatij. 441
- Exercitiorum ſpiritualium liber. 48. eius appro-
batio per Sedem Apoſtolicam. 53. examinatio
Salmanticæ. 79. deſcriptio ab inſpectore Do-
minicano. 93. ventilatio in Hiſpania. 396
- Exercitia ſpiritualia ad eligendum ſtatum maxi-
mè vtilia. & quare. 50. 51.
- Ex malo corrupto qua ratione mala incorrupta poſ-
ſint naſci. 336

F.

- F**OEminarum curam à Societate depellit Igna-
tius. 230
- Fœminarum familiaritas periculofa, ex Ignatio. 515
- Ferdinandus Imperator Claudium Iaiũ Episcopum
Tergeſtinum creari ſtudet. 234. & Petrum Ca-
riſium

I N D E X.

- nifium Viennensem. 239. collegium Oenipontanum, & Pragenfe, & Viennense conftituit. 358
- Fiducia Ignatij in Deum. 55. 59. & 495
- Francifcana familiz in Societatem beneuolentia. 249
- Frâcifcus Blancus Archiepifcopus Compoftellanus, Compoftellanum & Malacense collegia conftituit. 360
- Francifcus Borgia Dux Gandiz collegium ædificat. 219. Societatem ingreditur, ac Fabro fuccedit. 224. multos ad Societatem adducit. 215. collegium Roman. inchoat. 366. Hifpalense ite. 398. Commiffarius in Hifpania. ibid. præpofitus tertius Generalis. 366. de Ignatio quid fentiat. 428
- Francifcus Mendoza Card. 80. 81. 244. 372. 419.
- Frâcifcus Michaëlius, Urbis præfectus, noftros calumniam liberat. 228. 229
- Francifcus Romæ Prædicatorij Ordinis Magifter Generalis Societatem fuis commendat. 246
- Francifcus Strata Louanij. 207. Salmanticæ. 245. Burgis. 372. Aragoniz prouincialis. 398
- Francifcus Villanoua Compluti. 210. Cordubæ. 397
- Francifcus Xauerius Ignat. fequitur. 100. in Indiam deftinatur. 141. ex Lufitania in Indiam foluit. 197. 381. de Ignatio quid fentiat. 428. epiftolas genibus flexis ad Ignarium. fcribit. ibidem.
- Francifci Xauerij commendatio ex Bernardo Iaponio. 392. corporis incorruptio & tranflatio. 393. labores. 381. miracula. 391. mors. 389. obedientia. 142. Prophetiz fpiritus. 393. Virtutes. 388. per fomnum vifio. 143
- Fuluius Corneus Cardinalis, Perufini Collegij fundator. 357
- Fundatores collegiorum Societatis qui fint. 357. quam

INDEX.

quam gratiam eis referat Societas. 361. omnes nostri pro illis apud Deum sunt deprecatores. ibidem.

G.

Gaspar Contarenus Cardin. Societatis institutum Pont. Max. Ignatij nomine proponit. 143

Gaspar Quiroga Card. Toletan. Talabricę & Toletę collegia fundat. 359. de Ignatio quid sentiat. 430.

Generalis Præpositi prima electio. 189

Germanicum collegium, eiusque instituendi causa. 121. laborat, & suscitatur ab Ignat. 379. excitatur & stabilitur à Greg. x r r i. 377. de Collegio Germanico Ignatij vaticinium. ibidem.

Gomezus Figueroa, Dux Ferie, Societate fouet. 418

Gratis sua ministeria Societas impedit. 265. & quare. 281

D Gregorius Magnus pueros canentes corrigit. 313

Anglos adolescentes alit in cœnobis. 343. ne Diaconi cantores eligantur statuit. 283

D. Gregorius Nazianzenus versus ad pueros docendos scribit. 353. Constantinopoli excedit. 413. nihil præcipiebat quod prius non fecisset. 538

Greg. x r r i. Pont. Max. seminaria passim ædificat. 358. collegium Rom. fundat. ibid. & 371. in Iapone alterum inchoat. 358

Societatis institutum declarat & confirmat noua constitutione. 304

Gubernatio Societatis quæ. 297. ex Monarchia & Aristocratia constar. 300

Gulielmus Dux Bavarie Catholicæ fidei propugnator. 254. 255

Gulielmus à Prato. Episcopus Claramontanus, collegiū Billiomense ac Lutetianū nostris fundat. 401

Gatic.

I N D E X.

Eutierius Carauaius Placentinus Episcopus **col-**
legium nostris ædificat. **399**

Gymnasia literarum in cœnobiis habentur. **343**

H.

Habitum peculiarem cur non sumpſit Societas
Iesu. **281**

Hæretici **noſtri** temporis quæ damna nobis intule-
rint. 154. 155. & deinceps copioſe.

Hæreticorum ſectæ variæ, & inter ſe pugnantes. 156

Hæreticorū crudelitas. 156. impietas. 157. rebel-
liones. 162. conſpirationes in Principes catholi-
cōs. ibidem.

Hæretici Turcas in Chriſtianos ſolicitant. ibid.

Hæretici Sutores Regem creant. 165. naturam per-
uertunt. **167**

Hæreticorum ſpiritus eſt Satanæ ſpiritus. ibid. **168**

Hæreticorum præteritorū Lutherus teterrimus. 168

Hæreticorum in Societatem odium. 149. 150

Henricus Card. Eboreſe collegium conſtituit. 396

Henricus Luſitanæ Regis filius primus nauigatio-
nem in Indiam tentauit. **175**

Hieronymus Domenech Valentinum collegium in-
ſtituit. 218. in Belgio. 107. in Sicilia. 254. Sici-
liæ Prouincialis. **244**

Hieronymus Natalis Meſſanæ. 253. eius nauſtra-
gium. 375. Commiſſarius Generalis in Hiſpa-
nia. **398**

Hieronymo Natali prædicit Ignatius tutam nauiga-
tionem in Hiſpaniam. **532**

Hieronymus Veralus Nuncius Apoſtolicus inno-
centiam Ignatij Venetiis defendit. 110. vota no-
ſtrorum Patrum excipit. **114**

D. Hieronymus de infantulæ educatione præcepta
tradit. 335. puellæ ſe magiſtrū & nutritiū ſpon-
det. 355. ſacram ſcripturā paſſim tractari ab im-
peritis conqueritur. **153**

Hiero-

INDEX.

- Hierosolymis loca sancta perlustrat Ignatius. 62
 Hierosolymitanam professionem Ignatius & socij
 vouent. 100. 101. ab ea diuinitus excluduntur. 115
 Hispaniarum ex conseruata religione felicitas. 168
 Honores Ecclesiasticos nostri quos reiecerint. 234.
 vel admiserint. 407
 Hozius Hispanus Venetijs Ignatio se adiungit. 108.
 Patauij in carcerē truditur. 121. eius mortui ani-
 mam cælos intrantem Ignatius videt. 128
 Humilitas Ignatij. 452. copiose. In eij morte resplē-
 det. 422. in Generalatus recusatione. 461
 Humilitate aditum ad excelsa muniendum ex Igna-
 tio. 458

I.

- I**acobus Goueanus verbera Ignatio parat. 96. No-
 stros in Iadiam mittendi Regi Lusitaniæ au-
 thor est. 140. 141
 Iacobus Laines Ignatio adiungitur. 100. Vicetiæ
 ægrotat. 117. Romæ Theologiam proficitur. 126
Parmæ ac Placentiæ. 139. Venetijs. 204. Triden-
 ti in Concilio. 223. Genuæ. 400. Perusij. 394. in
Sicilia. 253. in Africa. 375. Italiæ prouincialis.
 ibidem.
 Iacobus Laines de Ignatio quid senserit. 425
 Iacobum Lainem præpositum Generalem Societa-
 tis futurū Ignatius prædicit. ibidem. & 375. Dolo-
 re correptum quomodo Ignatius tractauerit. 492.
 Iacobus Mironus Conimbricæ & Valentia. 218
 Lusitaniæ prouincialis. 397
 Iaponij iuuenes obedientiam Gregorio Pont. Rome
 offerunt. 176. ab eo benigne accipiuntur. ibid.
 à Sixto v. honoribus & muneribus aucti dimit-
 tuntur. 358
 Iesus Dominus Ignatio apparet. 123
 Ignatij abstinentia. 34. 40. admiratio. 444. adole-
 scen-

INDEX.

- scientia. 19. 20. æquabilitas & constantia. 444.
 ætas. 423. castitatis votū. 31. charitas erga proxi-
 mum. 449. commiseratio in ægros. 490. con-
 ciones. 116. 195. conscientia examinatio. 283. de-
 notio. 281. Exercitiorum liber. 49. fiducia in
 Deum. 55. & 493. genus. 19. gratitudo. 455. Hie-
 rosolymitana nauigatio. 57. humilitas. 421. 458.
 illustrationes diuine. 41. 115. 366. lacrymæ. 115.
 365. 438. 443. magnitudo animi. 493. māsuetudo.
 487. miracula. 543. 554. morbi, & in eis patiētia.
 20. 21. 53. 404. obediētia. 40. 190. de obediētia
 religiosa iudiciū. 463. obitus. 422. oratio. 438.
 orandi modus. 445. ortus. 19. parentes & patria.
 ibid. paupertatis studium. 57. pœnitentia. 34.
 persecutiones. 65. 73. 79. 96. 109. 132. 227.
 Ignatij præcepta de cōsuetudine cū externis. 533.
 profectio in Serratum montem. 29. profectus in
 spiritu quotidianus. 442. prudentia. spiritua-
 lis. 505. prudentia rerum gerendarum. 528; re-
 ditus in Hispania n. 64. 101. scrupuli. 38. sermo-
 nis modestia & efficacia. 475. seueritas & su-
 mita: in disciplina. 487. socij. 71. 98. statura. 434.
 studia. 68. 71. 87. tentationes. 36. 65. vestitus mu-
 tatio. 33. vestitus. 31. 64. 71. 434. victus. ibidem.
 vigilantia. 539. vocatio ad Deum. 22. vocatio-
 nis tempus. 149. 423.
 Ignatij gesta Barcinone. 56. 67. Bononiæ. 107.
 Compluti. 71. in Casinate monte. 126. Ferrariæ.
 65. Hierosolymis. 61. Lutetiæ. 83. Manesæ. 33.
 Patauij. 59. in patria & Hispania reliqua. 105.
 Rothomagi. 94. 454. Romæ. 58. 126. Salman-
 ticæ. 76. in Serrato monte. 32. Venetiis. 60. 65.
 108. Vicetiæ. 116.
 Ignatio Petrus Apost. sanitatem offert. 21.
 Ignatio B. Maria apparet. 25. 27. 43.
 Ignatio Dominus Iesus se ostendit. 123.
 Ignat

I N D E X.

- Ignatio Societatis cursus significatus à Deo. 329
 Ignatius Luthero à Deo oppositus. 149. 170. 413
 Ignatij iudices iidem innocentia testes. 134
 Ignatius ex cæli aspectu excitatur in Deum. 27
 Ignatium desertum Christus consolatur. 59
 Ignatio orante cubiculum concutitur. 25
 Ignatium terrere conatur **diabolus.** 503. suffocare
 item. **ibid.** verberat. 504
 Ignatius Lutetia multos ad religionem adducit. 91.
 Cornelium Flandrum in recitandis precibus scrupulose hærentem explicat. 520. Doctorem Theologum ludens Christo adiungit. 522. hominem à suspendio diuinitus liberat. 508. Nouitiũ Germanum domo abire parantem retinet. 521. Religiosum quendam perditum mirabili artificio ad sanitatem reducit. 506
 Ignatius aduersus mortem qualis. 53. 107. 365. 420.
 442
 Ignatij liber Constitutionum. 365. Exercitiorũ. 48.
 de Trinitate. 42
 Ignatij de vero ac spiritali profectu iudicium. 509.
 de religiosa quadam fœmina stigmata habente. 513.
 de Magdalena item de la Cruz Cordubensi. 514
 Illustratio insignis Ignatij. 44. 45
 Imago Ignatij nulla perfecta, & quare. 435. quæ
 maximè ad veritatem accedat. **ibidem.**
 Inquisitori Lutetia bis se sistit Ignatius. 93. 94
 Inquisitionis Romanæ initium. 209. & Hispanæ. 169. eius necessitas. 170. Ignatij ad inquisitionem respectus. 524
 Instituti Societatis formula. 264
 Institutum Societatis à multis Pont. Max. confirmatum, & à Concil. Trident. laudatum. 305. à Gregorio X^{II} defensum. 311. copiosè explicatur. 279. 305

I N D E X.

- Instituti Societatis firmamēta diuinitus accipit Ignatius. 441.
- Ioannes Auila de Ignatio quid sentiat. 433.
- Ioannes Codurius Ignatij socius. 101. eius patria obitus, virtutes, gloria. 193. 194.
- Ioannes à Corduba nostros explorat, & collegium instituit. 397.
- Ioannes Crucius noster obsonator pecuniam diuinitus accipit. 498. 499.
- Ioannis Dōminici de Cupis Card. cum Ignatio colloquium. 479.
- Ioannes Moronus Card. instituendi collegij Germanici author. 377.
- Ioannes Nuñez in Mauritania. 249. Æthiopix Patriarcha designatur, & Goæ moritur. 251.
- Ioannes Sosa pro Christo occiditur. 404.
- Ioannes Siliceus Archiep. Toler. nostros exercet. 373.
- Ioannes Tertius Lusitanix Rex nostros in Indiam mittendos curat. 140. 199. in Brasileā item. 256. Contimbricense & Goense collegium constituit. 199. 200. patriarcham Æthiopix in Indiam mittit. 407. Ignatij res diligenter inuestigat. 429.
- Ioannes Vega in Sicilia Societatis collegia institui curat. 253. Aphrodisium expugnat. 375. de Ignatio quid sentiat. 430. 431.
- Iulius tertius Pont. Max. Societatem confirmat. 416.

L.

- L**acrymæ primæ Ignatij. 32. copiosæ. 116. præ mortis desiderio. 365. in regularum scriptione. 438.
- Lacrymas Ignatius ad arbitrium suum regit. 443.
- Leonora Mascharenas. 73. 420. 446.
- Liber Ignatij de Trinitate. 42.
- Librum bonum suspecti authoris in Societate legi vetat Ignatius, & quare. 512.
- Libel-

I N D E X.

Libellum de imitatione Christi probat Ignatius, & moribus exprimit.	ibidem.
Litium fugitans Ignatius.	417
Loiolarum familia.	19
Ludouicus Calataiud Ocaniensis collegij fundator.	417
Ludouicus Gonzalez in Mauritania. 249. de Ignatio quid sentiat.	429
In Lusitaniam nostri proficiscuntur.	141. 201
Lusitanorum nauigatio.	174
Lusitanorum Regum in Societatem beneficentia. 199. 358. in Christiana Religione amplificanda felicitas.	175
Lutetiæ Societas vexatur.	402

M.

Magdalena Austriaca Hallensis collegij fundatrix.	359
Magdalenz Villoz in Deum pietas, & in nostros beneficentia.	360
Magistri aliorum quales ex Ignatio.	509
Marcelli Pont. Max. de Ignatio iudiciũ. 241.	429
Maria virgo Ignatio apparet.	26. 43
Mariæ virginis patrocinium.	31. 32
S. Maria à Strata templum nostrum Romæ.	202
Maria Manrique Barcinonenſis collegij fundatrix.	360
Maria Mendocia complutense collegium redditibus stabiliiuit.	ibidem.
Maria à Tolero Archi-dux Marchenz collegium ædificat.	417
Martini Garziæ fratris ad Ignatium oratio.	28
Martinus Lutherus quo tempore, & vbi natus. 149. eius hæresis origo & progressus. 151. & deinceps.	
Martinus Lutherus omniũ hæreticorũ teterrim⁹.	167

INDEX.

Martino Luthero Ignatius à Deo oppositus.	150. 429
Martinus Olavius Ignatio eleëmofynam tribuit.	71.
Romanum collegium illustrat.	369. cum Marcello 1-1. de dignitatibus in Societatem non admit-
tendis disputat.	241
Martyres Societatis septuaginta septem.	183. Ignatij familiam Dei familiam esse ostendunt.
Matthæus Ori quæsitior Dominicanus.	93. 135
Mendicitas impedimentum affert studiis.	88
Meretriculas ab imputitate auocat Ignatius.	214
Michaël Hispanus Romæ nostros accusat.	132. exilio mul&atur. ibid. Ignatium occidere volens diu-
nitus terretur.	454. in Societatem ab Ignatio ad-
mittitur, & discedit. ibidem.	
Michaël Torrensis Salmanticæ.	245. Bethicæ Pro-
uincialis.	398
Minorum in publico conuentu decretum de Socie-	
tate.	242
Miracula nō necessariò sanctitati coniuncta.	540. co-
piose.	
Miracula Ignatij multa & magna quæ sint.	543
Miracula per Ignatij filios apud infideles.	547
Missæ sacrificium primùm Ignatij.	122
Missam qua deuotione Ignatius faciat.	442
Modestæ regulas scribit Ignatius.	344. Illis promul-
gandis mirum quid accidit. ibidem.	
Mores nouos induci in Societatem Ignatius non pa-	
titur.	488
Mores Societatis.	551
Mortificatio perfecta Ignatij quæ.	445
Mortificatio quanti facienda ex Ignatio.	447. ho-
noris difficillima.	448
Mysteria fidei Christianæ quàm fixa in mente Igna-	
tij.	43
Negli-	

- N**egligentem in quodam ministerio quendam
quomodo arguit Ignatius. 526
Nicolaus Bobadilla Ignatij ductum sequitur. 100.
in Calabria. 139. in Germania. 199. à profe-
ssione Indica Ischiade impeditur. 142
Nouitij Societatis duos annos probantur. 286. &
quare. ibidem. quibus præceptis erudiuntur. 288.
qua cautione tractandi. 316
Nouitium quendam Ignat. abire volentem qua ar-
te retinet. 521. alterum eiicit. 487.

O.

- D**E Obedientiæ voto Patrum consultatio. 130
Obedientiæ laudes ex Ignatio. 462. eius gradus
& perfectio. 463 eius adipiscendæ adiuumenta. 465.
Obedientia perfecta Ignatij. 469
Obedientiam ab ægrotis exigit Ignatius. 492
De Obedientia Xaverius quid senserit. 391
Obedit Ignatius apprimè confessorio. 39. 190. Pon-
tifici Maximo. 357
Oratio Ignatij. 34. 438. magis passiva quàm activa.
445. quotidiana pro principibus Christianis. 446.
assidua. 442. intensa. ibid. tranquilla. 445
Orat Ignatius semper antequàm res graues decernat.
438. studiosius cum scribit regulas. ibid.
Orandi modus Ignatij cum de rebus grauioribus de-
liberat. 439
Orantis exterior compositio. 445
Orantis Ignatij cubiculum contremisit. 15
Oratio & mortificatio coniunctæ esse debent. 448
Oratio proluxa absq. discretionem periculosa. ibidem.
Orbis nouus diuinitus patefactus. 178. multis mi-
raculis illustratus. 179. ab aliis religiosis viris di-
ligenter excolitur. 182

Orbis noui indicia quædam apud vetêres.	173
In Orbe nouo quam latè propagata fides.	176. 177.
546.	
Ordines SS. Dominici & Francisci quo tempore instituti.	150
Orphanorum domus Romæ ab Ignatio constituta.	216
Ottomanici imperij ortus, & amplificatio.	148
Otto Trusses Card. Augustanus.	210. 359

P.

P aschasius Broet, Ignatij socius. 101. Nuncius Apostolicus Hiberniæ. 198. Galliæ Prouincialis.	401
Patres grauissimi Societatis pueros docent.	312
Paulus Iaponius quâ ratione ad Christum conuersus.	387
Paulus tertius Pontifex Maximus Societatem primus confirmat.	143. 203
Paupertas mater nostra ab Ignatio appellatur.	459
Paupertatis studium in Ignatio.	56. 57. 58.
De Paupertate Societatis multis precibus statuit Ignatius.	366
Paupertatis conseruandæ in Societate peculiare votum.	297
Peregrinandi nostrorum ratio.	200
Peruigilium armorum Ignatij.	325
Petrus Apostolus Ignatio affert sanitatem.	211
Petrus Augustinus Oscensis Episc. Societatem defendit.	411. 416
Petrus Canisius ex Germanis ad Societatem primus se adiungit. 221. Ingolstadij. 255. Pragæ.	418.
Prouincialis in Germania.	419
Petrus Correa pro Christo occiditur.	404
Petrus Faber Ignatium sequitur. 99. in Italiam cum sociis venit. 111. Vicetiæ cum Ignatio. 115. Romanam	

I N D E X.

nam cum eodem proficiscitur.	123.
in gymna- sio sapientiæ docet.	126.
Patnam mittitur.	139.
in Germaniam.	188.
in Hispaniam.	199.
Romæ moritur.	219.
eius pueritia, vita, illustrationes & virtutes. ibid. de Ignatio quid sentiat.	427
Petrus Guerrerius Granatensis Archiepisc. Societati fauet.	399. & collegium fundat. ibid. &
	360
Petrus Marchina collegiū Conchese promouet.	399
Petrus Mascharenas orator Regis Lusitanæ.	141
Petrus Ortizius Luteiæ Ignatium suspectum habet.	
	92.
Socios eius Romæ fouet.	113.
exercitiis spiri- tualibus ab Ignatio eruditur.	126.
Societatis ami- cissimus.	ibid.
Petrus <u>Quadratus, collegij Metimnensis fundator.</u>	372
Petrus Ribadeneira in inferiorem Germaniam ab Ignatio mittitur.	418
Philippus Hispaniarum Rex Catholicæ religionis acerrimus propugnator.	168
Philippus Archintus vrbis vicarius de Societate be- nemeritus.	203
Pietatis opera quatenus curanda nostris.	532
Predictiones Ignatij quædam.	530
Præpositus Generalis Societatis perpetuus.	132. 298.
eius autoritas.	269. 298
Probationes & experimēta Societatis decernuntur.	131
Profectu in spiritu vnde metiendus ex Ignatio.	509
Professi Societatis.	296
Professio prima Patrum.	191
Propagatio Societatis.	545
Protogenes scribendi ludū aperit, & miraculis cla- ret.	342
Prouinciales primi ab Ignatio designantur.	244
Prudentiæ spiritualis Ignatij exempla.	348
Prudentia rerum gerendarum.	528
Prudentia quæ opere ad gubernationē necessaria.	519
Prudentia suum modum habeat.	538

INDEX.

Puerorum institutio quanti facienda.	323
Pueros de grauate student hæretici.	339
Pueros Christi odio conatur imbuerè Maximinus Imperator.	338

R.

R egulas quomodo scribit Ignatius.	439
F. Reginaldi Dominican de Virgine quadam interrogatio, & Ignatij responsio.	515
Religiones à Deo opportuno tempore semper institutæ.	151
Religiones ex eleëmofynis viuentes qua ratione excitare hominum benignitatem possint.	511
Reuelationes veræ & falsæ.	46
Reuelationes diuinas cur Ignatius adhuc tyro tam multas accepit.	47
Risus tentatione initio verberibus depellit Ignat.	518
Rodolphus Pius Carpenfis Card. Societatis protector.	152. 400
Romana domus mater totius Societatis.	202
Romani collegij initium, progressus, fructus. multorum collegiorum quasi fons.	366 370

S.

S almantica nostri vexantur.	244
Sententia qua Ignatius sociique innocentes declarantur.	135
Simon Rodericus, Ignatij socius. 100. in Indiam destinatur. 141. in Lusitania remanet.	197. 198
Lusitaniæ prouincialis.	244
Societas Iesu cur dicatur. 123. Religio clericorum est.	279. 300
Societas ad defensionem ac propagatione fidei potissimum instituta.	169. 170
Societatis admonitor generalis quis. 299. asperitates. 281. Assistentes, eorumque officium. 299. chorus. 282. copiose. Coadiutores spirituales & temporales,	

INDEX.

porales. <u>294</u> .	Collegia. 295. 326.	Domus Nouitio- rum & Professorū. 295. finis. 279. fructus. 548. & deinceps. gradus. 294. gubernatio. <u>297</u> . habitus. 281. ministeria. 265. 279. & 306. <u>miracula. 543.</u> <u>447. mores. 551. nouitiatus. 286. pauperias. 305.</u> persecutiones. 553. personæ quæ admittuntur, vel excluduntur. <u>286</u> . præcepta ad suos instituendos. <u>288. Præpositus Generalis. 296.</u> propagatio. 545. scholastici. 295. vota simplicia ante professionē. <u>289. copiose.</u> vota solennia professorum. 296. & alia vota simplicia. ibid.
Ad Societatis ministeria qui sint apti ex Ignat. <u>326</u>		
Sorbonensis collegij in Societatem decretum. 400		
Stanislaus Osius Card. Brasbergensis collegij fun- dator.		<u>319</u>
Spiritus Dei cum spiritu mūdi in Ignat. pugna. <u>23. 24</u>		
Statura Ignatij.		<u>434</u>
Stephanus Almeida Episc. Murciæ collegium insti- tuit.		<u>417</u>
Stephanus Baroellius sanatur Ignatij precibus. 531		
Stephanus Battorus Poloniæ Rex tria collegia no- stris instituit.		<u>359</u>
Studia Ignatij. <u>85.</u> quibus incommodis ad nostram utilitatem affecta fuerint.		<u>88</u>
Stultus haberi cupit Ignatius.		<u>460</u>

T.

T entationes Ignatij.	<u>36. 66. 68. 86</u>
Theatini qui.	<u>109</u>
Theatinorum nomen vnde nostris. ibid.	
Thomas Cottamus martyr.	<u>185</u>
De Trinitate liber Ignatij.	<u>42</u>
Trinitatis mysteriū Ignatio diuinitus innotescit. 41.	
<u>367</u>	
Turnonensis Card. Turnonense collegium nostris donat.	<u>359</u>
	D. Tho.

INDEX.

D. Thomas Aquinas in Casinensi cœnobio educatur. 343. quo tempore à Deo datus Ecclesiæ. 303

V.

- V**anam gloriam initio timet Ignatius. 39. 57
postea vincit. 413
- Venetiis cum Ignatio Socij se coniungunt. 111
- Venetus Senatus se explorata nostros probat. 206
- Venetus Senator diuino instinctu Ignatium con-
quirit. 60
- Verba Ignatij ignita. 200. impolita, sed fortia. 195.
considerata. 475. in laudando parca, in vitupe-
rando parcissima. ibid. simplicia. 475. 476. ad
persuadendum efficacia. Ibidem.
- Verbera Lutetiæ Ignatio parantur. 96. multum Ec-
clesiæ vtilitatis afferunt. 140. 548
- Vestitum Ignatius mutat. 32.
- Vestitus Ignatij. 455
- Victoriæ Tolfae in Societatem liberalitas. 369
- Victoria navis. 178
- Vigilantia Ignatij. 519
- Virginum pudicitia Romæ consultū ab Ignat. 218
- Visionibus diuinis illustratur Ignatius. 41. copiose.
123. 366
- Viso horribili confirmatur in proposito vacillans
quidam Patēr. 119
- Voto se deuinciunt Parisiis Ignatius sociique. 100
votum idem renouant. 102
- Vota castitatis & paupertatis nostri nuncupant Ve-
netiæ. 114
- Vota simplicia nostrorū qualia ante professionem.
280. 281. copiosè.
- Vota solennia professorum. 296. & alia vota sim-
plicia. ibid.
- Votum quartum solenne proprium Societatis. 267.
297. vnde originem habeat. 101
- Voto

I N D E X.

Voto se obstringit Ignatius non admittendi digni-
tate extra Societatem, vt falsam suspensionem de-
pellat. 143

X.

Xenodochij ministeriis probandi Nouitij. 132
Xenodochiis ministrandi probatio vnde ini-
tium habuit in Societate. 112
Xistus v. Pontifex Maximus collegiũ nobis in Ia-
pone perpetuis redditibus stabiliuit. 258

Z.

Zelo feruētēs quomodo Ignatius reprimat. 522,
523

Hæc Reuerendi Patris Igna-
tij Loiolæ, institutoris Religionis
Clericorū Societatis Iesu, vita, pia
admodum, optimisq; virtutū ex-
emplis referta, digna est quæ in
multorum vtilitatē prælo com-
mittatur. Datum Antuerpiæ,
10. Calend. Februar. An. 1587.

*Silueſter Pardo, S. Theologiæ
Licentiatus, Cathedralis Ec-
cleſiæ Antuerp. Canonicus, ac
Librorum Cenſor.*



